




411. 641





# HISTORIA ZARINGO BADENSIS

AUCTOR


IO. DANIEL SCHOEPELINUS

HISTORIOGRAPHUS FRANCIAE

---

TOMUS SECUNDUS

---




---

CAROLSRUHAЕ  
EX OFFICINA MACKLOTIANA

---

MDCCLXIV.



# CONSPECTUS

## TOMI II.

---

### LIBER IV. BADENSIS.

#### III. PERIODUS RUDOLPHINA.

RUDOLPHUS I. Hermanni V. Fil.

C A P. I. - - - pag. 1.

HERMANNUS VII. Rudolphi I. Fil.

C A P. II. - - - pag. 13.

RUDOLPHUS II. Rudolphi I. Fil.

pag. 16.

HESSE Rudolphi I. Fil. - - - - pag. 19.

RUDOLPHUS HESSE

E T

HERMANNUS VIII. Hefsonis

Filii - - - - pag. 23.

RUDOLPHUS III. Rudolphi Fil.

pag. 26.

FRIDERICUS II. Hermanni VII.

Fil. - - - - pag. 33.

HERMANNUS IX. Friderici II.

Fil. - - - - pag. 39.

(\*)

RUDOLPHUS IV. Hermannii VII.	
Fil. CAP. III.	pag. 43.
RUDOLPHUS V. WECKER Ru	
dolphi IV. Fil.	pag. 48.
FRIDERICUS III. Rudolphi IV.	
Fil. CAP. IV.	pag. 53.
RUDOLPHUS VI. LONGUS	
Friderici III. Fil. CAP. V.	pag. 57.

#### IV. PERIODUS BERNHARDIANA.

BERNHARDUS I. Rudolphi VI.	
Fil. CAP. I.	pag. 65.
RUDOLPHUS VII. Rudolphi VI.	
Fil.	pag. 126.
JACOBUS Bernhardi I. Fil.	
CAP. II.	pag. 131.
CAROLUS I. Jacobi Fil.	
CAP. III.	pag. 151.
BERNHARDUS II. Jacobi Fil.	
CAP. IV.	pag. 189.
JOHANNES TREVIRENSIS ELECTOR	
Jacobi Fil. CAP. V.	pag. 195.
GEORG. METENSIS EPISCOPUS	
Jacobi Fil. CAP. VI.	pag. 217.
MARCUS LEODIENS. EPISC. POSTULATUS,	
Jacobi Fil. CAP. VII.	pag. 225.

V. PERIODUS CHRISTOPHORIANA.

CHRISTOPORUS I. Caroli I.

Fil. CAP. I. - - - pag. 237.

CHRISTOPHORI Fratres

ALBERTUS CAP. II. pag. 289.

FRIDERICUS ULTRA-

JECT. EPISC. CAP. III. pag. 293.

CHRISTOPHORI Filii.

JACOBUS II. TREVIR.

ELECTOR. CAP. IV. pag. 311.

PHILIPPUS I. CAP. V. pag. 323.

O R D O

TABULARUM GENEALOGICARUM.

TAB. I.

PROSAPIA RUDOLPHINA pag. I.

TAB. II.

PROSAPIA BERNHARDIANA pag. 65.

TAB. III.

PROSAPIA CHRISTOPHORIANA

pag. 237.

ORDO  
TABULARUM AERI INCISARUM.

T A B. I.

Bickesheimensia Monumenta - - - - - pag.5.

T A B. I I.

Badæ Castrum vetus, incunabula gentis,  
pars adversa Num. I. - - - - - pag.278.

T A B. I I I.

Idem Castrum, pars averfa Num. II. - - pag.278.

T A B. I V.

Ejusdem Castrî latus meridionale Num.III. pag.278.

T A B. V.


Castrum novum Badense cum oppido Bada  
Num. IV. - - pag.278.

T A B. V I.

Christophori Marchionis Familia - - - pag.287.



HISTO-



L P H I N A.

Eberstein vendit ei quartam partem Castris veteris Eberstein pro 375.  
 et primum jus in Comitatum ad Badenses pervenit.

lingen.	RUDOLPHUS III.	IRMENGARDIS,
ss o, Domi-	Stollhavam, Se-	nupta Eberhardo
5. Ux. Jo-	lingam, Hügel-	Comiti de Wir-
omitis Mon-	hemium emtione	temberg.
lrici Comitis	An. 1309. com-	
vidua.	parat, † A. 1332.	
	Ux. Gertrudis,	
EDIS,	Comitissa de	
i V. March.	Strasberg.	

ium in divisione obtinet. Ludovicus Bavarus	HERMANNUS
1 A. 1334. † A. 1348. Ux. 1] Lucarda, Comi-	adolefcens
2] Maria, Comitiffa in Oettingen, † 1369.	† A. 1300.

DERICUS III. † A. 1353.  
 . Margaretha, Rudolphi  
 ffonis, Marchionis Ba-  
 denfis filia.

RUDOLPHUS V. dictus der  
 Wecker, † A. 1361. Ux. Adel-  
 heidis, Rudolphi Heffonis,  
 Marchionis Badenfis filia.

**I** Læwenstein, de Roten-  
 o Electore init, vi cuius  
 æctor decederet. † 1372.  
 um in hunc Comitatum.

**M**ARGARETHA A. 1361. nupta  
 I. Comiti Ruxing. Schafrido, filio  
 Frizmanni, Comitib. Leining. II. Hen-  
 rico, Comiti de Lützelstein.

MECHTILDIS, nupta Comiti Henrico XIII.  
de Henneberg A. 1384 † A. 1421.







HISTORIAE  
**ZARINGO-BADENSIS**  
 LIBER QUARTUS.  
 PERIODUS TERTIA  
**RUDOLPHINA.**

---

C A P U T I.  
 RUDOLPHUS I. A. B. A. 1242. ---- 1288.

---



§. I.  
 Universam Domus Zaringo - Badensis Historiam Nexus.  
 in septem Periodos majores divisimus; qua-  
 rum quatuor priores, Alfato - Brisgovicam,  
 Zaringicam, Hermannianam & Hachbergi-  
 cam Tomus primus exposuit.

*Tom. II.*

**A**

Rudolphina, Bernhardiana & Christophoriana exponendæ superflunt.

Rudolphina, quam aggredimur, sex constat Rudolphis; quorum primus & sextus Marchiam omnem, reliqui in partes divisam, possederunt, quibus Principis dignitas fere fuit onerosa.

Sex Hermannis ergo, quos supra enarravimus, sex succedunt Rudolphi; centum & viginti circiter annorum explentes spatium, suo sine memorabile; quod Rudolphus VI. dispersas in corpus recollegerat partes; cui novum vigorem & pristinum robur conciliavit successor, novæ epochæ conditor, Marchio Bernhardus.

## §. II.

Rudolphus I.

Rudolphus Badenses inter Marchiones hujus nominis primus; Hermanni V. ex Irmengarde Palatina filius; Hermanni VI. qui genus suum in Austria propagaturus credebatur, natu junior frater; stirpem Badensem propagavit in Marchia.

Hermannus perpetuas inter turbas rexerat Austriam. Rudolphus in diuturno illo Germaniæ interregno, quod vocant, Marchiam regens, illi parti adhæsit, quæ Hohenstauffiis adversa, Henricum Rasponem, Thuringiæ Landgravium, atque deinceps Richardum, Regis Angliæ fratrem, Germanorum Reges agnovit.

§. III.

Munificus & liberalis in ecclesias, more gentis suæ & seculi, fuit noster Rudolphus. Munificentia in ecclesias.

Junctis enim cum fratre Hermanno consiliis jura patronatus in Ettlingen & Baden, decimas in Iffstheim, villas Winden & Buere, curias in Offe & Eberstein aliaque bona A. 1245. matri suæ donavit; quæ, condito a se prope Badam Lucidæ Vallis Cisterciensium parthenio, quod ingressa est, bona illa tradidit. Parthen. Lucidæ Vallis.

Tria post lustra curiam quoque in superiori parte villæ Summesheim (a) Rudolphus eidem claustro concessit, ut in parentum suorum & Hermanni fratris sui, Austriæ Ducis, anniversariis lautius viverent moniales. (b)

A. 1277. dimidiam partem decimarum oppidi Etthe-ningen (Ettlingen) eidem Lucidæ Vallis cœnobio donavit Rudolphus. (c)

§. IV.

Marianum Bickesheimense Fanum, bihorio ab Ettlinga distans, si non primum, certe primum conditorem Rudolphum Fanum Bickesheim.

Tom. II.

A 2

(a) Sunnesheim, hodie *Sinsheim* prope Badam & Lucidam Vallem.

(b) GANANSIUS *Genealog. Bad.* pag. 183.

(c) Cod, Diplom. Badenf.

RUD. I.

nostrum agnoscit. Ædes hæc, sacris pègrinationibus inclyta, Rhenum inter & Martianæ silvæ montes, in fertili & amœna planitie sita, ad hunc usque diem conditoris sui & Cunigundæ Ebersteinæ, uxoris ejus, insignia primæ columnæ insculpta, conservat, quæ suo loco exhibemus lectori. (d)

Rosa quinque foliorum Ebersteinæ gentis fuit primævum insigne. Hæc non modo in columna, sed & in fenestris, retro altare minoris ecclesiæ nunc flavo, nunc rubro colore picta variis modis reperitur.

Fenestræ ædificio coætaneæ, adeoque quingentorum annorum sunt opus. Ædificatio circa A. 1250. facta censetur. (e)

## §. V.

Mona-  
ster. in  
Alba.

A. 1251. Rudolphus confirmavit ea, quæ parentes fraterque Hermannus monachis in Alba concesserant. (f)

Ejusdem Albani monasterii Charta anni sequentis oppidi *Elheningen* munita sigillo, mentionem facit *Illustris Dom. R. Marchionis de Baden & Advocati ejus Monasterii in villa Malsch.*

A. 1155. monialibus in Steinheim suam curiam ibidem cum pacto relucionis vendidit Rudolphus. (g)

(d) Inter sigilla domus Badensis.

(e) Germanica hujus fani descriptio A. 1747. impressa Moguntiz.

(f) Alba Dominorum monasterium A. 1148. fundatum.

(g) *Petri Suevia Ecclesiastica* pag. 756. seq. BESOLD. in monaster. virg.

im.

Fani Fenestrae.

A. 1256. festo b. Jaco-  
menfis expedit literas, quibus  
tem decimarum in Dietenhausen-  
tis, quod gentilitia Badensium  
cio, Pforzhemium jam tum sub  
apparet. ex literis A. 1257. qu  
ejus Cunigundis, Erlewino Li  
Pforzhemium civitate (*in der a*  
nialibus testamento legandi fac

Oppidum hoc ab Herma  
Marchiones Badenses devolutu  
tore Friderico II. confirmatum

Idem Rudolphus Abbate  
cesis Wormatiensis A. 1260.  
ejus in Oppidum dono accep

Idem Marchio cum  
niacensium regulæ monachis,  
tatione villæ prope Eckenste  
tros. (k)

(h) In vita REUCHLINI p. 6. 6

(i) GUDENI *Sylloge Diplomat.*  
Franckenthal.

(k) Cod. Diplomat. Zaringo - Bades



Eckenheim. Columna.



RUD. I.

Eidem cœnobio duo talenta Hallensia ex villa sua *Neureuth* annuatim percipienda, nec non decimas minutas villæ *Linckenheim* A. 1272. adscripsit, & biennio post, una cum conjugē duas curias in *Burthen*, (*Beyerten*) quas *Wezelo Comes* & *Henricus miles* ei dederant, in castro suo *Grezingen* confirmavit. (l).

Schwarzach.

*Schwarzacum*, alind Ordinis S. Bened. Cœnobium, per literas, A. 1288. *Ebersteinii* datas, vineam in *Alswiler* ab eo quoque accepit in donum. (m)

Backnang.

*Backnangæ* ecclesiam, ab hostibus vastatam, *Rudolphus* cum fratre suo *Hermann* restauravit. (n) Eorundem fratrum *Hermanni* & *Rudolphi*, *Marchionum de Baden*, precibus inductus *Innocentius IV.* Pontifex Maximus Magistro *Bertoldo*, rectori ecclesiæ de *Acher*, *Argentinenſis* diœcesis, privilegium præter beneficia ecclesiastica, quæ jam tunc habuit, aliud quoque beneficium seu dignitatem recipiendi concessit. (o)

## §. VII.

Res gestæ.

*Rudolphus* noster in ecclesias liberalis *Marchiæ* tamen suæ non parum prospexit.

(l) *GAMANSIUS* pag. 188.(m) *Tabularium Schwarzac.*(n) *SATTLER* *Württemberg. Part. I. pag. 135.*(o) *Codex Diplom. Badenſ.*

Steinbaco, Marchionatus sui oppido, jus nundinarum eo modo, quo Friburgum Brisgoviae illud exercebat, a Richardo Rege Romanorum A. 1258. obtinuit. (p)

A. 1263. quarto Kal. Sept. Bertoldus Advocatus & Belreimus fratres de *Wizenstein* (q), omne jus suum in castro Liebenecke & in villa Wirme, in illustrem Dominum suum, Rudolphum Marchionem de Baden, transtulerunt, vasallis suis potestatem concedentes, ut villam *Huochevelt* eidem resignent. (r)

Ex castro illo Liebenecke Rudolphus literas Argentinensibus scripsit anno, uti videtur, 1269. (s)

Eidem Rudolpho Ulricus, Comes Palatinus in Tübingen bona sua in Forch & Niederbiel A. 1264. superadditis 200. marcis argenti concessit. (t)

Belli A. 1266. a Palatino & Rudolpho Marchione de Baden cum Episcopo Spirensi Henrico Comite de Leiningen gesti, mentionem facit LEHMANNUS. (u)

### §. VIII.

Conradinus ultimus stirpis Hohenstaufficae furculus, cum Friderico, Rudolphi nostri ex fratre nepote A. 1268. Neapoli

Acta post  
A. 1268.

(p) Ioh. GAMANSIUS loc. cit. pag. 194.

(q) *Wizenstein*.

(r) Codex Diplomat. Bad.

(s) WENCKER in *Apparatu Archiv.* pag. 179.

(t) GAMANSIUS.

(u) Lib. V. cap. 101. pag. 547.

RUD. I.

capite quum fuisset truncatus, (x) patrum ex Suevica Conradini hereditate aliquid occupasse tradunt, sed occupata vel silent, vel male designant. (y) Rudolphus I. Cæsar bona illa vindicaturus coronæ, Rudolpho Badensi indixerat bellum, Marchionem, pluresque Sueviæ, Franconiæ & Alfatæ nobiles terrarum Imperii usurpationis accusans.

Extat Rudolphi Marchionis scriptum A. 1274. quo diserte testatur, cum omnibus munionum suarum *Sels & Seldenowe* devastatoribus, Leiningæ nimirum ac Biponti Comitibus, Fleckensteinii Dynastis, civibusque Argentinenfibus se rediisse in gratiam, die Dominica post Sancti Jacobi. (z)

Ludovici Palatini aliorumque auxilio in bello hoc usus est Cæsar. (a)

Addunt

(x) Vide supra Tom. I. pag. 330. sq.

(y) HISTORIA AUSTRALIS ad A. 1276. IRENICUS *Exeg. Germ.* Lib. VI. c. 108. HEDIO in *Paralip.* ad *Chron. Ursperg.* CRUSIUS *Anal. Suev.* Part. III. Lib. III. cap. 20. Pforzhemium huc refert; quod tamen Marchicæ ditionis jam antea fuerat, ut supra §. V. ostensum, & ex charta ejusdem Rudolphi A. 1258. Maulbronnenf. cenobio data, apparet. Adde THOM. CANTIPRATAN. *de Miraculis* Lib. II. Male quoque Cellam (*Liebenzell*) huc refert IRENICUS.

(z) Ap. WENCKER *Appar. Archiv.* pag. 180. NAUCLERUS in *Chron.* Vol. 2. Gen. 43. fol. 966. add. Alfat. illustr. Tom. II. pag. 181.

(a) HISTORIA AUSTRALIS plenior ab initio, ap. FREHER. *Script. rer. Germ.* Tom. I. pag. 470.



Addunt nonnulli, Durlacum & Mülbergam tum fuisse occupatas & Grezingæ castrum eversum. (b)

Finito bello Rudolphus noster pacem religiose servavit, ipsumque Imperatorem Hagenoam est secutus; ubi cum civitate quoque Argentinensi Cæsar in gratiam rediit; (c) intercedente Marchione Rudolpho, qui centum & octoginta marcas argenti pro damnis illatis præstandas ei pollicitus est; cujus promissi Henricus, Comes de Fürstenberg, Henricus Marchio Hachbergicus, Sigismundus Comes Bipontinus junior, & Hermannus Marchio, Rudolphi filius, dati sponsores. (d)

§. IX.

Biennio post Argentinensis Episcopus Rudolpho nostro intulit bellum.

Bellum  
cum  
Episcopo  
Argent.

ANNALES COLMARIENSES ad A. 1279. remota referunt: „ Conradus de Lichtenberck, Episcopus Argentinensis castellum Turlac per ignem destruxit, & quæ in eo reperit deportavit. „ Bellum hoc, ut iidem nos docent Annales

Tom. II.

B

(b) KOENIGSHOV. *Chron. Argent.* p. 118. *Paralipom.* pag. 258. FUGGER. *Oesterreich. Ehrensp.* Lib. I. pag. 92.

(c) *Assat. Illustr.* Tom. II.

(d) Instrumentum datum Hagenoæ an dem Zinsdage nach S. Johannes Mess 1276. ap. WENCER. *Collect. Archiv. & Cancellar.* pag. 59.

RUD. I.

usque ad A. 1281. continuatum: „ Quo Episcopus Argentinensis congregata militum multitudine Domino de Badin quoddam oppidum noscitur obsedisse. Episcopus vero Basiliensis sibi quinquaginta milites in auxilium trans mittebat. „ Plures autem ex eis à Marggravio capiuntur, propter quod „ pax eorum pristina reformatur.

## §. X.

Matrimonium.

Felicio ribus Rudolphi fatis accensendum est matrimonium cum Cunigunda, Ottonis senioris, Domini in Eberstein, filia, ex qua non tantum numerosa proles, sed & primum in terras Ebersteinenses jus Badensibus natum est.

Pertinet hac charta A. 1277. qua Rudolphus, Marchio Veronen sis, Hermannum, Rudolphum, Hessionem & Rudolphum filios & heredes suos, ut & focerum suum Dominum Ottonem seniore m de Eberstein, qui sigillum chartæ appendit, ipse memorat.

Socero defuncto, cum filio ejus Ottone juniore affine suo, A. 1283. die VIII. post Sanctæ Walpurgis de hereditate uxoris transegit, partem illam veteris castri Eberstein nactus, quam Bipop tinus Comes, Simon antea possederat. (e) Præter hæc quartam partem ejusdem castri pro 375. marcis argenti Rudolphus

---

(e) *Carlsruher Sammlungen* pag. 366. Ebersteinensia ibi egregie & solide dilucidavit III. PREUSCHEN. Vid. p. 337. sqq.

coëmit, atque Ebersteinii deinceps fedit frequenter. (f) Sed & quandoque fedit Pforzhemii. (g)

Super Altensteiga litem aluit cum Burcardo, Hohenbergico Comite, quæ A. 1238. Rudolpho I. Rege Romanorum iubente terminata per arbitros. (h) Ceterum durante longa illa anarchia Germaniæ inductus est noster Rudolphus Marchio, ut Veronensis quoque Marchiæ, ab avo & proavo possessæ, renovaret memoriam. In sigillo enim chartæ A. 1260. *Marchio de Verona*, in ipsa autem charta tantum *Marchio de Baden* vocatur. In alia A. 1277. *Rudolphus Dei gratia Marchio Veronensis Dominus de Baden*.

§. XI.

Excessit e vita die 19. Novembris A. 1288. (i) postquam Monasterio Lucidæ Vallis, in quo mox sepeliendus erat, præter ea, quæ jam dederat, centum marcas argenti donasset; quod ipsi ejus filii suis literis firmarunt. (k)

Cunigunda uxor idem Monasterium ingressa, quo anno excesserit vita, non constat. Necrologium Lucidæ Vallis diem tantum obitus ejus notat, X. Kalendas Maji. (l)

Tom. II.

B 2

(f) Charta in Codicæ Diplomatico Badensi.

(g) GAMANSIUS.

(h) Charta Archivi Bada-Durlac.

(i) Lapis sepulchralis in choro ecclesiæ Lucidæ Vallis: *Anno Domini MCCXIIIC obiit Rudolphus Marchio senior de Baden in die S. Elisabeth.*

(k) Die Veneris ante S. Lucie 1288. apud GAMANSIUM loc. cit. p. 202. sq.

(l) SCHANNAT *Vindem. Lit. Coll.* 1. pag. 166.

RUB. I.

Liberi.

Rudolphus I. præter quatuor filios jam antea memoratos, Hermannum VII. Rudolphum II. Hessonem & Rudolphum III. filias quoque duas reliquit, ut patris & filiorum chartæ plures testantur. Adelheidis ultra 30. annos Abbatissa Lucidæ Vallis monasterio præfuit, atque die XVII. Calendas Septembris A. 1295. decessit. (m)

Irmengardis Eberhardo, Comitū Wirtembergico, nupsit. (n)

(m) GAMANSIUS pag. 197.

Sexta Adelheidis adest, oriunda ex stemmate celfo,

Heroum Bada quos fuscipit alma Duces,

Triginta cum casta duos præfedit in annos

Sacris virginibus, mens pia juncta Deo est.

Rexit ab A. 1253. ad A. 1295.

(n) SATTLER Part. I. pag. 135. PREGIZER in libro, cui tit. *Wirtemberg. Cederbaum* pag. 7. nuptias has anno 1297. celebratas fuisse scribit. At in literis jam A. 1296. datis feria quinta ante festum B. Johannis Baptistæ, quibus Eberhardus juri suo in villas Langensteinbach, Uetelsbur (*Ittersbach*) & Wolmarsbur in gratiam monachorum in Alba renuntiat, id facere se ait pro se, *collaterali sua, Irmingarda, uxore legitima*, suisque liberis.



# CAPUT II. HERMANNUS VII.

AB ANNO 1288 — 1291.



## §. I.

ermannus hic, Rudolphi I. filius natu maximus fuit, stirpisque propagator. Conradi Episcopi Spirensis laudo A. 1246. subscripsit *Hermannus filius Marchionis*; & quidem post Comites; adolescens patria sub potestate constitutus. (a)

Hermannus VII.

## §. II.

In literis Conradini, Sueviæ Ducis postremi, quibus Bavariæ Duci A. 1266. Donawerdam legavit, (b) testis quoque hic comparet Hermannus.

Res gestæ.

B 3

(a) Vide supra Tom. I. cap. VI. §. 1. pag. 322.

(b) *Bayrische Deduction contra Oesterreich.*

HERM.  
IX.

A. 1277. Hermannus, Rudolphus & Hesso, Marchiones de Baden, castrum Lindensfels cum hominibus ei adscriptis, quod a patre suo (Rudolpho) vivo adhuc, cum aliis terris acceperant, Comiti Palatino ad Rhenum *secundum jus & consuetudinem terræ* tradiderunt. (c)

A. 1278. in documento, quo Comes Fridericus de Truhendingen domui ordinis Teutonici in Oettingen bona quædam in Pfessingen dono dedit, (d) idem Hermannus post Conradum Ducem de Tekke inter illustres & principes memoratur in Rudolphi I. Imperatoris diplomate A. 1282. quo filios de Ducatu Austriæ investivit. Sequitur eum Henricus Marchio de Hochperg. (e)

Ad patris exemplum usus est titulo *Marchionis Veronensis, Domini de Baden, Dominique in Eberstein.*

A. 1281. patre adhuc vivo cum Biponti Comitibus propter Liutolsheim (Lidolsheim) & Ruchesheim (Rusheim) bellum gessit, quod certis deinceps conditionibus compositum; ita, ut simul occasio acquirendorum vicorum Spielberg & Dür-

(c) *Reichsständische Archival - Urkunden* in causa equestri Tom. I. Sect. III. cap. IV. membr. II. num. I. pag. 449. Pretium in fragmento haud expressum, sed referunt Excerpta Astorum Compromissi Aurelianensis, & TOLNER in *Historia Palatina* pag. 42. solutas fuisse 2300. marcas.

(d) MEICHNERUS *Decif. Cam.* Tom. II. pag. 272.

(e) *Deduction de la maison de Baviere* Tom. II. p. 428.

renwetterspach (hodie Hohenwetterspach) ad Marehionem transfiret, filia autem Marchionis, Comiti Henrico, completo anno XII. collocanda desponderetur. (f)

Eodem anno Hermannus & Rudolphus fratres, Marchiones Badenses, oppidum suum Selse Conrado Episcopo & Ecclesie Argentinensi in feudum femininum obtulerunt. (g)

A. 1283. Hermannus junior Marchio Badensis reditus suos in *Knodelingen & Nuwerute* (h) civi cuidam Argentinensi pro XXVI. marcis argenti oppigneravit, unde Præfecturam Mülbergensem, quæ vicos eos complectitur, vivo patre possedisse Hermannum laud immerito colligimus. Rudolphum I. filiis suis terrarum partem vivum tradidisse paullo ante ostendit. Ipse cum filiis suis A. 1287. & sex mille armatis contra Burcardum, Hohenbergæ Comitem, prope castrum Altinstia-ge, quod Burcardi fuerat, pugnavit. (i)

### §. III.

Obiit A. 1291. Hermannus noster, in Capella Marchionum Monasterii Lucidæ vallis sepultus. Sepulchralis ejus lapis

Mors &  
sepulch-  
ra.

(f) GAMANSIUS. III. PREUSCHEN. in *Carlsruher Sammlungen* p. 366.

CROLIUS de Comitibus Bipont.

(g) Alsatia Illustr. Tom. II. pag. 151.

(h) Hodie *Kniedingen & Neureuth*.

(i) CRUSTI *Annal. Suev.* Tom. II. Part. 3. Lib. 3. pag. 163.

HERM.  
VII.

adhuc cum inscriptione hæc habet: „Anno Domini MCCXCI.  
 „ obiit Hermannus Marchio de Baden in divisione Apostolo-  
 „ rum. (k) „ Festum hoc in diem XV. Julii tum incidit.

## §. IV.

Uxor.

Uxor ejus Agnes, Henrici & Conradi, Comitum de Vaihingen soror fuit. (l) Vidua Friderico, filio suo, literas dedit A. 1296. quibus villam *Langensteinbach* ut venderet consensit. In illis mentio quoque fit Rudolphi & Hermanni filiorum, Friderici fratrum, qui annos discretionis nondum attigerant. (m) Neque Hermannus eos unquam attigisse videtur, quod nulla deinceps ejus memoria extat.

## RUDOLPHUS II.

## §. V.

Rudol-  
phus II.

Septem annis modo patri superstes, Rudolphi fratris junioris respectu *senior* dicebatur; vivo patre nuncupatus *junior*.  
 „ Rudolphus Marchio de Baden *junior* nobili femine Adelhey-  
 „ di, sue uxori legitime, dedit & donavit mille marcas argenti  
 in

(k) SCHANNAT *Vindem. Lit.* pag. 168.(l) RITTERHUSIUS *Genealog.* Tab. 127. GAMANSIUS pag. 200. aliique.  
Sunt, qui eam Geutfam, ex Anhaltinis ortam, male appellant.

(m) Codex Diplomaticus Badensis.



„ in dotem sive donacionem propter nuptias. „ Ita Rudolphus I. Imperator in Charta A. 1237. Heilbronnæ data, qua pro 1000 marcarum dote castrum *Mülenberg*, feudum Imperiale, Adelheidi huic, ex forore nepti, oppignerari permittit. (n)

A. 1289. tertio Kalendas Maji Rudolphus *Dei gratia Marchio senior de Baden* Abbatiam Schwarzacensem protectionis suæ specialis & falvi conductus diplomate per omnem Marchionatum liberaliter munivit. (o)

Tom. II.

C

- (n) Male itaque in Chron. Alberti Argent. pag. 111. Albertus Rex Romanorum Adelleidem hanc Rudolpho March. de Baden uxorem dedisse legitur, quum Alberti pater Rudolphus I. Imperator hoc jam matrimonium viderit. Autographum Bongarsianum istius Chronici, quod in Bibliotheca Bernensi servatur, errorem hunc egregie corrigit hoc modo: „ Relictam Comitis de Strasberg, sororem Ottonis de Ochsenstein, consobrinam Regis (Alberti), ipse Rex (Rudolphus) Marchioni de Baden - - - copulavit.

Notus huc usque nomine Alberti Argentinensis scriptor, emendatior & auctior sub veri auctoris *Matthiæ Neoburgensis* nomine, inter Scriptores Rerum Alfaticarum, quos ad prelum paratos propediem editurus sum, comparebit.

- (o) Verba Chartæ Monasterio Schwarzac. A. 1289. datæ, hæc sunt: „ Cum „ antecessores nostri felicis recordationis magna & speciali dilectione „ ecclesiam beati Petri in Schwarzach semper fuerint complexi nos „ ipsorum vestigia in hoc imitari volentes - - - ecclesiam beati Petri

Abbatiae Gottfaviensi sex modios filiginis, ex decima vil-  
lae *Burten* quotannis percipiendos, eodem anno legavit.

A. 1291. mens. Aug. Rudolphus *senior* & Fridericus,  
Marchiones Badenses, cum Abbatiae Monachorum in Alba Ad-  
vocati fuissent electi, de pristinis ei caverunt juribus novaque  
privilegia addiderunt. (p) Advocatia hæc eis propterea collata  
fuit, quoniam ex Ebersteinii Comitibus, monasterii fundatori-  
bus, sanguinem per matrem aviamque Cunigundam ducebant. (q)  
Eidem Abbatiae de relictis suis in *Malsche* XV. malteras filigi-  
nis anno sequenti Rudolphus donavit. (r) Qui cum patre sepul-  
tus est in Sacello Lucidæ Vallis A. 1295. (s)

## §. VI.

Uxor.

Adelheidem, absque sobole ex se suscepta, viduam reli-  
quit, quæ Lucidæ Valli quoque XXX. malteras filiginis dedit in

---

„ in Schwarzach antedictam & nuntios ejusdem per totam terram no-  
„ stram sub nostra recipimus protectione & conductu, volentes ipsos  
„ sub alis nostræ protectionis & defensionis existere securos, ipsisque  
„ omnia jura sua capitalia, quæ vulgariter dicuntur *Fälle*, & census  
„ suos ab omnibus hominibus terræ nostræ incolis dari & persolvi  
„ præcipimus.

(p) Codex Diplomaticus Badensis.

(q) Vid. cap. I. §. 10. pag. 10.

(r) Cod. Dipl. Bad.

(s) Epitaphium in Parthenio Lucidæ Vallis his legitur verbis: Anno Domi-  
ni MCCXCV. obiit *Marggrave Rudolph der alte an Sant Valentinstag*.

Curia Willre (t). Hæc ex priore cum Comite Strasbergæ matrimonio duas filias habuit, quarum unam Rudolphus III. Marchio Badensis, ut infra videbimus, alteram Waltherus de Horburg uxorem duxit.

Cognitionem Adelheidis cum Rudolpho I. & Alberto I. Imperatoribus schema sequens ostendit:

Albertus Sapiens, Comes Habsburg.

Rudolphus I. Imperator,

† 1291.

|

Albertus I. Imperator,

† 1308.

Cunigunda, uxor

Ottonis Domini in Ochsenstein.

|

Adelheidis, uxor

1) Comitis de Strasberg.

2) Rudolphi II. March. Bad.

1287.

## H E S S O.

### §. VII. .

Hesso, tertius Rudolphi I. Marchionis filius, cum Rudol- HESSE.  
pho I. Romanorum Rege Germershemii, vivo patre, versatus,  
privilegium civitatis Wormatiensis post ducem Austriæ, ante  
Henricum Hachbergensem Marchionem & Conradum Ducem

Tom. II.

C 2

HESSO.

Teccensem A. 1284. testis signavit, *Hesso Marchio de Baden.* (u)

Idem triennio post in ejusdem Cæsaris diplomate, Heilbronnæ scripto, reperimus, quo Hessonis frater, Rudolphus II. castrum Mülenberg uxori suæ in dotem adscribendi potestatem accepit, uti supra ostensum.

## §. VIII.

Gesta  
cum Co-  
mite  
Wirtenb.

Eberhardus Illustris, Wirtenbergæ Comes, qui sub quinque Imperatoribus sæpe iniquis vixerat, Henricum VII. Imperatorem cum agnoscere recusasset, a Conrado Weinspergenfi Comite, Cæsaris per Sueviam Vicario, ejectus est terris; & ab Hefione nostro receptus, Besighemii, ad mortem usque vixit Henrici; a successore ejus, Ludovico Bavaro, suis terris restitutus. (x)

Eberhardus, beneficii memor, Hessonis, dein mortui, debita solvenda suscepit, atque cum filio Hessonis Hermanno transegit, qui castrum Reichenberg cum bonis inde pendentibus, Eberhardo dedit in pignus; ita quidem ut intra decennium libera filiis relutio esset; sed pecunia propria, non accepta in mutuum.

---

(u) MORITZ vom Ursprung der Reichsflätte in Append. pag. 179. & LUDWIG Reliquiæ MSS. Diplomatum Tom. II. p. 240.

(x) ALBERTUS Argent. Chron. pag. 115. Edit. Urbis.

Præter Reichenbergam, Bachnanga quoque oppidum & Beilstein tradita fuere Eberhardo. (y)

## §. IX.

**A**nnus mortis ejus certo non constat. **GAMANSIUS** Mors. eum ad A. 1317. ponit, & quidem recte, ut videtur; cum post hunc annum nulla ejus vivi mentio recurat.

In Ludovici enim Imperatoris diplomate A. 1322. de quo infra sub Friderico II. vitium sine dubio irrepsit; cum Hessonem, Friderici II. Marchionis patrum A. 1322. inter vivos referat, Hesso in literis filii sui Rudolphi Hessonis, datis *an Sancti Thomas-tag* 1319. & in aliis ejusdem Rudolphi Hessonis *an der Mittewochen vor Sante Walpurgetag* 1321. jam refertur inter beatos vel mortuos; his verbis: *Wir Marcgrave Rudolf, Marcgrave Hezzen seligen Son von Baden.* Item: *Wir Rudolf von Gotz Gnaden ein Marcgrave von Baden, Marcgrave Heffen seligen Son.* (z)

Imo cum Fridericus II. Marchio A. 1318. villam Malsch cum castro Waldensfels Monachis Albensibus venderet, venditionis literæ datæ die Sabbati post festum Ascensionis Domini firma-

(y) **SATTLER** pag. 140. qui anno 1296. Hessonem ad plures jam abiisse scribit pag. 135.

(z) Vide Codex Diplom. ad annum 1319. & 1321.

Hesso.

tæ fuerunt agnatorum tunc temporis superstitem sigillis, Heinrici de Eberstein avunculi ejus, Rudolphi Marchionis senioris de Baden patruj ejus, Rudolphi Marchionis fratris ejus & Rudolphi Hessonis Marchionis de Baden. Nulla inter hos Hessonis mentio, cujus tamen consensus non fuisset neglectus, nisi eo jam tempore inter vivos esse defuisset.

Quin & in ipso, quod citatum est, Ludovici Imperatoris diplomate, non Hesso noster, sed filius ejus Rudolphus Hesso intelligendus esse videtur. Postponitur enim Rudolpho III. non postponendus, si per Hessonem frater natus major Rudolphi III. indigaretur. Erratum ergo à Secretario Imperatoris in vocabus *patruis suis*, cum alter tantum patruus, alter patruelis Friederici II. Marchionis fuerit.

## §. X.

Uxor.

Imengardim, Eberhardi, Comitis Wirtenbergenfis forem, Hessoni nostro conjugem juniores quidam tribuunt scriptores; A. 1317. defunctam esse statuentes. (a) At monumentum sepulchrale, quod in monasterio Basilicæ minoris, *Klingen* dicitur, superest, Claram custodit, quam ex Klingæ Dynastis progeneratam ei tribuo uxorem. Annus mortis in lapide ejus sepulchrali deletus est. (b)

---

(a) RITTERSHUSIUS *Genealog.* Tab. 127. & reliqui.

(b) Legitur ibi: *Vroune Clara Marggravinne von Baden.* Waltheri Domini à

## RUDOLPHUS II.

## HESSONIS FILIUS.

AB A. 1317 — 1335.

## §. XL

Hessoni duo filii, Hermannus & Rudolphus Hesso, tribuuntur; quorum ille clericus, hic vixit secularis. Rudolphi  
Hessonis  
gesta.

Henricus VII. Imperator oppidi Imperialis *Heydolfesheim* oppignationem, Conrado Comiti de Vehingen pro octingentis libris & *Marchioni de Baden* clerico pro mille libris Hallensibus ab Advocato provinciali, Cunrado de Winsperg, factam, A. 1311. ratam habuit.

Friderici Marchionis Badensis Chartæ venditionis vici Malsch & castri Waldenfels A. 1318. sigillum appensum est *Rudolphi Hessonis Marchionis de Baden.* (c)

Iter sacrum ad sepulcrum Dominicum cum vovisset Rudolphus Hesso, Johannes XXII. Papa A. 1326. Episcopo Spi-

---

Klingen, qui A. 1295. decessit filia fuit. TONIO LA *Basilea Sepulta* p. 325.

URSTIS. *Chron. Basl.* pag. 136. Filias Waltheri hujus referunt Tabulæ venditionis apud HERRG. *Genealog. Habsburg.* Tom. III. pag. 421.

(c) Codex Diplomaticus Badensis.

RUDOL.  
HESSO.

rensi potestatem concessit, ut Rudolphum ab hoc voto absolvet; si legitimam causam absolvendi repererit. (d)

Rudolpho Marchioni Badensi dicto Hessoni ter mille & centum libras Hallenses se debere professus est Ludovicus Imperator A. 1333. quæ ex redditibus Hagenoënsis foresti & civitatum Alsatiae Imperialium tributis ei erant solvendæ. (e)

## §. XII.

Lites  
cum Fri-  
burg.

Eodem anno inter Marchionem Rudolphum, qui dictus Hesso, Dominum de Baden, & uxorem ejus, Johannam, Reginaldi Comitis de Montebeliardo filiam, ex una, ac inter civitatem Friburgi ex altera parte, propter cives quosdam Friburgi bonis suis spoliatos, lis intercessit; decisa per arbitros; quos inter ex parte Badensium erant Johannes de Eptingen, dictus Spengel, & Hartmannus de Masonis Monasterio, milites. Hujus rei superarbitrium penes tres civitatis Argentinenfis Magistros, Swarberum, Twingerum & Judenbreterum erat. (f) Dominus de Baden in Chartis his dicitur Rudolphus Hesso; unde Badam, Marchionatus caput, eum tenuisse colligimus; id quod & alia monumenta nos docent.

A. 1305.

(d) Idem.

(e) Idem.

(f) Cod. Membr. Argent. de anno 1370.



A. 1335. Hannemannus de Heidweiler, Præfecturam Traubaci in Sundgovia ipsi & conjugi Johannæ Montisbeliarden-  
fi resignavit. (h)

§. XIII.

Obit illustris Rudolphus Hesso, Marchio de Baden, in Mors.  
octava b. Laurentii martyris A. 1335. ut lapis sepulchralis Luci-  
dæ Vallis declarat. (i)

Johanna uxor primitus nupta fuerat Ulrico, Comitum Uxor &  
Phirretenfium postremo, qui A. 1324. vita excessit. (k) liberi.

Ad filias, quas ex illo suscepit, Johannam & Urfulam,  
Comitatus Phirretenfis transit, & per Johannam, natu majorem,  
ad Albertum Sapientem, maritum ejus, Austriæ Ducem (l). Ex  
secundo cum Rudolpho Hessone Johannæ connubio, quod ho-  
rum conjugum literæ A. 1333. probant, (m) duæ filiæ prodie-  
runt, *Margaretha* & *Adelheidis*, Marchionibus Badenfibus, agna-  
tis suis, ut infra videbimus, matrimonio jungendæ, quas ex Ul-

Tom. II.

D

(h) Tabular. Oenipont.

(i) Apud SCHANNAT. *Vindem. Lit. Coll.* I. p. 165. mors hæc ad mensem Febr.  
anno 1333. vitiose ponitur.

(k) ALSAT. ILLUSTR. Tom. II. pag. 610.

(l) Ibidem pag. 503.

(m) STEYERER *Hist. Alberti II. Austr.* pag. 236.

RUD. III.

rico Phirretenſi p̄atas GUILLIMANNUS, (n) atque HERGOTTUS (o) male exiſtimarunt.

In hereditatis maternæ diſiſione, A. 1347. inſtituta Altkirchæ, viva matre Johanna, quæ tertias cum Cattimelibocenſi Comite GUILIELMO iniverat nuptias, Margaretha Dynaſtiam Hericurtenſem, Adelheidis Belfortenſis partem forte obtinuit. (p)

## RUDOLPHUS III.

## §. XIV.

Rudolphus III.  
dictus  
Senior.

Rudolphi I. filiorum natu minimus fuit Rudolphus III. qui patre & fratre ſeniore Rudolpho II. mortuis, ut a juniore Rudolpho, fratris ejus Hermanni VII. filio, & Rudolpho Heſſo- ne diſtingueretur, *ſenior* quoque appellatus eſt. Venditionem hic vici *Langenſteinbach*, a fratruele Friderico monachis de Alba factam A. 1296. roboravit. (q)

A. 1306. Rudolphus ſenior cenſum vici *Malsch* monaſterio Albæ Dominorum conferens, patrem ſuum Rudolphum, fratrem Rudolphum, uxorem Gutam, fratriam Adelheidem de Ochſenſtein, ut & Fridericum ac Rudolphum juniorem, Mar-

---

(n) STEYERER loc. cit. 202.

(o) *Genealog. Habſb.* Tom. I. pag. 60. & 219.

(p) Alſatia Illuſtr. Tom. II. pag. 610. not. (q).

(q) Chart. in Cod. Diplom.\*

chiones Badenses, suos ex fratre Hermanno nepotes, commemorat. (r)

A. 1327. responforias literas, Avenione datas, mittit Johannes XXII. Pontifex Maximus, *Rudolpho Marchioni de Baden seniori*, qui Papæ Fridericum de Zolre, ad Papæ & Ecclesiæ obsequia obtulerat. Vocatur hic Fridericus in iisdem litteris *nobilis vir nepos Marchionis*. (s)

§. XV.

Stollhovam oppidum cum vicis *Selingen & Hugelshaim* <sup>Res ge-  
fiæ</sup> A. 1300. ab Eberlino de Windeck, mille trecentis & quinquaginta marcis argenti valoris Argentinenfis coëmit. (t) Prædes solutionis magno numero dati.

Partem vici Graben à Dieterico de Ubstatt libris Hallensium septingentis A. 1310. Rudolphus comparavit. Quadrienio ante, Dieterici frater, Suuikerus, Marchioni promiserat, se suam istius vici partem nec oppigneratum nec venditum, nisi prius illam Marchioni ejusve heredibus obtulerit.

Tom. II.

D 2

(r) Codex Diplomaticus Badensis.

(s) Idem Codex.

(t) Chartam emptionis memorabilem Codex Diplom. ad annum 1309. exhibet.

\* Rud. III.

A. 1327. donat Rudolphus Marchio de Baden partem vici Möglingen in Præfectura Groeningen Ulrico Comiti Würtembergensi. (u)

## §. XVI.

Bella  
cum Ar-  
gentia.

Cum Argentinensi civitate alternis vicibus per aliquot annos bellum pacemque inivit.

Libertas navigandi per Rhenum, immunitas a vestigalibus, per Marchiam omnem, frequens bellorum, deprædationum, querelarumque materia fuit.

Primum.

Bello primo Johannes Argentinensium Episcopus, Ulricus Landgravius, Josfridus Leiningæ Comes, Otto Dominus de Ochsenstein alique Argentinensium secuti sunt partes.

Cum his omnibus in gratiam rediit Rudolphus senior (x) festo Sancti Jacobi A. 1313. Universis civibus ac subditis eorum plenam a vestigalibus suis & a naufragorum bonorum occupatione immunitatem, quamdiu ipse viveret, concessit, partesque Friderici Marchionis, ex fratre nepotis, bellum continuantis, deferuit. (y)

---

(u) SATTLER. I. c. P. I. p. 159.

(x) Marggrafe Rudolf der elter von Baden.

(y) Cod. Dipl. Argent. Membr. de anno 1370. p. 150.

§. XVII.

Sed pacem hanc, parum fidam, novæ mox inimicitiae secutæ sunt. Damna illata, mille marcis argenti æstimavit Rudolphus. Judicium rei delatum ad arbitros. Secundum.

Bruno de Windecke, & Heinricus de Selbach, milites, ex parte Marchionis, Nicolaus de Kageneck, & Reinboldus Hüsselius, milites, ex parte civitatis constituti sunt. Superarbiter additus est Præful Argentinenfis. Ita conventum Lichtenavia die Lunæ ante Sancti Bonifacii A. 1315, Johanne, Dynasta Lichtenbergenfi præfente. (2)

Germania tum omnis novi Cæsaris electione fuit scissa in partes. Marchiones Badenses Fridericum Austriacum secuti sunt; qui pacem inter partes reducere laboravit.

Hujus denique & Johannis Episcopi Argentinensis opera mense Martii A. 1317. pax coaluit inter Rudolphum & Fridericum Marchiones, mercatoresque & nautas Alsatiae. Conventum Offenburgi, ut suspensis Marchionum in terra Rhenoque vectigalibus, pro salvo conductu nonnihil æris penderent mercatores. (a)

D 3

---

(2) Ibid. pag. 152, ubi Rudolphus dicitur: *Rudolf von Gottes Gnaden der elter, Herve und Marggrafe zu Baden.*

(a) Instrum. in WENCKERI Apparatu Archiv. p. 197.

## §. XVIII.

Tertium.

Verum anno sequenti recrudit bellum. Civitum Argentinensium prædia in Willstetten & alibi vastavit Rudolphus. Argentinenses ex hostibus nonnullos Stauffenbergæ ceperunt. Damnis utrimque compensatis, salvisque singulorum juribus, perpetuæ tandem pacis formula signata est, die Veneris ante Sancti Urbani A. 1318. (b)

Quadriennio post, mense Augusto, Rudolphus & Fridericus Marchiones (c) novam de ratione salvi conductus & vestigalium per terram suam & aquas præstandorum pactiōem ad proximum usque festum Sancti Georgii valituram, cum Argentinensibus inierunt. (d)

## §. XIX.

Quartum.

Stauffenbergæ castrum, quod modo memoravimus, Ganerbiale fuit, pluribusque adeo militibus commune. Hos inter Reinboldus miles de Stauffenberg, Albertum de Owe, militem, Episcopi Argentinensis ministerialem, castro illo excludere voluerat.

---

(b) Cod. Diplom. Argent. Tabularii de anno 1370. p. 152.

(c) *Marggrafe Rudolf der elter und Marggrave Friderich, fins Bruder sun, Herren von Baden.*

(d) Cod. Dipl. Argent. fol. 150.

Novum inde bellum A. 1329. surrexit, funestum Badensis-  
fis. Bertoldus Episcopus enim & civitas Argentinenfis junctis  
viribus, castrum illud, obsidione captum, solo æquarunt. Vm  
Reinboldo illatam Rudolphus IV. Marchio, dictus Pforzheimen-  
fis, & Comes Wirtembergensis vindicaturi, ductis per Rudolphi  
nostri senioris terras militibus, ditiones invadunt Episcopi, eo ma-  
gis commoti, quod Rudolphum seniore, propter affinitatis vin-  
culum, a libero transitu hostes suos prohibitorum speraverat. Ru-  
dolphus Episcopo, id exprobranti, terrarum ejus se non esse cu-  
stodem, respondit. Episcopus Marchionatum Badensem cum so-  
ciis suis ingressus, aperta ubivis loca misere scedavit incendiis, a  
qua calamitate Stollhovium tantum & Badam oppida mœnibus  
cincta, persisterunt immunia. Flammam hanc extinxit Otto,  
Dux Austriæ, qui Bischoffshemii ad Rhenum, data Reinboldo pe-  
cunia, ut Stauffenbergam reædificaret, omnia ad pacem re-  
duxit. (e)

§. XX.

Postquam Friderici Austriaci æmulus in Imperio præva-  
luisset, Ludovicus Bavarie Dux, ab hujus quoque partibus Ru-

Lud. Bav.  
adhæret.

(e) Testis hujus belli est ALBERTUS ARGENT. in *vita Bertoldi* Episc. Argent.  
apud URSTIS. *Rer. Germ.* Part. II. pag. 170. Badam mœnibus cinctam  
esse A. 1330. refert KOENIGSHOVEN *Chron. Alsat.* pag. 387. ubi & belli  
hujus mentio fit.

RUD. III.

dolphus noster, viriliter stetit. Septingentas marcas argenti ei promisit Cæsar, Selfam (f) & Hagenbacum, civitates Imperii, literis A. 1330. Hanoviæ datis, in pignus concedens.

## §. XXI.

Uxor.

Rudolphi hujus senioris uxor fuit Gutta, sive Gertrudis; ex primo Adelheidis de Ochsenstein cum Strasbergio Comite matrimonio, ut supra (g) jam diximus, nata, adeoque Rudolphus noster Adelheidis & affinis fuit & gener.

Adelheidis pro se & marito suo posteriore, Rudolpho II. Marchione, pridem defuncto, anniversarium in claustro Lucidæ Vallis A. 1311. instituens, consensu Rudolphi Marchionis senioris de Baden, *filiastrum* sui, id se fecisse, & Rudolphus ad petitionem Adelheidis, *focrus* suæ, foundationis hujus Chartæ sigillum suum appendisse, memorant.

Gertrudis frater erat Bertoldus Comes de Strasberg, qui cum A. 1316. decessisset improles, (h) tertiam hereditatis ejus partem sibi vindicavit Gertrudis. Hereditatem hanc, in qua castrum *Strasberg* & oppidum Helvetiæ *Buren* erant, Rudolphus & Ger-

---

(f) Hoc oppidum jam A. 1268. Rudolphus oppidum suum nominavit. Alf. III. Tom. II.

(g) Cap. II. pag. 19.

(h) Sepultus in Ecclesia Lucidæ Vallis cum inscriptione: *A. Dom. MCCCXVI. in vigilia S. Ioh. Bapt. O. Bertholdus Comes de Strasberg.* GAMANS. p. 270.



& Gertrudis conjuges A. 1319. Ecclesiæ Basiliensi & Ulrico, Phir-  
retenfi Comiti, pro ducentis marcis argenti vendiderunt. (i)

§. XXII.

Obiit denique Rudolphus III. improlis IV. Non. Februa- Obitus.  
rii A. 1332. postquam monasterio Lucidæ Vallis, in quo sepul-  
tus est, (k) centum marcas legasset. (l) Præcesserat eum Ger-  
trudis uxor VI. Kalendas Aprilis A. 1327. ut ex epitaphio ejus in  
eodem monasterio constat. (m)

F R I D E R I C U S I I.

§. XXIII.

Mortuo patre Hermanno, cum patruo suo Rudolpho II. Frideri-  
monasterii Dominorum in Alba advocatiam, ut supra (n) retuli-  
mus, A. 1291. in se suscepit, eidemque villam *Langensteinbach*  
pro DL. libris Hallensibus A. 1296. vendidit, Marchio de Ba-  
den simpliciter dictus.

A. 1304. ipse cum fratre suo Rudolpho IV. ab Alberto de  
*Remichingen*, quidquid ille juris in castro sui nominis habuerat,

Tom. II.

E

(i) Charta venditionis ap. HERRGOTT. *Gener. Habsb. Cod. Dipl. num. 725.*

(k) SCHANNAT. *Vindem. Lit. Collect.* 1. p. 165. male habet A. 1331.

(l) Ita Epitaphium ibi loquitur: Anno Dni MCCCXXXII. O. Rudolph Se-  
nior Marchio de Baden in die purificationis Btæ Vgis Mariæ.

(m) Ao. Domini MCCCXXVII. ob. Gutha, Marchionissa VI. Cal. Aprilis.

(n) §. 5.

FRID. II.

nonaginta libris Hallensibus emit. Alteram partem A. 1310. a Dieterico & Ludovico fratribus de Remchingen eodem pretio comparavit. Decimas in villa Remchingen, monasterio Maulbrunnenſi olim dono traditas, Fridericus inſuſte ſe uſurpaſſe, pœnitentia ductus, A. 1324. pridie feſti Paſch. ipſe confeſſus eſt. (o)

A. 1308. Fridericus & Rudolphus germani Marchiones de Baden juſ patronatus eccleſiæ in Menſheim Mahtolſo militi de Menſheim ejuſque heredibus in feudum contulerunt.

## §. XXIV.

Acta ab  
A. 1312.

A. 1312. deſiderio Engelhardi a Weinspurg ſatiſfacturus teſtis ſignat confirmationem privilegiorum monaſterii Lichtenſtern ejuſque donationis, fitque ſimul cum Engelhardo ejuſdem monaſterii atque Abbatiffæ illius advocatus & deſenſor. (p)

Partem caſtri *Oberweſingen* & bonorum ejuſ a Reinhardo milite, dicto de *Nuwenburg*, A. 1314. acquiſivit.

Sunſhemium, Imperii oppidum, cum monaſterio vicino, mille marcis ab Imperatore deinceps redimendum, pro officiis præſtitis, Fridericus Auſtriacus Rex Romanorum Selſæ A. 1315. Friderico Marchioni & Rudolpho oppigneravit.

(o) Charta ap. GAMANS. pag. 210. Authentica in Tabular. B. Dürlac.

(p) BESOLD. *monaſt. virg.* Tit. Lichtenſtern n. VII. p. 74. & PETRI *Suev. eccleſ.* pag. 516. ſeq.

Bella inter Marchiones & civitatem Argentinensem de navigatione Rheni & commerciorum libertate exorta, in rebus Rudolphi III. patrui ejus exposui. (*q*)

§. XXV.

Fridericus noster præter vicum Langensteinbach, supra memoratum, totum quoque vicum *Malsch* & castrum *Waldenfels*, iisdem Monachis pro trecentis & mille libris Hallensibus A. 1318. sub pacto de retrovendendo (*r*) vendidit; accedente Heinrichi de Eberstein, Rudolphi senioris patrui, Rudolphi fratris & Rudolphi Hessonis, Marchionum Badensium, consensu. (*s*)

Acta ab  
A. 1318.

Priusquam hoc fieret, Abbatiae Weisenburgenfi, cujus Dominio directo vicus *Malsch* obnoxius erat, oblato ei vicissim in feudum oppido Cuppenheim, Fridericus satisfecit. (*t*)

Tom. II.

E 2

(*q*) Vide supra §. 16. sqq.

(*r*) Literas reversales Abbatis & Conventus Albenfis de retrovendendi jure in villam *Malsch* Marchioni servato A. 1318. vid. in Deductione Badensi contra Württemberg sub rubro: *In der Wahrheit gegründete Vorstellung.* num. x. pag. 52.

(*s*) Vide MEICHNER. *Decif. Cameral.* Tom. IV. Decif. 35. ubi Charta hæc nonnihil mutila extat. Authentica Charta servatur in Tabulario Badadurlacensi.

(*t*) Charta apud MEICHNER. l. c.

A. 1321. Fridericus & Rudolphus fratres Marchiones de Baden partem castri & oppidi Enzeberg, (u) quæ jam decennio ante oppignerata ipsis fuerat, a Gerardo milite de Enzeberg ejusque filiis Gerardo, Alberto, Conrado & Geroldo, pro 460. libris Hallensibus coëmerunt.

## §. XXVI.

Castrum  
Ochsen-  
berg.

Eodem anno Castrum Ohzsenberg cum villis *Lenbrunne Michelbach, Zabernvelt, Ober-Ramspach & Damp*, ut & curiam in *Flehingen*, pro bis mille & ducentis libris Hallensibus à Zeifolfo de Magenheim emit. Rudolphus frater & Conradus, Urfelingæ Dux, emtionis literas suis sigillis firmarunt. (x)

Quinquennio post idem Marchio cum filio Hermanno perpetuum jus aperturæ in castro hoc *Ochsenberg* contra quemvis, præter Marchiones Badenses reliquos, Rudolphum nempe patrum, Rudolphum fratrem & Rudolphum Hessonem patruelem, civitati Spirensi concessit. (y) Memorati Marchiones biennio post idem castrum Alberto de Gemmingen, Armigero, dicto de Enzeberg, oppignerantes, idem quoque jus servarunt Spirensibus, (z) solenni juramento præstito, absque Spirensium con-

(u) Ad Enzam annem, inter Pforzheimium & Vaihingen.

(x) Dat. die Lunæ post S. Galli A. 1321. Tabular. Bada-Durlac.

(y) LEHMANN. *Chron. Spir.* pag. 676.

(z) LÜNIG *Archiv. Imp.* Part. Spec. Contin. IV. Tom. II. pag. 483.

sensu arcem nulli se deinceps esse vendituros vel oppigneraturos. (a)

§. XXVII.

Vix victus fuerat & captus Fridericus Austriacus Anticæ-  
sar, quum Ludovicus Bavarus Marchionem Fridericum, Austria-  
co deditum, ad suas partes pertraxit, largiens ei jure feudali, ut  
„ tredecim denarios Argentinenſis monete de quolibet plau-  
„ stro vini, cum quatuor denariis de navi, in qua plaustra hu-  
„ jusmodi in Reni alveo veherentur per loca districtus terre sue „  
acciperet; ea lege, ut *juxta nobilitatem & magnitudinem* suam ad  
singulas partes Rheni, Sueviæ, Franconiæ & Baviariæ, contra  
quemvis, Rudolpho fratre & Rudolpho ac Hessone patris tan-  
tum exceptis, pugnaret pro Cæsare; qui feudi hujus confirmatio-  
nem a Principibus Imperii se impetraturum recepit. Acta sunt  
hæc Monaci XI V. Kal. Jan. A. 1322.

Ad  
Lud. Bav.  
transl.

E 3

(a) Castrum hoc Ochsenberg cum adjacentibus locis paulo post in Wirtember-  
gensium Comitum manus pervenit. A. 1391. Albertus de Enzberg Se-  
nior dimidium Ochsenbergæ, quam possederat, partem Wirtembergico Co-  
miti tradidit, qui eam Wolfio de Urbach dedit in feudum. A Wolfio  
Ochsenberga ad Sternfelsiorum familiam transiit. Eberhardus Comes  
Wirtemb. A. 1392. Henelio de Sternfels oppidum & Castrum Ochsenberg  
villasque Zabernfeld, Michelbach, Ramsbach & Lehenbrunn in feudum  
dedit Gæppingæ. Sternfelsii denique anno seculi hujus XLIX. Wir-  
tembergensia hæc feuda domino directo restituerunt. Conf. *Reichsständische  
Archival-Urkunden in causa Equestri* Sect. 1. Cap. I. n. 12., p. 12. sqq.

## §. XXVIII.

Fœdus  
cum civi-  
tatibus.

Moguntia, Argentina, Wormatia, Spira & Oppenheimium civitates, pacis publicæ ad Rhenum tuendæ causa, fœdus ad aliquod tempus cum inivissent, Fridericus Marchio eidem fœderi contra quemvis seditiosum, agnatis iterum exceptis, A. 1325. accessit. (b)

A. 1326. idem Marchio vicum Münzesheim, Ebersteinensis Comitatus feudum hoc anno sibi apertum, (c) Alberto Hoffwart, militi, contulit. (d) Hujus posterius Münzesheimium tenuerunt usque ad A. 1675. quo ad Fridericum VI. rediit Marchionem.

A. 1330. Fridericus & Hermannus Marchiones Chartam venditionis castri Beringersweiler testes signarunt. (e)

## §. XXIX.

Obitus  
ejus &  
Uxor

Obiit Fridericus X. Kal. Jul. 1333. ut sepulchralis indicat lapis. (f) Uxorem ejus Adelheidem Comitem de Beuchlingen,

(b) Cod. Diplom. Argent. de A. 1370. pag. 152. ubi Charta incipit: *Wir Marggrave Friderich, Herre von Baden.*

(c) De eo Illust. P. REUSCHENIUS in *Carlsruher nützlichen Sammlungen* P. I. pag. 348.

(d) Charta extat in Archivo Bada-Durlac.

(e) HANSELMANN. *Landeshoheit des Hauses Hohenlohe vor dem Interregno.* Fol. inter Diplom. pag. 440.

(f) Apud SCHANNAT. loc. cit. male XI. Kal. Jul. 1332.

appellant; quæ vidua cum tribus filiabus, Agnete, Irmengarde & Maria, in Lucidæ Vallis claustrum secesserit, eique per XII. annos Abbatissa præfuerit. Defunctæ XV. Kal. Sept. 1348. successit Agnes filia, ad A. 1361. usque superstes. (g) Friderico filium successisse Hermannum, omni dubio caret.

## H E R M A N N U S I X.

## DOMINUS DE EBERSTEIN.

## §. XXX.

Venditio vici Malsch & castri Waldenfels, per patrem Hermannus IX.  
A. 1318. facta, firmior ut esset, Hermannus quadriennio post, major annis factus, eandem literis suis firmavit.

A. 1329. Engelhardi de Winsperg senioris, sine prole legitima utriusque sexus demortui, institutus est heres (h) Fridericus pater & Rudolphus patruus testes suis hoc corroborarunt sigillis. Ab hereditate autem hac dimidiam partem bonorum ac hominum in *Eberstat*, *Gelmerspach* & *Stein*, vici at-

Astra  
Weins-  
pergen-  
sia.

(g) JO. GAMANS. pag. 211. sq.

Hinc Adelheidis adit decimum prælustris honorem

E Beuchling Comitum fœmina stirpe fata.

Ante Badensis erat Friderici Principis uxor,

Annos bis senos rexit, & astra subit.

Agnes officium viduæ post funera matris

Suscipit haud tali filia matre minor.

Provida, larga fuit, mitis, placida atque benigna,

Post annos tredecim scandit ad astra Poli.

(h) Codex Diplom. Badensis.

HERM.  
IX.

que castri, secernendam, eamque relinquendam esse Engelhardo & Cunrado de Winsperg fratribus, contra Hermannum Marchionem & Engelhardum seniore de Winsperg ipse Hermanni pater Fridericus & Engelhardus de Ebertsperg A. 1331. suis literis declararunt.

A. 1333. Hermannus oppidulum Klein-Gartach cum vicino castro Lünenberg seu Leimberg Alberto Bruzzen vendidit. (i)

## §. XXXI.

Acta cum  
Lud. Bav.  
Imp.

Eundem Hermannum, parentis extincti loco, Ludovicus Imperator sibi obstricturus, mense Octobri A. 1333. illi Stutgardiae concessit, ut de omni plauistro vini transvecto per Rhenum ad Mersfeldam, ultra solitum vectigal, posceret Schillingum Hallensem; donec bis mille & centum librarum Hallensium perceperit summam. Privilegium hoc Carolus IV. Imperator A. 1350. renovavit.

Proferi-  
ptio Cae-  
saris.

Abbatiae Monachorum ad Albam querelae de Hermannō frequentes Caesarem moverunt, ut, quem amicum paulo ante habuerat, Imperii hostem pronuntiaret; eique compescendo Ulricum Wirtenbergiae Comitem A. 1338. & sequenti liberas quasdam Sueviae civitates ad bellum proficisci juberet. (k)

In angustiis his Hermannus aēs alienum contraxit. (l)

Ofto

(i) SATTLER. loc. cit. P. I. pag. 181.

(k) Mandata Caesarea edidit BESOLDUS in *Documentis redivivis Monast. Wirtenberg.* p. 153. & 157.

(l) Extant literae ejus ad Elisabetham de Rotenstein scriptae A. 1349. ut Chartas quasdam Rudolpho March. redimendas traderet, in GUDENI *Cod. Diplom.* Mogunt. Tom. III. p. 312.



Octo per annos protractum est bellum, firmissimæ mentis in hoc Principe documentum haud leve. A. 1346. denique, mense Febr. Hermannus armis & iudicio publico Heidelbergæ coactus, advocatiam Albenfem dimisit e manibus.

Judicio & actui huic solenni Ruperti duo, senior & junior, Comites Palatini, Gerlacus Nassoviæ, Eberhardus Werdenbergæ Comites interfuerunt. (m)

Paucis post diebus Ludovicus Imperator Hermannum plenariam in gratiam se recepisse, alio diplomate Francofurti testatus est. (n)

A. 1339. Nicolaus & Wolfgangus Rœderi fratres, Elifabetha & Wilburgis, eorum sorores, partem suam castri Hohenrod Hermano Marchioni Badensi, Domino in Eberstein, pro 25. libris denariorum Argentin. vendiderunt. Bis mille & viginti quinque libras Hallenf. ab Engelhardo de Winfperg, oppignerata ei sua Domini Winfpergensis portione, A. 1341. accepit.

A. 1346. consentientibus agnatis oppidum & castrum Lauren Alberto Hoffwart juniore, qui in dicto oppido sedit, pro 3000. libris Hallenf. (o) & Maulbronnensi monasterio dimidiam partem vici Unterœwisheim cum jure patronatus vendidit. (p)

Tom. II.

F

(m) Ludovici Casaris & Hermannii Marchionis hac de re literæ extant apud

BESOLD. loc. cit. pag. 160. & 162. & in PETRI Suev. *Eccl.* pag. 25. sq.

(n) GAMANS. *Annal. Badenf.* p. 238.

(o) SATTLER. loc. cit. P. II. p. 67.

(p) SATTLER. l. c. p. 189. Vicus Niederœwisheim Episcopatus Basiliensis

HERM.  
IX.

## §. XXXII.

Acta sub  
Carolo  
Imp.

Carolus IV. dein rerum summa potitus, in Hermannum nostrum non tantum eandem, de qua disceptatum fuerat, Advocatiam, sed & castrum atque oppidum *Weinsberg* A. 1350. ex nova gratia Norimbergæ contulit, simulque pacta successoria, cum agnatis inita, æque ac privilegia domus Badensis confirmavit. (g) Friderici III. patruelis sui, literas A. 1349. hac formula: *Marchio Hermannus, Dominus de Eberstein*, signavit.

A. 1351. Hermannus Marchioni, pacem publicam violanti, bellum a fœderatis illatum, quo victus pacem petens, Spirensibus damna refarcire coactus est A. 1353. (r)

## §. XXXIII.

Mors.

Parthenio Lucidæ Vallis, ubi jacet sepultus, septingentis libras Hallenses Hermannus IX. destinavit. Idibus Aprilis A. 1353. defunctus est vita. (s)

Uxor &  
filii.

Filii ejus, Fridericus & Rudolphus, ex Mechtilde Comitissa Vayhingæ suscepti, præmaturo ante patrem extincti sunt fato. (t)

Redeundum jam ad Hermannum IX. patrum, Rudolphum IV, a quo reliqua Marchionum Badensium series descendit.

---

fuerat feudalis. In ejus locum vicum *Oje* Hermannus substituit, & a Johanne Episcopo Basiliensi primus in feudum recepit.

(g) GAMANSIUS.

(r) LEHMANN. L. VII. c. 47. p. 710.

(s) Necrolog. Lucidæ Vall. ap. SCHANNAT. *Vindem. Lit. Collect.* I. p. 166.

(t) GAMANS. loc. cit. pag. 239.

---

# CAPUT III.

RUDOLPHUS IV.

DOMINUS DE PFORZHEIM.

A. 1300 — 1348.



## §. I.

In divisione terrarum, cum Friderico II. RUD. IV. fratre suscepta, Principatus sui sedem Rudolphus IV. accepit Pforzhemium; Pforzheimensis hinc dictus.

A. 1300. quo sui juris est factus, venditionem vici Langensteinbach, de qua superius actum, suis literis probavit, in quibus *Rudolphus Dei gratia junior Marchio de Baden* nuncupatur.

Ecclesiasticæ vitæ eum ab initio destinatum & Canonicum Spirensem factum fuisse, ex sigillo cognoscimus, quod adjectum est literis, quibus cum fratre suo lites inter Abbatiam monachorum in Alba & rusticos suos in Malsche compositas refert A. 1307.

RUD. IV.

ubi legitur: *Rudolphus Marchio de Baden, Canonicus Ecclesiae Spirensis.*

## §. II.

Res ge-  
stae ab  
A. 1322.

Præter ea, quæ superius in Friderici II. fratris ejus vita memoravimus, observamus porro, quod Rudolphus A. 1322. dimidiam partem loci Bürckenfeld, ad præfecturam Neuenbürgensem pertinentis, pro centum libris Hallerorum oppigneraverit Würtembergico Comiti, intra biennium redimendam, ita tamen, ut, si non fiat reluitio intra hoc tempus, jus redimendi amissum sit. Arbitri de pretio, quod hoc casu addendum, statuant. (a)

A. 1323. Leopoldo Austriæ Duci, Spirensi civitatem obsidenti, auxilium tulit Rudolphus. At eodem anno pax inita & de damno, Spirensibus dato, electis ab utraque parte arbitris, transactum. (b). Idem Marchio cum uxore sua Lutgarda suburbii Ifforzhaimensis Hospitale Sancti Spiritus, nuper ab eo restitutum, A. 1323. donis ornavit. (c)

Eodem anno Conradus Abbas & Conventus Monasterii in Sunnensheim Ordinis Sancti Benedicti Rudolpho nostro jus patronatus parochialis Ecclesiae in Nyffern, ob præstitam defensionem, consensu Episcopi Basiliensis, pleno jure tradiderunt.

---

(a) SATTLER, *Beschreibung des Hertzöglth. Würtemb.* P. I. cap. 17. §. 2.

(b) LEHMANN, *Chron. Spir.* Lib. VII. cap. 23. & 26.

(c) GAMANS, *Hist. Bad.* pag. 213.

A. 1329. Nicolaus Comes de Lewenstain venditionem oppidi Bünnekain & castri Obern Magenhain, durante minore ipsius ætate, Rudolpho Marchioni & Marchionissæ Lutgardæ factam, confirmavit, eorumque dominum directum, Archiepiscopum Moguntinum, facta refutatione, de investiendo Marchione rogavit.

A. 1330. Stempferi nobiles pacem cum civitate Spirensi inierunt, cujus servandæ sponsonem in se suscepit Rudolphus. (d)

Idem cum Rudolpho Hessone Spirensibus damna intulit, quæ septem arbitrorum iudicio refarcire coactus est, Bertoldo Ebersteinensi & aliis obstagium in se recipientibus. (e).

### §. III.

D<sup>e</sup> Ludovico IV. Imperatore optime meritis, Imperialem Ortenaviæ Præfecturam omnem, ejusque castra, civitates, vicos, villas & bona reliqua, pro nongentis marcis argenti & quater mille libris Hallensium, quas Cæsar ei se debere professus est, A. 1334. pignoris loco obtinuit. Præterea Mülbergam aliaque feuda Imperii, morte Rudolphi Hessonis, Marchionis nostri patruelis vacantia, eidem contulit Cæsar.

Privilegia Ludovic. IV. Imp.

F 3

(d) LEHMANN. *Chron. Spir.* Lib. VII. cap. 28. & LÜNIG. *Archiv. Imp.* Part. Spec. Continuat. IV. Tom. II. p. 485.

(e) FUCHS in *Annotationibus ad Lehmann.* Lib. VII. cap. 30.

RUD. IV.

Noribergæ Imp. A. 1335. brevique post universis Germaniæ civitatibus, ne homines Marchionis proprios in collegia sua reciperent, solenni diplomate ibidem interdixit. In literis his omnibus Rudolphus noster, Marchio *Pforzheimensis* appellatur, vel *Badensis*, dictus de *Pforzheim*.

## §. IV.

Wirtembergica.

A. 1339. Rudolphus dimidiam partem vici Mensheim, quæ ad ipsum pertinuerat, in Ulricum, Wirtembergiæ Comitem, transtulit. (f)

Palatina.

Eodem anno Brettam oppidum ab Ebersteiniis Comitibus titulo revocabili acquisivit. Acquisitum ipse Comitibus Palatinis, Ebersteinsium consensu, oppigneravit. (g) Palatini denique oppidum hoc emtione penitus sui juris fecerunt. (h) Iisdem Comitibus Palatinis oppidum Heidolsheim, quod pignus Imperii tenebat Marchio, intra sexennium (i) bis oppigneravit, (k) bis quoque redemtum. A. 1347. portorium in Murgæ fluvio acquisivit.

---

(f) Conf. SATTLER, loc. cit. P. I. p. 101.

(g) *Acta Compromissi Aurelian.* p. 157. & TOLNER, in *Additionibus ad Histor. Palat.* p. 78.

(h) *Acta* cit. pag. 64. 148. 159. & CHYTRÆUS de *Greichgæ* in *Ill. Jom.* JAC. REINHARDI *Script. rer. Palat.* Vol. I. p. 497.

(i) A. 1340. & 1346.

(k) *Acta Compr. Aurel.* pag. 157. & TOLNER. pag. 48. & 97.

§. IV.

Post Lutgardam, Alberti Comitis de Lœwenstein Uxores. vi-  
duam, quam Rudolphus noster A. 1323. thori sui sociam junxit,  
secundis nuptiis duxit Mariam, Ludovici & Friderici Comitum  
ab Oetingen, Alfatiae infer. Landgraviorum, sororem; cum  
qua Pforzheimensi Hospitali Sancti Spiritus annuos viginti quin-  
que librarum Hallensium reditus A. 1336. donavit.

Denique septimo Kal. Jul. A. 1348. (1) in Lucidæ Val- Mors & sepult.  
lis monasterio decessit. Sepulcrum ejus Marchica inter monumen-  
ta comparebit.

Maria die 10. Jun. 1369. extincta, in Godefaugienfi Ab-  
batia, cui annuos reditus XV. librarum Hallensium & VI. quar-  
talium avenæ adscripserat, (m) sepulta.

Par filiorum Rudolphus noster reliquit, Fridericum III. filium  
& Rudolphum V. dictum *Wecker*, ut ex sequentibus patebit. De  
natu juniore improle primum, dein de majore, qui genus propa-  
gavit, agemus.

---

(1) SCHANNAT. loc. cit. p. 169.

(m) GAMANS. *Hist. Bad.* p. 216.

## R U D O L P H U S V.

COGNOMINE WECKER

D O M I N U S D E P F O R Z H E I M.

A. 1348 — 1361.

## §. V.

RUD. V.

Filius, ut distingueretur à patre, nomini paterno Rudolphi Marchionis Badensis, dicti de Pforzheim, adjectum est Weckeri cognomen. (n)

## §. VI.

Acta sub  
Carol. IV.  
Imp.

Carolus IV. Imperator Spiræ commoratus A. 1349. die Martis ante Palmarum non modo de Imperialibus feudis eum investivit, sed & confirmavit ei Ortenaviæ pignus; quod quinque millibus aureorum minorum adauxit. Præterea Rudolphum & subditos ejus ab omni omnium Judæorum, Argentinenfium præfertim, actione mutui liberos pronuntiavit.

Per

---

(n) In literis investituræ Caroli IV. Imperatoris vocatur: *Rudolph Marggraf zu Baaden, Herr zu Pforzheim, der genannt ist der Wecker*. Idem nomen ipsi in aliis ejusdem Imperatoris litteris A. 1362. datis, adscribitur apud SCHILTER. *de simultanea investitura princip. imperii* cap. II. §. 4. in *Comment. ad Jus feudale Alem.* p. 338.



Per investituram Cæsari, extra Marchionatum Badensem bellum gesturo, quinquaginta milites galeatos se debere Rudolphus professus est. (o)

Biennio post tamen ejusdem Cæsaris auctoritate, non refragantibus Friderico & Rudolpho Marchionibus, Ortenaviæ Advocatia in Bertoldi II. Episcopi Argentinenfis manus legitima relictione transivit.

Carolus IV. de pace publica Rhenensi sollicitus, A. 1353. triennale fœdus Præcerum ac Civitatum stabilivit Hagenoæ. „ Recessit autem Weckerus Marchio de Baden, nolens esse in „ Liga, cujus frater Fridericus & Hermannus patruus „ (patruelis) in brevi sunt ante defuncti, ut scribit ALBERTUS „ TUS „ (p)

## §. VII.

Hagenbacum (q) & Selsa; Alsatiae oppida, oppignerata Badenensibus, tumultui bellico A. 1357. occasionem dederunt.

Bellum  
Alsatia-  
cum.

Tom. II.

G

(o) Literæ Rudolphi March. Domini Pforzh. dicti Wecker, in SOMMERBERGII *Script. Rer. Siles.* Tom. III. p. 70.

(p) Chron. p. 160.

(q) ALSATIA ILLUSTR. Tom. II. p. 179. sq.

Frequentes enim ex illis in mercatores præsertim, qui præteribant, direptiones cum fierent, Cæsar Civitates Imperiales, ad Rhenum & in Suevia sitas, induxit, ut Advocatum suum provinciale Alfatiae sequerentur. (r)

Civitates imperata fecerunt, at immutata mox sententia Cæsar utrique parti per Rupertum seniore, Comitem Palatinum, & Johannem Episcopum Argentinensem pacis inspiravit consilia atque Marchionem porro debellari prohibuit. (s) Dirutum oppidum Selfam hoc bello, & mox a Cærolo IV. restauratum esse, docet KOENIGSHOVIVS. (t)

Triennio post protectionis peculiaris diploma (u) Rudolpho seniori ac juniori, Marchionibus Badensibus (x) concessit; & mille marcas ex vectigali Selsenfi, (y) totidemque seniori foli,

---

(r) WENCKER. in *Collect. Archivi & Cancellar. Jur.* pag. 378. Plura de Selsa vid. in *ALSAT. ILLUSTR.* Tom. II. p. 181. sqq.

(s) Ibid. pag. 379.

(t) Chron. Alfat. pag. 314.

(u) GLAFEY *Anecd.* num. 156.

(x) Rudolphen den eltern, den man den Wecker nennet, und Rudolphen den jungen, Herrn zu Pforzheim, Marggrafen zu Baden.

(y) GLAFEY loc. cit. num. 155.

pro damnis Selfæ & Hagenbaci acceptis, Noribergæ cum versaretur, adscripsit.

Eodem anno cum utrisque Marchionibus mutui auxilii fœdus Elector Palatinus Rupertus inivit.

§. VIII.

Rudolphi Weckeri, Advocati & instauratoris sui, memoriam, Abbatia Gottsaugienfis Annalibus suis grata mandavit. (z)

§. IX.

Obiit quinto Kal. Sept. A. 1361. sepultus ante altare Sanctæ Catharinæ Lucidæ Vallis. (a)

Viduam reliquit Adelheidem, Marchionis Rudolphi Hesse-  
nis filiam, (b) quæ per matrem Johannam Montisbeliardi Co-

Tom. II.

G 2

(z) Ibidem num. 158.

(a) GAMANS. *Hist. Bad.* p. 240.

(b) In Charta A. 1347. HERRGOTT. num. 792. pag. 674. legitur: *Adelheit Margrafen zu Baden und Rudolph genant Wecker ihr ehlicher Mann.* Ad-  
de STEYERER in *Addit. ad Hist. Alberti Sap.* p. 244.

RUD. A.

micissimam, heres fuit Dynastiæ Belfortensis ex parte, (c) marito superstes.

(c) Unde in literis A. 1362. quibus undecim Dynastiæ Belfort vicos à tributo manus mortuæ liberat, *Noble & puissante Dame Alix, Marquise de Bade & Dame de Belfort*, appellatur. Literas has Judex Curix Archiepisc. Vefont, exaravit. Cod. Diplom.



# CAPUT IV.

FRIDERICUS III.

DOMINUS DE BADEN.

A. 1348 — 1353.



§. I.

adæ Fridericus, Pforzheimii frater Rudol-  
phus VI, Ebersteinii patruelis Herman-  
nus IX. suas fedes habuerunt.

Frideri-  
cus III.

A. 1348. Friderico huic ejusque fratri Rudolpho Wecke-  
rio (a) homagium & fidelitatis jusjurandum præstiterunt cives  
Pforzheimenses.

G 3

---

(a) Verba literarum sunt : „ Den Hochgeedelten Marggrave Friderichen und  
„ Marggrave Rudolffen genant dem Wecker, Gebrüdern von Baden und  
„ Herrn zu Pforzheim.

## §. II.

Res ge-  
sta.

Literis A. 1349. quibus coronam, a Ruperto Palatino Judæis Argentinensibus pro Rudolpho patre olim oppigneratam, sibi in manus traditam Fridericus testatur, Hermannus Marchio, Dominus de Eberstein, & Marchio Rudolphus, dictus Wecker, Friderici frater, sua quoque appenderunt sigilla. (b)

Rupertus ille Fridericum nostrum focerum suum vocat in Charta, qua super corona ista Argentinenses absolvit. (c)

Fridericum & Rudolphum *fratres*, Marchiones de Baden, Carolus IV. Imperator in diplomate A. 1351. commemorat, quo Bertoldo Episcopo Argentinensi Advocatiæ Ortenaviæ relaxationem permittit.

## §. III.

Mors.

Obiit *Illustris Fridericus Marchio de Baden* IV. Non.

---

(b) Codex Diplom. Argent. Membr. de A. 1370. pag. 150. ubi: *Wir Marggrave Friederich Herre zu Baden*. In fine: *Wir och Marggrave Herman von Baden, Herre zu Eberstein, und Marggrave Rudolf genant Wecker, des vorgenanten Marggrafe Friderichs Bruder*.

(c) Ibidem: *Unserm lieben Sucher, Marggrafe Frideriche von Baden*.

Sept. A. 1353. teste Necrologio Lucidæ Vallis, (*d*) cui monasterio jus patronatus in Hauen Eberstein A. 1348. una cum fratre Rudolpho dederat dono. (*e*)

Fridericus noster duxit uxorem Margaretham, Rudolphi Uxor. Hessonis, patris sui, & Johannæ Montisbeliardensis filiam natu majorem, (*f*) quæ per matrem Dynastiæ Hericurtensis fuerat heres, quam Dynastiam A. 1366. condito testamento, filiæ suæ Margarethæ, primum Godofredo Comiti Leininga-Rixingensi, dein Henrico Comiti Lucelfsteinensi (*g*) nuptæ, & hac sine legitima prole moritura, filio suo Rudolpho Marchioni Badensi, adscripsit. (*h*)

Præterea Margarethæ mille & quingenti floreni ex Dynastia Florimontana ab Austriæ debebantur Ducibus, unde & Florimontii nomen suis titulis adjecit.

(*d*) SCHANNAT. *Find. Lit. Collect.* I. p. 169.

(*e*) GAMANSIUS p. 239.

(*f*) In charta divisionis hereditatis maternæ inter quatuor filias A. 1347. institutæ, *Grede Margrafen ze Baden, Margrafen Friderich ihr ehlicher Mann*, leguntur apud HERRGOTT. *Cod. Dipl.* num. 792. p. 674.

(*g*) ALSAT. ILLUSTR. Tom. II. pag. 619. ubi corrigendus est error in nomine Patris; pro Rudolpho enim Fridericus ponendus.

(*h*) Testamentum idiomate Gall. scriptum. Margaretha hoc utitur titulo: *Le Marguerite Marquise de Baade, Dame d'Ericourt & de Florimont.*

Fridericus III. ergo par liberorum reliquit, Margaretham Godefridi, vulgo Schaffridi, Comitis Leiningensis & postea Henrici Comitis Lützelsteinensis uxorem, & Rudolphum familiæ Badensis statorem, de quo jam instituendus est sermo.





CAPUT V.  
RUDOLPHUS VI.  
COGNOMINE LONGUS.

A. 1353 — 1372.



§. I.

corporis proceritate *Longum*, non RUD. VI.  
Magnum appello; quamvis elogio  
hoc eum censeam dignum; fuerat  
enim animo non minus, quam cor-  
pore valens. (a)

§. II.

Marchiæ Badensis partes, tam diu divisæ, in unum de-  
nique corpus sub hoc Rudolpho redierunt. Quamdiu cognominis Mar-  
chiam  
conjun-  
git.  
patruus vixit Weckerus, Rudolphus noster dictus est *junior*.

\* Tom. II.

H

(a) Staturam ejus ad XII. pedes scriptores juniores fabulose extendunt.

Hic cum patruo A. 1356. pactum familiæ condidit; omnium Domus Badensis pactorum basis & fundamentum. (b)

Placuit, ut alteri, sine mascula sobole morituro, alter in universis succederet terris & bonis. Placuit, ut filiabus pro omni suo jure mille marcæ argenti, cum nuberent, solverentur. Terras & subditos alienare ne liceat. Oppignerare liceat, sed caute. In difficilioribus rebus, in tuendo potissimum jure salvî conductus, mutua præstentur auxilia. Domesticæ lites, si quæ oriantur, per arbitros, quos dicunt Austrægas, componantur amice. Pacti hujus virtute patruo suo, A. 1361. ut vidimus, extincto, heres successit noster Rudolphus.

### §. III.

Investi-  
tur a Cæ-  
re.

Idem a Carolo IV. Imperatore, in cujus aula fuerat educatus, veniam eodem anno obtinuit gabellam seu vectigal (*Umgeld*) imponendi vino omnique frumentorum generi, in civitate Pforzheim, secundum jus & consuetudinem terræ.

A. 1362. ab eodem Imperatore totius Principatus seu Marchiæ Badensis investituram Noribergæ accepit.

Cæsar limites ejus ita definit: „A Graba usque ad Müllenberg ad Albam, ab Alba usque ad Schwarzacum & Hardtam interjacentem, cum Ettelinga oppido, cum jure forestali, condu-

---

(b) Conditum est Ettlingæ die Lunæ post S. Michaelis A. 1356.

Etus per terram & flumina, cum moneta, judiciis & aliis juribus, quibus majores ejus sunt usi. (c)

Primæ hæ sunt literæ feudales, quas novimus, Marchionibus Badensibus super Marchiam a Cæsare datæ; in quibus hoc singulare, quod ad simultaneam Marchiæ investituram admissus est Rupertus I. Palatinus Elector. Occasionem rei dedit liberalitas Rudolphi, qui Ludovicum, Comitem Oetingensem, quem impense amaverat, Marchiæ suæ instituerat heredem. Factum hoc damnavit Cæsar, non quod res acta sine Cæsaris, ut domini directi consensu, sed quod peracta sine patris consensu, quodque minor fuerit ætate Marchio; quasi de allodio, non de feudo Imperii ageretur.

Crederes Marchiam Badensem antea fuisse allodiam, quoad fundum, & Marchiones nonnisi de regalibus investitos a Cæsare; cujus generis feudorum & alia hodie prostant exempla. Marchiones profecto passim in Chartis *Domini in Bada* vocantur, quæ nunquam vera Marchia fuit, sed Dynastia a Principibus, qui Marchiones vocabantur, possessa.

Quicquid hujus rei sit, prima hæc si non fuit Marchiæ investitura Cæsarea, aliam antiquiorem indicaverit nemo. De

Tom. II.

H 2

---

(c) Extant in *TOLNERI Hist. Palat. Cod. Dipl. n. 158.* *SCHILTERI Cod. Feud. Aleman.* pag. 338. & *LÜDIG Reichs-Archiv* Part. spec. Contin. 2. *Fortsetz. 1.* pag. 939.

RUD. VI.

De tota scilicet Marchia Badensi, non de partibus quibusdam, ut Mühlenbergæ Castro &c. quæstio est. Marchionatus Hachbergæ naturam allodii tum adhuc retinuit.

## §. IV.

Pactum  
succell.  
cum Pa-  
lat.

A. 1363. Rudolphus noster successorium cum Ruperto, Palatino Electore, pactum inivit; in quo oppida Heidesheim & Wildberg ipsi promissa, si sine masculo herede decesserit Elector, quem vicissim terrarum Badensium scripsit heredem, si absque prole mascula obierit Marchio.

Eodem anno Rudolphus Diterico a Gemmingen investituram vici Damm concessit. Ouvenshemio autem duas curias in vico Bolach dedit in feudum.

## §. V.

Privile-  
gia Caro-  
li IV.  
Imp.

Tum temporis quoque Carolus IV. vectigal Grossi Turo-  
ronensis Mülbergæ, & A. 1364. duorum Turonensium Schreckæ,  
de omnibus mercibus Marchioni concessit.

Quin & A. 1365. Comitatum Lœwensteinensem, Alberti  
Comitis morte ad Imperium rediturum, eidem Spiræ contulit in  
feudum. Spes hæc tamen caruit effectû. (d)

---

(d) Primus Comes de Lœwenstein fuit Albertus, filius Rudolphi I. Imp. spu-  
rius, quem scriptoribus ignotum, charta patris A. 1283. prodit. Chartam

§. VI.

A. 1633. Ruperto I. Palatino Electori Belicheim & Bel-Palatina.  
heim, hodie præfecturæ Germersheimensis vicos, quos pignoris  
jure ab Imperio tenuerat, Marchio noster oppigneravit. (e)  
Reluit eos aut ipse, aut filius Bernhardus, qui A. 1383. illos de-  
nuo Palatino subjecit.

§. VII.

Triennio post Rudolphus auxilium præstitit Eginoni, Fribur-  
genſia.  
gurgi Comiti, in bello, quod cum civibus suis & Brisacensibus,  
Neoburgensibus & Basiliensibus gessit. (f)

Eodem anno ab eodem Eginone omnes ejus vasallos infra  
Bleicham flumen in Ortenavia, Rhenum inter & Nigram silvam,  
biennioque post Castra Rotenfels, & Reichenbach coëmit.  
Stollhovan vero, aliorum pignus, florenis bis mille ac ducentis  
redemit.

H 3

hanc ex scrinio Elect. Palat. Codex noster Diplom. dabit. Comitatus  
iste Friderico Victtorioſo, Electori Palatino A. 1441. venditus est; unde  
nova Comitum Læwenſteinenſium progenies surrexit.

(e) Acta compromiſſi Aurelian. pag. 157. TOLNER in addit. ad Hiſtor. Palat.  
pag. 79. ubi error in nomine Marchionis.

(f) Hiſtor. Bad. Tom. I. pag. 252.

## §. VIII.

Bellum  
cum  
Eberh.  
Wirtenb.

Cum Eberhardo, Wirtenbergiae Comite, congressus est bello, quod Carolus IV. Imperator, multorum Imperii Principum consilio, A. 1370. composuit, Johannem de Ofweil, Wolfg. de Steine, Bertoldum & Hermannum de Sachsenheim, Georgium de Entzberg aliosque Nobiles obstringens, ut bona quaedam ex suis Marchioni nostro offerrent in feudum.

Eodem anno Leopoldus & Albertus, Austriae Duces, Rudolphum suarum in Brisgovia terrarum, inter quas nominatim expressa sunt oppida Neoburgum, Brisacum, Friburgum, Kenzinga, quibus addita Villinga, constituerunt Advocatum provinciae & militiae Praefectum.

## §. IX.

Mors &  
sepultura.

Obiit Rudolphus XIII. Kal. Aprilis A. 1372. in Abbatia Lucidae Vallis & quidem in Capella, Marchionum Badensium sepulturae destinata, sepultus. (g)

Ad latus Ecclesiae Monasterii Lucidae Vallis Capella est, quae Principum mortuorum vocatur Capella, Sanctae Annae dedicata. In ea sepulti sunt plerique Badenses, Periodi Rudolphinae Marchiones. In medio Capellae visitur sepulcrum monumentum Rudolphi Longi, cum imagine ejus jacente, quam circumdat In-

(g) Necrolog. Lucidae Vallis apud SCHANNAT. Vindem. Liter. Collect. I. pag. 166.

scriptio. Monumentum hoc æri incisum inter sepulchralia repræsentamus Lectori. Rudolphus Marchionum Badensium in Lichenthal sepulchrorum postremus.

## §. X.

Uxor Rudolphi Longi fuit Mechtildis, Johannis Comitis Conjux. Spanheimensis filia, (*h*) quam vivo patre Friderico sibi despondit A. 1346. quinque millia librarum Hallensium cum ea accepturus pro dote. Ex summa hac duo millia Rupertus Palatinus, reliqua Johannes perfolvit.

Rudolpho dati sunt hujus pacti sponsores, Rudolphus & Rupertus Comites Palatini, fratres, Gerlacus Nassovius, Simon Salmenfis, Walramus Spanheimensis, Adolphus & Johannes fratres Nassovii, Willielmus & Johannes Cattimelibocenses, Fridericus & Emico fratres Leiningenses Comites, præter alios inferioris Ordinis Nobiles.

Mechtildi, præter hanc dotem, ex hereditate paterna nihil debebatur, nisi patre decedente sine mascula prole. (*i*)

Mechtildis marito suo diu superstes, A. 1378. a Gerhardo de Staffort, milite, homines proprios superioris & inferioris Harde sibi comparavit.

---

(*h*) Errant Genealogi, inter quos IMHOFFIUS in *Notitia procer. Germaniæ* Lib. IV. Cap. VIII. §. 6. quod Mechtildem hanc Johannis Comitis Spanheimensis filiam constituunt. Emendatio nostra ex ipsius tabulis sponfalibus desumpta.

(*i*) *Anc Leibs-Erben.*

RUD. VI.

At alienavit eadem hæc Mechtildis plura. A. 1390. Ruperto II. Palatino Electori cessit bonis suis in Heidelberg, Wildsberg (*k*) & Eppingen. (*l*)

A. 1391. eidem Electori tradidisse arcem Befisheim scribit TOLNERUS. (*m*)

A. 1406. Ruperto Cæsari, concessit castra sua Mosbach & Obernheim. (*n*)

## §. XI.

Liberi.

Mechtildis mater fuit trium liberorum; Bernhardi, novam Familiæ Badensis qui periodum condidit, Rudolphi VII. & Mechtildis, quæ Henrico XIII. Comiti Hennebergensi nupta, A. 1421. decessit. (*o*)

(*k*) Alias Wiberg, hodie Wildberg.

(*l*) TOLNER in *addit. ad Hist. Palat.* ex Actis Comprom. Aurel. pag. 74.

(*m*) Idem l. c.


(*n*) Idem l. c.

(*o*) SPANGENBERG *Chron. Henneberg.* Lib. V. Cap. XVII. pag. 206. sq. ubi Mechtildis hujus matrem, quæ Spanheimensis genere fuit, Ebersteinenfem male nominat.



CAPUT





# ARDIANA.

---

415. † A. 1431.  
A. 1392. 2) Anna,

---

URSULA.	BERNHARD.	BRIGITA.	RUDOLPHUS.
o 8. nata A. 1409.	natus	nata	natus
ardo nupta A. 1422.	A. 1412.	A. 1416.	A. 1417.
icenfi Gottfrido Comiti	†		†
2. in Ziegenhayn.	A. 1424.		A. 1424.

---

GEORGIUS.	MARCUS.	MARGARETHA.
Episcopus	Canonic. Argentinenf.	nupta Alberto Bran-
Metensis.	& Colon. dein Episc.	denburg. A. 1445.
† A. 1484.	Leod. postul. † A. 1478.	† A. 1457.

---

RINA.	ZIMBURGA.	MARGARETHA.
149.	nata A. 1450.	nata
in Werdenberg.	nupta Engelberto	A. 1452.
4.	Nassov. A. 1468.	Abbatissa in Lichtenthal.

## PERIODUS IV.

SIVE

BERNHARDIANA.

## CAPUT I.

BERNHARDUS I.

AB A. 1372 --- 1431.

## §. I.



Periodum Badensis Historiæ aggredior, multitudine Introitus.

& gloria rerum gestarum præ ceteris claram.

Tribus ea superbit Marchionibus, patre, filio, nepote, qui singuli Marchiam omnem soli rexe-

runt potenter; nominis sui fama per orbem illu-

stres, magnitudine mentis in Annalibus noti. Bernhardum, Jacobum, Carolum intelligo, qui 103. annorum epocham complent.

Hos inter omnium judicio primatum tenet Bernhardus, <sup>Bernhardus I.</sup> princeps ad ardua natus; regiminis diuturnitate & gloria avis suis

BERNH. I.

& omnibus seculi sui Marchionibus major; dignus, qui non Marchionatum modo, sed Imperium regeret.

Regimen ejus in turbida illa tempora incidit, quibus Wen-ceslaus Cæsar Imperiales Civitates in Principum ordinem, Principes vicissim in Civitates commoverat. Bernhardi pater distracta quædam Marchionatus Badensis membra revocavit ad corpus. Bernhardus Hachbergensem Marchiam eidem conjunxit; quin & terras novas adjecit. His nervis instructus prudens & bellicæ indolis princeps, fratre quoque sine prole defuncto, solus Marchiam regens, in Martis theatro comparere cœpit, ut contra multiplices hostes jura sua sociosque defenderet, bellaque undique illata repelleret.

## §. II.

Tutela  
ejus.

Bernhardi & Rudolphi fratris ejus tutelam gessit Rupertus I. Palatinus Elector, qui jus torcularis Monasterio Albæ Minorum A. 1377. tutor confirmavit. Bernhardus regimen adiens, Rudolphi fratris tutelam ad annum usque 1380. gessit, quo divisionis pactum inivit cum fratre, sibi que Pforzheimium atque Durlacum cum inferioribus terris retinuit; Badam cum superiori Marchia fratri relinquens; (a) qui A. 1391. extinctus, Bernhardo soli Marchiam omnem reliquit.

---

(a) Instrumentum divisionis non reperi. Verisimile est, divisionem eodem anno 1380. factam, quo pacta familiæ inter se fratres inierunt. Legitimam ætatem attigisse tum videtur Rudolphus, cujus tutelam adhuc gesserat frater A. 1379.

## §. III.

Bernhardus Equestribus ludis A. 1374. Eslingæ adole-  
fcens interfuit. (b) Initia  
Bernhar-  
di.

Quadriennio post ei & Electori Palatino Spirensis Episco-  
patus defensio, a Carolo IV. Imperatore, commissa est. (c)

A. 1379. Rupertus senior & junior, Otto, Stephanus, Pactum  
familie  
cum fra-  
tre.  
Fridericus, Johannes & Rupertus, Palatini Ducesque Bavarie  
& Bernhardus Marchio noster, suo & tutorio Rudolphi fratris no-  
mine, foedus mutui auxilii cum Civitatibus Sueviæ Imperialibus,  
in quinque annos Badæ, die Sancti Ulrici iniverunt. (d)

Unde factum, ut in magno illo VII. Rhenensium &  
XXXIII. Suevicarum Civitatum foedere A. 1381. Spiræ con-  
tracto, & accedente paulo post Ratisbona, in decennium renova-  
to, Bernhardus & Rudolphus, Marchiones Badenses, nominatim  
exciperentur; (e) nisi alteruter unam ex foederatis Civitatibus in-  
iuste petierit bello. (f)

Tom. II.

I 2

(b) CRUSIUS *Suevicor. Annal.* Part. III. Lib. V. pag. 285.

(c) SIMONIS *historische Beschreibung aller Bischöffe von Speyer*, in Adolpho  
Episcopo pag. 138.

(d) DATT. *de pace publica* Lib. I. Cap. 6. pag. 39.

(e) LEHMANN. in *Chronico Spirensi* Lib. VII. Cap. 66. pag. 747. & 748.

(f) DATT. l. c. Cap. 8. n. 12.

## §. IV.

A. 1380. die Sancti Galli Heidelbergæ, inter Bernhardum & Rudolphum Marchiones, fratres, conditum est Familiæ Pactum in has leges:

1. Marchionatus Badensis nunquam plures, quam duo, habeat Regentes, sive maneat in statu præsentis, sive ditionibus augeatur.

2. Marchiones Regentes sint compotes mentis, animo & corpore sani.

3. Jus primogenituræ in utraque linea observetur.

4. Appanagiatî singuli annuos 500. florenos accipiant.

5. Dos filiæ principis sit 6000. florenorum.

6. Alienatio terrarum prohibetur.

7. Oppignratio earum limitatur.

8. Prohibetur, ne quid ex Marchicis terris Argentinensi aut Spirensi Episcopis, nec Comiti Wirtenbergiæ vendatur; vicinorum Magnatum ne augeatur potentia.

## §. V.

Acta  
A. 1381.  
& sq.

A. 1381. Bernhardus, cum Rudolpho fratre, Albertum de Enzberg, dictum Schuhelin, de parte sua munimenti Enzberg, reservato sibi jure aperturæ, investivit. Eodem anno Eberhardus & Ulricus filius ejus, Wirtenbergæ Comites, Bernhardo & Ru-

dolpho fratribus omnem se daturos operam promiserunt, ne munimentum Straubenhart, communi ipsorum consilio destructum, restauraretur.

A. 1382. Argentinenses una cum Lützelsteinensibus, castrum *Chatelot* in Montisbeliardenfi Comitatu, ob frequentes rapinas, ex eo in finitimos exercitas, funditus destruxerant. Vergius, Burgundiæ Comes, ad quem Castrum pertinuerat, vindictam sumpturus, collecta magna militum manu, Dominorum de Lützelstein & de Vinzingen terras ferro & igne delevit. Argentinenses eorumque Episcopus, Marchiones Badenses, alique Barones, Civitates & Nobiles, junctis inter se armis, in bellum adversus Comitem profecti sunt, qui, cum viribus suis diffideret, celeri fuga sibi consulere, quam dubio Marti se suorumque fortunas committere maluit. (g)

## §. VI.

Eodem anno Wenceslaus Cæsar Bernhardum de Marchionatu & terris, a Graba usque ad flumen Schwarzach, investitura Wenceslai Imp. investivit Francofurti. Feudalibus literis Castrum *Iberg* quoque infer-tum. (h) Quin & mentio fit Provincialis Judiciî, vestigalium in

## I 3

(g) KOENIGSHOV. Chron. Cap. 5. §. 160, aliaque Chronica Mœcia Argent.

(h) *Iberg* castrum hodie dirutum est in Marchionatu-Badenfi, supra Steinbacum.

Sellingem ad Rhenum, in vico Raftatt, in oppido Ettlingen, in Schreck ad Rhenum, ut & aliorum jurium, quæ in terris ejus ipsi competeabant. Nec omissi Judæi. (i) Posteriores hæ partes in literis feudalibus Caroli IV. omissæ fuerunt.

Biennio post Leopoldus, Austriæ Dux, Austriacarum in Brisgovia terrarum advocatum constituit Bernhardum. (k)

A. 1383. Bernhardus oppida Bellicheim & Bellheim, Imperii pignora, quæ jam a Rudolpho, Bernhardi patre, Elector Palatinus ante vicennium redemerat, eidem redimenda concessit, addita quoque facultate Civitatem Elpingensem (Eppingen) reluendi; (\*) quam tamen A. 1424. demum Electori dimisit.

A. 1387. Wenceslaus Imperator Marchioni privilegium de non evocando indulsit; ne ministeriales ejus vel subditi in aliis, quam Marchicis Judiciis convenirentur.

## §. VII.

Bellum  
cum Sue-  
viæ Civi-  
tatibus.

A. 1388. diuturnæ Principes inter & Suevici Fœderis Civitates discordiæ eruperunt in bellum; quo durante Badenses quoque ditiones vastatæ sunt. Stephanus & Fridericus, Bavariz

(i) Literæ hæ investituræ extant in Cod. Diplom.

(k) Tabularium Bada-Badense.

(\*) Electa juris publici Hiflor. Palat. illustrantia pag. 160. 162.



Duces, A. 1387. Salisburgenfem Archi-Præfulem Pilegrinum, memoratas ob Civitatum cum Principibus lites, captivum tenuerunt. (l) Civitatibus autem, Pilegrini fociis, cum quoque damna inferrent, fœderatæ per Sueviam, Bavariam & Franconiæ Civitates, communicato cum Rhenenfibus confilio, Bavarix Ducibus eorumque fociis bellum denuntiarunt. (m). Præcipuus turbarum auctor fuit Wenceslaus Cæfar, Principibus infensus, quod de eo deponendo confilia nuper agitaſſent. (n) Unde non ſolum de patrocinio ſuo certas juſſit eſſe Civitates, ſed & ipſe indicto Bavarix Ducibus bello, publice Civitatum partes amplexus eſt. (o) Bellum hoc in Bavaria initium ceperat, inde per Franconiam Sueviamque ſe extendit ad Rhenum. Rhenenſes, Alſaticæ & Wetteravicæ Civitates, a Wenceslao excitatæ, Rupert Electoris Palatini terras invaſerunt, ut ab auxilio Bavarix Ducibus ſerendo eum arcerent, ſed victæ ſunt à Ruperto Civi-

(l) AVENTIN. *Hiſt. Bojor.* Lib.VII. Cap.22. §.8. HUNDI *Metrop. Salisburg.* Tom.I. pag.17. ADLZREITTER *Annal.* Part. II. Lib.VI. §.17.

(m) De bello hoc ſcripſit TRITHEMIUS in *Chron. Hirſaug.* ad A.1388. KOENIGSHOV. in *Chron.* Cap.5. §.178. ſqq. AVENTINUS Lib.VIII. *Chron.* Mſcpta Muegii aliorumque.

(n) LEHMANN. Lib.VII. Caq. 69. pag.766. ubi literas Wenceslai exhibet, quæ id manifeſte docent.

(o) Idem l. c. pag.756.

BERNII.

tatum copiae, duobus praeliis; altero ad Spiram, altero ad Francfurtum compisso. In Suevia praesertim atque Bavaria, magno animorum ardore res gesta. Vici utrimque magno numero exusti.

## §. VIII.

Pax  
Egrana.

At Wenceslaus, semper animo hærens, prodita denique Civitatum causa, transivit ad Principes. Literas dehortatorias ad Salisburgensem Archiepiscopum dedit, (p) quem paulo ante adversus Principes in bellum stimularat. Unde, confluentibus ad Wenceslaum Principibus Civitatumque legatis, A. 1389. mense Majo funesta Civitatibus illa Pax Egræ composita, qua rescisso Civitatum & Principum foedere, pax publica ad Rhenum, in Suevia, Bavaria, Franconia, Thuringia, Misnia, in sexennium ordinata, atque statutum, ut Civitates tum demum pacis hujus essent participes, si vel amice, vel coram arbitris, ad id electis, de bello cum Principibus transfegerint. Civitates, magno ære Principibus soluto, Egranæ Paci accesserunt paulatim. (q) Bernhardus Marchio, ipse licet non implicitus bello, damni tamen nomi-

ne

---

(p) Exhibet illas LEHMANNUS l. c. pag. 765.

(q) Vid. KOENIGSHOV. Cap. 5. §. 196. & LEHMANNUS in Chron. Spir. Lib. VII. Cap. 69. pag. 767.

ne XV. mille florenos a Spirensibus postulavit. (r) Argentinenſes paulo poſt ſuam quoque partem ſolverunt. (s)

### §. IX.

Principes & Civitates, in varios diſtriſtus diviſi, totidem Rhenenſis. paces particulares condiderunt. Ad Rhenum Moguntinus Antiſtes, Ruperti, Comites Palatini, Fridericus Argentinenſis Epifcopus, Bernhardus & Rudolphus Marchiones Badenſes, cum Civitatibus Moguntia, Argentorato, Wormatia, Spira, Francofurt, Fridberga, Gelnhuſa, Hagena, Sella, Wiſenburgo, Seleſtadio & Ehenhemio, peculiari formula, jurejurando firmata, menſe Junio A. 1389. pacem fecerunt. Conventum quoque de numero haſtiferorum, (*Gleven*) quos ſinguli, redigendis in ordinem turbatoribus pacis, contribuere. Bernhardus & Rudolphus Marchiones quiſque duodecim milites darent. (t)

A. 1391. Fleckenſteinenſibus Dynaſtis auxilio fuit Bernhardus contra Advocatum provincialem & civitatem Hagenaſem, qui de vicis quibusdam cum Fleckenſteinenſibus lites alebant. (u)

Tom. II.

K

(r) LEHMANNUS l. cit.

(s) Vid. infra ad A. 1393.

(t) Inſtrument. exhibit WENCKER *de Uſſburgeris* pag. 150.

(u) HERZOG *Chron. Alſat.* Lib. IV. Cap. 7. pag. 159.

Eodem anno Marchio noster Ruperto II. Electori Palatino concessit, ut novo Rheni alveo ad Lidoshemium ducto, Gernersheimensis oppidi ruinam praeverteret. (x)

## §. X.

Bellum  
Argentinen-  
se.

A. 1392. (y) Bernhardus novo cum Argentinensibus bello implicitus est; cujus originem & fata paucis exponam. Bruno, Rapoltsteinenensis Dynasta, cui civitatis jus concesserant Argentinenses, A. 1388. militem Anglum Johannem de Harleston, custodiæ mandaverat in Gemariæ Castro. (z) Rex Angliæ de liberando hoc milite literis aliquoties cum Argentinensibus egit. Bruno jure suo se usum cum pertinaciter contenderet, vimque ei inferre noluisent Argentinenses, res a Rege Angliæ ad Wenceslaum Imperatorem delata, qui civitatem indicta causa proscrispsit, sententia Burglitzii data A. 1390. Dimissus e captivitate Harlestonius. Argentinenses de abolenda proscriptione Pragam miserant legatos, qui ne in conspectum quidem Regis ad-

---

(x) Agri tum Lidosheimensis pars, quam WILDICH appellat, trans Rhenum rejecta.

(y) Errant Auctor Anonym. Paraleipom. *Urspergens Chronico* additorum pag. 282. CASPAR HEDION *Chron.* pag. 598. alique plures, qui bellum hoc ad A. 1388. referunt.

(z) Causas hujus detentionis ex Archivo Rapoltsteinenensi narrat WENCKE-  
RUS de *Usturgeris* pag. 179. qui & alia huc spectantia documenta ex Archivo Argent. producit.

missi, re infecta domum redierunt. Sed intercedentibus Argentinensium amicis, Lambertus Bambergensis Episcopus & Worzibojus de Swimar, Advocatus provincialis Alsatiae, a Rege nominati, A. 1391. Moguntiae cum Argentinensibus transfegerunt, ut solutis 4500. florenis, a proscriptione liberarentur. Verum enimvero Bernhardus Marchio Badensis, ut & Hachbergæ ac Saufenbergæ Marchiones, Fridericus Argentinensis Antistes, (a) Eberhardus Wirtembergæ Comes, Dux Geldriae, Dux Juliaci, Comites Kiburgi, Leiningæ, Lützelsteinii, Fürstenbergæ, Nassoviae, Salmæ, Blanckenbergæ, Sarwerdæ, Dynastæ Thiersteinii, Bitenses, Lichtenbergenses, Geroldseckii, & offensarum primus auctor Bruno Rapoltsteinensis, alique longo numero socii, (b) pacem impediverunt.

## §. XI.

Argentinensium dominatus in Rheno, quem firmo ponte flumini imposito, (c) praefidiisque firmato, haud ita pridem

Ejus caue.

Tom. II.

K 2

(a) Continuator KOENIGSHOVII apud SCHILTERUM pag. 757. auctor nobis est Episcopum Argent. ad centum membranas blancas (*Cartes blanches*) a Wenceslao impetrasse, sigillo Imperiali munitas, quibus ille principes multos ad bellum excitavit.

(b) Continuator KOENIGSHOVII l. c. pag. 756. & 758. CRUSIUS *Annal. Suevicor.* Part. III. Lib. VI. p. 314. & *Chronica Nispta Argent.* Muegii & aliorum.

(c) Vid. infra in Rudolpho ad A. 1388.

stabiliverant, odia vicinorum adauxit; quibus periculosum videbatur, quod liberum Argentinatibus esset, finitimos trans Rhenum agros, quoties libuisset, aggredi & infestare impune. De vectigali non loquor; nec de veteri querela, quod externos subditos in cives, quos Usburgeros & Pfalburgeros vocant, aliarum quoque Civitatum receperint more. Quin & ex Magnatibus plures oppignerationibus, ære alieno censibusque Civitati pridem fuerant obstricti; quæ debita bello se extincturos speraverant. Bernhardum speciatim stimulabat Selsa, majoribus ejus ab Argentinensibus ademta atque everfa; Marchionatus Badensis, in nupero inter Civitates & Principes bello per Argentinenses eorumque socios vastatus. (d)

## §. XII.

Fata.

Principes ergo, junctis cum Advocato provinciali Alsatiae copiis, A. 1392. mense Septembri inopinato Argentoratium aggressi sunt bello; positisque cis & trans Rhenum castris omnem ejus agrum ferro & igne vastarunt; velitationibus multis ad ipsa civitatis mœnia commissis. Pontem novum Rheni ab utraque fluminis parte oppugnarunt scederati. Dimissæ versus eum naves sulphure & pice ardenti refertæ, sed Argentinensium industria depulsæ. Aliæ prægrandes adversus pontem actæ, pilas everfuræ, caruerunt quoque successu.

---

(d) Literæ Bernhardi de A. 1392. infra pag. 77. not. h.

Inter hæc Argentinenses frequentes ex urbe irruptiones fecerunt, multis hostium occisis, vel in captivitatem abductis. Quin & ipsi in Episcopi terras & Marchionatum Badensem, bis facta incursione, magna cum præda redierunt in urbem.

Eodem tempore Spanheimensis Comes & Scultetus Oppenheimensis cum Wormatiensium, Moguntinensium & Spirensium legatis Argentinam venerunt, de bello componendo tractaturi. Centum millia florenorum, inter Principes dividenda, ab Argentinensibus petebantur. Judicem litium sese obtulit Provincialis Advocatus Alsatiae: sed condiciones ab Argentinensibus rejectæ. Advocatus cum parte copiarum in Bohemiam mox abiit. Marchio Badensis cum Wirtembergico Comite aliisque foederatis, reversi sunt domum. Argentinenses, missis Pragæ legatis, pacem a Wenceslao tandem obtinuerunt.

### §. XIII.

A. 1393. Pax Betteleriae conclusa. Argentinenses, solutis 32000. florënis, in gratiam reducti. (e) Compensata sunt damna durante bello illata; restituti captivi. Confirmatus Argentinensibus Rheni pons & jura ponti annexa. (f)

### K 3

(e) Instrumentum extat apud WENCKERUM *de Ußburgeris* pag. 191.

(f) Peculiare Diploma Wenceslai pro ponte Rhenensi A. 1393, datum, exhibet.

IDEM l. c. pag. 197.

Dies brevi post Hagenoam indictus est, quo reliqua componerentur gravamina. (g) Comparuit inter Principes Bernhardus, & bis mille florenis ab urbe acceptis, omni, quam ante bellum intenderat, liti renunciavit. (h)

(g) DANIEL SPECKLIN *Chron. Mpt.* & HERZOG. *Chron. Alsat.* Lib. IV.

p. 104. Conventum hunc Hagenoensem locum habuisse tradunt. HERZOGIUS loc. alleg. exhibet literas reverales Principum & Civitatis, quibus sub pœna amittendæ actionis Hagenoæ se comparituros promittunt.

(h) Instrumentum ea super re confectum die Lunæ post S. Crucem repertam in Archivo Argent. extat. In eo hæc leguntur: „ Wir Bernhart von „ Gots Gnaden Marggrafe zu Baden bekennen uns offenbar und tun „ kunt menglich mit diesem Briefe, um soliche Vordering und An- „ sprache, so Wir lange Zit an die Erbern Wißen den Meyster, den „ Rate, und an die Burgere gemeiniglich der Stat zu Strasburg ge- „ habt hant, von soliche Schaden und Ubergriß wegen, so uns und „ den unsern u. auch unsern Dienern von In, In Burgern, helfen „ und dienern mit Dotschlegen, Brande, Nome und ander Verlust „ und Schaden geschach und geschehen ist, in Unser Marggrafeschaft, „ in unser Pfantschaft zu Herrenberg und zu Hochberg zu den Ziten, „ da fürsten und herrn mit In und audern Steten Krieg hatten, der „ uns doch nit angieng, - - - und ist darum ein solich ke- „ runge mit einer Summe gelts, mit Namen zweytusend Guldin „ von In, als verre sie das eintrifft, dafür worden u. bezahlt, damit „ uns gen In begnügtet &c.



## §. XIV.

A. 1394. Ordinis S. Wilhelmi Monachi in Valle S. Mar- <sup>Acta</sup>  
 riæ prope Hagenoviam a Bernhardo Marchione in tutelam recc- <sup>A. 1394.</sup>  
 pti, perpetuam missam pro eo se dicturos promiserunt. & seq.

Eodem anno Johannes Conzmannus, Nicolaus Conzman-  
 nus & Conzmannus de Staffurt fratres, scripto promiserunt, se  
 majorum suorum exemplo, in perpetuo Marchionis ejusque po-  
 sterorum perstituros servitio, nec corpora sua, nec bona, ab ipsis  
 unquam alienaturos. In omnibus quoque munimentis & castris  
 suis, quæ jam possideant & quæ acquisituri sint, jus aperturæ  
 sponponderunt Marchionibus. Ex castris his nominantur Meyen-  
 fels & Staffurt.

A. 1395. (i) Bernhardus cum Conrado Moguntino Ele-  
 ctore, Ruperto seniore Comite Palatino & Nicolao Spirenfi Epi-  
 scopo, mutui auxilii fœdus adversus societatem Nobilium, quam  
 vocabant *der Schlegel*, (k) publicæ paci exitiosam, Heidelbergæ  
 inivit. (l). Fœderi huic eodem anno (m) Leopoldus Austriæ

---

(i) Die Dominica ante Festum Pentecostes.

(k) De societate hac vid. WENCKER *de Ußburg*. pag. 58. sqq. & in *Apparatu*  
*Archiv.* pag. 249. sqq.

(l) GUDENUS *Cod. Diplom. Mog.* Tom. III. pag. 6. unde Ruperti Comites  
 Palatini in fœdere, eodem anno cum Civitate Spirenfi in triennium inito,  
 Marchionem Badensem nominatim exceperunt. LEHMANN *Lib. VII.*  
*Cap. 69.* pag. 768.

(m) Die Saturni ante Festum S. Thomæ.

BERNH.

Dux, Eberhardus Wirtenbergæ Comes, pluresque Sueviæ Civitates, Pforzhemii (n) accefferunt. Anno sequenti nova illa Nobilium Societas periit. (o)

## §. XV.

Ordinatio monasterii Albæ feminarum.

A. 1396. 15. Jul. Bernhardus cum Marquardo Albæ Dominorum & Alberto Gotslaviensi Abbatibus, in monasterium Albæ feminarum se contulit ibique compositis, quæ dudum inter Abbatissam & Conventum agitabantur, controversiis, novas monasterio leges præscripsit, quas mutandi, minuendi, augendive potestatem sibi diserte servavit. (p)

Pacta Moguntina.

Eodem anno feria sexta post Martini Bernhardus noster Moguntiae Godefrido Liningensi Comiti, quem Capitulum Moguntinum in Conradi, Archiepiscopi defuncti, locum elegerat, decem millia florenorum intra proximum quadrimestre spatium mutuo se daturum promisit. Summa hæc, tuendæ in Romana Curia electioni destinata, ex Gernsheimenfi telonio restituenda

Bern-

(n) WENCKER de *Ußburgeris* pag. 103.

(o) LEHMANN in *Chron. Spir.* l. c.

(p) Ordinationem hanc vide in scripto: Supplication pro mandato pœnali &c. in *Sachen Frauen Marggräfin zu Baden Baden, als Vormünderin, contra Frauen Mariam Gertrudem von Ichtersheim Abtiffin, so dann Priorin und Convent des Jungfrauen Closters Frauenalb* pag. 97.

Bernhardo. (q) At Bonifacius Pontifex Johannem Nassoviæ Comitem Archiepiscopum nominavit (r) reprobatō Godefrido: unde pacta caruerunt effectū.

## §. XVI.

A. 1397. feria 3. ante Dominicam Palmarum, Bernhardus ob damnum, ex Hohenbergensi Comitatu, ab officialibus Austriacis illatum, cum Leopoldo Austriæ Duce, Enfishemii convenit, ut rei amice componendæ duo ab utraque parte nominarentur consiliarii, quibus inter se dissidentibus, vel Hugo Montfortii Comes, vel Johannes Lupensis, vel Fridericus de Fledenitz, superarbitrè adderetur. (s)

Lites  
cum Leo-  
poldo  
Austriæ  
Duce

Isdem temporibus Bernhardus graves cum Spirensibus diffensiones alebat, quod plures ejus homines proprios, Pforzhemii atque Etlingæ habitantes, A. 1394. cives receperissent, damnaque in bello inter Principes atque Civitates Marchioni illata, refarcire noluisse. Res multis utrimque turbis præbuit occasionem, donec A. 1397. Rupertus senior, Elector Palatinus, suam auctoritatem interponeret.

cum Spi-  
rensis,

Hic inspectis Bernhardi & Spirensium privilegiis ab Imperatore & Imperio acceptis, cum ea sibi invicem viderentur contra-

Tom. II.

L

(q) GUDENI *Cod. Dipl. Mog.* Tom. III. pag. 634. SERARII *res Mogunt.*

(r) GUDENUS pag. 623.

(s) HERRGOTT *Genealog. Diplom. Gentis Austr.* Tom. III. pag. 776.

BERNH. I.

riari, Cæsaris cognitioni litem reservavit. Idem quoque egit Rupertus junior Elector, senioris filius, qui sententia A. 1398. Bruchsalis data, declaravit, Bernhardum coram nullo alio, quam Cæsaris, Francofurtum, Heidelbergam vel alio ad Rhenum venientis, tribunali, a Spirensibus conveniri debere. His autem Wenceslaus Francofurti privilegium, de hominibus quibuscunque in gremium civitatis suæ recipiendis, eodem anno confirmavit, ita tamen, ut intra annale tempus homines proprios vindicandi Dominis salva esset potestas. (t)

## §. XVII.

Pacla  
cum  
Eberstei-  
nenfibus,

A. 1399. die Lunæ post Dominicam Lætare, Bernhardus cum Comitibus Ebersteinenfibus, Bernhardo & Wilhelmo fratribus, conventionem de dividendis, quæ in monasteria Reichenbach & Albam Dominorum utrisque competeabant juribus, inivit. (u)

Die infrequenti de modo administrandæ Advocatiæ monasterii Albæ Feminarum cum iisdem Comitibus transegit. (x) Margaretha Abbatissa, Ebersteinenfium amita, cum monialium conventu, Marchionem & Comites eorumque successores, acceptis

---

(t) LEHMANN. in *Chron. Spirensi* Lib. VII. Cap. 71. pag. 769. & WENCKER de *Pfalburgeris* pag. 42.

(u) Conventio hæc indicatur in scripto Bada-Badenfium contra Abbatissam & Conventum Albæ feminarum, supra ad A. 1396. allegato, pag. 138.

(x) Transactio hæc legitur ibidem pag. 102.

nonnullis privilegiis, perpetuos Advocatos agnovit; publice professi, sine eorum consensu, neque præbendas augere, neque res & jura monasterii oppignerare aut vendere, neque ære alieno illud onerare se posse. Ad rationes etiam Marchioni & Comitibus quotannis reddendas, prioribus Advocatiæ literis abolitis, sese obstrinxit. (y)

Eodem anno die Jacobi Bernhardus cum Comitibus Ebersteinii, de litibus ratione banni ferini per Comitatum, amice convenit. (z)

### §. XVIII.

A. 1401. Bernhardus ad Rupertum Palatinum, Wenceslai Regis nuper depositi, successorem Moguntiae hærentem, misit legatos, qui de investitura cum eo agerent. Rupertus diem Marchioni constituit; quo Heidelbergæ eum se investiturum promisit. Ceremonia die Martis post D. Jacobi solenni more peracta est. (a) At literarum, a Wenceslao datarum, confirmationem constanter denegavit Rupertus; easque peculiari diplomate, eodem

Investitura  
Rupertii l.  
Imper.

Tom. II.

L 2

(y) Literæ hæc reverales Abbatissæ & Conventus Albæ Feminarum extant in citato scripto pag. 104.

(z) Vid. Script. allegat. pag. 330.

(a) Literas investituræ, ex Tabulario Palatino depromptas, Codici Diplomatico inferuimus.

BERNH.

anno & die dato, irritas declaravit. (b) Perpetuarum cum Ruperto Imperatore litium Marchionis origo.

## §. XIX.

Fœdus  
cum Au-  
relianen-  
sium Du-  
ce.

Eodem certe anno Italicam expeditionem quo suscepit Rupertus, Galeacium Mediolanensem ut ejiceret Ducatu; Bernhardus non modo non abrogavit vectigalia, quæ Wenceslaus liberalitate ad Rhenum acceperat, sed & cum Ludovico Aurelianensium Duce, Caroli VI. Galliarum Regis fratre, qui A. 1389. Valentiam, Johannis Galeacii filiam, in matrimonium duxerat, contra Rupertum inivit consilia.

Ludovicus Wenceslaus, deposito Cæsari, at hereditario Bohemiarum Regi, amicitia junctus, (c) Germanico folio eum restituere voluisset, si fuisset potentior. Jodocus, Moraviarum Marchio, cum indigeret pecunia, Luxemburgicum Ducatum, consentiente Wenceslaus, iisdem conditionibus, quibus a Wenceslaus fratre eum acceperat, Ludovico Duci concessit. (d) Ludovicus mense Septembri ejusdem anni Luxemburgum contendens, obvium habuit Bernhardum Marchionem, qui eum una cum Lo-

(b) Chartam hanc ex Tabulario Palatino exhibemus. Add. Diarium Mſept. ad vitam Ruperti Regis Rom.

(c) WINDECK *Histor. Sigismundi Imp.* Cap. 13. apud MENCEN Tomo I. scriptor.

(d) BERTHOLET *Histoire du Duché de Luxembourg* Tom. VII. pag. 160. &

tharingiæ Duce, aliisque principibus Luxemburgum comitatus est. (e)

Ludovicus cum Bernhardo fœdus contra Rupertum ini-  
vit; Bernhardo privilegia, a Wenceslao collata, retinere, Ludo-  
vico, Mediolanensem Ducatum Johanni Galeacio, socero suo, con-  
servare cupientibus. Conventum, ut Ludovicus copias adduce-  
ret Marchioni, quibus Rupertum Palatinum, tum Imperatorem  
aggrederentur. (f) Ludovicus annuam bis mille aureorum (g)  
pensionem Marchioni ad dies vitæ prômisit. (h) Errant, qui  
Marchionem Ludovici vassallum fuisse scribunt. (i) Prodigus  
Princeps, Carolo V I. Galliæ Rege mente capto, perpetuis cum Bur-  
gundiæ Duce turbis ob regimen implicitus, Germanicis rebus se  
hæud diu immiscuit.

## L 3

- 
190. SAN MARTHANI fratres *hisl. genealog. de la Maison de France*  
Tom. I. pag. 574. & Auctor Anonymus histor. Caroli VI. pag. 452. Ludo-  
vici Gubernatorem Ducatus Luxemb. se vocat in Chartis apud BER-  
THOLETUM. Add. BROWERUS *Annal. Trevir.* Tom. II. pag. 251.  
(e) REMBOLDUS SLECHT, Canonicus Argent. D. Petri Jun. in *Chron.*  
*Msspt.* ad A. 1402. Chronicon hoc dabimus inter Scriptores Rerum Alfa-  
ticar. Add. Auctor histor. Caroli VI. loc. alleg.  
(f) REMBOLDUS SLECHT loc. alleg.  
(g) Pistolet.  
(h) Tabular. Bada-Badenſe.  
(i) WENCKER. in *Apparatu Archiv.* pag. 294. & in *Collectan. Archiv.* pag. 409.

## §. XX.

Bellum  
cum Ru-  
perto  
Imp.

Cæsar, post infelicem Italicam expeditionem in Germaniam redux, repetitis mandatis Marchioni injunxit, ut a societate cum Aurelianensium Duce discederet, atque vectigalia abrogaret ad Rhenum Bernhardus, datis ad Rupertum literis, de singulari in eum studio multa præfatus, adversus Imperatorem vel Imperium se nihil machinatum, Aurelianensium Duci vero fidem, salvo semper & excepto Germaniæ Rege, se obstrinxisse ostendit, eaque de re ad Electorum Principumque provocavit iudicium. De cetero Cæsarem ad amicum Bruchsalæ Martio mense invitavit colloquium. Missi ab utraque parte conciliatores; qui cum re infecta discessissent, Rupertus vicinos Principes adversus Marchionem concitavit in bellum.

Ipse irruptione in inferiorem Marchionatum facta, Mühlbergam obsidione cinxit. Advocatus autem Imperii per Alsatiam, adjunctis sibi Argentinenſi Episcopo & Lichtenbergæ Dynasta, superiorem Marchionatum aggressus est. Wirtembergæ Comes terras sibi propiores bello vastavit. Basilienses cum Civitatibus Imperii Alsatice (k) & Rapoltſteinenſi Dynasta, Ge-

---

(k) Literas Argentinenſium hac super re ad civitatem Metensem exhibet  
WENCKERUS in *Collectaneis Archiv.* pag. 405. add. *Trithem. Chron.*  
*Hirſfang.* ad A. 1402.



mariam in potestatem suam redegerunt. Staffordia quoque, Muckensturm, aliaque castra a foederatis occupata. Monasterium Albæ Dominorum in bello hoc flammis deletum. Rupertus mense Majo A. 1403. Abbati & Conventui Albæ Dominorum injunxit, ut muris, turribus & fossa monasterium cingerent. (1)

## §. XXI.

Paulo ante Bernhardus, Friderici Colonienſis Archiepiſcopi, Friderici Episcopii Ultrajectini & Simonis Spanheimenſis Comititis opera, cum Cæsare redierat in gratiam, resque Wormatiæ (m) fuerat transacta: Cæsar omnia Bernhardi jura atque privilegia novo firmaret diplomate, ejusque filiabus jus succedendi defectu filiorum tribueret: (n) Staffordiæ castrum Cæsar redderet Marchioni, qui damno Cæsari id non futurum suis caverat literis: (o) dimidia Gemariæ pars ad Marchionem rediret, isque pacem Castrensem cum Maximino, Rapoltſteinenſi Dynasta, jureret: de vectigalibus ad Rhenum; de Monasterio Albæ Feminarum, ex sententia trium Rhenensium Electorum Cæsar statueret: possessio vectigalium interea conservaretur Marchioni.

Trans-  
actio  
cum eo-  
dem.

(1) BESOLDUS monument. Wirtemb. pag. 171.

(m) Die Saturni post Walpurgis. Sententiam hanc arbitralem ex Tabulario Palatino exhibemus.

(n) Duo hæc diplomata eodem die Marchioni tradita fuerunt.

(o) Literæ hæ, uti & priora diplomata in Electorali Tabulario Palatino servantur.

Vix transactio hæc fuerat inita, quum novæ Cæsarem inter & Marchionem lites orirentur, super quas D. Martini festo compromissum in arbitros, quibus Castrensis quoque Gemariæ Pacis, inter Marchionem & Rapoltsteinensem Dynastam tractandæ, delata est cura. Reinhardo Sickingenfi, Advocato provinciali Alsatiae, commissâ Gemariæ divisio; at reluendi jus Dynastæ Rapoltsteinenfi servatum. (p) Ita inter Cæsarem & Marchionem restituta concordia, brevi duratura.

Privilegium  
fori.

Cæsar A. 1404. privilegium fori vassallis & subditis Bernhardi Marchionis concessit, ne ad alia, quam ejus judicia, excepto denegatæ justitiæ casu, traherentur. (q)

Eodem anno Bernhardum inter & Goldelinum quendam exortæ sunt lites, quibus componendis Imperator Fridericum Schenckium, Limburgensem Dynastam, arbitrum nominavit. Bernhardus literas, a Goldelino productas, falsitatis arguit. Limburgenfis, rei difficultatem sentiens, eam ad Imperatoris cognitionem remisit; qui sententia hoc anno die Martis post festum Pentecostes data, literas illas suspectas, adversus Marchionem nunquam allegandas, rejecit. (r)

## §. XXII.

(p) Transactio in Electorali Tabulario Palatino extat.

(q) Charta hæc in eodem Tabulario servatur.

(r) WENCKER. *Collect. Archivi* pag. 157.

## §. XXII.

Insequenti tempore Bernhardus in novas cum Ruperto Imperatore incidit lites, concitante Moguntino Electore, multis ex causis Imperatori infenso. Occasio hinc nata fœderi, quod Johannes Moguntinus, Bernhardus Marchio, Eberhardus Wirtembergæ Comes, cum Civitate Argentinensi & plerisque Sueviæ Civitatibus in quinquennium iniverunt Marbaci, die S. Crucis A. 1405. (s)

Fœdus  
Marba-  
centæ  
contra  
Ruper-  
tum Imp.

Fœderi Moguntia, Spira, Wormatia (t) aliæque Civitates accesserunt & focii. Exceptus quidem in fœdere Rupertus Imperator, sed addita conditione, ut fœderatorum jura conservaret, neque in terris hominibus aut bonis ullo modo eis damnum inferret. Quodsi violaretur conditio, adversus Regem ceterosque omnes, fœdere non comprehensos, opem sibi invicem focii & auxilium promiserunt. Bernhardus sex hastiferos se missurum promisit; sed Ludovicum, Johannem, Stephanum & Ottonem, Palatinos Comites, speciatim excepit. Ipse cum Moguntino Electore & Wirtembergico Comite, literis Marbaci datis, de fœdere ejusque conditionibus Cæsarem reddidit certiore. (u)

Tom. II.

M

(s) Tabulas fœderis exhibet LEHMANNUS Lib. VII. Cap. 75. pag. 780.

(t) IDEM l. cit. & Archiv. Argent.

(u) WENCKER. in Appar. Archiv. pag. 286.

## §. XXIII.

Cæsar  
de eo dis-  
solvendo  
consilia.

Rupertus timens, ne fœderati ad Regis depositi partes reverterentur, dissolvendo, quod sine ipsius consensu initum, fœderi, Moguntiam in diem undecim mille virginum A. 1405. conventum indixit; (\*) ad quem speciatim Moguntinum Electorem & cum Bernhardo Marchione Wirtenbergicum Comitem, ceterosque fœderis focios, evocavit. Per nuncios modo comparuerunt fœderati. Rupertus ergo consilio cum proceribus, qui convenerant, habito, ad alium diem fœderatos Moguntiam in festum Epiphaniæ A. 1446. convocavit, ubi ipsos coram adesse iussit, ut de negotiis Imperii cum illis conferret, eorumque gravamina dilueret. Imperatori a fœderatis nunciatum, nihil se habere, quod in Comitibus de Rege querantur. Particulares, quæ singulis cum eo intercederent, controversias, non in conventibus publicis, sed in privatis tractandas. Marbacense autem fœdus, neque Imperatori neque Imperio adversum; sed publicæ tranquillitati servandæ a Principibus & Civitatibus initum, frustra impugnari. Imperator tamen Principes in Comitibus præsentem esse volebat; certos eos esse jubens, omnia in illis amice tractanda. Principes denique ad proximum conventum, Moguntiae habendum, venturos se polliciti sunt.

---

(\*) Conf. *Anbringen Kayser Ruprechts Abgesandten bey den Reichsstadten von wegen des Marbachischen Bunds* apud WENCKER. loc. cit. pag. 276. sqq.

## §. XXIV.

Constituto die, præter Marbacenses socios, (y) frequentes aderant Principes & Civitatum legati. Imperator inter alia de Moguntino, de Marchione Badensi & Wirtembergico Comite, multum conquestus est, quod in literis, ad eum datis, violatorum jurium privilegiorumque eum inculpasset. Petiit, ut exponerentur gravamina, paratum se publice ad ea respondere, ut omnes, injuriam sibi fieri, intelligant. Fœdus autem, inter Civitates & Principes, ut aboleretur, pertendit. Fœderati, non discessuri a fœdere, neque de litibus cum Imperatore in Comitibus disputaturi, in sententia perstiterunt. Denique Moguntinus Præful & Marchio Bernhardus, longam seriem gravaminum adversus Regem exhibuerunt, ad quæ ille in pleno ordinum confesso respondit, & sua quoque contra Moguntinum & Badensem gravamina protulit, (z) voluitque, ut omnia in proximis Comitibus

Conventus Moguntini, inter Casarem & fœderatos.

Tom. II.

M 2

(y) Archiepiscopus Moguntinus, Marchio Badensis, Wirtembergiæ Comes, & fœderatarum quarundam Civitatum legati ad conventum hunc cum octingentis equis venerunt. vid. REMBOLDUS SLECHT ad A. 1456.

(z) Mutuæ hæc inter Casarem & Bernardum querelæ de Rheni vectigalibus, de monasteriis Herrenalb, Frauenalb, Herde, Bure, Marienthale, eorumque juribus, de hominibus propriis, aliisque minoris momenti negotiis, indicantur in Compromisso Cesaris & Marchionis in Fridericum Colon. Archiepisc. quod ex Tabulario Palatino exhibemus ad A. 1457.

BERNH. I.

Principum componerentur arbitrio. (a) Repudiata a fœderatis conditio, quibus Cæsaris suspecta fuit in Comitibus auctoritas; unde Principes discesserunt Moguntia. Quin & alii duo Conventus, Spiræ & Andernaci eodem anno habiti, caruerunt effectu. (b)

Mutua hæc Cæsarem inter & Principes odia non impedi-  
verunt, quo minus Bernhardo Marchioni, literis datis, permetteret,  
ut Annæ Oettingensi, conjugii suæ, in terris Marchicis dotalitium  
constitueret. (c)

## §. XXV.

Cæsaris  
cum Mar-  
chione  
trans-  
actio.

**D**ubiis his rebus Cæsar fœderatas tentaturus Civitates,  
A. 1407. Ulmam misit legatos, qui eas a Principum abducerent  
fœdere, & in suas pertraherent partes. Nihilominus in dies au-  
cta fuit Principum & Civitatum confœderatio. Lites tamen Bern-  
hardi nostri cum Cæsare A. 1407. Friderici Colonienfis arbitrio  
terminatæ sunt, ac in fœdus cum Ruperto conversæ. Inter alia sta-  
tutum, Albæ Dominorum monasterii bona & jura ut relinqueren-  
tur intacta. (d) Confirmatæ quoque tum literæ debiti mille mar-

(a) WENCKERUS pag. 285. Catalogum Principum exhibet, quibus causæ  
hujus cognitio ab Imperatore committebatur.

(b) REMBOLDUS SLECHT ad A. 1406.

(c) Extat Diploma in Tabulario Palatino.

(d) Conf. literæ Ruperti Imp. ad Abbatem & Conventum monasterii Albæ  
Dominorum A. 1408. die S. Petri ad Cathedram datæ apud BESOLDUM  
Monum. Wirtemb. pag. 171.

carum argenti, a Carolo IV. Imperatore, propter præstita officia & damna perpeffa, Rudolpho quondam Marchioni in Selzenfe ve-ctigal concessæ. Addita conditio, ne vivo Ruperto exigeretur pecunia. (e)

Nemo ergo mirabitur, Cæsarem in foedere, quod ipse & Ludovicus, Comes Palatinus, cum Argentinenfibus aliisque Civitatibus Allatiæ A. 1408. contra hostes pepigerant, excepsisse Bernhardum; (f) qui cum Ruperti filii quoque vixit amice. Otto, Palatinus Comes, in pactione cum Eslingenfibus A. 1418. inita, Bernhardum excepit, (g) quod simili in casu ante decennium quoque fecerat Rupertus.

## §. XXVI.

In Marbacensi foedere tamen Marchio perstitit. Ille enim cum Johanne Moguntino, Eberhardo Wirtembergico, & Civitatibus sociis, ob damna quædam illata, Friderico, Austriæ Duci, bellum indixit; (h) quo durante, pleraque Marchionatus Burgo-vienfis Castra occupavit Bernhardus. Nec silentio transeundum,

Bellum  
Austria-  
cum.

M 3

(e) Literæ hac super re confectæ in Tabulario Elect. Palatino servantur.

(f) WENCKER. *Continuat. de Ufsburgeris* pag. 17.

(g) DATT *de pace publica* Lib. I. Cap. 12. pag. 56.

(h) HERZOG. *Chron. Alsat.* Lib. VIII. Cap. 28. pag. 135.

quod intuitu Hohenbergensis, Austriacæ ditionis, cum Ruperto Imperatore tum iniverit inducias. (i)

Res denique A. 1410. Wirtembergici Comitis & Nobilium Sancti Georgii societatis interventu composita est, ut Bernhardus, acceptis pro sumtibus belli 18000. florenis, loca occupata, una cum captivis, restitueret Austrio; qui Civitatibus magnam pecunie summam pro illatis damnis promisit; quam cum non habuisset paratam, Hohenbergæ Dynastiam Civitatibus oppigneravit, quæ ab Alberto, Austriæ Duce, A. 1431. Austriacis denuo terris adjecta. (k)

Iter  
Marchio-  
nis Lute-  
tiam Pa-  
risiorum.

Inter hæc Amedeus, Saræpontis Comes, Commericii Dominus, in bello contra Comitem Sarwerdæ, A. 1409. multos inter Nobiles, Ludemannum quoque, Lichtenbergæ Dynastiam, Bernhardi nostri generum, captivum abduxit. Libertati hunc ut restitueret focer, cum Ludovico Palatino & Episcopo Argentinen- si Metas primum, inde Lutetiam Parisiorum profectus est, inter-

(i) Charta Heilbronnæ feria 6. ante Dominicam Palmar. data, in Tabulario Palatino servatur. Elisabetha Ruperti Imp. filia, Friderico Austriaco fuerat nupta. Rupertus filix defunctæ heres, jus habebat in Dynastiam Hohenberg. ratione donationis propter nuptias & sponsalitæ largitatis; quæ filix debebatur.

(k) FUGGER *Oesterreichischer Ehrenspiegel* Lib. IV. Cap. 3. pag. 411. & Lib. V. Cap. 10. p. 617. & BURGEMEISTER *Thesaurus Juris Equestris* Tom. I. pag. 516. ubi tamen nonnisi 7074. flor. Marchioni obtigisse perferbit.



veniente Carolo VI. Rege, ut liberarentur captivi. Res denique Cardinalis Barrensis interventu composita. Captivi, ingenti lytro soluto, liberati. (1)

## §. XXVII.

Cæsare Ruperto, inter turbas has mortuo, (m) Marba- Electio  
Sigis-  
mundi  
Imp.  
cense concidit fœdus. (n) Successorem Ruperto Electores qui-  
dam substituere Jodocum; quo paucos quoque post menses mor-  
tuo, novam electionem A. 1411. Francofurti Archi-Princi-  
pes susceperunt.

Bernhardus noster cum Ernesto, Comite Palatino Rheni  
Duceque Bavariae, & Johanne, Norimb. Burggravio, Wenceslai,  
Bohemiae Regis, vices peregit, (o) atque cum ceteris Electoribus

(1) REMBOLDUS SLECHT in *Chron.* ad A. 1409. & CALMET *Notice de la Lorraine* Tom. I. Art. Commercy pag. 258.

(m) A. 1410.

(n) WENCKERUS pag. 289.

(o) Conf. Literæ Wenceslai ad Johannem Moguntinum & Fridericum Colo-  
niensem Archiepiscopum, die Saturni ante festum Trinitatis, A. 1411. scrip-  
tæ apud GUDENUM *Cod. Diplom. Mog.* Tom. IV. pag. 85. ex quibus  
apparet, Wenceslaum Regem Præfulum horum literis inductum sibi per-  
suasisse, fore, ut in nova electione, ipsius iterum ratio habeatur. Scri-  
bit enim: „Eure Brieve und Botschaft . . . . han Wir wol  
„ verstanden, und die williclichen ufgenommen, und auch ufs den  
„ nit anders erkennt, dann dafs Ir unfer Erhebunge und Wirdigunge  
„ des Heil. Röm. Reichs meinert und wollet.“

Sigismundi electionem Statibus Imperii & speciatim Argentinen-  
sibus die 21. Julii significavit. (p)

Eodem anno Hornekio ab Hornberg & fociis arma intulit  
Bernhardus. Argentinenfes debita ei ex fœdere cum negaffent  
auxilia, civium quorundam illius urbis bona, jure naufragii, a  
quo Argentinenfes Cæfarum privilegio immunes funt, Beinhemii  
occupavit, aliaque illis intulit damna. Rudolphus Hachberga  
Saufenbergicus Marchio partium confenfu electus est arbiter, qui  
ex æquo & bono litem decedit. (q)

### §. XXVIII.

Bellum  
Lothar.

A. 1412. Barrenfis Dux Caroli Lotharingiæ Ducis, vi-  
cini fui, terras invafit. Bernhardus, pro Lotharingo ftans, con-  
filio fuo impedivit & manu, in pugna ne fugerent Lotharingi. Et  
tamen de Germanorum virtute contemptim locuti funt Barren-  
fes. Bernhardus ad eos mifit fecialem, qui ad fingulare eos invi-  
taret certamen, addita conditione, ut Dominus contra Dominum,  
fervus

---

(p) WENCKER. *Apparat. Archiv.* pag. 307.

(q) Inſtrumentum, quo Rudolphi arbitrio hæc controverfia delata eſt die Ve-  
neris poſt feſtum nativitatſ Mariæ A. 1411, datum, in Tabulario Argent.  
ſervatur.

servus contra servum, & calo contra calonem pugnaret. Dif-  
fidatio facta est; pugna tamen non habuit locum. (r)

A. 1414. Bernhardus una cum Bavariae & Lotharingae  
Ducibus & Marchione Rætelenſi aliisque Principibus, Sigismun-  
dum Imperatorem Argentinam secutus est. (s) Idem anni in-  
ſequentis initio, cum Johanne Moguntino & quingentis equis,  
Conciliū viſendi gratia, Conſtantiam acceſſit. (t) Ibi Johannes  
XIII. Pontifex, fugam meditatus, Bernhardum ſibi devin-  
cturus Marchionem, diplomate IV. Kal. Febr. dato, ſummam ſe-  
decim millium florenorum auri de camera, ex proventibus Apo-  
ſtolicis, per Moguntinam, Trevirenfem & Colonienſem diœceſes,  
præmii loco ei assignavit, *quod nubiſo ſchiſmatis tempore ma-  
gna propriæ perſonæ ſuæ pericula & rerum diſpendia, nec non  
expenſarum onera, pro Pontifice & Romanâ Eccleſia diverſimode  
ſpontaneæ ſubierit.* (u) Pontifex denique, menſe Martio, a Fri-  
Tom. II.

## N

(r) In hoc bello Bernhardus Bleſenſem illum cepit Dynaſtam, (Seigneur de  
Blois) de quo redimendo Henricum, Angliæ Regem, cum Marchione no-  
ſtro tractaſſe ſcribit RAPIN THOYRAS *Hiſtoire d'Angleterre* Tom. III.  
Liv. XI. pag. 506.

(s) KOENIGSHOV. Cap. 3. §. 236.

(t) REMBOLD SLECHT *Mspt.* ad A. 1415. HERZOG. *Chron. Alſat.*  
Lib. V. pag. 281. HERMANN. VON DER HARDT *Acta Conc. Conſt.*  
Tom. V. Part. VII. pag. 33.

(u) Diploma exhibet HARDTIUS loco citato Tom. II. Part. IX.

BERNH. I.

derico Austriæ Duce, adjutus, cum fugisset Constantia, Sigismundus Imperator in Concilio Fridericum A. 1415. mense Aprili proscripsit, atque vicinos ejus, speciatim Helvetios, terras ejus ut invaderent, invitavit. (x)

## §. XXIX.

Præfectura Civitatum Brisgovie.

Tum vero Brisacum, Friburgum, Neuenburgum, Endinga, Kentzinga, Austriacæ Civitates Brisgovie, cum adjacentibus vicis & terris, in potestatem Imperatoris venerunt. Hic Præfecturam earum detulit Marchioni Bernhardo, qui ipse in Brisgovia potens terrarum, ultra decennium eam fortiter & prudenter administravit. (y)

Austrius quidem intercessione præsertim Ludovici, Bavarie Ducis, & Friderici, Burggravii Noribergæ, eodem A. 1415. fuit reconciliatus cum Cæsare, in cujus manus terras suas resignaverat omnes. At A. 1416. iterum Constantia profugus, a Sigismundo iterum proscriptus est; nonnisi A. 1418. denuo reci-

---

pag. 148. sed nomen Marchionis male scribens, Bernhardi loco, nomen posuit Burchardi.

(x) Literæ Sigismundi, mense Majo A. 1415. datæ, extant apud HARTIUM Tom. IV. Part. I. pag. 162. & in *Oesterreichischer Beantwortung der dem Chur-Hausß Bayern zustehenden Erbfolg zweyten Absatz* §. 9. pag. 67.

(y) ALSAT. ILLUSTR. Tom. II. pag. 597.

piendus in gratiam, Martino V. Papa promovente. (z) Sigismundus enim d. 4. Jun. A. 1418. (a) Bernhardo mandaverat, Brisgovicas Civitates jurejurando, quod Cæsari & Imperio præstiterant, ut liberaret, ac præscriptis conditionibus restitueret Friderico; simul tamen ei injunctum, ne Civitatibus, ad Friderici obsequium redire recusantibus, vim ullam inferret; quoniam pacis formula cautum, ut Civitatibus liberum esset, in Cæsaris & Imperii fide manere. Causa hæc, ob quam in Cæsarea Præfectura Brisgovicæ, ad initium A. 1426. usque perstitit Bernhardus. (b) Finitis fa-

Tom. II.

N 2

(z) Diploma 12. Maji A. 1418. datum exhibet Tschudi Chron. Helvet. Part. II. Lib. IX. pag. 97. Hardtius Tom. IV. pag. 1581.

(a) Literæ hæc extant in *Oesterreichischer Beantwortung* &c. loc. alleg.

(b) Sigismundus in literis ad Bernhardum nostrum, A. 1422. datis, apud Wencker. *Continuat. de Ußburgeris* pag. 68. de Civitatibus Brisgovicæ, tanquam liberis Imperii Civitatibus loquitur, earumque Præfectum appellat eundem. In harum Civitatum cum Alfaticis & cum Ludovico Palatino pactione A. 1423. hæc leguntur: „So nement wir die obge-  
 „ nannte Stette im Brisgowe insunders ufs unsre gnedige herrschaft  
 „ von Oesterrich mit follichen fürworten und Gedinge, ob wir alle,  
 „ oder unser Stette deheine wieder zu derselben unser gnedigen herr-  
 „ schaft von Oesterrich handen komment, und Inen gehuldent und ge-  
 „ schwerent, alsdann sollent sie usfgenommen sin, so verr unser jegli-  
 „ che statt unter uns das berüret und anders nit. Wir nement auch

ne hoc anno, Sigismundum inter & Fridericum difficultatibus, Bernhardus, novo Cæsaris mandato Januarii mensis, (c) a iurejurando, quo Imperio fuerant obstrictæ, Civitates absolvit, atque ad Friderici Austriaci imperium eas iussit reverti; qui per Eberhardum Kirchbergium & Guilielmum Montfortium eas paulo post in fidem recepit. (d)

## §. XXX.

Acquisi-  
tio Mar-  
chiona-  
tus Hach-  
berg.

Inter hæc Bernhardus A. 1415. die Sancti Jacobi Hachbergam & Hohingam, Usenbergicum Castrum (e) prope Brislicum, ab Ottone III. Hachberga-Hachbergenfium Marchionum postremo, pro 80. mille Rheni florenis emit. (f) Pro simili summa a Sigismundo, Austriæ Duce, Alsatiam & Brisgoviam Austriacam A. 1469. relictionis pacto cõmit Carolus Burgundiae Dux; cujus nomine Rudolphus Saufenberga-Rætelandus

---

„ ufs unser herrn den landvogt, so verr das das Riche antreffend ist  
„ ane Geverde. vid. infra ad A. 1423.

(c) Sigismundi & Bernhadi literas vide in *Oesterreich. Brantwort.* pag. 68.

(d) Roos *Historia Austr.* pag. 163. & FUGGER *Oesterreichischer Ehrenspiegel* Lib. IV. Cap. 7. pag. 445.

(e) *Unsere Herrschafft ganz zu Hochberg und zu Hohingen.* Castro Usenbergæ destructo, Dynastia Usenbergica appellari cœpit Dynastia Hohingæ, quod Castrum hoc Dynastie caput evasit.

(f) Præter hanc summam solutam, solvit etiam Bernhardus debita Ottonis.

Marchio, terras has in fidem recepit. (g) Rudolphus hic Marchionatus Hachbergici emtionem reculaverat; consentiens, ut ab Ottone eum Bernardus acquireret. (h) Quinquennio post Agatha, Heflonis Dynastæ in Ufenberg filia, monasterii S. Margarethæ prope Waldkirch monialis, juri suo in Ufenbergicam & Hœchingensem Dynastias, annua 30. florenorum pensione accepta, renunciavit. (i)

## §. XXXI.

A. 1416. Bernardus cum Archiepiscopo Moguntino venit Argenteratum, Episcopum inter & Civitatem Argentinensem compositurus litem, quæ jam eo devenerat, ut hujus urbis Senatus, communicatis cum Capitulo consiliis, Wilhelmum Episcopum, Molshemii captum, in sua urbe custodiret; quod Ecclesiæ suæ bona dissiparet; speciatim, quod Præfecturam Ortenaviæ Episcopatu Argent. oppigneratam, Ruperto Palatino Electori vendiderat, quodque Tabernas Allaticas Lotharingiæ Duci venditurus credebatur. Marchio cum Præsule, re infecta discessit. (k)

Lites Argentinensium cum Episcopo.

N 3

(g) URSTISI Chron. Basil. Lib. VI. Cap. 4. pag. 433.

(h) Primus inter testes signavit Rudolphus Marchio Saufenbergæ.

(i) Vid. Documenta.

(k) Chron. Mſcriptum SEBASTIANI MUEGII pag. 85. & Paralipomena

Ursperg. pag. 283. add. WENCKER. de Ursburg. pag. 223. 644.

BERNHL.

Ad Concilium Constantiense denique res fuit delata. (1) Argentinenses, a Patribus interdicto subiecti, Sigismundo Imperatori magno ære soluto, initaque cum Episcopo transactione amica, in Concilii gratiam redierunt.

## §. XXXII.

Acta cum  
Sigis-  
mundo  
Imp.

Imperatorem A. 1417. Constantiæ invisit Bernhardus, ibique erectionis Cliviæ in Ducatum Diploma inter Principes signavit. (m)

Anno sequenti cum eodem Bernhardo Sigismundus de annua 2000. florenorum, & quotidiana, si extra terras suas pro Imperatore ageret, pensione convenit. Eodem anno Martinus V. Sigismundo permittit, ut ex Ecclesiis Imperii Germanici colligeret decimas. Bernhardus pro Imperatore eas in Constantiensi, Basiliensi, Argentinensi, Spirensi, Moguntina, Tullensi & Virodunensi Ecclesiis collegit. A. 1422. expensorum & acceptorum cum redderet rationem, expensorum pro Cæsare summa tredecim mille florenos superavit accepta.

## §. XXXIII.

Marchio  
Judeæ  
delega-

A. 1418. memorabilis illa Ludovicum inter, Landgravium Hassiæ, & Buseckianæ Vallis Ganerbios nobiles de superio-

---

(1) VON DER HARDT *Acta Concil. Constant.* Tom. IV. pag. 551.

(m) TESCHER-MACHERI *Annales Cliviæ Cod. Diplom.* pag. 81.



ritate controversia vertebatur. Hermanno, Ludovici Patri, Wenceslaus Romanorum Rex, Charta Francofurti A. 1398. data, hos Nobiles subjecerat. Paulo post (n) Betleriae Literas suas ipse revocaverat Wenceslaus. Revocationem Sigismundus Romanorum Rex A. 1414. Spirae (o) firmavit. Ludovicus Hassus tamen jus, quod habere se credidit, non destitit persequi. Sigismundus ergo rem omnem denuo Principum submitit iudicio.

Delegatus a Caesare iudex Bernhardus die S. Petri indixit Iudicium. Iudices assessores fuerunt quatuor Ecclesiastici, Georgius Passaviensis Episcopus, Cancellarius Regis, Guilielmus Argentin. Episcopus, Johannes Weissenburgensis Abbas, Johannes Abbas Selsenfis, & quatuor seculares, Ludovicus, Comes Palatinus Rheni, Carolus Lotharingae Dux, Otto Comes Palatinus Rheni, Bernhardus Saxoniae Dux. Regis autem Advocatus fuerat Ludovicus, Comes Oetingae.

Decretum unanimi sententia Iudicum, Buseckianos Ganerbios Imperatori sine medio subesse. (p)

---

(n) Die Mercurii post Omnium Sanctorum ejusdem anni.

(o) Die Veneris post D. Jacobum.

(p) Instrum. hujus Iudicii extat in libro, cui Tit. *Memoriale der Hessischen Gesandtschaft an die Reichsversammlung zu Regensburg* A. 1707. inter probationes pag. 99.

## §. XXXIV.

Bernhardi acta varia.

Civitatem Colonienſem, ob diſſidia inteſtina, A. 1419. obſidione quum cinxiſſent Electores ad Rhenum, Bernhardi Marchionis & Electoris Brandenburgici interventu tempeſtas ſedata eſt. (q)

Redemptionem Zaringiæ Caſtri Sigismundus Imp. cum omnibus, quæ ad id pertinerent, Bernhardo noſtro ſingulari diplomate, Wratiſlaviæ A 1420. Dominica Lætare conceſſit; (r) eodemque anno Bernhardus, paucis ante Pentecoſten diebus, inter Civitatem Argent. & Nobiles de Bulach, de Wangen, de Müllnheim, alioſque litem ſua ſententia decedit. (s)

Dynaſtiam Grævenſteinenſem, antiquiſſimum familiæ Leiningenſis allodium, quod a Leiningenſibus titulo pignoris ad Palatinos Electores, ab iisque ad Spanheimenſes pervenerat Committes, a Johanne Spanheimenſi Comite tum cõmmit Bernhardus, ſalva Fridericianæ Leiningenſium lineæ reluendi poteſtate. At anno ſequenti eandem Dynaſtiam Emiconi Leiningenſi Comiti, genero, oppigneravit pro 8000. flor. quos in dotem ei promiſerat. (t)

## §. XXXV.

(q) WINDECK *Hiſtor. Sigismundi Imp.* Cap. 76.

(r) Vid. Documenta.

(s) Archiv. Argent.

(t) Archiv. Bada-Badenſe.

## §. XXXV.

A. 1421. Duci Reinoldo de Urslingen (u) dimidiam partem castri & oppidi Gemar, pignus Rappoltsteinsenſe, præſtitæ fidei operæque præmio ad dies vitæ conceſſit, ejusque in locum, ſi forte redimeretur, trecentos quotannis florenos ſe daturum promiſit. Reinoldus viciffim & Anna de Uſenberg Bernhardo juſ ſuum in Dynaſtiam Uſenberg & caſtrum Hœhingen ejusque ditio- nes reliquerunt; quin & vicos Biſchofflingen, Brockingén alioſ- que, ad Dynaſtiam Uſenberg. pertinentes, eidem adſcripſerunt, poſt ipſorum obitum occupandos. Reinoldus inſuper juſ aperturæ in Hornberg aliisque caſtris ſuis Marchioni adverſus hoſtes ejus promiſit; exceptis Sigismundo Imp. & Comite Sulzenſi, ſal- vaque pace caſtrenſi Hornbergæ. Acta hæc omnia & corrobo- rata Inſtrumentis Badæ die Dom. quæ *Invocavit* vocatur. Triennio poſt die Saturni poſt S. Andree idem Reinoldus Dux, Præfecturam caſtri Hœhingen a Bernhardo Marchione adeptus, cum conjuge ſua Anna pacta priora confirmavit.

A. 1422. Sigismundus Imp. Bernhardo Marchioni comiſit, ut tertium denarium in Germania a Judæis perciperet; eidemque ſpeciale protectorium monaſterii Schwarzach, contra

Tom. II.

O

---

(u) Reinoldus hic anno poſt, Comitſ Zollerani ſocius, bellum Helvetiſ in-

Ludemannum, Lichtenbergæ Dominum, concessit Noribergæ. (x)

## §. XXXVI.

Bernhardus  
dus il-  
tium ar-  
biter.

Eodem anno diuturnis Wilhelmi Episcopi cum Civitate Argentinensi litibus sopiendis, Conradus Archiepiscopus Moguntinus & Bernhardus Marchio noster electi sunt arbitri. Res Spire tractata atque sententia Archiepiscopi & Marchionis, die Mercurii post Quasimodogeniti, decisa. (y) Dein paucis interjectis diebus, controversiæ quoque inter Civitatem & Nobiles, qui jam A. 1419. ob varia gravamina Civitate excefferant, eorundem Principum interveniū compositi; (z) sed & utriusque auctoritate Wirichius ab Hohenberg Civitati reconciliatus, atque sublatis utrimque hostilitatibus, Wirichio sua jura reservata fuerunt. (a)

Eodem anno Bernhardus cum Stephano Palatino & Emicone Leiningensi Comite, Spirensibus, a Rhabano Episcopo ob-

---

tulit, sedens in castro Schiltach ad Nigram Silvam. Vid. Tschudi *Chron. Helvet.* Tom. II. pag. 70. & pag. 147.

(x) Extat in *Ältenaßiger Geschichts-Erzählung Schwarzach* pag. 99. & 101.

(y) Instrument. extat in *Tabulario Argent.* unde illud deprompsit SEBAST. MUEGIUS in *Cod. Msspt. Arg.* pag. 109. ubi & alias transactiones exhibet, inter Episcopum & Civitatem hoc tempore initas; add. WENCKER. *de Pfalzburgeris* pag. 102.

(z) SCHILTER *ad Königshov.* pag. 578.

(a) *Tabularium Argent.*

feffis, in auxilium venire decreverat. Verum sublata mox, juffu Sigismundi Imp. obfidione, res ad Comitum Norimbergæ ejusdem anni delata. Bernhardus conciliandæ cum Epifcopo Civitati operam dedit, compofitisque controverfiis, ipfe ob itinera hinc inde fufcepta, 6000. flor. impenfarum nomine, a Spirenfibus accepit. (*b*)

## §. XXXVII.

A 1423. (*c*) Bernhardus cum Emicone Leiningenfi Comite, genero, & Johanne Spanheimenfi communionem eo fine inivit, ut Dynaftiam Grævenfteinenfem, quam Emiconi ante biennium oppigneraverat Bernhardus, communi confilio & ope contra quoscunque turbatores defenderent; at Friderico Leiningenfi, pignoris domino, reluitionem concederent. Societas hæc inita fuiſſe videtur contra Electorem Palatinum, qui de Dynaftia hac cum Spanheimenfi Comite tum lites alebat. Res eodem anno (*d*) tranſacta, juſque aperturæ in Grævenſtein. Ludovico Electori aſſertum; qua de re Bernhardus Marchio & Emico Leiningenſis Comes eidem literis caverunt. (*e*)

Acta in-  
tuitu  
Græven-  
ſtein.

Tom. II.

O 2

(*b*) LEHMANNUS *Chron. Spir.* Lib. VII. Cap. 94. pag. 833.

(*c*) Die Martis poſt S. Martini.

(*d*) Die Veneris poſt S. Andreæ.

(*e*) Datæ ſunt hæc literæ die Martis poſt feſtum circumciſionis A. 1424. Extant, uti & præcedentes, in Tabulario Bada-Badenſi.

## §. XXXVIII.

Lites  
cum Ci-  
vitatibus  
Brisgo-  
viæ.

Iisdem temporibus Bernhardo cum Civitatibus Friburgo, Brisfaco, Endinga, quarum Præfectus ille nuper fuerat, (f) natæ sunt lites.

Gravami-  
na Bern-  
hardi.

Intolerabile ei visum est, subditos ipsius Hachbergenses & Usenbergicos, civium Brisgoicorum ordini adscriptos, iisdem, quibus incolæ Civitatum, juribus gaudere, turbataque Principis jurisdictione, non modo in Civitatibus ob delicta conveniri, sed & ab iisdem ad servitia quædam adstringi; (g) in transactione licet, quam cum Civitatibus Brisgoicis Egon Friburgi Comes & Otto Marchio Hachbergensis, post intestinum bellum A. 1368. inierant, (h) prospectum, ut extranei, in territorio Principum constituti, cives dimitterentur ex urbibus, nemoque in posterum ab illis reciperetur civis, nisi Domini sui impetrato consensu. Bernhardus civibus his extraneis jus civitatis abrogari, eosque, qui in urbibus confederant, sibi tradi postulavit.

## §. XXXIX.

Querelæ  
Civita-  
tum.

Civitates ad privilegia Imperatorum & ad antiquas Brisgovicæ consuetudines provocabant; non adversari sibi dicentes pa-

(f) Vid. supra ad A. 1415.

(g) Gravamina Bernhardi cognoscuntur ex scripto, quod A. 1424. cum Principibus Imperii communicavit, apud WENCKER, in *continuatione de Ußburgeris* pag. 64.

(h) Transactionem hanc exhibet WENCKER, loc. alleg. pag. 71.

sta, cum Hachbergæ Marchionibus inita, civesque suos, in Hachbergenfi Dynastia habitantes, nunquam inter homines proprios Hachbergenfium habuiffe locum. Sed inprimis grave videbatur Civitatibus, Bernhardum, etiam post annale tempus, quod ejusmodi vindicationibus jure Germanico præfixum, jus sibi afferere in eos, qui in ipsis Civitatibus fortunarum sedem elegerant. Accessit & alia causa, quæ maxime Civitates angebat; nova nempe vestigalia, a Bernhardo per Brisgoviam passim & Mülbergæ erecta; non Civitatibus modo, sed finitimis quoque onerosa.

Brisgovicæ ergo & Alfaticæ Civitates A. 1422. die Saturni post S. Michaelis, quinquennale contra Bernhardum <sup>Civita-  
tum fœ-  
dus.</sup> fœdus inierunt, (i) cui anno insequenti, die Dominica post Jacobi, Ludovicus Comes Palatinus Rheni Alfatiæque Præfectus accessit. (k)

## §. XL.

Sigismundus Imp. ad quem res fuit delata, Bernhardum & Civitates A. 1421. vocavit Nickelsburgum in Moravia, & anno sequenti Ratisbonam, denique Norimbergam. Quum autem, impredientibus Bohemiæ turbis, conventus hi locum non habuissent, amicæ compositionis via tentata est. <sup>Amicis  
conven-  
tionibus  
abruptis  
bellum  
geritur.</sup>

## O 3

---

(i) Instrumentum hoc extat in Chartophylacio Argent.

(k) Novum instrumentum, quod tum confectum est, in Tabulario quoque Argent. servatur.

Colloquium Argentorati A. 1423. habitum, in quo Carolus Lotharingæ Dux (1) intercessoris munia gessit. De pluribus articulis, ex voluntate fere Bernhardi Marchionis, transactum. Res tamen ad finem non omnino perducta. Alius ergo Conventus Wormatiæ indictus, ubi præsentibus Conrado Moguntino & Ottone Trevirensi Archi-Episcopis, denuo tractata controversia, sed irritò conatu.

Unde cum tres alii Conventus, sub initium A. 1424. Argentorati, Wormatiæ, Moguntino & Trevirensi intercessoribus, habiti, quoque fuissent abrupti, res denique ad arma devenit; (m) Sigismundo Imperatore litigantes frustra hortante ad pacem. (n)

Pentecostali tempore A. 1424. Alsatiæ Brisgoviaque Civitates cum Ludovico Palatino, Episcopo Spirensi & Wirtembergico Comite, aliisque belli fociis, irruptionem in Marchionatum fecerunt. Raftadium & plures vici combusti. Mühlbergæ & Grabæ Castra oblecta, non capta. Quum enim per tres septima-

(1) Hic tum etiam de controversiis, quas cum Civitate Argentinensi habuerat, intercedente Bernhardo Marchione, confocero, amice transegit. Literæ transactionis, die Veneris post S. Catharinæ A. 1423. datæ, in Tabulario Argent. fervantur.

(m) Singula hæc narrantur in literis fœderatorum ad Imperatorem apud WENCKER. loc. alleg. p. 85.

(n) Extant hæc literæ apud WENCKER. loc. alleg. pag. 83. & 84.



nas durasset obsidio, intercedente Dieterico Archi-Episcopo Coloniensi, Johanne Herbipolitano Episcopo & Alberto Hohenloënsi Comite, in castris ad Mühlbergam res transacta est. (o)

## §. XLI.

## Conditiones præcipuæ:

1. Marchio omnia bello ablata, una cum redditibus perceptis, Civitatibus restituat. Trans-  
actio  
cum Ci-  
vitatibus.
2. Liber comiteatus ex unius in alterius terras obtineat, ad normam transactiois, inter Egonem Comitem Friburgi & Civitates Brisgovicas initæ A. 1368. Marchioni tamen evictio competat hominum propriorum, a die, quo Hachberg. & Uffenberg. Dynastias obtinuit.
3. Delicta, a subditis Civitatum in Marchionis ditionibus commissa luantur pecunia. Bona capite plexorum propter homicidia, in iisdem terris perpetrata, cognatis pro certa pecuniæ summa restituantur.
4. Actiones de bonis aut debitis, in foro domicilii aut rei sitæ instituantur.

---

(o) Bellum hoc descriperunt URSTISIUS in *Chron. Basil.* Lib. IV. Cap. 24.  
 REMBOLDUS SLECHT. WENCKER. loc. alleg. pag. 64. SE-  
 BAST. MUNSTER *Cosmograph.* Lib. III. pag. 829. BERNHARD.  
 HERZOG. *Chron. Alsat.* Lib. VIII. Cap. 28. pag. 135.

5. Usburgeri Civitatum, in Dynastiis Hachberg. & Usenberg. sedentes, jura Civium amittant. Civitates subditos Marchicos in posterum non ut cives recipiant.

6. Vestigalia, quæ Marchio in Brisgovia a tempore acquisiti Hachbergici Marchionatus instituit, aboleantur.

7. Feuda, Cunemanno Bolfenheimio a Marchione ablata, intra anni spatium ei restituantur. Hachbergici & Usenbergici Vassalli a Paribus Curiae Hachberg. & Usenberg. judicentur.

8. Civitates per sexennium in quieta possessione vicorum Remsingen, Hühstat, Achkarn & Lüsselnheim permanent, quo finito cujuslibet partis salva sint jura.

9. Vici Badenses Uringen, Eystatt, Baldingen & Malterdingen, quos homagio sibi Argentinenses obstrinxerant, Hermanno tradantur Sulzensi Comiti, donec singulis pacis conditionibus satisfecerit Marchio. (p)

In specie  
cum Ar-  
genti-  
nenibus.

Lites, quæ civibus quibusdam Argentinæ Civitatis, de bonis naufragio occupatis, de vestigalibus in moneta, non recepta, exactis, aliisque de rebus cum Bernhardo intercesserant, peculiari Principum quorundam arbitrio reservatæ fuerunt. (q)

§. XLII.

(p) Transactio hæc extat in Archivo Bada-Durlacensi.

(q) Literæ, in agro Mühlbergensi, die Lunæ post S. Petri & Pauli A. 1424. confectæ, Dieterici Colonienfis Archiepiscopi, Johannis Episcopi Würzburg. Alberti Hohenloënsis Comitis atque Bernardi nostri sigillis signatæ, in Tabulario Argent. servantur.

## §. XLII.

A. 1425. Bernhardus memorabili transactione cum Jo-  
 hanne Spanheimensi Comite Beinhemii apud Alfatas inita, in Co-  
 mitatum Spanheimensem jus sibi acquisivit & posteris. Spanhe-  
 mii Comitum duæ lineæ, Cruzenacensis & Starckenburgensis  
 fuerunt. Illa citeriorem Comitatum, qui proprie Spanheimen-  
 sis, hæc ulteriorem, (r) qui Starckenburgensis adpellatur, tenuerunt.  
 Ultimus lineæ prioris Comes, Simon IV. filiam heredem  
 reliquit Elisabetham, quæ Ruperto Imperatori, focero, & pō-  
 stea (s) Ludovico Barbato, Electori Palatino, affini suo, quin-  
 tam partem Comitatus donavit, Johanne, Starckenburgicæ lineæ  
 postremo, consentiente. Quinta hæc pars Electoratuī ab eo tem-  
 pore mansit conjuncta; reliquæ quatuor partes ad lineam Star-  
 ckenburgicam, solam superstitem, pervenerunt. Ex linea hac  
 Joannes Cæcus, Spanheimensium ultimus, A. 1437. defunctus,  
 jam A. 1415. testamentum condidit, quo Bernhardo Marchio-  
 ni Badensi & Friderico Veldentiæ Comiti, amitarum suarum si-

Trans-  
 actio  
 Beinhem-  
 mensis.

Tom. II.

P

(r) *Vordere und Hintere Grafschaft Spanheim*, Conf. TRITHEMIUS in *Ciron*.  
*Hirfang*, ad A. 1411, qui tamen in rebus Spanheim. nonnulla tradit minus  
 exacte.

(s) A. 1416. Literas traditionis exhibet TOLNERUS in *Cod. Diplom. Palæt.*  
 num. 215.

liis (t) spem succedendi in terris suis fecit, eamque A. 1425. Beinheimensi pactione firmavit. (u)

## §. XLIII.

Leges  
ejus.

Pacti summa huc redit, ut Bernhardus Marchio & Fridericus, Veldentiae Comes, utrumque Spahhemii Comitatum indivisim tenerent, eorumque uterentur insignibus. Cruzenacum oppidum & Castra excipiuntur, quæ in communione cum Ludovico Electore tum habuerat Johannes. Uterque Comitatus non nisi ad masculos, & quidem ad Bernhardi Marchionis & Friderici

(t) Amitæ hæc fuerunt Loretta & Mechtildis; quarum illa Henrico nupsit, Veldentiae Comiti, mater Friderici; hæc Rudolpho Longo Marchioni matrimonio juncta, filium ex eo suscepit Bernhardum. Amitarum harum patrem nonnulli vocant Henricum, alii Johannem. LUCÆ Gravenſaal p. 612. SPENER. Op. Herald. Part. spec. L. II. Cap. 4. §. 5. L. III. Cap. 27. §. 16. Johannem fuisse patrem Mechtildis supra in Rudolpho Longo Marchione ostendimus.

(u) Tradunt Scriptores, Johannem Spanhemii Comitem, cum Henrico patruo & Simone fratre dissidia alentem, relicto Spanheimensi Comitatu, ad Rudolphum divertisse Badæ Marchionem, Mechtildis Spanheimensis maritum; a quo honorifice exceptus & paternæ ditioni post Henrici mortem restitutus, extincto Simone fratre, cum & ipse liberis careret, hoc successione pactum, in grati animi testimonium, cum Bernhardo, Rudolphi Badensis filio, iniecit. TRITHEMIUS in Chron. Hirſaug. ad A. 1411. pag. 332. & SPENER ex Chron. Mſept. Comitum Spanheim. l. cit. Lib. II. Cap. 4. §. 5.

Comitis nepotes, eorumque defectu, ad Wilhelmum, Hennebergæ Comitem, ejusque filium ac successores primogenitos transeant. Familiæ heredes sibi mutuo succedant. Venditio Comitatum & oppignratio prohibita. Pax Castrensis inter heredes ineatur. Feuda communi nomine conferantur a Seniore familiæ. Feuda vacua, communi consensu, vasallo novo concedantur.

Johannes Spanheimensis, Jacobum, Bernhardi filium, & Fredericum Veldentinum, ad communionem terrarum vivus admittit. Ludovico, Electori Palatino consentienti, Jacobus & Fredericus, partis ad eum spectantis securitatem, literis, Heidelbergæ A. 1428. datis, præstiterunt. (x)

## §. XLIV.

Eodem anno Ludovicus Palatinus Comes & Civitates, Argentoraturn, Basilea, Friburgum, Brisacum aliæque, inopinato Bernhardum aggressæ sunt bello. Mühlberga a fœderatis obsessâ & capta. Sed vix abductis inde fœderatorum copiis, Marchio cum Wilhelmo, Argentinensi Episcopo & Ludovico Lichtenbergensi Comite, adversus Argentinenses fœdus inivit, cui paulo post Lotharingæ Dux & Stephanus Comes Palatinus cum Salmensi

Bellum  
cum Civitatibus  
ad Rhenum.

Tom. II.

P 2

(x) Literæ hæc extant apud LÜDIG *Reichs-Archiv Part. Special. Contin. II. IV. Abtheilung. IX. Absatz* pag. 497.

& Bitenſi acceſſerunt Comitibus. Bernhardus cum Lichtenbergæ Dynaſta Rhenenſem Argentinenſium pontem occupavit menſe hujus anni Septembri. Inde pulſus, Oberkircham, quam pignoris jure poſſidebant Argentinenſes, quinque menſium ſpatio obſedit; re infecta denique redire coactus. Bellum hoc, poſt multa damna utrinque illata, A. 1429. Archiepiſcopi Moguntini interventu compoſitum eſt Spiræ. (y)

## §. XLV.

A. 1430. Rabanus, Spirenſis Epiſcopus, bonis & juriſbus Epiſcopatus a Marchione vim illatam conqueſtus, collecto ſociorum exercitu irrupit in Marchiam; Mühlbergentiſ Caſtri obſidioni pertinaciter inſiſtens; donec interceſſione Herbipolítani Epiſcopi diſceſſum ab armis. (z)

Eodem anno Bernhardus literis Schwarzacenſi monaſterio ejuſque Abbati Conrado Schœnbergero Badæ datis, hominibus S. Petri, (S. Petersleuth) in judiciis vicisque monaſterii ſedentibus, omnia, quæ hucusque ei præſtiterant, ſervitia remiſit. (a)

## §. XLVI.

---

(y) HERZOG *Chron. Alſat.* Lib. IV. pag. 109. & 110. & Lib. V. pag. 14.

(z) LEHMANN. *Chron. Spir.* Lib. VII. Cap. 94. pag. 833. SIMONIS *Epico-pi Spirenſes* pag. 150.

(a) Tabularium Schwarzacenſe.

## §. XLVI.

Bernhardus præter Marchionatum Hachbergæ, quem, ut diximus, (b) Otto, lineæ Hachbergicæ senioris postremus, ei vendidit, aliis terris ac bonis Marchiam suam adauxit.

Accessio-  
nes ter-  
rarum &  
jurium  
sub Bern-  
hardo  
Marchio-  
ne.

A. 1377. Gerhardus de Staffort, armiger, Bernhardo & Rudolpho fratribus homines suos proprios, in vico Lütolzhain alibique in Marchionum ditioe commorantes, exceptis tantum vicis Forchein, Dalslan (Dachslan) & Specke, pro 15. Libris denariorum Argentinesium vendidit.

A. 1382. una cum fratre Rudolpho cōmit a Cunzio de Schmalenstein partem, quam habuit in Straubenhard, Langenalb, Tennach & Tobel, una cum curia in Nibelsbach.

A. 1405. Hugo de Berneck, armiger, juri patronatus in Niefern, in gratiam Bernhardi renuntiavit.

A. 1407. Johannes de Waffelnheim miles eidem Marchioni ejusque heredibus masculis, tradidit suam partem vicorum Waffelnheim, Uberechlingen, Kraftetten, Frydeshein, Utelnheim, Hiltenhusen, redditus vini in Gosseln, balneum & decimas in Pfaffenhofen, Hattenmatte, Obenheim, Nükirch, curiam in Zabern & Mittelbrunn, ita ut Marchio, ejusque hæredes masculi, liis omnibus uterentur. Loca hæc in Alsatia Inferiore sunt sita.

A. 1416. vicum Eystatt in Marchionatu Hachbergenſi, pro tribus florenorum millibus oppigneratum, à Caſparo de Klingenberg ejusque uxore Margaretha Maltereria Bernhardus redemit. (c) Eodem anno idem Marchio a Reinhardo Hofwarth de Kirchein partem vici Eyſingen comparavit.

## §. XLVII.

Accessio-  
nes variæ  
& oppi-  
gnationes.

A. 1422. Conradus Bernlappius, armiger, quartam ei partem Caſtri Zaringenſis, cum filvis, banno ferino, pratis, aquis, aliisque juribus, ad hanc partem ſpectantibus, ſervata ſibi altera quarta, tradidit; ea conditione, ut ipſe Marchio ejusque heredes nobilem ſemper virum conſtituant, qui de pace Caſtrenſis Zaringæ ſervanda, fidem ſuam Conrado ejusque heredibus adſtringat. Conradus paulo poſt ſolemnibus literis pacem hanc ſe ſervaturum promiſit. (d)

A. 1422. & 1426. Bernhardus varias partes in vicis Wolfartsweyer, Sellingen & Berghaufen; item maximam partem Altenſteigæ ab Hohenbergæ Comite acquiſivit, quam dein Uracenſibus Comitibus oppigneravit.

Sigismundo Imperatori non ſemel magnas pecuniæ ſummas; quin & Wirtembergicis Comitibus 20. millia florenorum mutuo dedit; Herrenbergiana in pignus accipiens.

---

(c) Tabularium Bada-Durl.

(d) Codex Diplom.



A Zolleranis Comitibus pro 3000. florenis ei oppignerata Hechinga. Henrico, Herrenbergiæ Comiti, similem fere summam, Maspachio in pignus recepto, commodavit.

### §. XLVIII.

Obiit Bernhardus A. 1431. III. Non. Maji. <sup>Mors & ætas Bernhar-  
di.</sup> Ætatis ejus incerti sunt anni. Tempus natiuitatis Chartæ & monumenta occultant. Patri A. 1372. mortuo per LIX. annos superstes, A. 1379. fratris cum jam fuerit curator, necesse est, eum septuagenario multo majorem obiisse.

Cum monasterio Cisterciensium Albæ Dominorum multis licet litibus fuerit districtus, in Choro tamen Ecclesiæ eorum sepulchrale monumentum ei fuit exstructum; quod varias inter mutationes ædis & monasterio destructo, tamen persistit illæsum. Imaginem ejus loco suo repræsentamus lectori. Inscriptio diem & annum mortis indicat, ætatem silentio transit. (e) En Inscriptio verba: „ Anno Domini mccccxxxi. Tercio mensis Maji obiit „ Illustris Princeps Bernhardus Marchio de Baden. „ Monumenti hujus fide unanimi consensu credunt scriptores, Bernhardum in Ecclesia Albæ Dominorum fuisse sepultum.

WOLFGANGUS DE ROTENBERG, Collegiæ Badensis Præpositus, haud ita pridem defunctus, in Dissertatione,

---

(e) SCHANNAT. in *Vindem. Literar. Collec.* I. pag. 152. Epitaphium exhibet, sed iconem ejus non dedit.

## BERNH. I.

quam manuscriptam reliquit, contendere conatur, Bernhardum in Ecclesia Parochiali Badæ fuisse sepultum; at sub nepote ejus Carolo ad Dominos Albæ translatum. Equidem sepulturam ejus in Æde Badensi admitto, translationem rejicio. Ædis hujus in Ecclesiam Collegiatam conversio a Bernhardo nostro jam fuerat decreta A. 1413. Petiit a Johanne XXIII. Pontifice confensum, quem etiam Bulla, ad Constantiensem Episcopum scripta, obtinuit. Bellici tumultus consilii hujus complementum impediverunt.

Patris decreta sub Nicolao V. A. 1453. complevit Jacobus, ut suo loco docebitur. In Charta, quæ tum hac super re scripta; Missisque Pontificiis a Marchione tradita fuit die XI. Aprilis, hæc verba leguntur: „ Cum felicis recordationis Illustris Principis Badensis, Bernardi, genitoris seu patris ipsius „ Jacobi, in ipsa Ecclesia Badensi sepulti &c. „ Bernardi sepulturam in Ecclesia Badensi evidenter hæc docent. Evidentius ipsæ Monumenti sepulchralis reliquiæ A. 1753. in eadem sub altari detectæ, ecclesiæ chorum novis ornamentis quum decoraret Ludovicus Georgius Marchio Badensis. ROTENBERGIUS, qui cum Collegis suis aliisque permultis sepulchri reliquias viderat, eas ita describit: „ Inventus est prægrandis lapis inversus, qui „ licet in frustra dissectus, manifeste & irrefragabiliter spectantibus exhibuit figuram equestrem Bernardi, ære fusam, cum „ in-

„ inscriptione: „ Anno Domini MCCCCXXI. Sabbato post  
 „ inventionem Sanctæ Crucis obiit Illustris Princeps Bernardus  
 „ Ba - - - t in pace. „ Notandum vero, quod huic la-  
 „ pidi detractum fuerit æs omne fufum cum figura statuæ, scuti  
 „ ac galeæ, ac circumscriptis literis, tamen ex incisura lapidis  
 „ hæc omnia adhuc legenda & cognoscenda erant & curioso-  
 „ rum inspectioni prostant. „

Ex narratis his ROTENBERGIUS colligit, ex Ecclesia  
 Badenfi in Albenfem Dominorum translatum fuisse corpus Bern-  
 hardi; translationem sub Carolo nepote factam esse reputans.  
 Verum enimvero, quæ causa inducere potuerat nepotem, Avi  
 fui manes tam duriter ut tractaret; sepulcralem ut diffringeret  
 lapidem, quin & omnibus ornamentis æreque, figuris literisque  
 infuso, spoliaret. Barbara hæc violatio sepulcri, non translatio di-  
 cenda. Verifimilior sententia est, Bernhardum in Parochiali Ba-  
 denfium Ecclesia voluisse sepeliri, quod illam ornandam decreve-  
 rat, nec unquam ex ea fuisse ablatum. Sepulcri spoliatio illi tem-  
 pori adscribenda, quo Bada omnis & Castrum, superiore seculo  
 finiente, bellicis everfa furoribus. Superest ergo, ut Mausoleum  
 Albenfe Bernhardi Honorarium dicamus.

### §. XLIX.

Princeps fuit egregius, inter potentes & bellicosos Ger-  
 maniz Magnates fui seculi reputandus. Gloriosum ejus sexaginta

Chara-  
cter.

annorum, sub quinque Imperatoribus regimen, quo sapientia, iustitia, integritate, fortitudine mentis, nulli Principum facile secundus. Apud Sigismundum Imp. cujus electionem promoverat, tanta ejus fuit auctoritas, ut difficillima negotia ejus consilio expediret & manu. Bello incomparabilis, inter perpetuas illorum temporum turbas, quibus omnia vi & armis gerebantur, pacis tamen studiosus & sancte fœdera colens. Unde nonnisi provocatus defendendisque suis juribus & sociis induit arma. Dissidia aliorum sua sæpe intercessione composuit: officiosus in omnes. Rei intentus domesticæ, sed munificus, ut principem decet atque liberalis, Marchionatum, dignitate opibus & potentia auctum, posteris tradidit.

## §. L.

Cancellaria  
riæ & Curia.

Cancellariam & Curiam in meliorem ordinem redegit. Vassallos, Judiciis feudalibus ut frequentes interessent, graviter monuit.

Cancellario usus est Johanne de Brussella, quem in literis A. 1422. *Scribam* appellat, in cujus potestate fuerat Marchionis sigillum. Idem in Charta A. 1424. vocatur „Venerabilis „Vir Dominus Johannes de Brussella, Protonotarius illustrissimi Principis ac Domini Bernhardi Marchionis de Baden. „Cancellarii munere ergo fungebatur Johannes, nomen licet in Aula Badensi non fuerit in usu. Politica & civilia ab eo tractabantur negotia. Consiliarii tum nondum in Collegia distributi. Unde

inter primarios Aulæ ministeriales Cancellarius habebatur; non nisi Vicario Principis & Aulæ magistro provinciali (Landhofmeister) postpositus. Sub Christophoro Marchione Kieferus & Schriberus, (f) sub Ernesto Gutius; sub Carolo II. Achtsinitus, sive Amelius; sub filiis Caroli II. Breitenaker JurisConsulti Doctores, *Cancellarii* nomine inclaruerunt. Postremis sub Marchionibus hæc dignitas quieuit.

## §. LI.

Sub eo Sigilla equeſtria in deſuetudinem venerunt; at ce-  
ra rubra invaluit. Eccleſiaſtici Principes & Comites cera viridi  
ſunt uſi. Multi ex illis privilegio ceram rubram obtinuerunt.  
Seculi XVI. initio cera rubra apud Comites in uſu.

Cæſares a Bernhardi hujus temporibus Marchiones Baden-  
ſes appellarunt *Lieber Vetter oder Oheim*.

Hæc omnia in ſumman ſi colligas, haud difficile per-  
ſpicias, Bernhardum nec inter majores, nec inter poſteros ha-  
buiſſe, quem ei compares, multo minus præponas.

## §. LII.

Prima Bernhardi uxor fuit Margaretha, Rudolphi Comi-  
tis de Hohenberg filia, cujus mentio fit in Charta ſœderis, a Ru-  
xores.

Tom. II.

Q 2

(f) Wendel Schriber.

## BERNH. I.

dolpho nostro cum Eberhardo III. Comite Wirtembergenfi A. 1374 contracti, qua filia ejus Margaretha, Marchionissa Badensis, cum Wirtembergicis fœdus continuare jubetur, si Rudolphus ante fœderis expirationem moriatur. (g)

Cum autem matrimonium hoc sterile esset, atque mortuo Bernhardi fratre Rudolpho, solus ille ex Domo superesset Badensi, divorcium cum Margaretha meditatus est. Adivit ergo Clementem VII. Papam Avenione A. 1392. judices petens, qui examinarent; annon matrimonium contra jura canonica fuerit initum. Verba Bullæ Clementis sunt, *quod consanguinitatis vel affinitatis impedimenta existerent*. Conjugium, quod 18. annos duraverat, solutum. Bernhardus ad secundas progressus est nuptias, ducta uxore Anna, Ludovici Comitis Oetingæ filia, quarto consanguinitatis gradu ei juncta. Bonifacius IX. contra Clementem VII. Romæ electus, A. 1398. Bullam dispensationis ei transmissit. (h)

## • §. LIII.

## Liberi.

Ex Anna hac Bernhardus tres filios & septem filias procreavit. Inter filios:

---

(g) Charta fœderis in Chartophylacio Wirtemberg. servatur. In fine ejus legitur. *Daß wann Graff Rudolph innerhalb dieses Jahrs absterbe, so soll unser liebe Tochter Frowe Margaret von Hohemberg, Marggrevin zu Baden dis buntnuzz volle ushalten in allen sachen.*

(h) Bulla utriusque Papæ in Chartophylacio Bada-Durlac. Basileæ servatur.

1. Jacobus, natus A. 1407. qui patri successit.

2. Bernhardus, quem Sigismundus Imp. literis Caffaviæ datis A. 1423. despondit Eberhardi, Comitis Wirtembergici filiae, Cæsaris ex sorore pronepti. Elisabetha Noribergæ Burggravia, Comitissa de Wirtemberg, sponsæ mater, consensit. (i) Sed princeps hic juvenis præmatura morte ante nuptias decessit.

3. Rudolphus natus 14. Julii A. 1417. diem obiit supremum A. 1424. 1. Aug. (k)

Inter filias: 1. Anna, nata 15. Mart. 1398. nupta Ludovico Lichtenbergico A. 1409.

2. Beatrix, nata A. 1400. die Joh. Bapt. desponsata Emiconi Leiningæ Comiti, Instrumento Badæ confecto A. 1409. Beatrici in dotem octo millia flor. adscripta sunt. (l)

3. Mechtildis, nata A. 1401. d. XI, Dec. † 1402. d. 18. Apr.

4. Margaretha, nata A. 1404. die Convers. Pauli A. 1412. desponsata fuit Adolpho, Nassoviæ Comiti, cum dote 8000. florenor. Adolphus ei pro vidualitio assignavit 16000. flor. Wisbada pro pignore data. Conventio hæc Wormatiæ scripta est.

5. Agnes, nata die Lætare 1408. desponsata Gerhardo Duci Sleswic. A. 1432.

## Q 3

(i) Instrumenta hæc extant in Tabulario Bada-Badenſi.

(k) OPELII *Scriptores Rerum Boicarum* Tom. II. pag. 587.

(l) Charta est in Tabulario Bada-Badenſi.

BERNH. I.

6. Urfula, (*m*) nata A. 1400, die Ven. ante Simon. Jud. desponsata I. Godefrido Comiti in Ziegenhayn A. 1422. cum dote 8000. flor. (*n*) II. Duci Teccensi, Ulrico Cæco A. 1426. † A. 1430.

7. Brigitta, nata A. 1416. die 1. Jan. vixit adhuc A. 1441. (*o*)

## RUDOLPHUS VI.

§. LIV.

RUD. VII.

**R**udolphus, Bernhardi frater, princeps quoque bellicosus, qui in turbis seculi XIV. finientis, bellicæ virtutis suæ varia specimina dedit. Vixit sub tutela Ruperti Palatini Electoris & dein fratris sui Bernhardi, qui A. 1379. suo & tutorio Rudolphi nomine foedus cum Civitatibus Sueviæ inivit. (*p*) Paulo post cum fratre terras partitus, (*q*) superiorem Marchionatum accepit; atque solenni pacto Heidelbergæ A. 1380. eodem cum fratre

(*m*) Errat CRUSIUS, qui in *Anal. Suev.* Tom. I. pag. 346. scribit, A. 1419.

Ursulam obiisse Rudolphi March. Bad. filiam Ulrico Duci Teccensi matrimonio junctam. Ursula hæc fuit Bernhardi filia, & obiit demum A. 1430.

(*n*) Instrumentum in Tabulario Bada-Badenfi superest.

(*o*) Scheda Tabularii Bada-Durlac. liberorum Bernardi natales recenset.

(*p*) Vide in Bernhardo I. p. 67.

(*q*) Ibidem p. 68.



inito, Domus suæ jura stabilivit. (r) Illo quoque tempore cum Episcopo Constantiensi aliisque Principibus, in auxilium Comitum Wirtembergensium, adversus Sueviæ Civitates, plures misit armatos. (s)

A. 1382. expeditioni Argentinesium adversus Comitem de Vergey cum aliis Principibus interfuit. (t)

A. 1386. Rothwilenses cives nonnulli propter Felsium de Witingen Rudolphi sese hostes declararunt. Arbitri, qui de componendis Civitatum Principumque controversiis, Mergenthemii eo anno convenerant, turbas has composuerunt. (u)

Illustri illi Suevico foederi, Rhenenses inter & Suevicas Civitates A. 1381. Spiræ contracto, (x) atque triennio post ad plures Principes Heidelbergæ extenso, (y) Rudolphus noster A. 1387. Mergenthemii accessit. Ibi in quatuor classes distributi Principes ejus foederis socii. Rudolphus noster una cum Moguntino & Colonienfi Archiepiscopis, Ruperto seniore & juniore Comitibus Palatinis, Hassiæque Landgravio, in secundam classem relatus. (z)

(r) Supra ad A. 1380.

(s) *Chron. Wirtemb.* apud SCHANNAT. *Vindem. Lit. Coll. II.* pag. 30.

(t) Supra ad A. 1382.

(u) LEHMANN. in *Chronico Spirensi* Lib. VII. Cap. 68. pag. 763.

(x) Tabulas hujus foederis exhibet LEHMANN. l. c. Cap. 66. pag. 746.

(y) Instrumentum hoc dedit DATT. *de pace publica* Lib. I. Cap. 8. n. 21.

(z) LEHMANN. in *Chron. Spir.* Lib. VII. Cap. 68. pag. 754.

## §. LV.

Comita-  
tus Eber-  
stein par-  
tem ac-  
quirat.

**A. 1387.** Wolffius Ebersteinensis Comes, cum gravi aere alieno premeretur, dimidiam partem Novi Ebersteinensis Castris, (*a*) Castris & oppidi Muckensturm, oppidi Gospolzheim & reliquorum, quæ possidebat, locorum ac jurium partem octies mille florenis Rudolpho vendidit; servato sibi Mandelbergæ (*b*) Castro, quod dein alia venditione, una cum bonis & juribus, eo pertinentibus, in Rudolphum quoque transtulit. Rudolphus partem debitorum in se recepit, atque intuitu Ebersteinensis Castris ad pacem Castrensem, quæ pridem stabilita erat, servandam Wolffii Comitis ex fratre nepotibus se obstrinxit. Ipsum Wolffium partis venditæ præfectum constituit Rudolphus, assignata ei reddituum quarta. At biennio post (*c*) præfecturam abdicanti, habitationem in Castro Muckensturm & usumfructum quorundam bonorum ac jurium ad dies vitæ concessit. (*d*)

Bellum  
cum Ci-  
vitatibus  
Sueviæ.

**A. 1388.** Rudolphus, in magna illo Principum & Civitatum bello, Comiti Wirtembergiæ adversus fœderatas Sueviæ & Rhenen-

(*a*) Ebersteinense Castrum vetus Rudolphus I. Marchio jam comparavit, ut suo loco ostensum.

(*b*) Mandelberg Castrum est dynastiæ Altensteig.

(*c*) Mense Novembri A. 1389.

(*d*) Instrumenta ex Archivo Badensi desumpta vid. in Cod. Dipl.

Rhenenses Civitates auxilia tulit, prælioque ad Wilam, mense Aug. hujus anni cum Civitatibus commisso, in quo Wirtembergici Comitis filius cecidit, ipse cum copiis interfuit. (e)

## §. LVI.

Bello huic cum & Argentinenses essent impliciti, Rudolphus dispositis Stauffenbergæ, Geroldseckii, Thiersbergæ & Stoltshovæ militibus, a mense Septembri hujus anni ad festum Pentecostes anni insequentis, civium Argentinensium vicos & villas, non solum trans Rhenum sed & cis Rhenum a Beinhemio ad Gamshemium usque combussit. Argentinenses vicissim, Rheno non semel trajecto, depopulati sunt terras Marchionis.

A. 1339. Rudolphus cum Ruperto Palatino aliisque Principibus, in Alsatiam suas copias duxit; vicos omnes ab Husberga & Ecolshemio ad Molishemium & Westhovam usque igne delet. Cladem hanc ulturi Argentinenses, nova in Marchionatum, Stoltshovam versus, facta irruptione, multa damna dederunt. (f) Sed paulo post bellum hoc Egræ ab Imperatore compositum. Rudolphus ad Egranum conventum quoque misit legatum. (g) Formulæ pacis Rhenensis, quæ Egranam eodem anno secuta est,

Tom. II.

R

(e) KOENIGSHOV. Cap. 5. §. 178. apud SCHILTER. pag. 348.

(f) Ibid. l. c. §. 193. pag. 354.

(g) Deputatorum Argent. Literas ad Senatum habet WENCKERUS de Usburgeris pag. 145.

RUD.VII.

Rudolphus una cum Bernhardo fratre accessit; in cuius vita recensuimus reliqua.


## §. LVII.

Mors Rudolphi.

Obiit Rudolphus A. 1391. (h) in Ecclesia Badensi, uti frater, sepultus. Restauratio ejus A. 1753. cum fieret, sepulcralis Rudolphi repertus est Lapis; qui hodieque extat in Choro.

---

(h) Errat CRUSIUS, qui *Annal. Suev.* Part. III. Lib. VI. pag. 315. Rudolphum hunc A. 1392. Equestribus Ludis a Suevica Nobilitate Schafhusæ celebratis interfuisse scribit.



# CAPUT II.

## J A C O B U S.

A: 1431 — 1453.



§: I

Regimen martiale exceptit pacificum musisque di- JACOBUS.  
 catum. Minervam Bellonæ in Aula Badensi  
 successisse diceres. Jacobus Marchio, magni  
 parentis magna propago; togatis virtutibus  
 ejus décenter ornatus, inter Principes Imperii temporis sui nobi-  
 lem quoque tenuit locum. Quindecimo die Martii A. 1407. (a)  
 natus, Principum Domus Badensis primus literis imbutus est  
 puer, ex patris præcepto, qui licet ipse indoctus, doctos tamen  
 voluit esse, quos educaverat; filios.

Tom. II.

R 2

- 
- (a) Nativitatem ejus describit REMBOLDUS SLECHT, *Argentin. Cano-  
 nicus, seculi XV. scriptor. in Append. Mf. ad Martinum Minoritam, ubi  
 ita: „ Marchio de Baden Bernhardus, licet plures habuerit filias, cum  
 „ uxore sua de Oetingen orta, tamen nunquam filium habuit, nisi pri-  
 „ mogenitum Jacobum nomine, qui in A. Dni 1407. XV. die Mensis  
 „ Marcii natus fuit & baptizatus XVIII. mensis predicti. Sex ipsum*

JACOBUS.

Duorum & viginti annorum juvenis, focero suo, Carolo Lotharingæ Duci, copias adversus Metenses in auxilium adduxit. (b)

## §. II.

Initia  
ejus.

Adquisitam Hachbergæ Marchiam pater ei regendam tradidit vivus. Gubernationis hujus tempore triennale fœdus cum Civitate Friburgenfi A. 1430. contraxit, (c) Quo anno etiam Heitersheimensis Hospitalariorum Fratrum Prioratus ejus se tui-  
tioni commisit.

Anno sequenti patri succedens, copiis contra Hussitas pro Sigismundo Imperatore hastiferos XXV. ex militia sua junxit. (d)

Tres æmuli de Archiepiscopatu Trevirensi quum acriter certassent, Jacobus noster, cum Moguntino & Colonienfi Electoribus, Manderfeldium, Treviros obsidentem adjuvit. Turbæ hæ A. 1432. & sequenti durarunt. (e) Res per eosdem Electro-

---

„ levaverunt de fonte sacro, videlicet Dn. Abbas de Mulnbrunn,  
 „ Dn. Abbas de Albe, Dn. Abbas de Gotzauue, Prptus de Herde,  
 „ Dn. Johannes de Kagenack miles, magister Curie Marchionis. Uxor  
 „ Theodoricæ Røeder sola levavit infantem, predicti astiterunt. „  
 SLECHTIUS, ex autographo descriptus, inter Scriptores Rer. Alsati-  
 car. comparebit.

(b) A. 1429. mense Julio. CALMET *Preuves de l'histoire de Lorraine* Tom. III. pag. 197.

(c) Codex Diplom.

(d) HONTHEIM *Hist. Diplom. Trevir.* Tom. II. n. 801. pag. 310.

(e) MAFFII *Annales Julæ & Montium* Tom. II. pag. 50.

res tandem, Papa interveniente, transacta. Trevirensis Præsulatum Rabanus, Spirensis Episcopus, obtinuit. (f)

Sigismundus Imperator Jacobo & successoribus ejus omnia Domus Badensis jura in Concilio Basiliensi diplomate novo A. 1433. firmavit, annoque post eidem immunitatem officialium, ministerialium, omniumque subditorum a Landgraviali Brisgoviæ aliisque judiciis concessit.

Privilegia Sigismundi Imp.

### §. III.

Spanheimensium Comitum postremus Johannes A. 1437. decessit. (g) Jacobus Marchio & Fridericus Veldentia Comes, ad communionem possessionis vivo jam admissi Johanne, ratione ulterioris Comitatus inter se, & ratione ceterioris cum Electore Palatino die 27. Nov. 1437. Pacem Castrensem, Communionis perpetuæ causa, iniverunt Crucenaci. Fridericus Veldentinus, lineæ suæ Gentisque postremus, utriusque Comitatus Spanhemii, quam possederat, partem, Stephano Bipontino, Comiti Palatino Rheno, genero suo, quin & vi pacti, quod A. 1444. d. 16. Sept. iniverat, (h) filio Stephani, Friderico Simmerensi, reliquit. In hujus stemmate pars illa Spanheimensis Comitatus dimidia usque

Pax Castri. Crucenaci.

### R 3

(f) TRITHEMIUS *Chron. Hirsaug.* ad. A. 1437. vide supra in Bernhardo.

(g) Status causæ Christiani III. Birekenfeld. Part. 2. n. 27.

(h) Virtute Pacti Heidelberg. A. 1553. d. 2. Nov. initii.

Jacocus.

ad A. 1560. permanfit; quo Palatino-Simmerenfis Linea Electorale occupavit folium. Tum vero Spanheimenfis portio ad Wolfgangum, Bipontii, & Georgium Johannem, Veldentiae Duces pervenit. At A. 1566. omnis hæc portio ad Wolfgangum Bipontinum folum pervenit; qui biennio poft Carolo, filiorum fuorum minimo, eam cum Birckenfeldenfi tractu testamento reliquit. Pofteri hujus una cum Badenfi Domo omnem Comitatum ulteriorem indivifum hodieque poffident. (i)

#### § IV.

Afta ab  
A. 1438.

A. 1438. Reinoldus, Urslingæ Dux, mortua uxore fua Anna vel Anastafia de Ufenberg, cum Jacobo Marchione renovavit pacta, quæ cum patre ejus Bernhardo fuper Brockingam & Bifchoffingam, Brisgoviae vicos, ut & Castrum Alfatiae atque oppidum Gemar iniverat. (k)

A. 1439. Jacobus cum Ludovico Palatino Electore, aliisque Principibus, Reinhardum comitatus eft Spirensem Epifcopum, qui magna folennitate Spiram urbem intraverat. (l)

---

(i) KREMER in præfat. ad Hiftor. Spanheim.

(k) Vide fupra in Bernhardo I. ad A. 1421.

(l) LEHMANN. Chron. Spir. Lib. VII. Cap. 123. pag. 940.



## §. V.

Jacobus paulo post cum Ottone Palatino & vicinis Principibus tuendæ pacis publicæ fœdus inivit. Acta ab  
A. 1442.

Francofurtenſi Conventui A. 1442. cum filio ſuo interfuit Jacobus; teſtisque roboravit diploma, quo Fridericus IV. Imperator privilegia Domus Auſtriacæ rênovavit. (m)

Tum quoque Cæſar ei privilegium de non evocando conceſſit, omnesque Comites, Dynaſtas, nobiles, milites, ceterosque ejus ditioni proteſtioni & advocatiæ ſubjectos, intuitu perſonarum & rei ſitæ, a Provincialibus & Cæſareo aulico judiciis immunes reddidit, Marchicis ſolis ſubjecit. (n)

Eodem anno Jacobus cum Friderico IV. Imperatore verſatus Conſtantia. (o) Brandeburgico Marchioni Alberto contra Noribergenſes auxilium tulit. (p)

## §. VI.

A. 1444. evenit, ut Carolus VII. Gallia Rex Imperatori copias contra Helvetios mitteret. Ludovicus Delphinus Bellum  
Armania-  
cum.

---

(m) Diploma apud LÜNIG & in *Anzeig der Privilegien des Haujes Oesterreich*, pag. 89.

(n) LÜNIG *Reichs-Archiv Part. ſpec. Contin. II. II'te Abtheilung IX. Aſſatz* pag. 941. & SCHILTER. *Scriptor. Rer. Germ. Diplom.* pag. 57.

(o) TSCHUDT *Chron. Helvet.* Tom. II. pag. 350.

(p) Idem l. c. pag. 535.

JACOBUS.

triginta millia armatorum, quos Armaniacos vulgus vocavit, in Alsatiam duxit, in Helvetiam transitorios. Tum vero Elisabetha, Galliae Regina, ad Jacobum Marchionem, cui adfinitate juncta erat, (g) literas dedit, circa Festum Pentecostes, in Turonensium agro conscriptas; quibus eum de instante expeditione reddidit certiore additque, Regem & Delphinum sibi promississe, terras Marchionis plane fore intactas. Has Franciae Reginae literas Jacobus misit ad Imperatorem, suis adjectis, quae scriptae erant Badae, feria IV. post Petri & Pauli diem, anni ejusdem. (r) Delphinus, victis ad Basileam Helvetiis, copias suas per Alsatiam & vicinas regiones diffudit; sed Marchionatum Badensem reliquit intactum.

Armaniacorum furores repressurus Caesar Comitum Norimbergam indixit, in quibus expeditio contra Delphinum decreta; Ludovico, Electori Palatino, summa belli delata. Speciatim autem Alberto Austriae Duci, Alberto Marchioni Brandenburg. Jacobo Marchioni Badensi & Ulrico Wirtenbergae Comiti injunctum, ut in Brisgoviam cum copiis se conferrent, de reducendo

exer-

(g) Elisabetha, Franciae Regina, soror erat Renati titularis Siciliae Regis, qui uxorem duxerat Isabellam, filiam natu majorem Caroli Lotharingae Ducis & sororem Catharinae, quae Jacobo Marchioni nupserat.

(r) Literas utrasque exhibet ANONYMUS Scriptor. *Vitarum Marchionum Badens. idiomate Germ.* pag. 168. sq. & FUGGER *Oesterreich. Ehrenspiegel* Lib. V. Cap. 5. pag. 550.

exercitu cum Delphino acturi. Hunc inter & Principes in magna illa planicie, quæ Brifacum & Enfishemium interjacet, institutus est sermo; quo rei transigendæ Roshemii in inferiore Alfatia definitus est dies.

Ludovicus Palatinus timens, ne pacis mora Galli ludificent Germanos, initio Nov. principes Spiram evocatos, de exequendo Ratisbonensi decreto interpellavit. Sed prævaluit Austriæ & Brandeburgi Albertorum, Jacobi nostri, aliorumque sententia, qui Rosheimensis conventus expectandum esse eventum dicebant, neque prius, quam amicæ compositionis via fuerit tentata, festinandum ad arma. Paulo post Principes Argentoratum venerunt, de summa rei cum Delphino tractaturi. Hic vero, relicta paulo ante Alfatia, ad Beliardæ montem usque progressus erat. Unde re infecta Principes Argentorato discesserunt. Ab hoc tempore turbis Alfatibus se non amplius immiscuit Jacobus; neque expeditio contra Delphinum suscepta. Hic denique in Conventu Trevirensi A. 1445. copias se abducurum promisit, ea conditione, ne quid damni nomine ab ipso exigetur. (s)

## §. VII.

A. 1446. in Francofordiensibus Comitibus Jacobus una

Tom. II.

S

Acta ab  
A. 1446.

---

(s) SCHILTER. ad Kœnigsh. pag. 936. sq. & pag. 1006. sqq. & HERZOG  
Chron. Alfat. Lib. II. pag. 117. sqq.

JACOBUS.

cum Augustano & Chiemfensi Episcopis, ut & cum Brandenburgico Marchione Legati Cæsarei functus est munere. (t)

Idem eodem anno cum Moguntino, Palatino, Austrio, Bavaro, Brandenburgico Principibus & cum Wirtembergæ Comite contra Helvetios fœdus inivit.

Idem quoque annus est, quo Fridericus IV. Cæsar Rhenense telonium in vico Schreck, quod antea Johannes, Spanheimii Comes, possederat, Jacobo nostro concessit. (u)

Biennio post Marchio noster Castrum Steineck Dieterico a Gemmingen in feudum hereditarium concessit. (x)

A. 1449. bellum inter Austrios & Civitatem Basileam composuit Jacobus; (y) eodemque anno Alberto, Marchioni Brandenburgico adversus Norimbergenses & fœderatas civitates auxilium denuo præstitit. (z)

Sed & Comitis Wirtembergici focius, cum Carolo & Bernhardo filiis, Eslingæ civitati, ob novum vestigal, quod ab Imperatore impetraverat, bellum indixit. (a) Commissum est inter Wirtembergæ Comitem & civitatem fociosque ejus, ad Eslingam

(t) Mandatum hoc exhibet GUDENUS *Cod. Dipl. Mog.* Tom. IV. pag. 300.

(u) Tabular. Bada-Badense.

(x) Alia feuda, Dieterico huic data, vide infra in Carolo.

(y) TSCHUDI *Chron. Helvet.* Tom. II. pag. 478. 529. 493.

(z) CRUSIUS *Annal. Suev.* Lib. VII. Part. III. pag. 389.

(a) DATT. *de pace publ.* Lib. I. Cap. 15. n. 37.

proelium, in quo Johannes a Steinheim eques, Dux copiarum Badensium cecidit, Wirtembergensis victor evasit. (b) In bello hoc Jacobus Wilam obsedit. Denique sublati auctoritate FridERICI Imperatoris controversiis, pax inter Principes & Civitates restituta est A. 1450. (c)

## §. VIII.

Eodem tempore Ludovicus Lichtenbergæ Dynastæ, Romanam proficiscens, avunculo suo Jacobo Marchioni, in Ortenavicis suis terris vicino, regimen ditionum commisit. (d) Ludovico huic, ex Italia reduci, A. 1451. cum Schafrido & Emicone Comitibus Leining. exortum est bellum; multorum sociorum accessione, magno utrimque gestum ardore; vastatis hinc inde terris, quin & Castris pluribus vel destructis vel captis. Schafridus Hohenfelsani, Dambacum, Neuliosum, & dimidiam Kittelsheimensis vicinam partem, a Lichtenbergicis sibi restitui petebat. Jacobus Marchio Lichtenbergensis, vicini sui, partes fovit primum ocul-

Turbæ  
Lichten-  
bergicæ.

Tom. II.

S 2

(b) Vide CRUSIUS l.c. pag. 391. & TRITHEMIUS *Chron. Hirfang.* ad A. 1449. & 1450. pag. 419. & 421.

(c) SEBAST. MUEGII *Chron. Mfpt.* pag. 129.

(d) HERZOG. *Chron. Mfpt.* Lib. V. pag. 19. Bernhardi March. filia Anna, soror Jacobi March. Ludovici hujus Lichtenberg. mater fuit. Vide A 1. SAT. ILLUSTR. Tom. II. pag. 622.

JACOBUS.

te, dein conciliatoris officium in se suscepit, amicitiae vinculo Ludovico conjunctus. Fridericus Palatinus pro Leiningensibus stetit. Lis hæc in Heidelbergensi & Badensi Conventibus cum transigi non potuisset, Jacobus eodem anno, Spiraë cum Electoribus nonnullis, quos inter Fridericus Palatinus, aliisque principibus, Conventum habuit die Assumptionis beatæ Mariæ. Aderat cum duobus filiis Marchio & cum vassallis suis, Comitibus, Baronibus, Equitibus & cum Marchione Ræteleni. Conventui intereant XV: Principes, XXVI. Comites, XX. Barones (*Freyen*), XXXII. Equites. (e)

Lites vero inter Lichtenbergensem & Leiningensem cum nec in Spirensi hoc Conventu fuissent compositaë, Jacobus una cum Reinhardo Spirensi Episcopo & Alberto Brandeburgico Marchione alium conventum Pfortzhemii celebravit, die Dominica post S. Lucæ, in quo denique transactio coaluit. (f)

## §. IX.

Pax Castr.  
Werden-  
sis.

A. 1452. Jacobus noster cum Philippo Ingenuo, Electore Palatino & ejus Administratore Friderico, foedus inivit super

(e) Codex Mscpt. Palatini Archivi, & LEHMANN. *Chron. Spirens.* Lib. VII. Cap. 100.

(f) HERZOG. *Chron. Alsat.* Lib. V. pag. 21. sqq. Bellum hoc quoque describit MATTHIAS A KEMNAT, Friderici I. Palatini familiaris in Vita Friderici hujus Manuscripta pag. 163. quæ in Tabulario Palat. Manheimii servatur.

Castrum & oppidum Werde (g) in Alsatia omnemque ejus distric-  
tum & marcam. Rupertus Palatinus Elector jam A. 1400. die  
S. Matthiae Apostoli quartam Castri hujus partem a Ludovico,  
Lichtenbergae Dynasta, coëmerat, pacemque cum eo iniverat  
Castrensem. Marchio Jacobus ex tribus illis partibus, quæ Lich-  
tenbergicis remanserant, partem octavam ejusdem Castri Wer-  
denfis coëmit, adeoque ad Ganerbicam Castri quoque admissus est  
pacem. Pacis hujus particeps Palatinus Elector, petiit, ut aco-  
bus ob accessionem hanc cum eo Castrense quoque conderet fœ-  
dus. Conditum est die Jovis septimanæ Paschalis 1452. in Ca-  
stro Liebenzele, ubi tum versabatur Jacobus. (h)

A. 1453. Jacobus a Carolo, Rege Franciæ, propter *generis  
nobilitatem ac sacræ plurimæque virtutis decus*, Consiliarius &  
Cambellanus nominatus est, literis in pago Turonensi datis, in  
quibus *Consanguineum* suum Rex Marchionem adpellat. (i)

## §. X.

A. eodem die Martis post Quasimodogeniti Jacobus Col-  
legium XXII. Clericorum, Petro, Paulo, Johanni Jacobo, Fundatio  
Ecclesiæ  
Colleg.  
Badensis.

## S 3

(g) WOERDT oppidum caput est Præfecturæ, quæ Lichtenbergicæ apud Al-  
fatas Dynastiæ pars est, duabus leucis ab Hagena situm.

(h) Instrumentum fœderis hujus in Palatino Electoris Tabulario superest,

(i) GUDENUS *Cod. Dipl. Mog.* Tom. IV. pag. 315.

JACOBUS.

Georgio & S. Annæ, Patronis dicatum, in Ecclesia Parochiali Badensi instituit; cujus jam diu ante votum Bernhardus susceperat pater. (k) In Collegio hoc duodecim ordinavit Canonicos; quos inter Præpositus, Decanus, Custos & Cantor; reliquos X. Vicarios esse jussit. Collegiæ huic præter annuos redditus 500. florenorum, jus patronatus concessit in novem parochias, Besigkheim, Mensheim, Cappel, Gochspoltsheim; Niederbühl, Elchisheim, Reunchingen, Seldingen & Gechingen; quas Bulla sua Pontifex eidem Collegiæ attribuit. (l) Dimidiam fere annuorum reddituum partem (medios fructus vocant) ad ecclesiæ usus Canonici conferre tenentur. Jus præsentandi Marchionibus reservatum; qui inter XII. Canonicos, quatuor Doctores vel Licentiatos admittant; reliqui sint viri probi & docti, ex legitimo omnes matrimonio nati, nisi forte naturales Marchionum filii admitti petierint. Quodsi Marchiones inter eorumque officiales aut subditos atque Capitulum Canonicosve lites oriuntur, quæ amica transactione non possint componi, componantur per arbitros quatuor, quorum duo e consiliariorum Eadensium numero, ceteri e capitulo eligantur. Dissidentibus quintus addatur superarbiter, quem vel consiliarii vel sacerdotes elegerint arbitri, prouti vel ec-

(k) Adi supra pag. 120.

(l) Exponit hæc scriptum: Genuina Informatio de perpetua subjectione Collegiæ Ecclesiæ Badensis, hoc seculo impressum.



clasiasticæ vel secularis personæ causâ agitur. A laudo provocare non licet.

### §. XI.

Eodem tempore Jacobus, acceptis solennibus literis, (m) Testamentum Jacobi. quibus filii paternæ se voluntati submittunt, plura inter eos testamento disposuit, quæ ad successionem terrarum, ad splendorem & incrementa Domus, mutuaque fratrum concordiam pertinere videbantur.

Carolus, Bernhardus, Georgium seculo, Johannem & Marcum ecclesiæ destinavit. Carolo natu majori pleramque superiorem Marchiam cum Spanheimensi Comitatu & Marchionatu Hachtbergico ac Dynastiis Hühingen, Lahr & Mahlberg attribuit. (n) Inferiores terras inter filios postgenitos Bernhardum & Georgium divisit: illi Pforzheimium, huic Durlacum sedes regiminis constituit. Sortes & spem super Lichtenberg, jura super Ducissæ Lotharingæ hereditatem, jura in Mutzig; debita Papæ, Cæsaris, Austriæ, Oettingæ & alia in communione reliquit. Johanni autem & Marco annuas mille florenorum assignavit pensiones, quarum dimidia pars cesset, simulac uterque ecclesiasticis ex beneficiis totidem obtinuerit florenos. Tota pensio cesset, ubi aut Episcopatus, aut bis mille florenorum redi-

---

(m) Die Mercurii post Quasimodogeniti.

(n) Literæ ipsi testamenti tabulis insertæ.

JACOBUS.

tus impetraverint. Imperialia & Palatina feyda Carolus; Morguntina & Spirenſia Bernhardus, Weiſſenburgenſia Georgius ſuſcipiat. Ad redimenda feuda Palatina *Graben* & *Stein* tres lineæ ſummam 15000. floren. (o) conferant, at poſſeſſio maneat penes eum, cujus portioni in teſtamento adſcripta ſunt. Documenta in Caſtro Badæ communi aſſerventur cuſtodia. Singuli fratres repertorium eorum habeant. Nulli fratrum ſoli ad ea pateat aditus.

De cetero filiis injungit Jacobus, ut ſinguli eorumque heredes, perpetuam inter ſe pacem & amicitiam colant; a bellis, mutuiſque abſtineant injuriis. Arciſſimo inter ſe ſœdere nexi, amicos habeant communes & hoſtes, neque, cum exteris ſocietatem ineant, aut ſœdera pangant. Lites obortas amicabili tranſactione componant; vel arbitros eligant conſiliarios; quibus ſuperarbitrè, ſi neceſſe eſt, addendus; omni provocacione ſublata. Subjecti unius in alterius terris, niſi domino conſentiente, matrimonia ne contrahant.

Feminae, nonniſi extinctis omnium linearum maſculis in Marchionatu ſuccedant; duodecimum egreſſæ annum omnibus in terras Marchicas juribus renuntient. Confirmationem hujus juris poſt

---

(o) Adduntur in teſtamento rationes, cur Carolus plus reliquis accipiat: Longinquitas terrarum, indiviſibilitas Comitatus Spanheim. dos inſignis uxoris 39000. flor. Rhenenſium; quos pater in ſuum uſum converterat.

post testatoris mortem a Cæsare petant Marchiones. Decies mille florenorum filiae principis dos sit. Auctis terris dos hæc quoque possit augeri. Monastica vota, quæ suscipiunt filiae, quotannis centum florenos accipiant. Terras aut earum jura, neque alienare, neque oppignerare Principi Badensi fas sit. Quodsi oppignratio evitari non potest, relucio semper maneat salva; pignus sex mensibus ante fratribus vel agnatis offeratur; quibus, uti & pignoris domino, perpetuum reluendi jus competat. His formulis alienationes terrarum Badensium solenni suo testamento Jacobus prohibuit. Christophorus, nepos ejus, arctiore vinculo, ut deinceps docebimus, successores adstrinxit. Dotalitia & vidualitia principum seminarum super terras fieri permisit Jacobus. Si una ex lineis sine masculis perierit, reliquæ succedant æqualiter, ita tamen, ut senior Badam semper, cum valle & Advocatia Monasteriorum *Lichtenthal* & *Schwarzach* possideat. Lineæ percuntis filia 10. mille florenorum accipiat dotem. Quodsi duæ lineæ perierint, tertia succedat; at filiabus semper prospiciatur. Si omnes lineæ interierint, succedat, qui jus succedendi tum habiturus est.

## §. XII.

A. 1453. Jacobus Spira domum rediens ægrotavit, mortuus in Castro Badæ, quod dein vocatum est vetus. Sepultus in Collegiata Badensi, quam instituit, Ecclesia, ubi & pater sepulcrum accepit.

JACOBUS.

Præter Spanheimensem Comitatum, de quo jam supra, dimidiam quoque partem in Schwann, Conweiler, Tobel, Tennach, Rumertsbach, Stenach, Ober-Nibelsbach, Grevenhausen, Sulzfeld, Under-Niebelsbach, Langenalb, Neuenbürg acquisivit Jacobus. Altera dimidia pars Ludovico, Wirtembergico Comiti, vendita fuit. Nec transeundum silentio, quod vicum Weisweil, Hachbergici Marchionatus, cum castro, 1560. florenorum summa a Stauffenbergensibus Dynastis A. 1430. redemit. Homines proprios, quos Rathsamhaufii Bahlingæ habebant, 800. florenis Marchionatui acquisivit.

## §. XIII.

Chara-  
cter.

Salomonem Badensem haud inmerito vocamus Jacobum, qui tam sapienter, tam pie suam rexerat Marchiam; suam rexerat Domum, cui Sanctionem Pragmaticam solenniorem Bernhardina præscripsit, qua ejus felicitas, splendor, immortalitasque innitur. Per omne regiminis tempus pacem custodivit & coluit. Jura in Margarethæ, Lotharingicæ fœcus, hereditatem neglexit, eaque filiis in testamento prosequenda reliquit. Justitiæ & integritatis laus ejus per Germaniam omnem inclaruit. Moriens mutuam inter se concordiam filiis injunxit & in cives clementiam. Speciatim ordinavit, ut primo a morte ejus anno, adhibitis quique consiliariis, singula ditionum obirent oppida & loca, omniumque audirent querelas, oppressos sublevarent, vim

injustam, si quæ eo regnante illata, corrigerent. Disciplinam quoque Monasteriorum in terris suis habuit curæ, atque inter alia Monasterio Albæ seminarum novam ordinationem præscripsit. (p)

Plenus admiratione ejus AENEAS SYLVIVS (q) hunc in modum de eo scribit: „ In Marchionatu Badensi Princeps Jacobus justitiæ ac prudentiæ fama inter Germanos clarissimus, cum sibi ad humanam felicitatem solam literaturæ peritiam deesse angeretur, quos ex conjuge legitima liberos sustulit, edificere literas compulit: inter quos diviso patrimonio, cum Carolo primogenito, singularis industriæ juveni, Imperatoris sororem matrimonio collocasset, plenus annis haud invitus e vita decessit. „ (r)

## §. XIV.

Uxor Jacobi fuit Catharina, Caroli I. Lotharingiæ Ducis Uxor. filia. Hic masculam non reliquit prolem, sed Isabellam & Ca-

Tom. II.

T 2

(p) Epistola Conradi de Munchingen, Carthusiani, scriptæ A. 1443. Tabular. Bad.

(q) *De Statu Europæ sub Friderico III.* apud FREHERUM Tom. II. p. 133. AENEAS SYLVIVS *Operum* p. 438.

(r) Ibidem pag. 493. hæc addit: „ Jacobus Marchio Badensis, ubi latrocinium in ditione sua commissum didicit, vocatis iis, qui damno affecti fuissent, tantum eos ex fisco suo accipere jussit, quanti esse, quæ amisissent, jurejurando affirmasset. Exinde latrones infecutus,

tharinam filias. (s) Isabella destinata fuerat Jacobo, at nupsit dein Renato, Andegavum Duci, qui titularis fuit Neapoleos Rex; cui Cardinalis Barrensis, in favorem matrimonii, Ducatum Barrensem & Marchionatum Mussipontanum promiserat; bonorum suorum eum instituens heredem. Catharina A. 1408. nondum septennis desponsata fuit Jacobo, virtute pacti, quod pater ejus Carolus cum Bernhardo Marchione inivit. Carolus filiae 15. mille florenos in dotem promisit. Conventum quoque, ut morituræ sine liberis Isabellæ Catharina soror & ejus heredes in Lotharingæ Ducatu succederent. (t) Bernhardus ex sua parte vicies mille florenos filio & in vidualitium Catharinæ promittit, eumque in finem Castrum & oppidum Stalhovæ oppignerat. Literæ utriusque partis conjunctim conscriptæ sunt hac super re

---

„ apprehensos in rota sustulit. Id est supplicii genus apud Teutonicos  
 „ formidabile. Atque ita brevi pacatissimam provinciam reddidit. Pa-  
 „ tris vestigia Carolus nobilissimus adolescens sequitur, cui nupta est  
 „ Catharina, soror Friderici Cæsaris.

- (s) Lexicon Basil. Art. *Baden* Catharinam dicit fuisse seniore. Verum in Instrumento vidualitii Isabellæ, quod Ludovici, Cardinalis Barrensis, auctoritate constitutum Nanceji d. 24 Octob. 1420. Isabella discrete vocatur *filia senior* (sille aîné du Duc de Lorraine) vide VIGNIER *Origine des Maisons d'Alsace* pag. 194. Adde sententiam Caroli VII. Galliarum Regis inter Renatum & Antonium Valdemontii Comitem, ubi Renato adjudicatur Lotharinga ex capite Conjugis ejus Isabellæ. Data est Rhemi d. 27. Mart. 1440. VIGNIER pag. 213. sqq.

(t) Idem plane cautum est in testamento Caroli I. Lotharing. Ducis A. 1424.

Raoni Lotharingæ; quarum authenticum in Tabulario Bada-Badenſi inſpexi.

Nuptiæ Jacobi cum Catharina nonniſi A. 1426. celebratæ fuerunt. Tum vero Jacobus Lotharingæ oppida *Bruyeres*, *Arches*, *Raon* & *S. Deodati* oppidum (*S. Diey*) dotis loco accepit. (u) Locis his Werſicum Bock de Stauffenberg, virum bello ſtrenuum, præfecit Jacobus. Hoc mortuo terras iſtas & oppida Renatus Dux, Iſabellæ maritus, ſoluto Badenſibus pretio, redemit. Werſicus caſtrum Jungholz in Alſatia ſuperiore occupavit, ubi cum Hatſtadiis, Huſiis, Regiſhemiis, Stœriis &c. Militibus contra Lotharingos nobiles, a quibus olim ſe læſum querebatur, ſocietatem inivit. A. 1465. ſuſcepta in eos cum ſexcentis armatis expeditio, indeque ingens præda per vallem Sancti Gregorii incolis hujus vallis ob priſcam cum Lotharingis amicitiam fruſtra renitentibus, Jungholzium ducta eſt. (x)

### §. XV.

Jacobus ex matrimonio cum Catharina Lotharingica Liberi quinque filios; unamque filiam ſuſcepit.

### T 3

---

d. XI. Jan. conſcripto. vid. CALMET *Hiſt. de Lorraine* Tom. III. Preuves pag. 187.

(u) CALMET *Hiſt. de Lorraine* Tom. 2. pag. 704. Memorata quatuor oppida ſita ſunt in Voſago monte.

(z) BERLER *Chron. Mſcpt.* Mundati Ruffac. fol. 141. quod inter Codices meos Alſaticos extat.

1. Carolus primogenitus patri in principatu successit.
2. Bernhardus ob vitæ sanctimoniam inter Divos relatus.
3. Johannes Archiepiscopus Trevirensis evasit.
4. Georgius factus est Præful Metensis.
5. Marcus in Ecclesia Colonienfi & Argentinensi Canonicatum accepit.

Margaretha, Jacobi filia, Alberto Marchioni Brandeburgico nupsit.

Carolus Bernhardum atque Georgium seculo destinaverat pater, Ecclesiæ ceteros. Sed Georgius portione, quam testamento paterno acceperat, Carolo fratri relicta, ad Ecclesiam quoque transivit. Bernhardus eidem fratri regimen terrarum suarum reliquit; non diu post mortuus cælebs.





## CAPUT III.

## CAROLUS I.

A. 1453 — 1475.

## §. I.



pacificum Marchiæ viginti duo annorum regimen CAROL. I. excepit turbulentum & Reftori fatale. Jacobum, pacis artibus innutritum, fecutus eft Carolus, animofus fed infelix miles a JUNG- LERO (a) vocatus. Tertia Marchiæ pars patris decreto ei fuerat deftinata. Totius gubernationem fratrum ceflione denique folus accepit.

Nativitatis ejus annus incertus. Adolefcens ludis equeftribus Landshutæ inter nuptias Ludovici Ducis Bavarie A. 1439. aliisque Ulrici, Wirtembergiæ Comititis, nuptiarum occasione Stutgardie A. 1445. celebratis, interfuit. (b)

Gesta sub  
patre.

(a) In *Narratione Genealog. Mf. Domus Badensis*. FUGGER. in *Speculo Auftr.* pag. 443. *der Krieger*?

(b) CRUSIUS *Annal. Suevicor.* Lib. VII. Part. III. pag. 365, 371. 382.

A. 1446. Friderico IV. Regi Romanorum, cujus fororem nuper duxerat uxorem, contra Helvetios (c), atque triennio post Wirtembergæ Comiti, adversus Eslingenfes & fœderatas civitates, præstitit auxilium. (d)

## §. II.

Turbæ  
Lützel-  
Rein.

A. 1452. bellum, Comitibus Lützelsteinis funestum, recruduit. Carolus cum Theodorico Mogunt. Archiepiscopo & Ludovico, Bipontino Duce, Comites hos in Fridericum Palatinum concitavit; cujus frater Ludovicus Elector haud ita pridem gravi eos attriverat bello. Lützelsteinii, una cum vicinis Lichtenbergicis terras Schaffridi, Leiningensis Comitis, Palatino amicitia & vinculo vassallico juncti, hostiliter aggressi, eas ferro flammisque vastarunt. Sopiendis his litibus conventum Heidelbergæ Palatinus instituit. Brandenburgicus ibi & Badensis, Marchiones, Lützelsteinensium partes tuiti sunt. Palatinus fortiter pro Leiningensi disseruit. Magna verborum contumelia discessum est. Palatinus qui Impererialium Alsatiæ Civitatum Præfecturam, Domui suæ oppigneratam, tum quoque gerebat, Lützelsteinis intulit bellum; occupataque, bimestrem post obsidionem,

(c) CRUSIUS loc. cit. pag. 385.

(d) Conf. vita Jacobi A. 1449.

nem, Lützelsteinia arce & Comitibus in exilium actis, Comitatum eorum sibi vindicavit. (e)

## §. III.

Eodem anno Carolus noster profectus in Austriam, bellis ibi turbas, quæ Friderico IV. Imp. affini ejus, a Romana expeditione & coronatione reduci, exortæ sunt, composuit arbiter. Hungari, Bohemi, Austrii Regem suum, Ladislaum Posthumum, XII. annorum adolescentem, cujus tutelam proximus sanguine gesserat Cæsar, (f) sibi tradi petebant. Austrii maximo rem ardore aggressi, junctis sibi Hungaris, Bohemis, Moravis, Neostadium Austriacum, ubi Cæsar morabatur, obsidione cinxerunt. Cæsar aliquot dierum inducias pactus, cum Salisburgensi Archiepiscopo, Frisingensi ac Ratisbonensi Episcopis civitate egressus, cum adversæ factionis Principibus de pace tractavit. At res nullo modo componi, nec induciarum tempus potuit prorogari. Desperatum de pace. Marchio solus apud hostes remansit, novoque colloquii die impetrato, una cum Episcopis, pacis leges

Austriacæ.

Tom. II.

U

(e) TRITHEMIUS in *Chron. Hirsaug.* ad A. 1152. PAULUS HACHENBERGIUS in *historia de vita ac rebus gestis Friderici I. Palat.* Lib. II. p. 37. seqq. ALSATIA ILLUSTRATA Tom. II. pag. 197.

(f) Friderici IV. Imp. Avus fuit Leopoldus Pius, Austriæ Dux; cujus frater Albertus erat Proavus Ladislai posthumi.

proposuit; ut obsidione soluta, Ladislaus Comiti Ciliæ gubernandus traderetur; donec in conventu, qui festo Martini Vindobonæ habendus, decerneretur, ubi educari, & per quos rex Ladislaus deberet.

Ad conventum hunc tres Episcopi, duo Bavari Duces, Brandenburgicus & Badensis Marchiones destinati fuerunt, qui auditis utriusque partis rationibus rem omnem componerent. Conditiones hæc, adnitente præsertim Carolo nostro, Neostadii probatæ fuerunt. Austrii interea traditum sibi Ladislaum Regem, contra fidem, quam dederant, Vindobonam ducentes, nomine ejus gesserunt regimen. Destinatus conventui cum illuxisset dies, & præter ceteros Carolus noster atque Æneas Sylvius à Cæsare legati adessent, Austriaci Neostadiensi conventionem se teneri negarunt, quod Ladislao tutela exempto, suorumque armis libertati restituto, iniquum videretur, victori leges præscribi a victo. (g) Austriacæ hæc turbæ in annum 1452. inciderunt.

## §. IV.

Patri successit.

A. 1453. Carolus noster cum Georgio & Bernhardo fratribus Jacobo patri successit. Anno sequenti Georgius, ad Ecclesiam transiens, Carolo & Bernhardo portionem suam; Bernhardus

(g) ÆNEAS SYLVIVS in *historia Friderici Imp. in SCHILTERI Scripturis. Rev. German.* pag. 114. GERARDUS A ROO *Histor. Austr.* Lib. VI. pag. 208. seqq. FUGGER. *Elfen Spiegel* Lib. V. cap. 8. pag. 590. seqq.

brevi post regimen terrarum Carolo fratri soli reliquit; ut vitæ eorum nos docebit historia. Ab eo tempore Carolus tam sua, quam Bernhardi fratris auctoritate Marchiam rexit, signatis utriusque nomine Chartis, usque ad A. 1458. quo Bernhardus decessit.

Carolus a Burcardo Abbate & Conventu Tennebacensi A. 1453. Advocatus electus est. (h)

Fridericus IV. Imp. literis, eodem anno Neostadii datis, facultatem ei concessit, Castrum Ortenberg & Ortenaviæ Civitates Offenbourg, Gengenbach, Zell, id est, Præfecturam Ortenavicam ab Episcopo Argent. pretio oppignerationis soluto, redimendi. (i)

#### §. V.

Præfectura Imperialis Ortenaviæ, uti Alfatica, Suevica <sup>Præfectura Imp. Ortenaviæ.</sup> aliaque, libera erant Imperii domania, quæ urgente necessitate Cæsares pro parata pecunia dederunt in pignus. Ortenavica A. 1334. Ludovico Bavaro Imp. ordinante, in Badensium Marchionum manus pervenit. (k). Carolus IV. A. 1351. peculiari Diplomate ad Episcopum Argentinensem, Bertoldum de Bucheck Præfecturam hanc transtulit, qui deficientibus nummis, Argenti-

Tom. II.

U 2

(h) Codex Diplomat.

(i) Literæ extant in Tabulario Bada-Badensi.

(k) Adi supra Lib. IV. cap. 3. §. 3. pag. 45.

nense telonium Badensibus tradidit. Rupertus I. Palatinus Elector A. 1365. à Carolo Imp. potestatem accepit, Præfecturam ab Argentinensi ut relueret Episcopo. Mansit tamen in potestate hujus Ecclesiæ usque ad Wilhelmum à Dieft, qui A. 1404. acceptis vicis & ter mille cum quingentis florenis dimidiam ejus partem Ruperto Imperatori, ut Electori Palatino, gratiæ ejus conciliandæ causa, concessit. Dimidia hæc pars penes Electores Palatinos; altera penes Argentinenses Episcopos mansit. Hanc Carolus noster ut redimeret, Literis, quas allegavimus, Fridericus Cæsar A. 1453. concessit.

Idem Cæsar ad Præfectoriales Ortenaviæ Civitates A. 1462. perscripsit, (1) ne futuris temporibus Fridericum Palatinum, sed Carolum Badensem, agnoscerent Præfectum. Ita omnis Præfectura ad Badenses rediisset. Res tamen in pristino statu permanfit. Palatinis Electoribus pars eorum dimidia ante bellum Palatino-Bavaricum A. 1504. non fuit erepta.

Non rara fuit Cæsarum consuetudo, ut oppigneratas Imperii terras reluendi facultatem concederent; reluctio tamen non fieret, (m) vel ob pecuniæ defectum, vel quod possessor, opibus

---

(1) Extant hæc Literæ in Tabulario Bada-Badensi.

(m) Advocatiæ Suevicæ, Friderico Bavaro oppigneratæ, relictionem Leopoldo Austrio Wenceslaus Cæsar A. 1379. permisit, & illa tamen sub Ruperto Imp. nondum penes Austrios fuerat. MARTENE Collectio ampliss. Tom. IV. Col. 33. num. 19.

potens, pignus in alium transferre recusasset; id quod Carolus quoque noster expertus est; qui nec Palatinum nec Antistitis Argentinenſis obtinuit partem.

## §. VI.

Eodem tempore (1453) octavam Lichtenbergicæ Dynastiae partem à Ludovico Dynasta obtinuit Carolus; illam præfertim, quæ in Ortenavia Marchiam tangit. Fœdus quoque initum; virtute ejus Ludovicus Carolo A. 1457. bellum gerenti, suppetias tulit. (n)

In Comitibus Francofurtanis mense Septembri A. 1454. belli Turcici causa habitis, Carolus una cum Brandeburgico & Ænea Sylvio Gurcensique Episcopo Cæsaris vices peregit. (o)

Eodem anno Fridericus Imp. literis Neostadii datis, (p) Carolo & Bernhardo Marchionibus tuitionem Eslingæ, Suevorum Civitatis liberæ commisit. Virtute harum literarum per LX. annos in protectionem Badensem Eslinga recepta est. (q)

U 3

---

(n) HERZOG. *Chron. Alsatiae* Lib. V. pag. 18.

(o) GORELLINUS *Bomensis Vicarius*, Pio II. Pontifici à secretis Epistolis, *Commentariorum Pii II.* Lib. I. pag. 23.

(p) Die Veneris post Martini.

(q) Utrumque instrumentum vide apud DATT. *de pace publ.* Lib. II. cap. IX. num. 15. & 17.

A. 1455. Imperator, scripto Neostadii diplomate, Carolo & Bernhardo fratribus privilegia, quæ sequuntur, concessit: (r.)

1. Quicumque in Marchionum terris facinus aliquod perpetraverint, res in eorum judicator tribunalibus.

2. Si quis hereditaria prædia in Marchionatu teneat, & de iis controversia nascatur, coram judicio, in cujus districtu sita sunt, expediatur negotium.

3. Ne quis Marchionum Badensium subditos aut officiales, rationibus nondum redditis, dominis invitis recipiat cives. (s) Huc usque Carolus comparuit pacificus.

#### §. VII.

Bellum  
Palati-  
num.

Arctum, quo Friderico Cæsari Marchio noster fuerat junctus, affinitatis vinculum frequentibus cum Electore Palatino, cui Cæsar semper adversabatur, litibus dedit occasionem. Hic indignatus est pactum, quo Philippus Iugenuus in patrum contulerat Electorum: Fridericus ex tutore Electoris evasit Elector; Philippum, quem adoptaverat, nonnisi mortuus successorem habiturus. Carolus, Cæsaris, affinis sui, auctoritate inductus, Fridericum Electorem agnoscere recusavit.

(r) Die Lunæ post Palmarum.

(s) Diploma hoc extat apud LUNIG. *Reichs-Archiv Parte speciali Continuat. II. 17te Abtheilung, 1 Xter Absatz pag. 941.* & apud SCHILTER. *Script. Rer. German. in Codice Dipl. pag. 58.*



Inter hæc novus Elector agnato suo, Ludovico Nigro, Bipontino, Stephani Simmerensis filio, perpetuo suo æmulo, intulit bellum & Tabernas Montanas A. 1455. obsedit. (t) Belli hujus occasione constitutus est dies, quo discordiæ Fridericum inter fratresque Badenses dirimerentur, & quidem Neoburgi; quod castrum ad Navam, olim caput Comitatus. (u) Placati ibi sunt animi hostiles. Duos inter Marchiones Badenses ad cœnam fedit Fridericus, brevique post Badæ eosdem invisit, multis lætitiæ testimoniis exceptus. Marchiones Heidelbergæ vicissim inviserunt Electorem festo Simonis & Judæ. Tum denique lis illa de investitura Castrorum *Graben* & *Stein*, quam constanter recusaverat Jacobus, a filiis terminata est. Ille quidem à Friderico, ut tutore Electoris Philippi, hæc feuda accepit, sed ab eo, ut Electore, ea recipere recusaverat. (x) Enimvero ad officium vassalli obstrinxit se Carolus, si Curiae Electoralis Palatinæ Pares ex ordine Comitum id faciendum esse feudali declaraverint iudicio. Iudices federunt septem Philippus scilicet de Catzenelnbogen, Hesso

(t) De bello hoc TRITHEMIUS in *Chronico Hirsaug.* ad A. 1455. ubi Tabernas montanas, in festo Tiburtii Martyris, a Friderico Electore expugnatas fuisse tradit.

(u) Schloß *Neuenburg* hodie *Naumburg* ad Navam. Eberhardum Comitem de *Neuenburg* memorat KREMER. de *Comitibus Spanheim.* pag. 15.

(x) Narrat hæc *Anonymus Palatinus*, temporis illius scriptor, cujus Codex in scriptis Electoralibus Palatinis servatur, idiome Germanico scriptus pag. 84. 166.

CAROL. I.

de Leiningen, Guilielmus de Virnenburg, Philippus de Hanau, Philippus de Rieneck, senior Johannes IV. Rheingravius de Dhaun; Bernhardus de Eberstein.

Hi die 30. Octobr. A. 1455. novi Electoris postulata probarunt. Carolus satisfecit sententiæ & solenni ceremonia vassallagium præstitit.

## §. VIII.

Fœdus  
cum Pa-  
latino,  
aliaque.

Solennitatem decennale fœdus exceptit, *Unionem* (y) quod vocant. In fœdere hoc Carolus & Bernhardus fratres, Marchiones, cum Friderico I. Electore convenerunt, ut per conventionales, quos vocant, Austregas, orituræ inter fœderatos lites componerentur. Si Palatinus est actor, ex Consiliariis Palatinis arbitri duo, ex Badensibus duo sumantur, hisque communis, ex Badensibus Consiliariis addatur arbiter. Austregales hi iudices conveniant Bruchsalæ. Quodsi compositio non habeat locum, major suffragiorum numerus deciderit. Arbitris (z) autem in duas discedentibus partes, arbiter communis (a) cui parti accedat, illa sit victrix. Sententia pronuntiata intra tres menses fortiaur effectum. Res ita tractentur, si Palatinus contra Badenses sit actor. Quod si Badensibus contra Palatinum sit actio, eadem Austre-

---

(y) *Einnung.*

(z) Die Zusatzze.

(a) Der Gemeine.

Aufregalis Judicii observabitur ratio, nisi quod communis Arbitr, ex Consiliariis Palatinis sumendus, diem judicii, Bruchsalæ habendum, indicet atque judicio præsit. Arbitr communis debebat esse indigena, ab omni obligatione liber. Hæc fœderis A. 1455. initi summa.

Eodem anno Marchio noster Georgio de Schauenburg, ex Ortenaviæ Nobilibus, adventitios inter Ellum Alfatia & Scheram homines dedit in feudum. (b)

A. 1456. Carolus ordini Antonianorum Ecclesiam in Niemburg prope Emmedingam tradidit.

A. 1457. idem Carolus cum civitate Argentinensi quinquennale fœdus percussit contra quoscunque. Moguntinus Antistes & Fridericus, Palatinus Elector, excepti. (c)

### §. IX.

At anno sequenti mutata fuit animorum tranquillitas. Tum enim Carolus cum Theodorico Moguntino, Ludovico Bipontino, Alberto Austriaco, Alberto Brandeburgico, Ottone Stephanoque Palatinis, Ulrico & Eberhardo, Wirtenbergæ Comitibus Spiræ celebravit Conventum, cui etiam ex Comitum ordi-

Conven-  
tus Spir.  
contra  
Palat.

Tom. II.

X

(b) ALSAT. ILLUSTR. Tom. II. pag. 694.

(c) Die Lunæ post festum Pentecostes. Instrumentum in scriniis Argentinensibus extat.

ne plures interfuerunt. Actum ibi de fœdere contra Fridericum Palatinum, cujus potentia cunctis ad Rhenum formidanda Principibus. Plerique de acceptis a Palatino injuriis conquesti sunt. Consiliis vero in diversa abeuntibus re infecta discessum est. (d) Carolus tamen cum Ludovico Bipontino decennale condidit fœdus. Ulricus Wirtembergæ Comes in Fridericum solus tum arma cepessivit. Hic Margaretham, Sabaudicam principem, Amadei I. Ducis filiam, Ludovici Palatini Electoris viduam, duxerat uxorem; cujus dotem a Friderico fratre injuste detineri causatus est.

Turbæ  
cum Wir-  
temberg.

Carolus Badensis de finibus cum Ulrico lites tum alens, infesta Wirtembergico agro intulit signa. Mox tamen cum Ulrico in gratiam rediit, (e) contra communem ut se defenderet hostem. Socium inter eos fœdus paulo post initum reperio, (f) utrique funestum.

Flagrantibus Wirtembergicum inter & Palatinum discordiis, Carolus Ganerbiale Castrum Schauenburg, prope Oberkircham in Ortenavia situm, quod Nobiles Schauenburgici ab Ebersteinio Comite aliqua ex parte tenebant in feudum, occupavit. Palatinus; Præfecturæ Ortenavicæ dimidiæ possessor, composito

(d) LEHMANN. *Chron. Spir.* Lib. VII. cap. 102. pag. 850.

(e) HACHENBERG. *in vita Frid. I.* Lib. II. pag. 59.

(f) De fœdere Carolum inter atque Ulricum A. 1460, die Martis post Matthæi inito, egit DATT *de pace puhl.* Lib. I. cap. 27. num. 109.

Wirtembergico bello, Badense præsidium ejecit, pristinisque possessoribus restituit Castrum. (g)

§. X.

A. 1459. Carolus noster post Bernhardi fratris obitum totius Marchiæ regimen solus accepit.

Eodem anno ad Conventum Mantuanum, quem Pius II. Pontifex belli Turcici causa indixerat, cum Eistettenſi & Tridentino Episcopis, accepta a Cæsare potestate, contendit. (°) In eo Conventu Pontifex privilegia de exemptione subditorum ab exteris & Westphalicis præsertim Judiciis, Marchioni ab Imperatore collata, hac lege firmavit, „ ut ejus subditi & terrigenæ ac etiam „ eis commissi & pro quibus respondere tenentur, quique in „ eorum tuitione (ADVOCATIA) consistunt, non debeant „ nec possint extra eorum dominia & judicia ordinaria patriæ „ pro quacunque causâ evocari, trahi aut citari, dummodo „ conquerenti coram ordinario judice justitia non denegata „ fuerit. „

Occulta Judicia, quæ vocabantur Westphalica, apud Germanos tum adhuc viguerunt. A. 1459. Carolus Eslingæ Civita-

Judicia  
Westphalica

Tom. II,

X 2

(g) KEMNAT. *Cod. Msspt. Palatinus* & ex eo HACHENBERG. Lib. alleg. pag. 62. In eadem Ortenavia Neuenstein fuit feudum Badenſe. Ad AL-SATIAM ILLUSTR. Tom. II. pag. 694.

(°) GOBELINUS *Commentar.* Lib. III. p. 87.

CAROL. I.

ti quæ clientelam ejus agnoverat, per legatum injunxit, ne quis Civium Judicii Westphalici reciperetur Scabinus: Si qui autem jam fuerint recepti, ad judicia illa ne traherent concives; sed citationes, ab his judicibus factæ; in aulam suam mitterentur. Carolus inter ipsos Consiliarios suos tum habuerat Judicii Westphalici Scabinos, ad quos ante biennium Eslingensis Civitas pro illorum temporum provocaverat more. (°) At A. 1461. Carolus cum Friderico Palatino Electore, cum Ruperto Argentinensi Antistite, Alberto Archi-Duce Austriæ, aliisque Principibus & Civitatibus Imperii adversus Westphalica judicia foedus contraxit. (°°) Maximilianus I. A. 1512. ea penitus aboluit.

## §. XI.

Turbæ  
Mogunt.  
A. 1469.

Eodem anno (1459.) mortuus est Theodoricus Moguntinus Elector. Pars Capituli Dietherum Isenbürgicum, pars Nassoviæ Comitem Adolphum elegit Antistitem. Fridericus Palatinus Adolphum, suffragiis licet inferiorem, defendendum suscepit. (h) Carolus Marchio, cum fratre suo Johanne, Trevirensi Archiepiscopo, Johanne Spirensi, Ludovico Bipontino Duce, Alberto Bran-

(°) DATT. *de pace publ.* Lib. IV. Cap. 4. num. 10. 11. 12. 67.

(°°) Instrumentum exhibet MÜLLER. in *Reichstags-Theatro sub Frider. IV.* I. Vortell. Cap. IX. p. 126.

(h) SERARIUS *Rerum Moguntiacarum* Lib. V. pag. 774. HELWIGIUS *de dissidio Moguntino* Sect. I. num. 5. pag. 138. Tom. II. *Rev. Mogunt.*

deburgico & Ulrico Wirtembergæ Comite, in Dietheri partes transiit. Fœderatis his Equeſter Nobilium Ordo quoque adhæſit. Conventus Norimbergam indiſtus. Inuitatus Palatinus Elector, præſens ut ſuam ageret cauſſam. Confluentibus eo Principum legatis, Episcopus Eichſtadienſis electus eſt arbiter, qui damnavit Palatinum. Ita bellum ei indiſtum eſt A. 1460. (i) Præcipuus turbarum auctor ſuit Cæſar, gravi Fridericum profectus odio, ſpretis Imperialibus juffis, quod retinuiſſet Electoratum, ut ſupra oſtendi, quodque Ludovico Bavaſiæ Duci, a Cæſare proſcripto, ſubminiſtraſſet auxilia. Fridericus, firmato ad pericula animo, poſtquam finitimas ſibi adjunxerat Civitates, atque Alberto Marchioni Brandeburgico, hoſti, vicinum excitaverat hoſtem, Ludovicum Divitem, Bavaſiæ Ducem, ipſe cum Ludovico, Haſſiæ Landgrævio, Moguntinum Archiepiſcopatum adortus, occupato Schauenbergæ Caſtro, (k) ad Pfedershemium oppidum copias fœderatorum proſtravit, ſeptemque Comitès, Eberſteinium, Leiningenſem, Naſſovium, Hennebergicum, Runckelenſem, Gleichenſem & Iſenburgicum, Heidelbergam in ca-

## X 3

(i) TRITHEMIUS in *Chron. Hirſaug.* & HACHENBERG. in *vita Friderici I.* Lib. III. pag. 71. ſeqq.

(k) Schauenburg Caſtrum Archiepiſcopale in Strata Montana tum a Friderico deſtructum. ZEILER. in *Topographia Palatinatus Rheni* pag. 30. & JOANNIS ad SERARIUM *Rer. Mogunt.* Lib. V. p. 774.

CAROL. I.

pivitatem abduxit. (1). Expugnato Pfedershemio, tantum Diethero terrorem injectit, ut Badensi, Bipontino, Brandenburgico ceterisque foederatis exclusis, particularem cum Palatino inivenerit pacem.

Carolus  
paci ar-  
biter.

Hic omnem dein belli molem in Bipontinum convertit, qui post Pfedershemianam cladem Meisenhemium confugerat. Ibi a Friderico obsessus, in eas coniectus est angustias, pacem ut peteret supplic, quam interventu Caroli Badensis impetravit; qui & ipse paulo ante cum Friderico in gratiam redierat. Marchio cum Henrico Pappenhemio, Petro Cardinali & Episcopo Augustano, Johanne Eistettenfi a Caesare constitutus est, ut lites has Palatinum inter & Bipontinum componeret. (m)

## §. XII.

A. 1460. cum Schauenburgicis Ortenaviae & Alsatiae Nobilibus (n) ob Schauenburgi & Bernbaci Arces orta sunt Carolo dissidia, inter quae fratres ejus Georgium & Marcum, Nobiles isti ceperunt & in Isenheimensi Sundgoviae arce tenuerunt captivos. Carolus Isenheimium obsedit. Fridericus I. Elector Palatinus, Imperialium Civitatum Alsatiae praefectus, Goerzium de Adelsheim,

(1) TRITHEMIUS & HACHENBERG. locis alleg.

(m) Tabular. Bada-Badense.

(n) Schauenburgicam familiam exponit ALSATIA ILLUSTR. Tom. II. pag. 693.



subpræfectum suum misit, ut turbas componeret. Conditiones, sub quibus liberati sunt captivi, in Georgii exponimus vita.

Eodem anno Carolus Dieterico de Gemmingen propter officia, patri, fratribus ipsique exhibita, castrum & vicum Steineck, vicos Dieffenbronn, Hamberg, Schellbraun, Hohenwarth, Neuhaussen, Mülhausen & Lehningen, cum juribus annexis & speciatim silvam *Hagenschiefs* aliaque, quæ Jacobus Marchio a Gemmingensibus & Hirsaugiensi monasterio acquisiverat, literis Pforzhemii datis, in feudum concessit. (o)

Liberalitas in Gemmingen.

Tunc temporis quoque a Pio II. Pontifice obtinuit Carolus, ut Parochialis S. Michaelis Pforzheimensium Ecclesia, cum Collegiata Pforzheim, XXI. Capellaniis, ad eam pertinentibus, in Collegiatam converteretur. (p) Creati sunt XII. Canonici totidemque Vicarii. Decanus constitutus est Capituli præses. Hoc Principi suo promisit, non adquisitum se bona, quæ ei precarias, prestarias aliave tributa perfolvunt.

Collegiata Pforzheim.

### §. XIII.

A. 1461. novas in Germania turbas excitavit Ludovicus Dives, Bavarie Dux, Episcopum Eistettensem bello aggressus. Imperator Ludovicum ejusque socium Albertum Austriacum hostes publicos dixit, atque Alberto Brandenburgico, Carolo Baden-

Turbæ Mogunt. A. 1461.

(o) LÜNING. *Reichs-Archiv Parte specialis* Continuat. III. pag. 151.

(p) Bulla data est 3. Kal. Decembr. 1460.

si & Ulrico, Wirtembergæ Comiti, summam belli in eos commisit. (q) Expeditionibus contra Ludovicum non interfuit Carolus; de sua securitate sollicitus. Fridericus enim Palatinus Elector, novos eodem tempore motus concitavit. Dietherus, nuper electus Moguntinus Præful, & a Pio II. Papa probatus, libertatis Ecclesiasticæ Germanorum defensor, moveri non potuit, ut solveret Annatas, aliisque in rebus, quas Pontifex ab eo exegit, præstaret obsequium. Depositus ergo Papali sententia, eique sussectus est æmulus, Adolphus Nassoviæ Comes, quem armis nuper defenderat Fridericus Elector. Hic jam in contraria versus, una cum Landgravio Hassiæ, Cattimeliboci & Isenburgi Comitibus defendit Dietherum, Papæ Cæsarique exosum. Dietherus Ecclesiæ Moguntinæ castra & oppida plura Stratamque Montanam pro sumptibus belli tradidit Friderico Palatino; addita lege, ut omnia in potestate ejus manerent, donec centies mille redimerentur florenis. Mira rerum conversio. Pro Adolpho stant Principes, qui anno superiore in eum gladios strinxerant; & inter hos fratrum Badensium triga, Trevirensis & Metensis Antistites cum Carolo Marchione. (r) Huic Adolphus stipendii nomine

Alges-

---

(q) *An Pfazttag nach S. Margarethen Tag.*

(r) Adolphus, ex Nassioica gente ortus, Badensium erat patruelis. Mater ejus fuerat Margaretha, filia Bernhardi Marchionis. JOANNIS ad SERARIUM *Rei. Mogunt.* Lib. V. pag. 778.

Algeshemium, Gauubeckelenhemium, Drommershemium, Ockenhemium, Windeshemium, Kembdenium, cum vectigalibus nonnullis quoque contulit in pignus. (s) Palatinus loca quædam eripuit Adolpho. Marchio Elveshemium clauferat obsidione, sed re infecta recessit. (t)

## §. XIV.

Pius II. prosperis Friderici successibus injecturus moram, Dietherum, Fridericum & socios diris repetitis devovit. (u) Fridericus Cæsar publicos eos judicavit hostes; ac Imperii Civitatibus injunxit, ut a perduellium societate recederent. Dietherus, Ordinibus innocentiam probaturus, non modo a Pontifice ad generale provocavit Concilium, sed & scripto ad Principes & Civitates in publicum edito de injuria sibi facta conquestus est, injuncta Pontificis sententia se dignitate privatum, quod libertatem & jura Imperii contra eum defenderit. Adolphum, Johannis Trevirensis, Ludovici Veldentini, Caroli Badensis & Joannis Nass-

Dietheri  
& Palat.  
proscrip-  
tio.

Tom. II.

Y

(s) TRITHEMIUS in *Chron. Hirsaug.* ad A. 1461. JOANNIS ad HELWICHUM de *diffidio Mogunt.* Sect. III. pag. 161. qui insuper addit, singula hæc loca a Carolo A. 1466. Philippo Comiti Cattimelibocensi fuisse opignerata.

(t) HACHENBERG. Lib. IV. pag. 184.

(u) A. 1462. HELWICHUS & JOANNIS loc. alleg. pag. 163. & 164. MÜLLER. *Reichstags - Theatr. sub Frid. III. IVte Vorstellung.* cap. 22. §. 3. pag. 128.

## CAROL. I.

vii auxilio fultum, contra fidem, jurejurando adstrictam, delatum a Pontifice sacerdotium usurpare; spreto ac rejecto Principum, quos controversiæ componendæ nominaverat, judicio. Addit porro socios Adolphi nexu vasallitico sibi esse devinctos; Carolum Badensem sibi plurium annorum societate conjunctum; cuius formula cautum, ne dicto factove alter alteri injuriam inferret, ejusve hostibus consilium præberet aut opem. Enumerat denique Principes, quorum arbitrio controversiam submittit. (x).

## §. XV.

Marchio  
Dux belli  
contra  
Palat.

**M**archio e contra & socii multis de causis defendendum sibi Adolphum putarunt. Præcipua fuit, quod Fridericus Palatinus, contempta Cæsaris & Pontificis auctoritate, dictatorem Germaniæ ageret; omnibus finitimis minitans jugum. Imperator literis mense Maio A. 1461. datis, (y) Carolo Marchioni, Ulrico & Eberhardo Wirtembergæ Comitibus bellum contra Palatinum commiserat, (z) alioque anni insequentis diplomate (a) Civitatibus Præfectorialibus Alsatiae injunxerat, ut Fridericum, Cæsari

---

(x) Scriptum hoc, die Martis post Dominicam Lætare A. 1462. datum, exhibet LEHMANN. *Chron. Spir.* Lib. VII. cap. 105. & MÜLLER. in *Reichstags-Theatro sub Friderico III. IVte Vorstell.* cap. 20. §. 1. p. 115.

(y) Die Lunæ ante Ascensionis.

(z) Die *Reichs-Hauptmannschaft*.

(a) Cilizæ dato,

refractorium, non agnoscerent Præfectum, sed Marchionem Badensem. Similes literas eodem die ad Præfectoriales Ortenaviæ Civitates perscripsit, (b) ut supra notavi.

Fridericum ergo Marchioni graviter iratum quis tandem mirabitur, quum ad frangendas Palatini opes Cæsar uteretur Badensibus. Extat in scriniis Palatinis libellus ad Imperii Principes, acri sילו Marchionem perstringens, decennale quod fregerit fœdus & vasalliticam fidem. Marchio violenta Palatini consilia publico quoque scripto exposuit; actorum suorum causas Cæsaris ac Pontificis judicio adscribens. (c)

Ut autem fortunas suas contra Palatini vim efficacius defenderet, cum Johanne Spirensi, Ludovico Bipontino & Ulrico Wirtembergico die Martis post Palmarum A. 1462. arctius fœdus inivit, quo cautum, ut junctis viribus Diethero & Friderico bellum inferrent, nec ante ponerent arma, quam in Moguntina sede confirmarint Adolphum. (d)

Ineunte igitur anno 1462. magnis animorum motibus instauratum est bellum; ita quidem ut cædibus, incendio, rapinis

Tom. II.

Y 2

(b) Extant Literæ in Tabulario Bada-Badensi.

(c) Apologia Marchionis, die Veneris post Exaudi A. 1462. scripta, una cum literis ad Wilhelmum, Saxonie Ducem, extat in MÜLLEN. loc. alleg. cap. 22. p. 129. seqq.

(d) JOANNIS ad HELWICHIIUM de dissidio Moguntino Sect. IV. p. 164.

CAROL. I.

utrimque faviretur. Carolus duplici via in Palatinatum irrupit, atque obfesso Neoburgi Castro, Electorem, in Moguntinis terris hærentem, ad sua defendenda excivit. (e)

Philippus Burgundiæ Dux & Theodoricus Colonienſis Præful inter belligerantes inſtituerunt colloquium prope Moguntiam, ubi conventum, ut re denuo cum Principibus deliberata, legati d. V. Julii cum poteſtate componendi pacem Francofurtum venirent. (f) Bada-Badenſe Tabularium exhibet Literas, ſcriptas Heidelbergæ die Mercurii poſt feſtum Corporis; ex quibus apparet, inter ipſum Fridericum & Carolum de arbitris conſtituendis ſuper lites, quæ jam ab A. 1461. inter ipſos ortæ, ſerio actum fuiſſe.

## §. XVI.

PugnaSe-  
ckenhe-  
miana.

Rebus ita diſpoſitis fama, ab ipſo Friderico haud dubie ſparſa, increbuit, eum cum copiis in Bavariam abiſſe. Fama hac Marchio & frater ejus, Metenſis Antiſtes, Johannes Spirenſis Episcopus, Ulricus Wirtembergæ Comes excitati cum ſex mille peditibus & octingentis equitibus terras Palatinas invaſerunt. Heidelſhemium oppidum obſidione cinxerunt; quod cum bene munitum ac defenſoribus inſtructum deprehendiſſent, ſoluta obſi-

---

(e) Cel. KREMER. in *vita Friderici Viſtorioſi*, quæ jam ſub prelo Lib. III. §. 27. & 31.

(f) NAUCLERUS ad hunc annum, HELWICHIIUS de *diſſidio Moguntino* Sect. VI. pag. 172.

dione, haud procul ab Heidelbergæ castra posuerunt. Tria peditum millia & equites quadringenti, ab Adolpho in subsidium missi, se foederatis junxerunt. Hi, relicto in castris peditatu, cum octingentis equitibus (*g*) in campo late patente Rhenum inter & Nicrum, juxta Seckenhemium, Pagi Lobodunensis vicum, palantes quum agerent, rerum suarum nimium securi, Fridericus, quem longinquum crediderant, eos ex improviso aggressus est d. XXIX Junii ex silva vicina cum mille equitibus (*h*) subito prorumpens. Singuli equites suum peditem vehebant; qui ex equis desilientes hostem imparatum adorti, ad deditionem coegerunt. Spirensis Episcopus solus evasit. Ceteri omnes capti. Marchio cum Johanne Fleckensteinio XXVI Dynastis & CXX. Nobilibus in Friderici Palatini potestatem pervenit. Pauci occubuerunt in proelio. Copiæ, quæ in castris remanserant, audita Principum clade, sibi fuga consuluerunt. Victor a cæde fugientium abstinuit, copiisque reductis eodem, quo pugnatum est die, Ludovicum Bavaricæ Ducem, socium, de victoria & trium Principum captivitate literis reddidit certiore. (*i*)

## Y 3

(*g*) Numerum hunc ipse Fridericus victor in literis ad Bavarum posuit.

(*h*) HELWICHUS Sect. VI. cum TRITHEMIO ait, Fridericum 700. Equites habuisse illisque 300. addidisse Dietherum.

(*i*) Literæ hæc extant apud CRUSIUM *Annal. Suevicor.* Lib. VII. Part. III. pag. 409. LEHMANN. *Chron. Spir.* Lib. VII. cap. 106. pag. 865. & seq.

## §. XVII.

Marchio  
captivus.

Principes Heidelbergam ducti XIII. mensum captivitate in arce detenti sunt. (k) Carolum præ reliquis durius habuit Fridericus, vinxitque catenis. (l)

Annus hic Moguntinæ Civitatis libertati quoque fuit fatalis. Adolphus enim, fociis suis licet devictis, animo tamen invictus urbem die XXVII. Octobr. ejusdem A. 1462. nocturno tempore occupavit sibi que adeo & successoribus in perpetuum subjecit.

Typographiæ Faustianæ & Schefferianæ literarum fusarum sodales, Moguntinis huc usque muris inclusi, occasione hac per Europæum dispersi sunt orbem.

HELWICH. de *disfidio Moguntino* Sect. VII. pag. 176. In campo pugnae monumentum victoriæ dein poni curavit Fridericus.

(k) TRITHEMIUS in *Chron. Hirsaug.* A. 1462. ex quo FREHERUS peculiari libello imprimi curavit vitam Friderici I. Palæ cui notas adjecit. GOBELLINUS in *Commentariis Pii II.* Lib. IX. HELWICH. loc. alleg. Traditio est, primas epulas captivis sine pane exhibitas, quod segetes perdidissent, quam rejicit FREHERUS in notis ad TRITHEMIUM de vita Friderici.

(l) Ita ANONYMUS *scriptor Palatinus* illius ævi in *Tabulario Palatino Electorali* servatus. GOBELLINUS in *Commentariis Pii II.* Pont. Lib. IX. pag. 121. ait: „Carolus Badensis captus & manicis vinctus ferreis, in „carcerem tetrum raptus est. „Ulricus quoque Wirtenbergicus, litteris ex carcere datus, conquestrus est, se in vincula coniectum lignea,



Finientis his ad Rhenum & in Bavaria turbis, liberandisque Principibus, conciliante Georgio, Bohemiæ Rege, conventus Neostadii Austriæ & Pragæ A. 1463, instituti sunt. Ad quos legati ex omni fere Germania properarunt. Composita pax inter Cæsarem & Bavariæ Ducem, sed cum Palatino victore res transigi non potuit; quod investituram Palatinatus pertinaciter ei Cæsar negaret. (m) Pius II. liberandis e captivitate Principibus, ad Philippum, Burgundiæ Ducem, se convertit, datisque ad eum literis & misso Francisco Toletano legato, eum hortatus est, ut afflictam Adolphi Nassovii & captorum Principum fortunam suis opibus erigeret; (n) sed nihil profecit. Onuphrium Tricaricensem denique præfulem & Petrum Ferrici, Decretorum Doctorem ad Palatinum ablegavit; quibus Brandeburgicus Marchio & Henricus Pappenheimius sese junxerant, Cæsaris legati. (o)

---

cippo & pedica confringi. Notanda hæc contra Hachenbergium aliosque rerum Palatarum & Moguntiacarum scriptores, qui Fridericum liberaliter habuisse captivos perferibunt.

(m) Literas has Pii II. Pont. exhibet *Auctor Anonymus Paralipom. Uvberg.* pag. 320. HELWICHIVS loc. cit. Sect. VIII. pag. 178. & MÜLLER. loc. alleg.

(n) HACHENBERG. Lib. V. pag. 149.

(o) In Bada-Durlac, scriniis extant literæ Adolphi, Electoris Mogunt. & Alberti, Marchionis Brandenburg. ad Marcum, Canon. Argent. filium Caroli, quibus eum hortantur, ne turpes aut duras condiciones pro Patre ineat cum Friderico I. Electore Palatino.

CAROL. I.

Horum interventu Principes libertati restituti fuerunt Anno 1463. (p)

## §. XVIII.

Duris  
conditio-  
nibus li-  
beratur.

Carolus noster (q) Dominica Reminiscere A. 1463. Literas tradidit Electori, quibus ei pro damnis illatis, superiorem Comitatum Spanheimio-Cruzenacensem, cum omnibus, eo pertinentibus, concessit, ita tamen, ut XXXXV. mille florenorum Rheni pretio relui posset.

Eodem

(p) De conditionibus, quibus ceteri dimissi sunt Principes, vide TRITHEMIUM. TSCHUDIUS *Chron. Helvet.* Tom. II. pag. 623. seq. in lytro Principum definiendo erravit, uti & HACHENBERGIUS in *Hisor. Frid.* I. Lib. V. pag. 149. ubi de Georgio Metensium præfule *quadringenta quinque millia* legitur, sed legendum: *quadringenta quinque millia* & p. 150. lin. 6. ubi de Carolo March. Badensi *quingenta millia* florenor. legitur, sed legendum: *quadringenta*. Erravit hic quoque ANONYMUS in *Chron. Wirtenb.* apud SCHANNATUM *Videm. Literar. Collect.* 2. NAUCLERUS fol. 966. Item ANDREAS PRESBYTER in *Chron. Bav.* apud SCHILTER. *Script. Rer. Germ.* pag. 64. Falsa hinc inde vel erronea de hoc bello vide in ANONYMO *Chronici Thuring. & Hassie* in SECKENBERG. *Select. Juris & Hisor.* Tom. III. p. 435.

(q) TRITHEMIUS in *Chron.* & in *Rebus gestis Friderici Palat.* oppidum hoc *Bonheim* sive *Bensheim* vocat corrupte. Idem loc. alleg. juri quoque vendendi piscandique inter Selfam & Germersheimium renuntiasse Carolum falso scribit. HELWICHII *de dissilio Mogunt.* Sect. X. pag. 180. & *Electa Juris publici Palat.* Part. II. p. 76. 84. 154. 166.

Eodem anno & die tradidit Friderico Electori Castrum & oppida Besigheim & Beinheim, (r) cum vicis Lœchickheim, Walheim & Freudenthal, ita quidem ut XXXV. mille florenis reluibiles essent.

Renuntiavit quoque Carolus fœderi, quod cum Ulrico Wirtemberg. & Episcopo Spirensi iniverat. (s) Contractus matrimonialis, inter Caroli I. filium & Ulrici, Comitis Wirtemberg. filiam initus, hac conventionem rescissus est.

Præterea XX mille florenos Electori se parata pecunia, certis temporibus pro sua & suorum liberatione soluturum die Mercurii post Judica promisit.

Die Lunæ post Oculi 1463. Carolus renuntiavit juri redimendi Heidelbergium ut & Eppingam, quam pignus Imperii Marchiones possederant; Bernhardus Marchio, Ludovico Electori Palatino pro X mille florenis oppigneraverat. (t)

Die Mercurii post Quasimodogeniti idem Carolus Friderico promisit, se intra anni spatium cum Papa & Imperatore eum reconciliaturum, litesque inter Dietherum & Adolphum compositurum esse, ex placito Electoris. Reconciliatio si non habitura sit

Tom. II.

Z

---

(r) Vide nota (g) pag. 176.

(s) Lege supra ad A. 1462.

(t) *Codex Mscrpt. Anonymi Spirensis*, cœtanei scriptoris, in Palatino Electorali Tabulario & TOLNERUS in *Hist. Palat.* p. 66.

locum, XXX mille florenos, præter summas prædictas, se soluturum, Marchio promisit. Metensis Episcopus & Ulricus Wirtemberg. singuli quoque X. mille florenos Electori se soluturos sponderant, Papa si flecti non posset.

Præter hæc omnia Pforzheimium quoque Castrum & oppidum Palatino in feudum masculinum, XL. mille florenis reluibile, offerre coactus est Marchio. (u)

• Quin & juribus suis in Castrum Neuen-Beymberg, in Castrum & vallem Nanstul, renuntiavit Carolus; Friderico permit- tens, ut Greventhan & Leiningæ Veteris partem relueret.

Conventum, est denique, ut Elector jus conductus Brettæ Pforzheimium, Marchio Pforzhemio Brettam exerceat:

### §. \*XIX.

Palati-  
num cum  
Mog. Cæ-  
fare &  
Pont.  
conciliat.

**I**ta cum Friderico Palatino & foelis reconciliatus est Carolus. Dietherum inter & Adolphum mox conciliavit inducias; (x) ejusdem auctoritate in pacem conversas. Dietherus oppidis quibusdam, quoad viveret, retentis, Moguntini Antistitis dignitati renunciavit. (y)

(u) A. 1740. Carolus Fridericus Marchio jus hoc ab Electore Palatino redemit.

(x) MÜLLER. in *Reichstags-Theatro sub Friderico III. IVte Vorstell.* cap. 32.

(y) GUDENUS *Cod. Dipl. Mogunt.* Tom. IV. pag. 375. GOBELLINUS in

*Comment. Lib. XII.* pag. 345. HELWIGIUS & JOANNIS loco cit. pag. 189, & 190.

Post hæc Carolus de Friderico cum Pontifice Cæsareque reconciliando sollicitus, Oeringæ, Comitatus Hohenloici oppido, die Martis post Dominicam Esto mihi, A. 1464. conventum instituit; ubi præsentibus Onufrio Tricaricensi & Petro Ferrici Legatis Pontificis; Alberto Marchione Brandenburgico & Henrico Pappenhemio, Oratoribus Cæsaris, statutum, ut Fridericus Palatinus, die Lunæ post Lætare per eosdem legatos diris expediretur Wormatiæ. (z) Bulla absolutionis a Pontifice missa; admittente præsertim Adolpho Moguntino; qui faciendis, quæ in bello hoc acceperat damnis, triginta florenorum millia Carolo Badensi transcripsit. (a) Hic eodem anno triennale sædus cum Eberhardo Wirtembergæ Comite inivit.

Vix sopitæ fuerunt Rheni Superioris turbæ quum A. 1465. Galliae Belgicæ motus eum vocarunt ad Mosam; de quibus in fratris ejus Marci differemus Historia.

## §. XX.

A. 1467. Henricus Wirtembergæ Comes, Coadjutor Moguntinæ Ecclesiæ ab Adolpho creatus, propter constantem Friderici Palatini disensum, arbitrari Caroli Marchionis sententia di-

Acta ab  
A. 1467.

Tom. II.

Z 2

(z) JOANNIS ad SERARIUM *Rev. Mogunt. Lib. V. p. 780.*

(a) JOANNIS ad SERARIUM loc. alleg.

gnitatem iterum deposuit, præfectura Bifchoffshemiana sibi modo fervata. (b)

A. 1468. Sigismundus Dux Austriæ ut & Equester D. Georgii in Suevia ordo, fœdere Villingæ inito, fœderis iudicem Carolum Marchionem constituerunt. (c)

Eidem Fridericus IV. Imp. propter operam, quam exercitus Imperii Præfectus nupero bello Cæsari navaverat, speciale privilegium tribuit, (d) ut qui in Marchicis terris habitarent, dubiis natalibus orti, (*Bastard*) solius Marchionis, nec ullius alterius juri subessent. Sed & alio diplomate a Cæsare tum obtinuit Marchio, ut impediendis vectorum fraudibus, intra unum a Pforzhemio milliare, non super consueta tantum, sed alia quacunque via exigere possit vectigal.

Austriacam Alsatiæ & Brisgovix Præfecturam tum temporis administrasse Marchionem, jam alibi observavimus. (e)

---

• (b) GUDENI *Cod. Diplom. Mogunt.* Tom. IV. pag. 402. & JOANNIS ad SERARIUM loc. alleg. pag. 784.

(c) DATT de *Pace publ.* pag. 249.

(d) Datæ sunt literæ Græcii die S. Marci. Extant in LUNIGII *Reichs-Archiv Part. Spec. Cont. II. IVte Abtheilung*, nunter *Abfatz* pag. 942. & in SCHILTERI *Scriptor. Rer. Germ. inter Diplom.* pag. 99.

(e) ALSAT. ILLUSTR. Tom. II. pag. 598. Præfectura hæc Austriaca Alsatiæ & Brisgovix diversa fuit a Præfectura Alsatica decem Civitatum, quæ Imperialis, non Austriaca fuit.

A. 1469. Carolus ulteriorem Spanheimensem Comitatum, pignoris jure, Palatino tradidisse scribitur; (*f*) quo anno cum Eberhardo & Ulrico, Comitibus Wirtembergæ, sædus Brettæ contraxit; (*g*) sequenti tamen anno ipse & Stauffenbergenses Alfatæ Nobiles iisdem Wirtembergicis bellum denuntiarunt; vicis aliquot exutis compositum. (*h*)

## §. XXI.

A. 1471. Carolus cum Christophoro filio ad Comitata Ratisbonensia se contulit; quæ belli Turcici causa Fridericus Imp. indixerat. Hic Ratisbonæ agens, Carolo ejusque successoribus & subditis perpetuam immunitatem a vectigali Kogenheimensi prope Benfeldam Alfatæ concessit, (*i*) quod a Wilhelmo, Argentinensi Episcopo, Hittenhemii & Matzenhemii erectum, a successore Ruperto in Kogenheim translatum. Imperator vectigal hoc tanquam illicitum & absque consensu decessorum suorum institutum perstringit.

Acta ab  
A. 1471.

## Z 3

(*f*) *Electa Juris publici Palatini* Part. II. p. 166.

(*g*) DATT pag. 194. & 249.

(*h*) CRUSIUS *Annal. Suev. Lib. VII. Part. III. p. 431.* & HERZOG. *Chron. Alfat. Lib. II. p. 127.*

(*i*) Die Lunæ post Margareth. Extat Diploma in LVNIG. *Reichs-Archiv* loc. cit. p. 943. & SCHILTER. loc. alleg. p. 100.

In iisdem Comitibus legati quum comparuissent Spirenses, deprecaturi bellum, quod Friderico Palatino Imperator indixerat, causam suam Carolo Marchioni, quod magna ejus apud Cæsarem auctoritas, commendarunt. Carolus ab Imperatore impetravit, ut Spirensium legati ad solium ejus admitterentur. Marchione itaque cum filio & Rudolpho Sulzensi praesentibus legati suas exposuerunt rationes, ob quas Ludovico Veldentino, quem Cæsar militiae Imperiali contra Fridericum Palatinum praefecerat, auxilia ferre nequirent. Cæsar eos benigne audivit, & Marchione interprete usus, Spirensibus remisit militiam. Cæsar id quidem literis firmare negavit; at per Marchionem Moguntino Electori injunxit, ut responsionem, quam Spirensibus dederat, actis Cancellariae inferret. (k)

Sub finem A. 1471. Carolus cum Christophoro filio & Georgio fratre, Metensi Episcopo, Heidelberge in Aula Friderici Electoris versatus est, litibusque Wertheimenses inter Comites & Wallbronnenses Nobiles componendis operam impendit; (l) anno sequenti terminaturus dissidia inter Consules Spirenses, quæ dirimenda ei commiserat Cæsar. (m)

---

(k) LEHMANN. *Chron. Spir.* Lib. VII. cap. III. p. 882. seq. MÜLLER. in *Reichstags-Theatro sub Friderico III. Pte Vorstell.* cap. 10. p. 426.

(l) BURGERMEISTER. *Cod. Dipl. Equest.* Tom. I. p. 833.

(m) LEHMANN. *Chron. Spir.* Lib. VII. cap. 118. p. 921.



A. 1472. Carolus Stützheimensem pagum Hattstadiensum, Alfatiae nobilium, interitu ad Imperium redeuntem, a Friderico IV. Imperatore obtinuit, quem ille dein Reinholdo Volschio de Ober-Ehenheim tanquam subfeudum concessit. (\*)

## §. XXII

A. 1473. Fridericus IV. Imp. Carolum Badæ invisit, ultra mensum cum eo versatus. Ibidem Rupertum Argentinensem Antistitem de Episcopatu & regalibus investivit. Marchio dein Cæsarem comitatus est Argentinam, & inde Treviros, (n) ubi Carolus Audax, Burgundiæ Dux, a Friderico Imp. Geldrici Ducatus investituram accepit. (o) Burgundi magnificentiam in Conventu hoc mire extollunt illius temporis Annales. (p)

A. 1474. Carolus Margarethæ Albæ feminarum Abbatissæ literas commendatitias ad Episcopum Spirensensem, pro obtinenda confirmatione concessit, simulque Steinensem Scultetum monasterio præfectum assignavit. (q)

(\*) De Stützheimensi hoc pago agit ALSATIA ILLVSTR. Tom. II. p. 259.

(n) PETRI *Suevia Eccles.* pag. 679. KOENIGSHOV. *Contin.* p. 368. PALIPOM. *URSPERG.* pag. 326. LEHMANN. *Chron. Spir.* Lib. VII. cap. 112. pag. 892. MÜLLER. in *Reichstags-Theatro sub Friderico III.* *Vte Vorstell.* cap. 32. p. 556.

(o) MAFPII *Annales Cliviae Ducum* Tom. III. p. 22.

(p) COMINAEUS Lib. II. cap. 8.

(q) *Scriptum Bada-Badensium contra Frauenalb Documentor.* p. 119.

Idem eodem anno legatos suos cum Electoris Palatini legatis ad Carolum, Burgundiæ Ducem, misit Brisacum, quum hic Brisgovicas & Alfaticas Domus Austriacæ terras a Sigismundo Archiduce A. 1469. oppigneratas, (r) inviferet. Sed & paulo post Marchio nuntios misit Basileam, qui de Brisgovia & Alfatia Austriaca, & manibus Caroli Audacis liberanda cum Sigismundo Archiduce, cum Basiliensi & Argentinensi Episcopis, cum Civitatibus & Electore Palatino deliberarent. Paulo post in Conventu Constantiæ, Martio mense, conventum, ut Carolo Audaci octogies mille florenorum summa redderetur, atque adeo Sundgovia & Brisgovia Austriacæ ex ejus manibus reciperentur. Tum vero Sigismundus Austriacæ Domus nomine renunciavit juribus in terras, quas Helvetii Austriacis, Constantiensis Concilii tempore, abstulerant. (s)

Eodem anno Carolus legatos quoque suos ad Comitum Augustana ablegavit, (t) in quibus expeditio contra Carolum Burgundiæ Ducem, qui Novesium obsederat, decreta est. Carolus cum Christophoro filio in auxilium profectus est Cæsaris; eumque

---

(r) TSCHUDI *Eydenossische Geschichte* Part. II. Lib. XIV. p. 708. STUMPF. *Schweizer-Chronic* Lib. XIII. cap. 16. pag. 737. PONTUS HEUTERUS *Rer. Burgund.* Lib. V. cap. 10.

(s) URSTIS. *Chron. Basil.* Lib. VI. cap. 5. p. 437. HERZOG. *Chron. Alsat.* Lib. II. pag. 121.

(t) LEHMANN. *Chron. Spir.* Lib. VII. cap. 113. p. 901.

que exercitus Imperii, relicta Colonia, contenderet Novesium ipse cum Friderico Imp. & Alberto Brandenburg. aliisque Principibus novissimum secutus est agmen. (u)

## §. XXIII.

Motus hi induxerunt Carolum nostrum, ut eodem anno 1474. Ortenaviæ Nobiles, ab Imperio pendentes, ad XV. annorum fœdus ineundum impelleret. Primordia hæc Corporis Equestris Ortenaviæ; cujus finis erat securitas publica, Austregarum introductio; Pacis publicæ primitiæ. Constitutus est Director, (*Hauptmann*) qui cum assessoribus lites dijudicaret, ferretque sententias. Windeckii, Bachii, Rœdereri, Stauffenbergii, Schauenburgii, Neuensteinii, Pfauii, Kroschweylerii, præcipua erant novi hujus corporis membra, quod ad Comitia olim Cæsar vocavit. (x)

## §. XXIV.

Carolus partes aliquas vici Königschaffhausen comparavit; Castrum Heidweiler cum vicis Balrechten & Dottingen permutavit, quos deinceps Trutperto, Dynastæ in Stauffen, dedit in feudum.

Accessiones  
terrarum.

Tom. II.

A a

(u) FUGGER *Oesterr. Ehrenspiegel* Lib. v. cap. 24. p. 815.

(x) DATT *de pace publica* Lib. III. cap. 6. num. 14. pag. 543. & Lib. V. cap. 4. num. 18. pag. 583.

Ginglingam cum pacto retrovendi acquisivit. Bickenfohl, Nimburg, Bottingen & vici Weiler tertiam partem cœmit. (y)

Vicum Ottenbrunn cum juribus annexis suo & Bernhardi fratris nomine Wollfio Abbati Conventuique Hirsaugiensi tradidit A. 1457. vicosque Hufstatt, Wiler, Scheltpronn & Hohenwart in compensationem accepit. (z)

### §. XXV.

Mors &  
Chara-  
cter.

A. 1475. Carolus I. obiit peste, Badæque sepultus est. (a) Princeps togatis & sagatis virtutibus Principes inter Badenses conspicuus, apud Fridericum Cæsarem affinem gratiofus; apud Ordines Imperii auctoritate pollens; ob æquitatis famam gravissimis Imperii negotiis adhibitus. AENEAS SYLVIUS, (b) virtutis ejus bellicæ præco, clarissimis Germaniæ sui temporis Ducibus, Friderico Palatino Electori & Alberto, Austriæ Archiduci eum annumerat; quos omnium judicio habitos fuisse dignos ait, qui copiis contra Turcas educendis præficerentur.

(y) Loca sunt Marchionatus Hachbergæ. \*

(z) BESOLDUS *Document. Wirtenb.* p. 586.

(a) JUNGLERUS in *narratione genealogica Mscrpt. Domus Badensis*. Caroli I. & patris ejus Jacobi vitas delineatas vide in *Programm. Cel. SAGSII* A. 1757. seq.

(b) Libello de Germania cap. 67.

Reprehendas in Carolo, quod animo non satis firmus & constans, in colenda tamen Imperatoris, Principis inconstantis & debilis, amicitia constantior, consilia sua ad voluntatem ejus plerumque direxit; promovendis Cæsaris commodis potius, quam suis intentus. Turbis, a quibus ille medius & spectator tranquillus abstinere potuisset, absque necessitate se immiscuit; id quod Moguntina ejus bella satis demonstrant. In utroque comparuit, Cæsari ut placeret ac Papæ.

## §. XXVI.

Uxor Caroli I. fuit Catharina, Ernesti ferrei Archiducis <sup>Uxor & Liberi.</sup> Austriæ filia, quæ voluntate & consilio Friderici IV. Imperatoris & Alberti Austriæ Ducis, fratrum suorum ei desponsata A. 1446.

Fratres forori XXX mille Ducatorum florenorum promittunt. Jacobus Marchio totidem filio Carolo promittit & pignoris loco Dynastias Hachberg & Hühingen, quartam partem Dynastiæ Mählberg & Lahr ei concedit.

Catharina una cum Imperatrice Eleonora & legato Pontificis A. 1463. operam dedit, ut inter Fridericum Imperatorem & fratrem ejus Albertum restitueretur concordia. (c) Obiit A. 1493. d. XI. Septembr.,

Tom. II.

Aa 2

---

(c) *Roo Histor. Austr. FUGGERI Elvensp. Lib. VII. pag. 272, sed uterque Catharinam nostram erronee Margaretham appellant.*

Ex ea Carolo nat̃ sunt Christophorus, Albertus, Fridericus, de quibus singulis infra differimus.

Unica, quam novimus, filia Caroli, Zimburga, A. 1468. desponsata fuit Engelberto, Nassoviæ Comiti, filio Johannis Ehrenbreitsteinii, conciliante Johanne Trevirensi Electore, Zimburgæ patruo. (d) Engelbertus ex matrimonio cum Zimburga nullam sobolem reliquit.

---

(d) Infr. extat in Tabular. Bada-Badensi. MIRÆUS *Opp. Dipl.* Tom. I. p. 119, Zimburgam hanc vocat *Lutgardem*.



## CAPUT IV.

### B. BERNHARDUS.



#### §. I.

ost Carolum, cujus vitam exposui, Bern- Bernhardus regi-  
hardus fuit primus filiorum Jacobi; spe- men fra-  
cie oris & corporis dignitate conspi- tri fe in-  
cuus; sanctimonia vitæ ad posteros cla- quit.  
rus. Nativitatis ejus annus non liquet.

Pater moriens A. 1453. instituit testamento, ut Georgius in Ca-  
roli, vel Bernardi, fratrum seniorum, vel in Cæsarea aliave Au-  
la educaretur, quam diu vigesimum quartum ætatis annum non  
attigisset. Bernardus ergo patre moriente major ætate jam  
fuit. Unde & ipse feuda Moguntina & Spirensia A. 1454. acce-  
pit. (a) Assignavit ei Jacobus civitates & præfecturas Pforz-

Aa 3

(a) JOANNIS AD SERARIUM *de Rebus Mogunt.* Lib. V. pag. 765. Unde  
ante A. 1438. natus fuit Bernardus.

B. BERN.

heim, Stein, Remchingen, Waldeck, Liebenzell, Altensteig & Befigheim cum vicis inde pendentibus. Georgius frater junior, terris, quas acceperat, in gratiam Caroli & Bernhardi fratrum seniorum, renuntiavit.

Magdalena, Caroli VII. Regis Galliae filia, destinata fuerat sponsa Bernhardo; (*b*) at sponfus, vitam eremiticam eligens, Carolo fratri terrarum, quas possederat, possessionem (*c*) hoc tradidit anno; cum sociis duobus secessurus in eremum.

## §. II.

In itinere  
Italico  
obit, in-  
ter Divos  
relatus.

Consilia hæc Bernhardi interrupti Fridericus IV. Imperator, qui eum ad omnes Europæ Principes, sacri contra Turcas belli ut classicum caneret, misit legatum. (*d*) Turcæ anno præcedenti Orientale Græcorum occupaverant Imperium. Bernhar-

(*b*) Magdalena hæc deinceps quoque desponsata Ladislao, Hungariæ & Bohemiæ Regina, qui sponfus decessit. Uxor denique Gastonis Fuxensis facta est. AENEÆ SYLVII *Histor. Bohem.* cap. 59.

(*c*) Jus in terras integrum sibi servasse Bernhardum, vel ex solo documento de A. 1457. apud BESOLDVM *Docum. redviv. Wirttemberg.* P.I. pag. 363. seq. apparet. Sed nec alia diplomata idem probantur de-  
sunt.

(*d*) AGOSTINO DELLA CHIESA *Corona Reale di Savoia*, qui eum vocat *Presidente del Imperator Frederico III.*



dus a Gallia fecit initium, ubi Carolum VII. Regem, quem forcerum habere debuerat, adiit. Circa Kalendas Quintileis A. 1458. Sabaudiae Ducem Augustae Taurinorum invisit Ludovicum, filium Amedei VIII. qui ex Comite Dux a Sigismundo Imp. atque deinceps a Concilio Basiliensi ex Duce Pontifex Rom. sub Felicis V. nomine electus est. In Aula hac honorifice exceptus cum brevem post moram inde progressurus esset ad Calixtum III. Pontif. Romam, in Montis Calerii oppido ad Padum, vix tribus milliaribus supra Taurinum, subito morbo correptus, in Franciscanorum monasterio eodem anno decessit (e) atque in Collegiata Ecclesia S. Mariae sepultus est, prope majus altare; (f) A. 1469. a Sixto IV. Pont. inter Divos

- 
- (e) ANONYMUS PALAT. MS. supra jam allegatus, pag. 262. tradit Bernhardum cum duobus ex Inferiore Nobilitate itineris comitibus, quorum unus dicitur Schellenbergius, interiisse in itinere sacro, quod per mare in terram sanctam suscepit. PHILBERTUS PINCONIUS in *Chronica Augustae Taurinorum* de Bernhardo ad veritatis normam hæc scribit: „ A. 1458. mensis Julii initio Bernardus Badensis Marchio sancti-  
 „ monia vite ac natalibus clarus Taurinum ingreditur; qui postmo-  
 „ dum, suscepto ad pietatem itinere, Montiscalerii morbo interrumpitur & morte prævenitur. Obiit XV. Julii & ob toties repetita  
 „ varia miracula inter Divos est habitus, Conf. quoque AGOSTINO dict. loc.

- (f) Jusserrat Bernhardus, ut in Ecclesia hac sine impensis terræ mandaretur. Frater tamen ibidem ei condi jussit monumentum, teste PISTORIO in

B. BERN.

relatus. Consecrationis ejus acta in Chartophylacio Vicenfi Episcopatus Metensis, custodiuntur. Frater Georgius, Metensis Antistes, imaginem ejus in Ecclesia Vicenfi servavit. (g) In Abbatia S. Vitonis apud Virodunenses magna quoque B. Bernhardi veneratio. (h)

## §. III.

Mores  
ejus.

Mores ejus præter alios exprefsit Trithemius, (i) & Charta, qua Sixtus IV. Bernhardum A. 1478. Thaumaturgum declarat. (k)

---

*Oratione II. de vita Jacobi Marchionis* p. 131. ubi in anno mortis cum plerisque errat A. 1459. eum obiisse scribens.

(g) VOLZ YR *Histoire de la Victoire d'Antoine Duc de Lorraine contre les mecreans Lutheriens du Pays d'Alsays* Lib. I. cap. 10. MEYRISSE *Hist. des Eveques de Metz* Lib. III. p. 569.

(h) CALMET *Hist. de Lorraine* Tom. II. p. 705.

(i) Chron. *Hirsjaug.* ad A. 1465. p. 459. sq.

(k) ANTONIVS MOMBELLVS Civitatis Mohtiscalerii Patricius librum de vita ejus conscripsit, cujus rubrum: *La Corte santificata dalla vita & dalle virtu del B. Bernardo Marchese di Baden, Protettore della Citta di Noncalieri.* Taurini 1722. 4to. Idem MOMBELLVS Poëma de B. Bernardo scripsit, & Serenissimo Marchioni Ludovico Badensi dedicavit; quod Poëma Biographiæ annexum. Ante eum JO. BAPT. PLANCARDI Italico quoque sermone Beati Bernardi vitam conscripsit; quem librum in idioma Teutonicum transtulit JO. HORNIG, e societate Jesu, qt. Argentinz A. 1686. Georgius Metensis Episcopus, frater Bernhardi;

Pontifex hic Bulla A. 1480. data Eporegiensi injunxit Episcopo, ut in vitam & miracula Bernhardi inquireret. Inquisitio instituta A. 1481. a Guillermino Catya, juris utriusque Doctore & Archidiacono Taurinensi, Sedis Apostolicæ Protonotario & Episcopi Taurinensis Vicario, qui, auditis testibus, XXXVIII miracula, in Dicecesi Taurinensi facta, collegit. Pontifex ea de re Chartam misit ad Marchionem Badensem, fratrem defuncti, (1) quæ cum cilicio in Bada-Durlacensi Tabulario servatur. (m)

Ex scriptoribus domesticis Bernhardum FRANCISCUS IRENICUS extulit. (n)

Tom. II.

Bb

A. 1478. ad Senatum Moncaleriemsem nuncios miserat de canonisatione fratris deliberaturus cum illo. Literas Georgii vid. ap. MOMBELLVM dict. loc. p. 115. sq.

(1) PISTORIUS in *Orat. II. de vita & morte Jacobi March.* p. 132.

(m) HORNIG. p. 12. ait: Pœnitentiarum vestem Bernhardi adhuc in Ecclesia Moncalerieni servari.

(n) *Exegetis Germaniæ* Lib. III. Cap. 101. „Hic, inquit, ob omni fœditate remotus, postquam mundi immundi vias ingrediebatur, solum ad imitandum sibi Christum quæsit, omnem antecessorum religionem superavit, futuris exemplum reliquit. Hujus vita simplex, incorrupta, ac nulla vitiorum pravitate irretita aut offensa erat. Hic universis renunciavit voluptatibus, veræ religionis sacramentum sequebatur. Quicquid ad divinæ majestatis cultum attinebat, ab illo nihil videmus prætermisum: nullus foetus huic in delicto mortali surrepsit: penitus etiam sese a seculari negotio, divinis muneribus aliqui destinatus, subtraxit: patrimonium

## §. IV.

Nummi.

Perennibus metallis memoriam & imaginem ejus insculpi curavit Christophorus Marchio, Beati nepos ex fratre. Diversi quatuor nummi alii supersunt, Marchionis hujus jussu excusi, quos in nummorum Badensium serie suo loco proferimus.

---

„ amore Christi, ut nunquam ab eo oculos haberet remotos, libere suis fratris addixit, iis contentus tantum, quæ ad vitæ suæ sustentationem ac tutelam necessaria requirebantur. Hunc inde per hujus sæculi tenebras raptum, vitæ suæ finis consuetaneus excepit, postquam sibi bonis operibus, nobis exemplo respondebat, ac satisfecit, memoriam suam consecravit sempiternam: in oppido Lotharingiæ, Mumpelir dicto, inæstimandis coruscat miraculis: visum cæcis restituit, auditum surdis reparat, nulli oculos ad eum tenenti patrocinium denegat; Hunc jam votis expetimus, ad nostram salutem invocamus: Et quicquid tristis accidit, auspicio ejus auspiciatissimo ac omni corrigimus. „ Errat IRENEVS dupliciter, Montis Calerium, Pedemontii oppidum, in quo Bernhardus decessit, Mumpelir vocat & in Lotharingia constituit.



CAPUT V.  
J O H A N N E S I I.  
T R E V I R E N S I S E L E C T O R .



## §. I.

ohannes, tertio-genitus (a) Jacobi I. filius, (b) Johannis initia.  
ex sententia Genealogorum natus est d. IX.  
Febr. A. 1430. TRITHEMIUS diem  
XIV. Junii ponit. (c)

Johannes a prima ætate ecclesiastico statui destinatus fuit  
a patre. Hic testamento annuam ei assignavit pensionem; cujus

Tom. II.

Bb 2

- 
- (a) Johannem Carolo & Bernhardo fratribus ætate fuisse minorem, facile perspicimus, quod his inter se terras partientibus, Johannes ad Ecclesiam transiit. In testamento patris Jacobi Johannes Bernhardo fratri postponitur.
- (b) Duplicem errorem errat BROWERS *Annal. Trevir.* Lib. XIX. pag. 290. ubi Johannem Bernhaldi Marchionis & Margarethæ Lotharingicæ filium scribit.
- (c) *Chron. Hirsfaug.* ad A. 1430. Scriptor hic qui in definiendo die natali Jo-

dimidia pars, simulac beneficium ecclesiasticum obtinuerit, cessaret: altera quoque extingueretur, si ad Episcopatum pervenerit.

Juvenis ille nondum confirmatæ ætatis in Moguntina, Trevirensi & Argentinensi Ecclesiis Canonicatus accepit. (d)

## §. II.

Fit Elector Trevirensis,

A 1456. (e) mortuo Jacobo Sirckano, Electore Trevirensi, a XV. Canonicis Capitularibus Archiepiscopus designatus est, die XXI. mensis Junii. (f) Ex opposita parte quatuor ele-

hannis Archiepisc. horam cum minut. notat, sibi ipsi contrariatur. A. 1456. ubi de electione ejus in Archiepiscopum agit, nonniſi XII. ætatis annos ei tribuit. A. 1503. quo obiit Johannes, LXXIX. annos eum compleviſſe ſcribit.

(d) SERARIUS *Reum Moguntiacarum* Tom. II. p. 339.

(e) PETRVS MESSAËVS CRATEPOLIVS in *Catalogo Archiepiscoporum Trevir.* Cap. 100. electionem hanc in A. 1449. Basiliensis Lexici Concinnatores in A. 1451. Johannis electionem rejiciunt, quibus annis superſtes fuit Jacobus, Johannis deceſſor, uti diplomata apud HONTHEMIVM oſtendunt. In Inſtrumento renuntiationis, quo Georgius Marchio renuntiat ſuis juribus A. 1454. Johannes adhuc vocatur Marchio, & Alberto Brandeburgio poſtponitur. AENEAS SYLVIVS in *deſcriptione Germaniæ* Cap. 13. electionem ejus ſub Calixto III. ponit, qui nonniſi A. 1455. creatus eſt Papa.

(f) GESTA TREVIR. *Mspt.* apud HONTHEM. *Hſſ. Trevir.* Dipl. Tom. II. p. 426. not. a). TRITHEMIUS *Chron. Hirſang.* ad A. 1456. BROWER.

gerant Johannem, ex Bavariae Ducibus, Stephani filium, cui Philippus Burgundiae Dux, Princeps vicinus & potens, maxime cupiebat. (g) Alii Diethero Isenburgico adhaerebant, Ecclesiae Moguntinae & Trevirensis Canonico, qui dein ad Moguntinam sedem electus. At suffragiorum numero & auctoritate praestabant, qui Archiepiscopum postulabant (h) Johannem nostrum Badensem, quem praeter natalium splendorem, ingenii vires morumque sva-  
vitas commendarunt praeter aliis. (i)

## Bb 3

*Annal. Trev. Lib. XIX. p. 219. add. Inscriptio apud BROWER. loc. cit. pag. 306.*

- (g) ANONYMVS PALAT. p. 185. Johannem hunc Palatinum neque TRITHEMIUS, neque GESTORUM TREVIRENSIUM *Auctor Anonymus* memorant; qui Dietherum modo Isenburgicum Johannis Badensis nomen producit; at meminit ejus AENEAS SVLVIVS, qui de electione hac Trevirensium ita scribit loco allegato: „Cujus (Johannis) aetatis defecit singularis virtus redemit & majorum suorum imagines suppleverunt. Nam familia Badensis, claris illustrata titulis, nullum unquam non egregie sapientem virum produxit. Annuit votis Capituli Rom. Praeful, quamvis Philippus, Burgundionum princeps potentissimus, ac de Romana Ecclesia optime meritis, alium ex Domo Bavariae in illa ecclesia peteret, suis circumdata dominiis, Pontificem. Add. cap. 75.
- (h) Johannes tum circiter XXVI annos habebat, unde postulari, non eligi poterat, adeoque dispensatione Summi Pont. opus habuerat.
- (i) GESTORVM TREVIR. *Auctor optimae aevi indolis & acuti ingenii pro*

Hic altero, statim post electionem die, comitante Carolo Marchione fratre, palatium ingressus, plura Ecclesiae Trevirensis Castra in possessionem accepit. Missis Romam legatis, magno labore, gravibusque impensis a Calixto III. Pontifice confirmationem obtinuit, quam Dietherus, æmulus ejus impedire studuerat. (k). Die XXV. Oct. a Pontifice Maximo ornatus est Palatio. A. 1462. consecratus est Sarburgi a Georgio fratre suo, Antistite Metensi. Quo anno etiam triga fratrum, Carolo, Georgio & Marco comitatus, pompa solenni Urbem Trevirensis intravit, more majorum. Cives in ejus verba jurant. (l)

---

*Jun ætate adolescentem adpellat. TRITHHEMIVS ad A. 1456. principem eum mansuetissimum, liberalem, assabilem, justum & rectum, amatorem cleri, defensorem pauperum, ac magnificam conservatorem subditorum agnoscit.*

- (k) GESTA TREVIRENSIA Msspt. 22nd HONTHEIM. *Hist. Trevir. Dipl.* Tom. II. pag. 426. not. a. JOANNIS AD SERARIUM *Rerum Mogunt.* Lib. V. pag. 771. KYRIANDER in *Annalibus Augustae Trevirorum* Parte XV. pag. 206.
- (l) GESTA TREVIR. cap. 170. in HONTHEMII *Prodromo Histor. Trevir.* Parte altera p. 853. & 854. KYRIANDER loco alleg. p. 206. seqq. BROWERVS *Annal. Trevir.* Lib. XIX. p. 291. & 293. In anno consecrationis discentiant scriptores: KYRIANDER ad A. 1458. *Autor Annymus* GERTON. TREVIR. ad A. 1452. eam refert.



## §. III.

Johannes ex Badensium stirpe in Trevirensi sede fuit primus Elector. BERNHARDUS ZECHIUS (m) jam A. 1436. Jacobum quendam ex Marchionibus Badæ, Genealogiæ Badensi & Archiepiscoporum Trevirensium Catalogo ignotum, Archipræfulem constituit, quem ex Saxoniciis Electoralibus actis eruisse se putavit; miratus, ante se observasse neminem, tres ex Badensi Domino Marchiones intra LXX. annos Trevirensē occupasse solum, Jacobum nempe suum, quem profert, Johannem & Johannis ex fratre pronepotem Jacobum. Verum enimvero efficto suo Jacobo Badensi Zechius ea omnia adscribit, quæ Jacobo ex Sirckiiis Lotharingicis, decessori Johannis, haud dubie tribuenda. Hic enim Burgundiæ Ducem Ducesque Saxoniae, Cæsareus arbiter, Confluentiam invitavit, ut eorum lites dirimeret. Hic pacta cum Wilhelmo Duce Saxoniae inivit. Sirckius Rabano, Archiepiscopatum resignanti, successit, atque adeo inter eos Jacobus Badensis non invenit locum. (n) Non alius profecto illis temporibus vixerat Marchio, quam Jacobus, pater Johannis, qui omnem Mar-

Primus  
exBaden-  
sium stir-  
pe.

(m) *Europæischer Herold* Tom. I. p. 502.

(n) PETR. MERSSAEVS CRATEPOLIVS in *Catalogo Electorum Ecclesiast.* in GVALTERI (Gruteri) *Chronico Chronicorum Ecclesiast.* Tom. I. pag. 1470.

Jom. II.

chionatum tenebat solus. Ab axioma *Serenitatis*, (o) quo Wilhelmus Saxoniae Dux Jacobum Sirekium compellat, Zechianae conjecturae nullum pondus accedit. Axioma hoc Principibus secularibus tum nondum erat solenne; nec in ipsa Badensi Domo receptum ante Christophorum Marchionem. Baltheus, in sigillo conspicuus, ad quem Zechius praesertim quoque provocat, nihil aliud quam similitudinem inter Insignia Sirekiana & Badensia iudicat. Insigne hoc Sirekiis non modo cum Domo Badensi, sed & cum Argentinatibus, aliisque multis commune est. Florentissimi rerum Trevirensium scriptores, BROWERS, (p) CRATEPOLIS, (q) HONTHEMIS, (r) Jacobum hunc Zechianum ignorant, quem profecto Genealogicae & Chronologicae rationes excludunt.

## §. IV.

Asta ab  
A. 1457.

Initio regiminis foedus Comitum, Dynastarum, Nobilium ac Civitatum Diocesis Trevirensis, pro defensione mutua iurium ac libertatum suarum initum, auctoritate Calixti III. Pontificis & Friderici IV. Imperatoris dissolvit Johannes. Cum civitatibus,

(o) *Durchlaucher*.(p) *Annalium Trevir.* Tom. II. p. 279.

(q) In Catalogo loc. alleg.

(r) *HIST. TREVIR.* Tom. II. p. 389.

tibus, arcibusque Nobiles in obsequium Archiepiscopi redeunt. (s)

A. 1458. Vindobonam iter instituit, ibique de feudis & regalibus solenniter investitus, præter veterum privilegiorum confirmationem, nova ab Imperatore jura obtinuit. (t)

In Moguntino bello, Johannes una cum Carolo & Georgio Bellum Moguntinum.  
fratribus Adolpho contra Dietherum adhæsit, uti supra ostensum.  
Adolphus quartam Lansteinenfis vectigalis partem pro sumtibus  
in bellum factis, oppigneravit Johanni, addita potestate quartam  
hanc colligendi, simulac Lansteinium Diethero fuerit ereptum. (u)  
Oppidum hoc, Confluentiae vicinum, Dietherus firmaverat præ-  
sidiis, indeque in subiectam regionem frequentes cædes & rapi-  
nas agebat. Johannes defendendis suis finibus, & occupando ve-  
ctigali, in quod jus acceperat, valido exercitu collecto, A. 1462.  
Lansteinium bis obsedit; at Palatinis fortiter se defendentibus, re

Tom. II.

Cc

(s) Tabulas hujus fœderis cum mandato Frid. IV. Imp. exhibet. HONTHEIM.

Cod. Dipl. Trevir. Tom. II. p. 423. & 428. Addatur KYRIANDER *Annal.* Part. XV. pag. 208. & BROWERVS *Annal. Trevir.* Lib. XIX. pag. 291.

(t) Diplomata exhibet HONTHEIM, loc. alleg. num. 840. Adde GESTA TREVIROR. in ejusdem *Prodromo Hist. Trevir.* Part. II. p. 853.

(u) Data est Charta Kalendis Januarii 1462. JOANNIS AD HELWICHIVM de *Dissidio Mogunt.* in SERARII *Rer. Mogunt.* Tom. II. pag. 162.

Jon. II.

infecta discessit. (x) Moguntinæ hæ turbæ anno sequenti transactione sopitæ sunt. (y)

Diuturnas autem cum Trevirensi Civitate lites A. 1469. Johannes denique ea lege composuit, ut suprema jurisdictione sacra ac civili retenta, Scabinos creandi, triumque ex opificum tribus magistrorum constituendorum servata potestate, cetera cum urbis magistratu communicaret, civesque a pedagio & ripatico ad tempus liberos pronuntiaret. (z)

Eodem anno Johannes liberorum Caroli fratris sponsalia magnifico apparatu celebravit Confluentiæ. Zimburgam neptem Engelberto, Nassoviæ Comiti; Ottiliam, Philippi Catimelibocensis Comitis filiam, Christophoro collocavit, ex fratre Carolo nepoti. (a)

## §. V.

Acta ab  
A. 1470.

A. 1470. lites Johannem inter Trevirenses & Fridericum Palatinum Electorem, ut Spanheimensem Comitem, de jure in Mosellam agitatæ, Georgii, ex Badensium familia Metensis Episcopi, sententia compositi fuerunt. Georgius Regale hujus

(x) TRITHEMIUS *Chron. Hirsang.* ad A. 1462.

(y) Vid. supra in vita CAROLI Morch.

(z) BROWER. *Annal. Trevir.* Lib. XIX. pag. 297. KYRIANDER loco alleg. pag. 210. conventionem hanc conceptam quidem, sed non impletam fuisse tradit.

(a) BROWER. loc. alleg.

fluminis a rivo *Dillemerbach* infra *Remich* usque ad Rhenum, Electori atque Ecclesiae Trevirensi competere & ablatas piscatoribus Spanheimensibus res jure captas fuisse censuit. (b)

A. 1471. ad Comitia Ratisbonensia cum Marco fratre & lectissimo provincialium Comitatu profectus, institutis de bello Turcico deliberationibus interfuit. Ibidem ei & Moguntino atque Brandeburgico Electoribus cum Philippi Burgundiae Ducis oratoribus nata contentio; qui ante Electorum absentium legatos sibi locum vindicabant. Res ita transacta est, ut Burgundici legati ante faciem Caesaris, inter oratores regios, collocarentur. (c) Finitis Ratisbonensibus Comitibus Elector Caesarem Badam & inde Argentinam secutus est. (d)

Antiquissimam literarum apud Treviros scholam, qua apud Germanos nulla vetustior est, ampliare jam decreverat Archiprae-  
Univer-  
tas Trevi-  
rensis.  
 ful Jacobus. At successor Johannes A. 1472. executus est opus. Hic acceptis duobus aureorum millibus, quos negotio huic impenderat, Nicolai V. Pontificis literas, Jacobo Archiepiscopo jam A. 1454. concessas, Senatui Trevirensium tradidit & novas insuper a Sixto IV. Pontifice impetravit. Instituta est Universitas

Tom. II.

Cc 2

(b) HONTHEIM. *Hist. Dipl. Trevir.* Tom. II. p. 453. num. 859.

(c) JO. ANT. CAMPANUS *Epistol. Lib. VI. Ep. XII.* in FREHERI *Scriptor. Rer. Germ.* Tom. II. p. 296.

(d) KYRIANDER p. 207. *GESTA TREVIROR.* cap. 170.

JOH. II.

studiorum ac solenni Magistratus edicto nuntiata est orbi die XVI. Martii 1473. Cancellariatum ejus perpetuum sibi Antistes servavit. (e)

Eodem anno Cæsari, Treviros ad Comitia venienti, cum Christophoro ex fratre nepote & selectis aliquot nobilium turmis, magna pompa obviam processit Johannes, atque in sumtuoso illo Caroli Burgundi convivio secundum ab Imperatore tenuit locum. (f) Carolus promissam a Cæsare regiam cum non accepisset coronam, Treviris rediens, Archiepiscopales male habuit terras.

Circa id tempus Sixtus IV. Pontifex Abbatiam Prumiensem vicinam Johanni Archiepiscopo ad vitam concessit; id quod Fridericus Imperator literis Augustæ datis, ratum habuit. (g)

## §. VI.

Acta ab  
A. 1474.

A 1474. Fridericus Imperator quum Carolus Burgundus Novesium oppugnaret, exercitum ad urbem liberandam ad-

---

(e) KYRIANDER loco alleg. p. 268. sqq. HONTHEIM. *Hist. Treviror. Diplom.* Tom. II. p. 325. & 417. NELLERI *Jurisprudentia Trevirorum sub Germanis* in HONTHEIMII *Prodomo Historiæ Trevir.* Part. I. p. 527. & 539. sqq.

(f) BROWER. *Annal. Trevir.* Lib. XIX. p. 300. & 302.

(g) HONTHEIM *Hist. Diplom. Trevir.* Tom. II. p. 459. num. 864.

duxit. Johannes noster cum copiis eum secutus est, atque conflictui ad Novesium insequenti anno interfuit. (*h*)

A. 1476. cum Diethero Moguntino & Friderico Palatino, Electoribus, pactus est, ut a vectigalium in Rheno solutione nemo esset immunis, quo tollerentur abusus. (*i*)

A. 1477. Johannes una cum Georgio, Metensi Episcopo & Ludovico, Bavarie Duce, legatus a Caesare in Belgium missus, confirmationem matrimonii Maximilianum inter Archiducem & Mariam Burgundicam, in Conventibus Ordinum, Gandavi & Lovanii habitis, obtinuit. Omnium Ordinum Procures cum Johanne Archiepiscopo ejusque fratribus, Carolo & Georgio obviam Maximiliano progressi, Colonia Agrippina eum Gandavum deduxerunt, ubi pompa vere regia celebratae sunt nuptiae. (*k*)

Idem Elector brevi post cum Moguntino in Galliam a Maximiliano Archiduce missus est, de successione Burgundica terrarumque ablatarum restitutione cum Ludovico XI. Rege acturus. Hic Electoribus, Insulam venientibus, securitatem itineris denegavit; unde re infecta ad Maximilianum redierunt. (*l*)

## Cc 3

---

(*h*) BROWERS pag. 304.

(*i*) HONTHEIM. pag. 467. & 470. num. 871. & 873.

(*k*) PONTVS HEYTERVS *Rerum Austriacar.* Lib. I. cap. 7. FVGGER.

*Oesterr. Ehrensp.* Lib. V. cap. 26. pag. 854. & BROWER. loc. cit. pag. 306.

(*l*) FVGGER loc. alleg. cap. 28. p. 877.

JOH. II.

A. 1478. exorto inter Civitatem Trevirensē & Manderſcheidios bello, quum dubio ſape Marte pugnatum eſſet, Johannes Archiepiſcopus inter eos pacem reſtituit. (m)

A. 1482. Matthias Corvinus, celebratiſſimus ille Hungariæ Rex, Præſuli noſtro victoriam, quam Matthias Gerebins Croatiae præfectus a Turcis ad Savi ripam reportaverat, nuntiavit, addens: „Hujus victoriæ lætitiū cum Johanne ſe eo eomunicaſſe libentius, quod eum in Imperio principem unicum norit, qui proſperis rei Chriſtianæ ſucceſſibus vel maxime faveat.“ (n)

Eodem anno exorta apud Conſuentinos ſeditio Capituli Trevirensis interceſſione compoſita fuit. Senatus omnis cum ſelectis & civium ordine, ad Electoris genua proſtratus, delictorum veniam petiit. (o)

## §. VII.

Acta ab  
A. 1486.

A. 1486. Johannes noſter cum reliquis Electoribus Maximilianum Archiducem Francofurti Regem renuntiavit, eumque & Fridericum Imperatorem honorifico Comitatu, ad peragendam coronationis ſolennia proſecutus eſt Aquisgranum. (p) Ibi

(m) GESTA TREVIOR. cap. 186. in HONTHEIM. *Prodrom.* Part. II. pag. 874.

(n) Literas has exhibet BROWERVS loc. alleg. p. 308.

(o) HONTHEIM loc. alleg. num. 871. & 873. p. 467. & 470.

(p) TRITHEMIUS ad h. A. & BROWERVS *Annal. Trevir.* Lib. XIX. p. 308.



una cum Moguntino & Colonienſi coronam novo Regi impoſuit. (g)

A. 1487. in Comitibus Noribergeniſibus auctoritate apud ordines & gratia floruit; pax publica ut firmaretur, fortiter contendens. (r)

A. 1488. cum Winnebergiis Nobilibus implicitus bello, Beilſteiniam arcem obſedit; ſed Johannis Bavariae Ducis & Comitibus Wirtembergae interventu ſunt compoſitae lites. (s)

Eodem anno Johannes noſter cum Archiepiſcopo Colonienſi convenit, ut in decretis electionis Regis Romanorum Trevirenſis & Colonienſis nomina ſua alternatis vicibus, primo loco, ſubſcriberent. Maximilianus Romanorum Rex quum ante biennium eligeretur, primus ſubſcripſit Trevirenſis. Unde jus primae ſubſcriptionis ſequenti electione Colonienſi competiit. Eadem alternationis ratio obſervanda in poſterum; ita tamen, ut Elector praesens abſentis praeferratur legatis; utque in ſuis quiſque Archi-Cancellariatibus praelationis jure, Aurea Bulla firmato, utatur. (t)

---

(g) *Acta Coronationis* in FREHERI *Scriptor. Rer. Germ.* Tom. III. p. 31.

(r) BROWERS loc. alleg. FVGGER in *Speculo Austr.* Lib. V. c. 34.

(s) GESTA TREVIOR. cap. 171. in HONTHEIM *Prodomo* Part. II. pag. 855. KYRIANDER in *Annal.* Part. XV. p. 208.

(t) HONTHEIM *Hiſtor. Diplom. Trevir.* Tom. II. num. 876. pag. 475. Hodie Elector Trevirenſis abſque alternandi neceſſitate priori loco ſuffragium init, omnibusque Imperialibus decretis primus ipſe ſubſcribit. Alter-

Jon. II.

A. 1490. & 1492. varias cum Electoribus Rhenensibus de communi moneta aurea & de commercio Rhenano conventiones inivit. (u)

Jacobus  
Bad.  
Coadju-  
tor.

A. 1493. Johannes noster Jacobum, Christophori Marchionis filium, adeoque fratris sui Caroli I. nepotem, futurum successorem elegit. Alexander VI. jus succedendi firmavit. Refragantibus quibusdam Canonicis, varias inter ambages, protracta res est, dum viveret Johannes. (x)

Hic A. 1495. Comitibus Wormatiensibus, in quibus denique Pax publica in perpetuum stabilita, interfuit. Impetravit cum Johannes diploma, quo cum veterum regalium confirmatio-  
ne nova a Caesare privilegiata & inter hæc D. Maximini Abbatem investendi jus, accepit. (y)

## §. VIII.

Bellum  
Boppard.

A. 1497. natum est ei cum Boppardiensibus bellum. Boppardia, Imperialis quondam civitas, jam inde a Ludovico Bavari & Ca-

---

natio autem ad prærogativam in eundo, stando sedendoque usu restricta est. MOSER *Chur-Trierisches Staats-Recht* Cap. 4. §. 3. seqq.

(u) HONTHEIM loco alleg. num. 581. 582.

(x) *Ibidem* num. 583. pag. 451. TRITHEMIVS *Chron. Hirsang.* ad A. 1500. & BROWER. loco alleg. p. 315.

(y) HONTHEIM *Hist. Diplom. Trevir.* Tom. II. num. 886. 887. 888. pag. 494. 495. add. BROWER. *Annal. Trevir.* Lib. XIX. p. 312.

& Caroli IV. temporibus Ecclesiæ Trevirensi oppignerata, ægre cum ferret libertatis jacturam, consilio nobilium Civitatis, quibus cum Archiepiscopo intercedebant lites, missis clam ad Comitia Wormatiensia A. 1495. legatis, insignia a Maximiliano Imperatore privilegia, inscio Electore, impetraverat. Revocavit ea paulo post Cæsar. At Boppardienfes, ejecto Archiepiscopi Sculteto, Arcem Boppardensem, mediocri præsidio firmatam, obsederunt. Johannes, vocatis in auxilium Philippo Palatino Electore, Wilhelmo Hassiæ Landgravio, Christophoro Marchione Badensi aliisque Principibus, cum duodecies mille militum exercitu Boppardiam obsidione cinxit & in potestatem accepit. Johannes, Palatinus Comes, lineæ Simmerensis, deditionis leges conscripsit, quibus inter alia cautum est, ut Boppardienfes, salva vita, honoribus & bonis Civitatem Archiepiscopo cum omni jurisdictione & imperio traderent. Johannes autem impenfarum nomine, magnas pecuniæ summas Principibus sociis erogavit, quo factum, ut exhausto ærario, Trevirensē ecclesiam debitis oneraret. (z)

Tom. II.

Dd

---

(z) TRITHEMIUS ad A. 1497. pag. 564. & *Acta* apud HONTHEMIUM *Hist. Diplom. Trevir.* Tom. II. pag. 501. seqq. add. BROWER. loc. alleg. p. 314. fq. & *GESTA TREVIR.* cap. 171. in HONTH. *Prodromo Hist. Trevir.* Part. II. p. 554.

## §. IX.

Obitus.

Obiit Johannes septuagenarius senex A. 1503. die IX. Febr. (a) Pontificatus sui A. XLVII. ætatis LXXIII. (b) Pulveris pyrii incendio, supra conclave, in quo versabatur, Cochemii quadriennio ante obitum orto, imminens vitæ periculum evaserat. Corpus ejus ex Ehrenbreitsteinia arce Confluentiam translatum, atque in S. Nicolai Choro summi templi conditum est, quod ipse sibi dum viveret, extruxit. (c)

## §. X.

Chara-  
cter.

Liberalitatem ejus atque justitiam celebrant rerum Trevi-

(a) BROWER. *Annal. Trevir. Lib. XX. pag. 318.* TRITHEMIUS ad A. 1503. XIX. Febr. obiisse tradit Johannem, sed perperam.

(b) Errat TRITHEMIUS loco alleg. qui LVII. annis eum præfuisse atque LXXIX. ætatis annos complexisse dicit. Errat quoque PETRVS MERSAEVS CRATEPOLIS, qui in *Catalogo Archiepiscoporum Treviren- sum* §. 100. ætatis LXXIX. Pontificatus LIII. annos ei assignat. Ipse BROWER. *Annal. Trevir. Lib. XX. pag. 318.* male Johannem ne septuagesimum quidem annum attigisse scribit, deceptus, uti videtur, auctoritate TRITHEMII, qui eum annum ætatis XXII. agentem electum fuisse Archiepiscopum prodidit, contra quæ notavimus supra, ubi de die natali & de electionis tempore Johannis Archiepisc. plura differamus.

(c) BROWERVS loc. alleg.

rensum scriptores. (d) Literas amavit, quibus a teneris assueverat, ipsosque literatos summo favore & gratia prosecutus est. Præclaram juris peritiā ejus Commentarius Juris Treverici, testatur, quem A. 1488. publici juris fecit. (e) Apud Imperii Ordines propter æquitatem suam & multiplicem rerum experientiam maxima auctoritate floruit. (f) Reprehenditur, quod grave æs alienum reliquerit; (g) quæ temporum injuriæ & cala-

Tom. II.

Dd 2

(d) TRITHEMIUS ad A. 1456. & BROWERUS loc. alleg.

(e) BROWER. *Annal. Trevir.* Lib. XIX. p. 309.

(f) PETRUS MERSSÆUS CRATEPOLIUS loc. alleg.

(g) TRITHEMIUS ad A. 1503. hac de re ita scribit: „ Reliquit Ecclesiam

„ satis tenuem, & ære non parum gravatam alieno, cujus inopiæ cau-  
 „ sam nonnulli triplicem assignarunt. Prima fuit bellum, quod cum  
 „ Boppardienfibus habuit, in quo plus quam centum florenorum millia  
 „ expendit. Secunda fuit nimia ejus in alienos clementia, quippe qui  
 „ multis multa contulit ingratum, & qui nihil tale vel ab eo, vel ab  
 „ Ecclesia Trevirorum meruerunt. Ex cujus ore paucis ante obitum  
 „ mensibus audivi: Nihil, inquebat, magis cruciat animum meum,  
 „ quam eorum ingratitudo, quibus non merentibus benefeci: quoniam  
 „ ecce, quos exaltavi de stercore, fecique magnos & divites, jam con-  
 „ temnunt me, & partes contra me sequuntur mihi adversas. Causam  
 „ deficientiæ tertiam suorum quidam Alchimistarum deceptionibus ad-  
 „ scribentes, eum plus quam 30000. flor. in ea vanitate referunt ex-  
 „ pendisse. Quam ipse de se opinionem suorum & novit & redarguit  
 „ esse falsam, asserens, me aliquando præfente, sub jurejurando, quod

JOH. II.

mitati adscriperis. Laudandus, quod insignes Ecclesiæ Trevirensis ditiones, a decessoribus oppigneratas, redemit; novisque Ecclesiam suam possessionibus auxit; (*h*) magnificis operibus diæcesin exornavit, arces plurimas, ruinam minitantes, refecit, alias de novo extruxit, atque Trevirense palatium & Francofurtanum, ut & curiam Confluentinam restituit. (*i*) Memorabilis inprimis puteus, quem A. 1481. in Castro suo Ehrenbreitstein magnis impensis per rupes paravit; opus stupendum, cujus memoriam solenne monumentum & inscriptio hodieque conservat. (*k*) Idem

„ in Alchimistarum schola, ne dicam Sophistis, quingentos & non plures, magistris errorum discipulus instituendus exposuisset auri flores, nos. Sit ita vel non sit, tribus calamitatibus pressum constat, quarum occasione pauper evasit.

(*h*) KYRIANDER *Annal. de Augusta Trever.* Part. XV. p. 207. & 208. BROW. *Annal. Trevir.* Lib. XIX. pag. 306. & Lib. XX. pag. 318. & 319.

(*i*) KYRIANDER loco alleg. *GESTA TREVIRORUM* cap. 171. BROWER. loc. cit. p. 306. & 307.

(*k*) Inscriptio, Ehrenbreitsteinianæ arcis hæc est: ANNO DOMINI MCCCCLXXXI. VIII. MARTII JOHANNES EX ILLUSTRIBUS JACOBO MARCHIONE BADENSI ET CATHARINA LOTHARINGIÆ DUCISSA NATUS TREVERORUM ARCHIEPISCOPUS INTER PLURIMA IN HOC ET CAETERIS ECCLESIAE CASTRIS EXIMIE A SE COMPLETA EDIFICIA HOC IN LOCO SCISSIS PETRIS

salutaribus edictis disciplinam ecclesiasticam emendavit, monachos atque moniales ad severiorem vitam adegit, multaque praeclara faciendis rite moribus constituit. (1) Omni gubernationis tempore, si Boppardienfes & alios minoris momento motus excipias, pacem nutrit, (m) initoque cum finitimis foedere firmavit.

## §. XI.

Enimvero jam A. 1457. Uniōi Electorum accessit. (n) Fœdera.  
A. 1458. cum Dietero, Colonienfi Electore, peculiares amici-

Dd 3

---

AQUAM PRIMUS EXQUIRERE COEPIT DEMUM  
POST LABORES ET SUMPTUS IMMENSOS AQUA  
ABUNDE INVENTA TALITER ET FONTIS ET  
CIRCUMPOSITAE TVRRIS OPUS CONSUMMAVIT  
ANNO DOMINI MCCCCLXXXIII. MENSE SEPTEMBRI  
PONTIFICATUS SUI XXIX. EST FONTIS  
PROFUNDITAS CCLXXX. PEDVM. BROW. *Annal. Trevir.*  
Lib. XIX. pag. 306. alia prorsus ratione Inscriptionem hanc sinit. Ca-  
tharinam quoque Lotharingicam contorte Margaretham adpellat.

(1) BROW. loc. cit. pag. 307. & 312. HONTHEIM. *Hist. Trevir. Diplom.*  
Tom. II. num. 847. & 854. p. 440. & 449.

(m) KYRIAND. loco alleg. GESTA TREVIR. cap. 171.

(n) HONTHEIMVS loco alleg. p. 429. num. 838.

Ioh. II.

tiae leges inivit. (o) Memorabile imprimis est fœdus, quod A. 1462. cum Philippo, Burgundiæ Duce, Bruxellis contraxit, quo Lucemburgensium ac Trevirensium ditionum securitatem mutuamque sibi auxilium pepigerunt. Triennio post Carolus, Philippi filius, Carolesii tum Comes, postea Audax dictus, huic fœderi accessit, atque separato articulo Galliæ Regem ab eo exclusit. (p) Neque tamen a Carolo permoveri potuit Johannes, ut bello ejus contra Gallos accederet.

A. 1465. Johannes cum Philippo, Catimeliboci Comite, (q) A. 1471. cum Gerhardo Juliaci, Montiumque Duce, (r) A. 1479. cum Henrico Hassiæ Landgravio, (s) fœdera percussit. A. 1480. cum Civitate Trevirensi ad vitæ tempus societatem inivit ea lege, ut adversus quamcunque vim utraque pars mutuam sibi præstaret auxilium; Electori in Civitatem, Civibus in Ecclesiæ Trevirensis castella aditus pateret, neque Trevi-

---

(o) IDEM loc. cit. num. 839. p. 431.

(p) HONTN. loc. cit. num. 851. & 852. pag. 445. sqq. De fœdere hoc speciatim agit HONTHEMIS in *Originibus Politicis Trev. sub Germanis Prodomi* Part. I. p. 502. & 509.

(q) IDEM num. 853. p. 448.

(r) num. 860. p. 455.

(s) num. 868. p. 463.



renses unquam hostibus Electoris, domini sui ac principis, faverent. (t)

A. 1484. & 1487. Bertoldum Electorem Moguntinum, (u)  
A. 1488. Ludovicum ejusque filium Alexandrum, Veldentinos  
Principes, (x) A. 1489. Philippum Electorem Palatinum, (y)  
amicitia, mutuisque sponsonibus sibi conjunxit. Quin & eodem  
anno Fœderi Suevico, quod ad tuendam pacem publicam, a Fri-  
derico Imperatore Francofurti promulgatam, Sueviæ Civitates  
nuper iniverant, socius accessit. (z) Denique tabulis peculiari-  
bus eodem tempore datis, pacis publicæ Francofurdianæ defen-  
sionem cum Sigismundo, Austriæ Archiduce suscepit. (a)

Nec prætereundum silentio, quod inter Archiepiscopos Tre- Titulus  
virenses Joannes in Chartis & Diplomatis *Electoris* titulo usus Electo-  
ris.

(t) num. 870. p. 465. Ex fœdere hoc KYRIAND. *Annal. de Augusta Treviso-  
rum* Part. XVII. p. 263. & 267. adstruere nititur, Johannem Archiepisco-  
pum liberam Imperii Civitatem Treverim censuisse.

(u) НОТНЕМ loc. cit. num. 874. p. 472. JO. AD SERARIUM *Rerum  
Mogunt.* Lib. V. p. 797. & 800.

(x) Num. 877. p. 478.

(y) Num. 878. p. 480.

(z) Num. 879. p. 482. & DATT. *de pace publica* Lib. II. cap. 10. num. 14.

(a) DATT. loc. alleg. num. 54.

JOH. II.

est primus; quamvis ante eum Imperatores & Principes axioma-  
te hoc Archiepiscopos Trevirenses ornaverint. (b) Nummos  
ejus tres HONTHEMIUS (c) protulit, qui inter Badenses no-  
stros comparent.

(b) HONTHEIM loc. alleg. p. 429. nota a) in fine.

(c) *Hist. Trevir.* Tom. II. pag. 885. & 890. *Groschen-Cabinet* Tom. IV. Ta-  
bul. XIII. num. 110. & 111.



CAPUT

## CAPUT VI.

## GEORGIUS

## METENSIS EPISCOPUS.



## §. I.

Georgius, Jacobi filius, hanc lucem adspexit anno circiter 1433. (a) Hic a prima ætate destinatus Ecclesiæ, jam A. 1445. una cum fratribus Johanne & Marco, in Castro Badensi, a Vicario Generali Spirensi tonsuram accepit; atque A. 1454. Sabbato ante D. Laurentium portioni terrarum suarum renunciavit Pforzhemii.

Georgius  
Metensis  
creatur  
Episcopus.

A. 1457. juvenis ætatis fere quinque lustrorum a Conrado, Metensi Episcopo, consensu Capituli, Coadjutor creatus est. Ca-

Tom. II.

Ee

---

(a) MEURISSE *Histoire des Evêques de Metz* Lib. III. pag. 568. Georgium

GEORG.

lixtus III. Pontifex eodem anno Coadjutoriam hanc literis confirmavit, & speciali privilegio indulfit, ut ad XXVII. ætatis annum usque Metensem Ecclesiam regeret Administrator atque deinceps Episcopus, sine novo diplomate. At Conrado A. 1459. defuncto, Canonici quidam Ulrico Blamontano Comiti, Canonico Metensi, Episcopatum detulerunt. Pius II. Pontifex Georgii partes defendens, factionem oppressit. Georgius, possessionem Episcopatus eodem anno adivit. (b)

## §. II.

A  
Schauen-  
burgicis  
capitur.

A. 1460. inter Carolum Marchionem, Georgii fratrem & Schauenburgicos Nobiles, de Schauenburgi & Bernbaci Castris intercesserant lites; quæ mutua dissidationi causam præbuerunt. Ea occasione Georgius electus & confirmatus Metensis (a)

---

XXIV. ætatis annum egisse tradit A. 1457. quo Metensis Ecclesiæ Coadjutoriam accepit; ut itaque secundum Meurissium annus natalis Georgii incidat in A. 1435. Consentit quodammodo testamentum Jacobi patris de A. 1453. in quo dicitur, Georgium posse educationis causa usque ad A. XXIV. ætatis commorari vel in Caroli, vel in Bernhardi, vel alia aula.

(b) MEURISS. loco alleg. p. 568. fq.

(c) Georgius tum nondum consecrationem acceperat, unde in literis Tabularii Schauenburgici dicitur: *Erwählter und bestätigter zu Metz.*

una cum fratre Marco, a Schauenburgicis fratribus, Georgio, Reinhardo & Friderico in Alsatia captus, Isenhemii, quod Alsatiae Castrum supra Rufacum jacet, in custodia detentus est. Carolus Marchio fratribus suis liberandis cum Petro de Moersperg, Praefecto Austriaco, pluribusque Nobilibus Merensis Ecclesiae, Isenhemium eodem anno obsedit. At Goetzius de Adelsheim, Subpraefectus Palatinus, a Friderico Electore, ut Caesareo Alsatiae Praefecto, tum missus, rem ad concordiam reduxit. Georgius & Marcus sine pretio liberati. Lites vero inter Badenses & Schauenburgicos Friderici Palatini arbitrio delatae. Carolus Marchio actioni, in Iudicio Caesaris Aulico contra Schauenburgicos institutae, renunciavit. (d)

Eodem tempore Fridericus Schauenburgicus partem Isenburgici Castrum cum Terris in Mundato superiori, in Sundgo-  
via & omni Austriaca ditione, quas ipse vel conjux ejusque ex  
priori cum Stauffenbergico Nobili matrimonio filius tenuer-

Tom. II.

Ee 2

---

(d) Literae hac super re die Jovis ante Bartholomaei datae, in *Tabulario Schauenburg.* servantur. add. Caroli I. vita ad A. 1460. & ALSATIA II. LUSTR. Tom. II. p. 69.

GEORG.

rant, octo millium & quadringentorum florenorum pretio in Georgium nostrum transtulit. (e)

Hic A. 1461. solenni pompa Metensium Civitatem intravit, comitantibus eum Carolo Marchione, Johanne Trevirensi & Marco Colonienſi Canonico, fratribus ſuis, qui cum Naſſoviae Comite aliisque Principibus & ſeptingentis equis advenerant. Georgius tum vaſallos Metenſis Eccleſiæ, Comites Naſſoviae, Salmenſes, Blamontanos, Lichtenbergicos aliosque inveſtitit de feudis. Sarburgum oppidum Domino Vinſtringæ tradiſit. (f)

## §. III.

A Palatino quoque captus.

Concitato inde Moguntino bello, Adolphi Naſſovii partes una cum Johanne Trevirensi & Carolo Marchione fratribus ſectus eſt. Adolphus literis die Veneris poſt Aſcenſ. A. 1462. datis, de damno, ſi quod acciperet, Georgio cavit, quingentos annuatim florenos ex Lohnſteinenſi portorio, utprimum expugnaverit oppidum, ſe ei ſoluturum promittens. (g) At paulo poſt

(e) Literæ modo allegatæ.

(f) MEURIS. *Hiſtoire des Evêques de Metz* p. 568. ſqq.

(g) JOANNIS ad HELWICHIIUM de diſſidio Mogunt. in SERARII *Rev. Mogunt.* Tom. II. p. 162.

Georgius infelici ad Seckenhemium prælio cum Carolo fratre captus, annuam, & quod excurrit, captivitatem transegit; quadragies & quinquies mille florenorum lytro redimendus. Præterea tres arces, quas in Lotharingia habebat, Bergardum, S. Theobaldum & S. Crucem Palatino tradere, & de innocentia ejus Pontificem æque ac Cæsarem docere, curareque, ut omnem adversus eum simulatam deponerent, coactus est. (h)

Adolphus Archipræful anno sequenti Georgio pro acceptis damnis triginta florenorum millia transcripsit. (i)

#### §. IV.

Durante hoc bello Metenses, Dietheri Isenburgici partes amplexi, quum A. 1462. Canonicos Cathedralis Ecclesiæ, Adolpho faventes, expulissent civitate, a Pio II. diris devoti sunt. Lites  
cum Me-  
tensis.

Ee 3

---

(h) Vide supra in Carolo I. TRITHEMIUS in *Chron. Hirsang.* ad A. 1462. HELWICHIIUS loc. alleg. p. 180. & 181. HACHENBERG. in *Historia Friderici I. Palat.* Lib. V. pag. 149. Postrema hac conditio Georgius, conciliato paulo post cum Pontifice Cæsareque Palatino, liberatus est. JOANNIS ad SERARIUM *Rerum Mogunt.* Lib. V. Tom. I. p. 780.

(i) JOAN. loc. alleg.

GEORG.

nonici bonis redivitibusque spoliati apud Mussipontanos primum, dein Vici substiterunt, donec post quinquennale exilium redeundi in urbem ipsis fieret potestas. A. 1467. Georgius Episcopus, cui totius negotii curam demandaverat Pontifex, Canonicos Civitati, Civitatem Pontifici conciliavit: quo temporis intervallo urbem identidem inivit, litesque de censuum quorundam solutione cum Metensibus amica transactione composuit. (k)

A. 1470. Georgius arbiter fuit difficultatum inter fratrem, Trevirenses, Archiepiscopum & Fridericum Palatinum. (l)

## §. V.

Aeta ejus  
reliqua.

A. 1473. Fridericum IV. Imperatorem Metas venientem, magnifice recepit. (m) Imperator Treviros ad Comitata abiit. Georgius cum Carolo fratre, aliisque Principibus eum secutus est. Ibi cum de regia Caroli Burgundi ageretur dignitate, eumque in finem omnia praearentur, Georgio sacrandi inungendique novi

---

(k) MEURISS. loco alleg. Lib. III. p. 570. sqq.

(l) Vide supra in vita Johannis Archiepiscopi.

(m) MEURISS. loc. alleg. p. 518.



Regis partes demandatæ fuerunt. At subita profectio Cæsaris hæc omnia intervertit. (n)

A. 1474. Georgius auctor fuit pacis inter Civitatem Me-  
tensem & Lotharingæ Duce, inopinato Civitatem bello qui  
fuerat aggressus. (o) \*

Sed honorifica præfertim fuit solennis ejus ad Belgas lega-  
tio, quum A. 1477. a Friderico Imperatore Gandavum missus,  
una cum Johanne Trevirensi & Ludovico, Baviaræ Duce, in ma-  
gno Procerum consessu pathetica oratione impetravit, Maximilia-  
num Archiducem inter & Mariam Burgundicam ut decerneretur  
conjugium. (p) Paulo post Georgius noster Maximilianum co-  
mitatus est Gandavum; ejusque nuptiis cum Maria interfuit.

## §. VI.

Maximilianus, ut gratam mentem testaretur Georgio, Obitus.  
Episcopatum Ultrajectinum ei destinavit, sed antequam literæ

---

(n) COMINES *Memoires* Lib. II. Ch. 2. BROWERUS *Annal. Trevir.*  
Lib. XIX. p. 300. & 302.

(o) MEURISS. loc. alleg.

(p) PONTUS HEUTERUS *Rerum Austriacar.* Lib. I. cap. 7. FUGGER.  
*Oesterreichischer Ehrenspiegel* Lib. V. cap. 26. p. 854. sqq. MEURISS. l. c.

GEORG.

expedirentur papales, Georgius Mediovici (*q*) decessit A. 1484. d. XI. Octobr. cum per XXV. annos Ecclesiæ Metensi præfuisset. Corpus ejus in Ecclesia Cathedali sepultum est Metis. (*r*)

---

nescio, quo auctore tradit, ingens tum vitæ periculum adiisse Georgium, minantibus ei mortem Belgis, nisi matrimonium Maræ cum Maximiliano perficeret.

(*q*) *Moyenvic.*

(*r*) MEURIES, l.c. p. 590. & 552.



CAPUT

# CAPUT VII.

## MARCUS

EPISCOPUS LEODIENSIS POSTULATUS.



### §. I.

Postremus filiorum Jacobi Marcus, Ecclesiastico Marcus  
Canoni-  
cus Colo-  
niensis.  
quoque statui a patre dicatus, vix deci-  
mum egressus annum tonsuram A. 1445.  
accepit, uti supra notatum. (a)

A. 1459. possessionem Episcopatus Metensis Georgii fra-  
tris nomine adiit; cujus resignatione Coloniensis Ecclesiae Cano-  
nicatum paulo ante impetraverat. (b)

A. 1460. Marcum una cum fratre Georgio Schauenbur-  
gici Nobiles Isenhemii tenuerunt captivum. (c)

Tom. II.

Ff

(a) In vita Georgii, fratris ejus.

(b) MEURIS. *Hist. des Evêques de Metz.* p. 559.

(c) Vita Georgii ad A. 1450.

MARCUS.

Eodem anno & sequenti in Comitatu fuit Johannis & Georgii fratrum, quum ille Treviros, hic Metas solenni ceremonia ingrederentur. (d)

A. 1463. occasione transactionis inter Adolphum Nassovium & Dietherum Isenburgicum missus est Tiburum ad Pontificem Maximum legatus, ut ejus consensum impetraret. (e)

## §. II.

Fit Pro-  
tector  
Leodien-  
sis.

A. 1465. magna rerum conversio apud Leodienes occurrit, cui implicita fuit Domus Badensis, occasione Ludovici (f) Borbonii, quem Episcopum, post regimen decennale, rejecerant; Marcum nostrum in Mainburnum suum eligentes. Ludovicus, Caroli Borbonii, & Agnetis, quæ Philippi Boni, Burgundiæ Ducis, soror fuit, filius, (g) A. 1456. a Johanne Heinsbergio Co-

(d) Vita Johannis & Georgii.

(e) GÖBELLINUS in *Commentar. Pii II. Pont.* p. 328. & HELWICHIUS de *diffidio Mogunt.* Sect. XIII. p. 197.

(f) TRITHEMIUS in *Chron. Hirsaug.* ad A. 1465. Leodiensem hujus temporis Episcopum vocat Johannem, qui Ludovici fuerat decessor. Johannes jam A. 1455. Ludovico Borbonio Leodiensem Episcopatum tradiderat, ut ex MERSÆI CRATEPOLII *Electorum Ecclesiasticorum Catalogo* apud GUALTHERIUM (*Gruterum*) *Chronico Chronicorum* Tom. I. p. 158. addiscimus.

(g) SAINTY-EMARTE *Hist. Genealogique de la Maison de France* Tom. II. pag. 45.

mite, viro virtutibus & meritis gravi, Leodiensem Episcopatum octodecim annorum juvenis acceperat, commendante avunculo, Leodiensium vicino, in cujus aula educabatur. (h) Calixtus III. Pontifex difficulter consensit. Consensit tamen, postquam Burgundiae Dux bello sacro contra Turcas se accessurum spem sece- rat, quam postea fraudavit. Sed & Episcopus juvenis, morum incautus, & a sacerdotio abhorrens, Principis magis, quam Epi- scopi dignitatem affectavit, atque adeo Leodiensium spem & ipse sefellit; consecrationem Episcopalem pertinaciter recusans. Leo- dienses suspicati sunt, id quærere Ludovicum, ut consuetudine secularis administrationis continuata, regimen Episcopale dedisce- ret Civitas, atque adeo pedetentim in Ducalem converteretur, vi- cini Burgundiæ Ducis subitura imperium. (i) Multis in rebus ergo denegata sunt Ludovico & Officialibus ejus obsequia. Phi- lippus, nepotis sui jura vindicaturus, petiit a Papa, Leodienses ut interdicto subjiceret. Voluntati ejus detulit Pius II. Calixti suc-

Tom. II.

Ff 2

(h) SUFFRIDUS PETRI in *vita Ludovici Borbonii* Cap. XX. Gestorum Pon- tificum Leodiensium a Chapeavillo editor. Tom. III. p. 130.

(i) Docet hæc gravis & magni nominis scriptor, JAC. PICCOLOMINUS, *Cardinalis Papiensis*, in *Commentariis suis*, Mediolani editis A. 1506. vid. Lib. III. p. 396. In causas disensionis Leodiensium cum Ludovico Borbonio pluribus inquirunt Auctores GALLIÆ CHRISTIANÆ; qui tamen, quod mirum, ne verbo quidem meminere Marci Badensis. Tom. III. p. 903. & 904.

MARCUS.

cessor. A. 1462. Leodienfibus denunciata censura. (k) Lis tamen in Curia Romana per aliquot annos protracta, A. 1465. mense Januario a Paulo II. pro Ludovico decisa est. (l)

Inter hæc Razo Herensis, & Barius Surlch, ex Proceribus Leodienfibus ad Carolum, Marchionem Badensem, se contulerunt ejusque auxilium contra Episcopum & Philippum, Burgundiae Ducem, implorarunt; tutela Episcopatus Marco, fratri Marchionis, (m) oblata. Marcus, rejecto Borbonio, spem Leodienfis Episcopatus accepit. (n) Badenses, rem minus difficilem arbitrati sunt, quod Ludovicus XI. Galliae Rex, Borbonio Burgundoque infensus, Leodienfibus promiserat auxilia. Redux igitur Leodium Razo, convocatis ordinibus, Dominica Lætare A. 1465. *Mainburnum* (o) seu Protectorem Leodienfium proclamavit Marcum

---

(k) SUFFRIDUS PETRI Cap. 22. & 23.

(l) Bullam Pauli Pont. exhibet CHAPEAVILLUS in *Annotat. ad SUFFRIDUM PETRI* loco alleg. p. 143.

(m) Marcum SUFFRIDUS male Caroli Marchionis filium adpellat.

(n) SUFFRIDUS loc. alleg. cap. 24.

(o) *Mainburni* nomine utitur ADRIANUS de VETERIBUS Monachus Sancti Laurentii Leodienfis, scriptor coævus, in *Diario Rerum Leodienfium sub Johanne Heinsbergio & Ludovico Borbonio Episcopis*. Extat in MARTENE Coll. *Veter. Scriptor.* Tom. IV. p. 1257. fqq. *Mainburni* ex *Mundiburdio* medii ævi voce, vulgus corruptit. Vox denotat tutorem, defensores & in Chartis Belgicis præsertim varia inflexione occurrit, ut CANGIUS docet.

Badensem, quem Friderici Cæsaris affinitas, triumque fratrum, Caroli Marchionis, Johannis Trevirensis & Georgii Metensis Antistitum opes præsertim commendaverant. Razoni se opposuerunt Johannes & Eberhardus, ex Arenbergenfium familia, pater & filius, Comites Marcani, qui Leodiensis ditionis vicinæ protectionem jure hereditario sibi vindicabant; Badensibus alioquin infesti, cum quibus lites eis intercedebant & bella. Prævaluit tamen Razonis auctoritas, atque unanimi omnium consensu Protector electus est Marcus; qui de eventu rei sollicitus, cum tribus fratribus tum Metis (*p*) agebat. Eo missi Leodienfium legati, Marcum invitarunt, ut circa Paschatis festum solennis inaugurationis causa Leodium veniret.

Ludovicus XI. Galliae Rex, intestinis Procerum turbis agitato, Leodiensibus destinaverat literas, quibus Nivernenfem Comitem Protectorem illis obtulit; sed de Badensis electione certior factus, in eandem consensit. (*q*)

## Ff 3

---

(*p*) Fratres Marchiones Metis progressi sunt Coloniam, quo Leodienfium legati venientes, armata manu eos duxerunt Leodium. WERNERUS TITIANUS *Annalium Novesium Auctor* in MARTENE *Collect. Veterum Scriptorum* p. 608.

(*q*) Singula hæc accurate exponit ADRIANUS de VETERI BUSCO p. 1267. sqq.

## §. III.

A Leodien-  
sibus  
inaugura-  
tur.

Marcus secundo Paschatis festo splendide a Leodienſibus exceptus, inter Carolum Marchionem & Johannem Trevirenfem, (r) fratres ſuos, medius, Episcopali pompa Civitatem ingreſſus eſt, peractisque ſacris publicum Civitatis palatium inviſit. Ibi præſtito ſolenni jurejurando promiſit, omnibus viribus eo ſe allaboraturum, ut ex Proteſtore Episcopus fieret; ſequè nihil oppigneraturum extraneis, ſed civium libertates & jura conſervaturum intacta. Viciffim Leodienſes perpetuam Marchioni fidelitatem polliciti ſunt. Ab hoc tempore Marcus noſter in Literis *Regens & Gubernator ac Adminiſtrator Patriæ Leodienſis, Ducatus Boullionii & Comitatus Loſſenſis* adpellatur. Tum etiam Magiſtri, Conſules & Officialium Præſecti fidem ei præſtiterunt.

Marcus, armata manu & præcedente cum albo baculo Razione, Dinantum & reliqua Leodienſis & Loſſenſis ditionis oppida inviſit ac ubique populos in obſequium recepit. Reverſus Leodium legatos, qui Lovanio, Bruxella, Antwerpia & Silva

---

(r) WERN. TITIANUS *Annalium Novæſienſium* Auctor in MARTENE loco alleg. pag. 608. & TRITHEMIUS in *Chron. Hiſſang.* Johannem Trevir. interſuiſſe teſtantur. At ſilent eum ADRIANUS de VETERI BUSCOP. 1269. & SUFFRIDUS PETRI Cap. 25.



Ducis adveniant, salutavit. Capitulum Leodiense, quod ab initio Marcum Protectorem agnoscere recusaverat, d. XVII. Maji in ejus quoque partes transivit.

## §. IV.

Insequenti Ascensionis festo splendida Galliae Regis legatio, cui praeerat Castellionensis (s) Leodium venit, contra Burgundos & Borbonios, cum Protectore & Leodienfibus ut percuteret foedus. Res studio praesertim Razonis perfecta die XVII. Junii. Promissa sunt auxilia reciproca. Galli in Hannoniam, Leodienfes in Brabantiam impetum faciant. Rex pro ducentis lanceis, quas Leodienfes conscribant, menstrua XV. librarum Turorensium stipendia solvat; in singulas lanceas tres equites computati. Praeterea conventum, ut de confirmatione Marci cum Pontifice Ludovicus Rex ageret, neque obedientiam ei praestaret, antequam obtinuisset petita. (t)

Inito hoc foedere, Carolus Marchio rediit domum, milites ut colligeret pro Gallo. Marcus vassallos Leodienfis Ecclesiae ad investituram feudorum suscipiendam adegit. Bona Episcopatus

Foedus  
init cum  
Lud. XI.  
Galliae  
Rege.

(s) Sire de Chastillon.

(t) Foedus hoc extat in LEONARD. *Traité de Paix* Tom. I. pag. 60. & du MONT *Corps Diplomat.* Tom. III. p. 328. Addatur ADRIAN. de VETERIBUSCO loc. alleg. p. 1274.

MARCUS.

sibi afferuit. Absentium, ut & eorum, qui in verba ejus jurare detrectaverant, facultates sisco addixit.

## §. V.

Adversa  
factione  
oppressa  
postula-  
tur Epi-  
scopus.

Exspiraverat quadrimestre tempus, quo Pontifex interdictum in Leodieneses suspenderat. Magna inter eos animorum commotio. Clerus Protectorem adiit, rogans, ut de servando interdicto cum populo ageret. Annuit Eadensis; sed Dominus de Bare, Razo, alique, qui Leodii rerum potiebantur, intervertunt consilia Cleri, & convocato ad palatium populo, falsam Pontificis bullam & interdictum nullum esse ostenderunt. Canonico- rum, qui aufugerant, vel intermiserant sacra, domus spoliatae, bonaque sub hasta sunt vendita. Protector cum Magistris & Consulibus Urbis, creato suarum partium Officiali, jurisdictionem sibi arrogarunt utramque. Borbonius Hoyo pulsus, & occupato a Leodiensibus oppido, Marcus ibidem inauguratus Protector.

Florentibus ita Marci rebus conscriptæ ad Pontificem literæ sunt, quibus ille trium statuum nomine postulabatur Episcopus; rejecto Borbonio, quem viginti rationibus allegatis impulsus, Episcopum se agnituros negarunt. Leodiensium literis suas quoque addidit Ludovicus XI. Gallia Rex, qui fœdere, supra indicato, ad sollicitandum ea super re Pontificem se obstrinxerat. Literæ hæ perferendæ Romam datæ Hugoni Benefacti, thesaurario Metensis Ecclesiæ, quem cum fratre Leodii reliquerat Meten-

fis Antistes; eique in mandatis datum, ut pro impetranda Badensis confirmatione, omnem Romæ lapidem moveret.

### §. VI.

Hæc dum agerentur Leodii, Carolus Marchio instruendo aduersus Burgundos bello totus incubuit, coactisque domi quadringentis hastiferis & peditibus sexaginta, cum omni apparatu bellico, sub initium mensis Augusti Leodium rediit. Eodem tempore insignis pecuniæ summa, solvendis militum stipendiis, e Gallia fuit allata. Leodieneses tum Philippo, Burgundiæ Duci, bellum denunciarunt. Protector suo quoque nomine facialem misit Bruxellas, quem Dux, lenissimus Princeps, liberaliter habitum, vestibus & auro donavit.

Inducto  
Burgun-  
dis bello  
domum  
redit.

Sed de belli ratione tandem fuerat deliberandum. Heic alii in Brabantiam ex fœdere cum Gallis, alii in Limburgensem ditionem educendas esse copias censuerunt. Prævaluit posterior sententia Badensium studio, qui de reditu solliciti, longius progredi noluerant. Unde Leodieneses, Carolo Marchione & Protectore ducibus, Civitate egressi, in Limburgenses terras irruptionem fecerunt, pluribusque vicis immani crudelitate deletis, Falcomontem obsidione cinxerunt quarto die Septembris. Hærente ibi Leodienfium exercitu, quum allatus esset nuntius, Ludovicum Borbonium, Burgundicis instructum copiis, liberandi oppidi cau-

MARCUS.

fa, propius accessisse, Marcus, cum fratre Carolo & adducto equitatu, Leodienfium castra noctu reliquit, (u) magnisque itineribus in Marchiam contendit.

Fugæ  
hujus  
causæ.

Leodienfium crudelitatem animique levitatem horruerunt Marchiones; frequentibus etiam Trevirensis & Metensis fratrum Antistitum literis moniti, ut seditiosi populi causam defererent, quam gravi sententia damnaverat Pontifex. Accessit, quod eodem tempore Ludovicus Galliarum Rex, pace cum Carolo, Carolesii Comite Philippi boni filio, facta, Leodienfes neglexerat: quodque Carolesius, ordinatis Gallicis rebus, in eo jam erat, ut conjunctis cum patre copiis, omnem belli molem in Leodienfes converteret. (x)

## §. VII.

Astra reli-  
qua cum  
Leodien-  
sibus.

Excusandæ tamen fugæ suæ Marchiones nostri legatos miserunt Leodium, qui bonorum relictorum æssimationem inirent. Sed male a Leodienfibus excepti, re infecta reversi sunt. Leodienfes cum Ludovico Borbonio & Burgundiæ Duce redierunt in gratiam. At anno insequenti 1466. novam rebellionem parantes, de revocando Badensi iniverunt consilia. Invaluit factio, quæ in contemptum Borbonii, nomen Badensis per omnes Civitatis pla-

(u) D. 5. Sept. A. 1465. ADRIANUS de VETERI BUSCO. SUFFRIDUS PETRI locis allegatis. CHRONICON MAGNUM BELGICUM p. 420.

(x) SUFFRIDUS PETRI loco citato. COMINÆUS *Memoires* Lib. I. Cap. XIV.

teas, festivis acclamationibus circumtulit, detractisque Forbonii insignibus, arma Badensia ubique suffixit. Marci imago ad omnes urbis portas collocata habitu clericali, angelis mitram super caput tenentibus. Missa quoque ad Marcum legatio, quæ reditum ei persuaderet. Hic cum fratribus ea de re se communicaturum respondit, atque in literis ad Leodienses, quibus devotum eis animum spondet, *Regentem* adhuc *patriæ Leodiensis*, *Ducatus Boulonienfis & Comitatus Loffenfis* se scripsit. At Marci cunctationem indignati Leodienses, imagines ejus & Badensia insignia sustulerunt ubique. (y) Carolum autem Burgundiæ Ducem, qui A. 1467. patri successit, perpetuis laceSSiverunt injuriis usque ad A. 1468. quo illa ira commotus, inspectante Ludovico XI. Rege, Civitatem flammis delevit. (z)

Abdicata Leodiensium tutela, Argentinensem Canonicatum Marcus accepit. Unde natus eorum error, qui eum Argentinenses inter Episcopos ponunt. (a)

Tom. II.

Gg 2

(y) ADRIANVS DE VETERI BVSCO loco allegat. pag. 1290. seqq. MEYER. in *Annal. Flandricis* Lib. XVI. p. 356.

(z) COMINES *Memoires* Lib. II. Chap. 1. 2. 3. 4. 7. 10. 11. 12. 13.

(a) REYSNERVS in *Genealogico Opere* pag. 513. eum in ipso limine officii obiisse tradit A. 1478. quo auctore, ignoro. Vacaverat illo anno Argentin. Ecclesia morte Ruperti Bavari; cui Albertus ex eadem domo Antistes, interjecto vix unius mensis spatio successit. GALLIA CHRISTIANA Tom. V. p. 815.

MARCUS.

A. 1471. Comitibus Ratisbonensibus cum Johanne Trevirenfi interfuit.

## §. VIII.


Obitus.

Obiit A. 1478. 14. Kal. Sept. postremus filiorum Jacobi; quorum indolem & felicia fata IRENICUS (b) his verbis exponit: „ O felicissime omnium Jacobe Marchio, cui nihil quod „ felicitatis esset, defuit, beatus partu, ac beatior fortuna tam „ corporis, quam animi bonis: beatissimus liberis beatissimis, & „ te multo beatioribus. Collocabatur tibi conjugio, Caroli Lotharingi Ducis filia, thorus Ducatu insignitus: filios sex fortuna indulgit, unum, cujus nomen inter Divos relatum est, duos „ Episcopatibus amplissimis instructos, tertium Episcopatu Argentinenfi quam proximum. Ante obitum quoque videre tibi „ datum est, Carolo potentissimo, qui adhuc extiterunt, Marchioni, filio, Friderici III. Cæsaris forem in uxorem copulari, unicam filiam Alberto Brandenburgensi Marchioni ac „ Imperii Romani Electori destinatam. „

---

(b) *Excerptis Germaniæ* Lib. III. cap. 101. p. 158.

---



Tom. I.

# P. H. O R I A N A.

---

---

ab. I I I.

ultimo Marchione, cum Rœtela

Rodemachern, &c. ei concedit.

5 I 7.

R U M.

---

COLUS.

natus A. 1476.

Argentis

afis

510.

NGUS

na

A†

22.

5. CHRISTOPHORUS.

natus A. 1477.

Canonicus Argenti-

nenfis.

† A. 1508.

II SIBYLLA.

nata A. 1485.

Uxor Philippi Com. Hanov.

A. 1503. † 1527.

6. PHILIPPUS.

natus A. 1478.

† A. 1533.

die 17. Septembris

Uxor: Elifabetha,

Philippi Elector. Palat.

filia

A. 1503.

† A. 1522.

---

JACOB.

natus

natus

ci

511.

MARIA

EVA.

nata &

† 1513.

JOHANNES

ADAMUS.

natus &

† 1516.

MAXIMILIANUS

CAESAR.

natus

& † 1519.





# PERIODUS V.

SIVE

## CHRISTOPHORIANA

### CAPUT I.

### CHRISTOPHORUS

A. 1475 --- 1527.

## §. I.



ernhardianam Periodum, bellicis agitatam tumultibus <sup>Introdu-</sup>  
excipit Christophoriana; primis sub Marchioni-  
bus tranquillior; sub mediis bello quoque stre-  
pens & armis.

Pax publica, veteri ignorata Germaniæ, in solennibus Wor-  
matiae Comitibus seculo XV. finiente condita, non Marchiæ modo  
Badensi, sed omnibus Germaniæ terris tempora pacatiora induxit.  
Velitationes continuæ, diffidationes quas vocant, quæ per tot sæ-  
cula miseram turbarunt Germaniam, in perpetuum proscriptæ sunt.

CHRIST.

Bonæ literæ & artes, ex Græcia per Italiam Germanis allatæ, bellicosam nationis indolem non parum mitigaverant.

Verum enimvero ipsæ hæ politiores literæ, homines humaniores quæ reddunt; quæ magnum Germaniæ decus attulerunt & lumen, magnis quoque in cultu religioso conversionibus rerum occasionem dederunt. Marchiones Badenses, aliorum Germaniæ Procerum exemplo, vel veteribus vel novis sacris addicti, sacrorum suorum formam populis, sibi subiectis, quoque dederunt pro lege. In Marchia utraque Badensi, in Hachbergica ceterisque horum Principum terris cultus divini ratio aliquoties mutata, restaurata, abolita; donec bello tricennali, medios inter belli furores, duas inter Lineas Badenses, quæ subsistunt, res denique transacta, & Westphalica Pacificatione firmata.

## §. II.

Christo-  
phori ini-  
tia.

In limine hujus Periodi stat Princeps, quo majorem, meliorem nunquam Marchia vidit, CHRISTOPHORUS, pacis & belli artibus clarus; verus populi sui pater.

Immortalis memoriæ Princeps primam lucem aspexit A. 1453. d. 13. Novembris, magno patre major & felicior filius, cui in Marchicis terris cum fratre successit. Juvenis viginti duo annorum ad Fridericum IV. Imperatorem, avunculum suum, Francofurtum profectus est, qui excelssæ indolis nepotem in comitatu suo retinuit, eique Badensia Imperii feuda, Alberto quoque fratre

includo, solenni ceremonia contulit. In laterculò feudorum utraque Badensis & Hachbergenfis Marchia, Ebersteinii Comitatus dimidia pars, Dominium Ufenberg, Windeckiana Bona cum Stutzhemio Alfatiæ vico enumerantur. (a) Prima hæc, quam novimus, investitura Hachbergæ a Cæsaribus facta; præcedentes de sola Badæ Marchia loquuntur.

### §. III.

Antiquis Imperatorum Privilegiis accefferunt tum nova; <sup>Privileg. Cæsar.</sup> quorum summa huc redit. Marchionum Badensium Vafallos, officiales, subditos & qui in eorum sunt protectione seu advocatia, coram Judicio Cæsaris Aulico, Rotwilensi, vel Provincialibus aliisque judiciis convenire non liceat; sed lites eis motæ, ad ipsos Marchiones vel ad eorum tribunalia remittantur. Quod si iustitiæ rationem non habeant Marchiones, aut ultra sex septimanas & triduum protrahant litem, actori sit integrum ad alium quoque iudicem causam deferre. E terris Badensibus profugos, dominis invitis, recipiat nemo, sed petentibus Marchionibus eorumque Præfectis, etiam post viginti restituat annos. Proscriptos recipiendi jus tribuitur Marchionibus; qui tamen prosequentibus eos admi-

(a) Literæ die Veneris ante Simonis & Judæ conscriptæ exhibentur a LUNIGIO, *Reichs-Archiv Fortsetzung der anderen Continuation Vierter Abtheilung, Neunter Absatz* pag. 947. SCHILTER in *Scriptorib. Rerum German. inter Documenta* p. 101.

CHRIST.

nistrent iustitiam. (b) Serenissimi (*Durchleuchtig*) titulus a Christophori tempore Marchionibus Badæ hinc inde tribuitur, Cæsares tamen, nec in hoc privilegio nec in sequentibus ante Leopoldum Imp. A. 1664. hujus tituli meminerunt.

## §. IV.

Varia.

Eodem anno (1475.) in Colonienſi conventu bellica contra Carolum Burgundum expeditio decreta. Cæſar menſis Maji initio cum octogiuta millium armatorum exercitu Colonia egreſſus, ad Novesium, quam urbem Carolus obfederat, contendit. Poſt duos conſlictus ſoluta obſidio & pax inita fuit. (c) In expeditione hac copias quoque ſuas Cæſari adduxit Chriſtophorus; (d) qui eo ipſo tempore cum Wirtenbergæ Comitibus ſuper fabricam communis monetæ ad decennium Leonbergæ conventionem inivit. (e)

Alber-

---

(b) Super privilegia hæc Diplomata duo, A. 1475. die Martis ante Simonis & Judæ data, exhibet LUNIG loc. alleg. p. 944. fq. SCHILTER loco alleg. p. 103. & 105.

(c) MICHAEL BOIEMUS in *Vita Alberti* §. 9. JAC. UNRESTVS in *Chron. Austr.* pag. 597. EMANUEL SUEYRO *Annales de Flandres* p. 525.

(d) GERARDUS A ROO pag. 281. ſcribit: „Eodem die advenit Chriſtophorus Marchio Badeniſis & poſtridie Henricus Haſſorum Princeps „Hermanni frater cum non contemnendis uterque copiis.

(e) PETRI *Suevia Ecceſiaſtica* p. 710.

CHRIST.

Albertus frater A. 1476. Marchiam ei omnem per sexennium soli regendam reliquit; quo tempore elapso, instituta est inter fratres divisio, conciliante Sausenbergico Marchione Rudolpho. Christophorus Marchiam Badæ & dimidiam Comitatus Ebersteinii, atque Dynastiæ Lahrensis oppigneratæ partem accepit. Alberto Marchia tota Hachbergæ obvenit. Fratrum utrique terras oppigneratas reluendi ius servatum, & hereditas matris. Cum autem Maximiliano contra Brugenfes operam præstans, in obsidione Belgici oppidi Damm Albertus A. 1488. periisset improlis, Marchicas suæ lineæ terras omnes solus denique conjunxit Christophorus.

Pacta  
cum fra-  
tre.

## §. V.

Hic A. 1477. cum Moguntino, Trevirensi Electoribus, Variis aliisque Imperii magnatibus Maximilianum in Flandriam comitatus est, ut solennitati nuptiarum, quas ille cum Maria Burgundica celebravit Gandavi, interesset. (f)

Eodem anno diploma a Friderico IV. obtinuit; quo firmatum est privilegium Carolo patri ejus datum, ut intra unum a Pfortzheimio milliare, a vectoribus super quacunque via exigii posset vectigal. (g)

Tom. II.

Hh

(f) HARAEI *Annales Brabantiae* Tom. I. p. 452. LE PETIT *Chronique de Hollande &c.* Tom. I. Liv. 6. p. 524.

(g) Scriptum Vindobonæ die ultimo Martii extat in LUNIG loc. allegat. p. 948. & SCHILTER p. 107.

CHRIST.

A 1479. Albertum, ex Comitum Palatinorum familia Argentinenſium Antiftitem, cum more majorum Civitatem introiffet, una cum Philippo Electore Palatino aliisque Principibus Chriſtophorus comitatus eſt. (*h*)

Tum quoque Maximiliano Archiduci, bello cum Gallis implicito, utilem navavit operam; capto inter alia Luxemburgi Caſtro; ex quo Johannem Domarianum, Gallicæ partis equitem ejecit, teſte inſcriptione Luxemburgi ſuperſtite, quam exhibet BERTHOLETUS. (*i*)

## §. VI.

Successio  
Cattimeli-  
boc.

Eodem anno (1479) Philippus, Cattimelibocensium Comitum postremus, decessit, septuaginta septem annorum senex; filiam Annam & ex filio cognomine, qui viginti quinque annis an-

(*h*) *Chronicon Mſept. Argent. Anonymi.*

(*i*) *Hiſtoria Luxemburg.* Tom. VIII. pag. 7. Inſcriptio hæc eſt:

Mefſire Chriſtophe Marquis de Baden

Preſentement Capitaine & Gouverneur

du Duché de Luxembourg

Prit par les armes ce Chateau de Luxembourg

Au nom de tres haut & tres puiſſant Prince & Seigneur

Maximilien Roi des Romains

Sur Jean de S. Domarien Chevalier qui pour lors

Tenant le parti du Roi de France & des Flamans

L'occupoit contre le fuſdit Roi des Romains.

te patrem obierat, unicam neptem relinquens Otiliam, Christophori Marchionis nostri uxorem. Anna Henricum Landgravium Hassiæ habuerat conjugem. Inter duas has Principes, amitam nempe & fratris filiam, de successione certatum.

Cattimelibocensis Comitatus, uti pleræque Imperii ditio-  
nes, allodiis constabat & feudis. Feuda vel ab Imperio, vel a  
Principibus Ecclesiasticis, præsertim Herbipolensi Episcopo, aliis-  
que pendeant. (k) Otilia dimidiam hereditatis avitæ partem ju-  
re repræsentationis sibi deberi contendit; allodia magis, quam feu-  
da affectans. (l) Anna vero Comitatum vicinum omnem, Hassi  
conjugis sui ope, occupavit; feuda ex conventionem foci cum do-  
minis directis, (m) allodia jure sanguinis sibi vindicans; proxima  
heres defuncti; (n) filia quod gradu propior nepte.

Tom. II.

Hh 2

(k) MULLERI *Reichstags- Theatr. sub Maximiliano I. Part. I. 2te Vorstellung.*  
Cap. 69. §. 10. p. 611.

(l) „ *Ihre Fürderung und Ansprach um ihr Anherrlich Vetterlich und Müt-  
terlich nachgelassene ligende Erbgüter und fahrende Habe und ihre Ge-  
rechtigkeit der obgedachten Grafschaften Katzenelnbogen und Diez.* „  
Verba sunt Instrumenti renunciationis Otiliæ.

(m) Ad conventionem hanc provocat Hassi; teste MULLERO loco allegat.  
pag. 5. JurisConsulti Parisienses in Responso super litem inter Hassios &  
Nassovios, pro Philippo Hassiæ Landgravio pronuntiant; habita præsertim  
ratione literarum simultaneæ investituræ, quas A. 1470. Philippus Comes  
Cattimelibocensis ejusque gener Henricus. Hassius à Rudolpho Herbipo-  
lensi Episcopo obtinuerunt. Vid. CAROLUS MOLINÆUS *Con-  
sil. 18. Operum* Tom. II. p. 865.

(n) In Instrumento renunciationis Otiliæ Henricus Landgravius vocatur

## §. VII.

Lis de ca  
& renun-  
ciatio.

Christophorus Otiliæ uxoris suæ nomine in Aula Cæsarea A. 1480. litem instituit, ac Fridericum fratrem, qui dein Ultrajectensium Antistes, misit ad Cæsarem, causam ut ageret præfens. (o) Cæsar Landgravium ad tribunal vocavit. (p) Sed post biennii moram, separatio allodiorum a feudis & alia, quæ in disceptationem veniebant, difficiliorem in dies cum redderent litem, Hassio constanter in possessione Comitatus manente, Christophorus denique in amicam cum Landgravio transactionem consensit; accepta, quam Henricus obtulerat, pecuniæ summa. Actio- ni in hereditatem avitam renunciavit Otilia, servato sibi tantum successionis jure, si quando omnis Henrici extingueretur posteritas. Instrumentum hac super re A. 1482. mense Majo conditum est Badæ. (q)

---

„ Der nehmte Erb der Græfchaft Katzenelnbogen und Diez von wegen  
 „ der Hochgebohrnen Fürstinnen seiner Gnaden Gemaheln, Frau Annen  
 „ Landgrävin zu Hessen etc, gebohrne Grävinne zu Cazenelnbogen und zu  
 „ Diez, des gedachten Graven Philipps Tochter. „

(o) Literæ Credentiales, quas vocant, Friderico ad Cæsarem datæ, extant in Tabulario Bada-Badenfi.

(p) Mandatum Imperiale cum citatione in eodem Tabulario servatur.

(q) MULLERUS Reichstags-Theatr. sub Friderico IV. Vte Vorstell. Cap. 12. pag. 55.



Ita ex divite Cattimelibocensi successione ad Badenses nihil pervenit. Christophori avunculus Cæsar procul dubio induxit eum, ut cum Hassio transigeret; quod in Aulico iudicio eum causa casurum esse existimavit.

## §. VIII.

Post institutam cum Hassio litem Christophorus A. 1481. in expeditione Geldrica Maximilianum secutus est. (r) Expedi-  
tio Gel-  
drica  
aliaque.

A. 1486. Electores ad eligendum Romanorum Regem Francofurti convenerant. Marchio noster Friderico Imp. ad conventum hunc proficiscenti comes adhæsit. (s) Habita tum quoque Imperii Comitia, in quibus de bello contra Turcas quæsitum. Christophoro, una cum Wurtzburgenſi & Passaviensi Episcopis & Brandeburgi Marchione, id datum negotiū, ut deliberatione cum legato Pontificis habita, decernerent, quid factū sit opus, eaque de re Cæsarem & Electores docerent. (t) Maximilianus Rex Romanorum electus, coronationis causa Aquisgranum deductus est. Christophorus & Albertus frater in itinere nobilium agmen duxerunt. (u)

## Hh 3

---

(r) LE PETIT *Chronique de Hollande &c.* Tom. I. Liv. 6. p. 557.

(s) MYLLER. *Reichstags-Theatr. sub Friderico IV. Vlte Vorstellung* Cap. 1. pag. 2.

(t) FYGGER. *Speculum Austr.* Lib. V. Cap. 35. p. 952.

(u) IDEM loc. cit.

## §. IX.

Expedi-  
tio ad-  
versus  
Brugen-  
ses.

Biennio post Civitas Brugenfis, feditione commota, Maximilianum Regem custodiæ mancipaverat. Fridericus pater LXXIII. annorum senex, habitis per Imperium delectibus, quantas potuit copias, filio liberando in Belgium adduxit. Christophorus cum Alberto & Friderico fratribus quater mille pedites, quos suis sumptibus collegerat, exercitui Imperiali conjunxit. (\*) Fama de Cæsaris adventu in Flandriam delata, Brugenfes facinoris pœnitentia ducti, reliquorum Belgii ordinum interventu, post quartum captivitatis mensem libertati restituerunt Maximilianum; præscripta ei pacis formula, quam jurejurando sancire coactus est. Refractaria ille urbe relicta ad patrem iter paravit; sed nondum excefferat Brugenfium fines, quum Belgarum legati, firmandæ pacis causa, eum adirent. Maximilianus, iratum Cæsaris animum intercessione aliquot Germaniæ Procerum mitigandum esse censuit, commendavitque Christophorum ejusque fratres Albertum atque Fridericum, ut ope eorum in gratiam reducerentur Brugenfes. Badenfibz licet injunxerit Cæsar, Flandricas rebellium terras ferro ut persequerentur & flammis, apud eum tamen intercesserunt pro Flandris. Sed flecti non potuit Cæsar, qui cum

(\*) FVGGER. loco allegat. Lib. V. Cap. 36. pag. 999.

OLIVIER DE LA

MARCHE *Memoires* Lib. II. p. 641.

omnibus copiis in agrum Gandavensem progressus, in vicina urbis castra locavit; Flandris è Gallia arcessentibus auxilia, quibus ruinam imminentem averterent. Deinsam, haud ignobile ad Lisam oppidum, Galli Flandrique infederant, prohibitori, ne Cæsari ex Hannonia adveherentur commeatus. Christophorus cum quatuor millibus Germanorum peditum missus, nocturno impetu oppidum expugnavit, quadringentis fere hostium caesis. In Gandavenses deinceps & Brugeses sævitum. Cæsar, relictis cum filio copiis, in Germaniam rediit. In Comitibus Francofurtanis A. 1489. denique compositum est bellum. Conventui huic inter alios Procere Christophorus quoque cum filio Jacobo interfuit. (y)

## §. X.

Luxenburgici Ducatus Regimen pro præstitis officiis Maximilianus Christophoro eodem anno ampla cum potestate tradidit; (z) militarium & civilium rerum ei potestatem committens. In beneficiorum ecclesiasticorum collatione jus præsentandi exercuit; magistratus officio male functos exauctoravit. (a) Promissit Maximilianus, dignitatem Christophoro se non ablatum, nisi debito eum præmonuerit tempore atque impensarum ratione satis-

Regimen  
Ducatus  
Luxemb.  
Marchio-  
ni com-  
mittitur.

(y) PONGVS HEYTERVS *Rerum Austriacarum* Lib. III. Cap. 10. II. 16.

FVGGER, loco alleg. p. 999. sq.

(z) BERTELLI *Descriptio Luxemburgici Ducatus* p. 485.

(a) Diploma Middelburgi die 20. Aug. datum in Codice Diplom. exhibemus.

fecerit. (b) Quin & per Vicarium ut regeret Ducatum Marchioni permisit. Luxemburgi Castrum iisdem conditionibus ei traditum est. (c) Marchio, Præsule Cameracensi præsente, Regi fidem adstrinxit. (d)

Silvanectensis Pacis, inter Maximilianum Imperatorem & Carolum VIII. Galliae Regem A. 1493. initæ, tabulas custos & vindex pacis Christophorus sigillo quoque suo firmavit. (e) Hæc de Belgis; nunc ad Germanos redeundum.

### §. XI.

Idem  
Fœderis  
Suevici  
focius

Maximilianus Romanorum Rex vix fuerat electus, quum omnibus viribus eo allaboravit, perpetua pax publica tandem ut in Imperio vigeret. Prælusit pace tum ad decennium constituta; cui

(b) Codex Diplom. Badensis.

(c) Idem Cod. Diplom.

(d) Gubernium hoc Carolus I. Hispaniæ Rex, Belgii Princeps, A. 1518. Christophoro de novo commisit. Idem Cod. Diplom. ad hunc annum. DROLINGERVS in *Lexico Basil.* in Vita Christophori scribit, Maximilianum Christophoro Luxemburgicum oppignerasse Ducatum atque eum postea reluisse; sed asserti sui auctorem non profert.

(e) LEONARD *Traité de paix* Tom. I. pag. 365. Germanis & Belgis Warandæ Pacis astatior, illis præsertim temporibus, quibus paces publicæ non nisi temporariæ erant. In Westphalica Pace usus hic quoque adhibitus est.

cui porro firmandæ biennio post Suevos induxit, ut Equeſter eorum Ordo Liberæque Civitates inter ſe ad octennium fœdus ini-  
rent Eſlingæ, quod Baviaræ Ducum & Helveticæ Ligæ retardaret  
progreſſus. Suevico fœderi Chriſtophorus, à Maximiliano in-  
ductus, A. 1489. die Palmarum acceſſit, quod & Moguntinus  
Electoꝝ, Brandenburgici Marchiones, Archidux Auftriæ, Wirten-  
bergæ Dux eodem die fecerunt. (f)

## §. XII.

Memorabilior in Badenſium Chronicis inſequens annus eſt, Pactum ſucceſſionis Sauſenberg.  
(1490) quo via parata, ut patrimoniales eorum terræ, per tria  
ſere ſecula a terra matre diſtractæ, in unum corpus redirent.

Die Jovis poſt B. Bartholomæi Philippus Marchio Sauſen-  
berga-Rœtelanus ſuæ linæ poſtremus, mutue ſucceſſionis pa-  
ctum, quod ſtilo domeſtico: *Das Rætliſche Gemechte (g) vel*  
*Erbeinigung* Badenſes appellant, cum Chriſtophoro inivit; Sa-  
crum Domus Badenſis Palladium. Quamvis enim Sauſenbergi-  
cæ Linæ, quæ junior erat; ad interitum vergenti, ſenior ſucce-  
dere debuiffet, a ſtipite communi quod fuerant prognatæ; recipro-  
ca tamen linearum ſucceſſio novo pacto roborata eſt; cujus ca-  
pita præcipua heic proponimus Lectoꝝ.

Tom. II.

Ii

(f) DAT. de Pace Publica Lib. II. cap. 9. &amp; 10.

(g) Diſpoſitio, Conventio, Germanis tum dicebatur *Gemechte*, *Gemechtus*.

Si Christophorus sine mascula herede decedat, Marchia Hachbergæ cum Hohinga & oppido Sulzberg ad Philippum perveniat. Philippo absque masculis decedente heredibus, Dynastiæ Rætela, Saufenberga, Badevilla ad Christophorum perveniant. Unionem hanc hereditariam Officiales & subditi utriusque partis accipiant & jurejurando confirment. Neuter aliquid ex Marchicis his terris alienet. Si aliquid vendatur, rei venditæ pecunia in aliam rem utilem vertatur. Libera sit rerum oppigneratarum superfluiti relutio. Vidualicia uxorum super has terras sint licita. Principis filiæ eos ad octo mille florenos ascendant. Viduales & dotales terræ suo tempore redeant ad corpus. Alienatio permittitur, si quis Marchici sanguinis ex captivitate redimendus, vel si pia instituenda fundatio. Deficientibus masculis Marchicæ terræ ad filias transeant. Officiales si qui novi creentur, in Pacta hæc jurent. Singulis decenniis subditi jusjurandum renovent.

Transactiorem hanc Maximilianus Cæsar A. 1499. d. 13. Aug. Friburgi Brisgovie sua auctoritate roboravit per literas, quibus tamen, infcio Christophoro, clausulæ quædam insertæ fuerunt, de quibus infra differitur.

### §. XIII.

Turbæ  
Weissen-  
burg.

Weissenburgensis Abbatiae Regalis Benedictinæ in Alfaria Inferiore motus, à Friderico I. Electore Palatino excitati, à Phi-

lippo Ingenuo aucti, Principes vicinos commoverunt, ut ad componendos eos A. 1491. certatim concurrerent.

Joannes Trottius, miles Thuringus, Marefchallus Aulæ, apud Philippum Monasterii Advocatum gratiofus, Abbatiam duriter habuit, atque in ejus bona manus injecit. Re Romam delata, Elector & Trottius cenfuræ ecclesiasticæ ab Innocentio VIII. subjefti sunt. Christophorus Electorem amicum, fed in omni hoc vacillantem negotio, ad transactionem cum Abbazia perducere non potuit, nisi post Trotti decessum. (h)

#### §. XIV.

Illustre hoc in Annalibus Badensium tempus est, quo Dominus hujus opes sub Principe nostro, quem augendis, ordinandis, ormandisque Badensium rebus fata destinasse videbantur, non exigua incrementa ceperunt.

Marchio  
Aurei  
Velleris  
Eques.

Initium factum est ab Aurei Velleris torque; qua Philippus Archidux, Gallicæ Belgicæ heres, quatuordecim annorum juvenis, Christophorum Marchionem anno, quem recensemus, (1491) ornavit Mechliniæ. (i)

At Maximilianus pater tutorque Philippi, strenuam consanguinei sui fidem & operam in Belgicis & Francicis bellis plu-

Tom. II.

II 2

(h) TRITHEMIUS in Chron. Hirfang. ad A. 1491.

(i) FUGGER, Speculum Austriacum Lib. V. cap. 39. p. 1042.

CHRIST.

res per annos constanter expertus, de remuneratione sollicitus, occasionem denique invenit, qua ei domuique ejus gratum animum ostenderet; Dynastias quasdam atque Dominia, in Ducatu Luxemburgico sita, A. 1492. in perpetuum ei conferens feudum, quorum præcipua Domui Badensi ad nostra usque tempora adhærent.

## §. XV.

Ditiones  
Luxem-  
burg. ac-  
cipit.

Rodemacheræ, Richemontii, Hesperingæ, (k) Bolchenæ (l) & Vfeldingæ (m) feuda intelligo. Rodemachera (n) oppidum, Dynastiæ caput, tribus leucis distans Luxemburgo, suos a longo tempore habuerat Dynastas, qui per omnem Ducatus Luxemburgici tractum terras possederunt. Sub Carolo Burgundiæ Duce, sub Maria & Maximiliano conjugibus, ut & sub

(k) In Instrumento legitur *Hesprenges*, Germ. *Herspring*.

(l) Feudum Vincentii Comitis Marcani, à Luxemburgico Ducatu pendens.

(m) Dynastiam hanc prope Rodemacheram, Domino de Clerval olim oppugneratam, Vincentius Marcanus redemerat, ut Charta nos docet.

(n) Tria sunt Ducatus Luxemburgici oppida, quæ in *Machern* desinunt *Rodemachern*, *Kanigsmachern*, *Gravenmachern*, circa Mosellam flumen. *Machern* pro *Marchern* à *Marcha* nonnulli derivant, quod loca hæc in finibus Ducatus Luxemburgi, Lotharingiam versus, sita sunt. ZEILERS in *Topographia Ducatus Luxemburgici* p. 242. ubi & annotat, *Rodenmachern* subinde *Rodenbach* appellari. Idem ZEILERS in *Itinerario Germaniæ* cap. 32. pag. 474. scribit *Rodemarch*. GVICCIARDINVS *Rodemacriam* appellat in *Descriptione Belgii* p. 292.



Philippo, filio eorum, Gerhardus Rodemacheranus in bellis, cum Ludovico XI. & Carolo VIII. ortis, Gallicas partes fovit, arma contra dominos suos identidem ferens. Maximilianus in literis feudalibus, Marchioni datis, ipse nos docet, Rodemacheræ, Richemontii, Herfpringæ Castra tormentis bellicis a se expugnata fuisse, hostibusque erepta. Castra hæc tamen cum terris noluit penes filium Philippum manere, sed ut erat indulgens, Bernhardo perduellis Gerhardi filio atque Vincentio Moërsiæ & Sarwerdæ Comiti, tradidit; iniquum existimans, filium innocentem patris, qui inter hæc mortuus est, luere peccata. Sed Moërsius & Rodemacheranus, accepti beneficii immemores, turbis super matrimonium Annæ Britannicæ inter Carolum VIII. Gallicæ Regem & Maximilianum exortis, Gallicas denuo secuti sunt partes. Captivus tum Abbevillæ in Picardia tenebatur Carolus, ex Egmontanorum Comitum familia, Geldricæ Dux; (o) cujus pater Adolphus, homo turbidi ingenii, Arnoldum patrem suum olim quoque tenuerat captivum. Carolus Audax, Burgundiæ Dux Geldricum Ducatum ceterasque terras avitas vi abstulit

## Ii 3

---

(o) Carolus hic cum Philippo Ravensteinio, copiarum Austriacarum præfecto, Civitatem Bethuniam tentaturus, A. 1487. una cum Nassoviæ Comite in Gallorum manus inciderat. JALIGNY *Histoire de Charles VIII.* in *Collectione Scriptorum Godofredi* pag. 35. BVELINVS in *Annalib. Gallo-Baudricæ* Lib. X. p. 467.

MARCUS.

Adolpho. Maximilianus per Mariam Burgundicam, Caroli Audacis filiam atque heredem, accepit Geldriam, & ad annum usque 1492. possedit. Hoc ipso anno Vincentius, Moersii & Sarwerdæ Comes, quem memoravimus, Gallicis adjutus copiis, Carolum post quinque annorum captivitatem in avitum Geldriæ Ducatum restituit. Vincentii filius, vel ex filia nepos, Bernardus Rodemacheranus Carolo VIII. Galliarum Regi, pro Geldri lytro relictus est obses. (p)

Novam hanc Vincentii & Bernardi vasallorum perfidiam Maximilianus Romanorum Rex punivit, eodemque anno 1492. Dominia utriusque Luxenburgica, superius memorata, sisco ad-

- 
- (p) Vincentius Moersanus in Literis Caroli Geldriæ Ducis, ad Fridericum IV. Imp. A. 1492. datis, vocatur Comes de Moersa & Sarwerden apud PONTANVM *Histor. Gebriæ* Lib. XI. pag. 597. Vincentii hujus filium obsidem pro Carolo apud Galliarum Regem mansisse atque in captivitate Gallica A. 1501. obisse tradit idem PONTANVS loco allegat. pag. 591. 602. 621. At Maximilianus in literis Investituræ, Christophoro Marchioni datis, Bernardum Gerhardi Rodemacherensis filium, Vincentii Moersensis nepotem & pupillum in Gallia mansisse obsidem, scribit; *Nambour Et tuteur audit Bernard son petit fils.* Pontanistamen sententiam Belgici scriptores sequuntur. PONTVS HEVERTVS *Rerum Austricar.* Lib. II. cap. 12. Lib. IV. cap. 4. & HYBERTVS LOVENS in *Synopsi de Lotharingiæ, Brabantiae & Limburgi Ducibus* pag. 174. HENRINGS in *Theatr. Geneal. Part. Priore Germaniæ* pag. 416. Bernardum nostrum Rodemacherensem Vincentii ex filio Friderico nepotem constituit. Friderico uxorem assignat Baronissam de Rodemachern.

dixit; eaque Christophoro Marchioni, Principi sibi fido, & per quadriennium jam Gubernatori Ducatus, præstita ob officia, gratus concessit in feudum. Eidem alia quoque aliorum proscriptorum bona, nempe Comitatum S. Pauli, qui etiam Rubensis dicitur, vernacule *Rouffy* (q) cum parte Domini *Fontois & Berward*, item Dominia *Florenge* (r) & *Ruland* brevi post tradidit. Dynastiam vero *Pittanges* (s) quam domino de Crehanges, ob felonie crimen ademptam, Friderico Comiti Bitensi vendiderat, redimendi potestatem Christophoro fecit. Singula hæc post Pacem Silvanectensem A. 1494. novis literis confirmavit Maximilianus; speciale hoc quoque jus addens, ut lite super illis ditionibus mota, Christophorus coram solo Cæsare aut Romanorum Rege diceret causam. Confirmatorias donationum istarum Chartas Codex Diplomaticus dabit.

## §. XVI.

In Belgio hæc dum suscepit Romanorum Rex, pater ejus Imperator Suevici fœderis socios contra Albertum Bavarie Du-

Bello Bavarico involvitur.

(q) In Charta legitur *Ruttich, diœ Sainct Paul*. Comitatus inter Luxemburgum & Theodonis villam, (Diedenhofen) quem exponit BERTELIVS in *descriptione Ducatus Luxemburgensis* pag. 256. quæ extat inter Respublicas Elzevirianas. Henricus Luxemburgi Comes Chartam A. 1262. datam ita inchoat: Nos Henricus Comes Luxemburgensis, *Rubensis* & Marchio Arlunensis, apud BERTELIVM loco alleg.

(r) In Instrumento *Florhange* prope Theodonis villam.

(s) *Pettanges*, Germ. *Puttingen* inter Luxemburgum & Arlunum, *Arlon*.

CHRIST.

cem armavit. Princeps hic, sapientem quem vocant, vicinæ Ratisbonæ libertati insidiatus, variis artibus rem eo perduxit, ut urbs, debitis onerata & quo se verteret nescia, pristinum sibi sumeret dominum atque A. 1486. Bavaricæ se subiceret ditioni. Imperio liberam Civitatem ut restitueret Bavarus, nulla Cæsaris persuasionem potuit induci. Collectus est fœderatorum exercitus ad Vindelicorum Augustam. Copias quoque suas adjunxit Christophorus. Sed antequam cum Alberto res devenisset ad prælium, Maximilianus, cui tranquillitas publica semper curæ fuit, ad saniora eum reduxit consilia atque reconciliavit cum Cæsare, quod eodem, quem exponimus, anno (1492.) evenit. Ratisbona, per sexennium libertate privata, pristinam libertatem fere nolens recepit. (t)

## §. XVII.

Robertum Marcan. in ordinem cogit.

Triennio post in expeditione Belgica Maximilianum committatus est Christophorus; S. Georgii gerens vexillum. (u)

Robertus H. Marcæ Comes Roberti I. A. 1489. defuncti, filius, vir bellax & inquires, qui postea Bullionii Ducis nomen assumpsit, (x) in Leodiensis ditionis partibus Eldainum possidebat Castrum;

(t) FVGGER. *Speculum Austr.* Lib. V. cap. 42. pag. 1055. ADLZREITTER *Annal. Boicor.* Part. II. Lib. IX. cap. 45. fqq.

(u) WENCKER de *Gleichenburg.* pag. 41. & 43.

(x) Roberti hujus abneptis Carolina (*Charlotte*) nupsit A. 1592. Turriano Vi-

Castrum; (y) cujus praefidarii per regiones vicinas rapinis suis vexabant colonos.

Philippus Archidux misit Christophorum, ut ex Luxemburgensi, Namurcensi atque Hannoniensi tractibus ad coercendos praedatores tria peditum millia colligeret. Bulainium Marchio expugnat castellum; praedatores arbore infelici suspendit; Bullionii Castrum tormentis quatit, incendit, evertit. Esdaiaum interea magnis operibus communivit Marcanus & cum trecentis militibus fortiter defendit; denique Christophoro se tradens, dimissus est liber. (z)

### §. XVIII.

Tunc temporis (1495.) habita sunt illa WORMATIAE Comitatus, quae publicam quietem apud Germanos tandem stabiliverunt. Interfuit eis Christophorus (a) atque a Caesare in mandatis accepit, ut cum ordine equestri Ortenavico ejus nomine ageret. (b) Ordo ille nuper Caroli Badensis instinctu, ejusdem publicae pacis promovendae causa, in corpus coiverat.

Gesta  
ejus  
varia.

Tom. II.

Kk

---

ce - Comiti Turenni Domuique huic Ducatum Bullionii & Sedani intulit.

(y) Esdaia ad Mosam est situm, inter Mezieres & Trois.

(z) PONTVS HEYTERVS *Rerum Austr.* Lib. V. cap. 4. FRANCISCVS HARAEVS in *Annalibus Brabantiae* Tom. I. p. 494.

(a) TRITHEMIVS in *Chron. Hirsaug.* ad h. a. DATT *de Pace publ.* p. 494.

(b) DATT loc. cit. pag. 232.

CHRIST.

A. 1496. Fæderi Suevico, in triennium renovato, accedit. (c) Tum quoque Philippus Archidux, Civitatis Viridunensis Burgundiæ Gubernatorem Marchionem nostrum constituit; (d) eidemque triennio post annuam 1200. librarum assignavit pensionem.

Anno sequenti cum Eberhardo, Wirtembergæ Duce, super advocatiam Monasterii Albæ Dominorum transiit, Maximiliano I. Imp. transactionem firmante. (e)

Dimidiam  
Lahræ &  
Mahlbergæ  
coëmit.

Eodem tempore Christophorus a Johanne & Jacobo, Moërsii Sarverdæque Comitibus, dimidiam partem Lahræ & Malbergæ coëmit; (f) ita quidem, ut utraque Dynastia a Sarwerdanis & Badensibus indivisim regeretur. A. 1629. fuerunt divisæ. Malberga penes Bada-Badenses mansit, Lahra ad Sarre-pontanos Comites, Sarverdæ heredes, transiit, qui eam deinceps Bada-Durlacensibus oppigneraverunt.

## §. XIX.

Pacem  
publicam  
renovat.

Hæc dum aguntur, Christophorus fratri suo, Trevirensi Archiepiscopo, adversus Boppardienfes rebelles, cum Palatino

(c) IDEM pag. 325. & 337.

(d) Chartam hanc, die 8. Januarii datam, Codex Diplom. exhibet.

(e) BESOLDI *Monumenta Wirtenb.* pag. 122. seqq. PETRI *Suevia Sacra* pag. 41.

(f) KLOCK, *Confilior.* Tom. II. Confil. 56.

Rheni & Hassiæ Landgravio adduxit auxilia, quibus Boppardia subacta. (g) Paci publicæ contrariari hæc visa sunt. Et tamen paulo post (1498) cum Ulrico Wirtenbergæ Duce in Comitibus Friburgi Brisgovie die 26 Julii Wormatiensis pacis publicæ fœdus in octennium Marchio noster renovavit. (h)

Neque vero Germanicæ securitati satis prospectum esse reputaverat Cæsar; nisi & augustus Imperii constitueretur Senatus, qui repræsentaret Comitia, subitisque rebus præfens afferret remedium; Turca imminente Germanis. Senatum hunc Vigintiviralem Cæsar in Comitibus Augustanis A. 1500. Statuum Germaniæ consilio instituit, & assessorem ejus constituit Christophorum. (i) Confessus nonnisi per biennium duravit; sub Carolo V. restaurandus ad tempus.

Regi-  
menti  
Imp. con-  
sors.

Eodem Cæfare suffragante, eodemque anno, Fœderi Suevico, quod in duodecim annos renovatum, (k) Marchio quoque noster accessit; magna animo consilia revolvens. (l)

Tom. II.

K k 2

(g) KNIPSCHILD. de *Civitatibus Imperial.* Lib. IV. cap. 1. p. 350. Vide Johannis Archiepiscopi Trevir. vitam supra.

(h) DATT pag. 796. & 915.

(i) MÜLLER. *Reichstags-Staat* Lib. I. cap. 5. RECESS. IMP. edit. *Senckenberg.* Part. II. pag. 84. Christophorus ad comitia Augustana Hermannum de Sachsenheim miserat legatum. FUGGER. *Specul. Austr.* Lib. VI. cap. 4. p. 1130.

(k) DATT. p. 350. 443. 446. & 473.

(l) Inter hæc Christophorum A. 1501. in Belgio fuisse ex Charta Bruxellis d.

## §. XX.

Johan-  
nam Sau-  
senb. filio  
quærit  
uxorem.

Aderat nimirum tempus illud, quo Linea Badensis junior, quæ Hachberga-Sausenbergica vel Rœtelana dicebatur, vifa est cum Philippo ad interitum vergere. Opibus hæc multum superavit Hachbergicam, cujus terras proavus Christophori Bernhardus acquisivit. Postremi tres Sausenbergæ Marchiones Burgundiæ Ducibus additi, principem Ducatus urbem frequentes inhabitaverunt Divionem. Guilielmus, Rudolphus, Philippus, pater, filius & nepos, in Burgundicis terris suis lubentes federunt. Philippus, natu quintus, Christophori filius, vividi ingenii & magnæ indolis Princeps, destinatus a patre, Johannam, Philippi Sausenbergici filiam & heredem unicam, qui duceret uxorem; ut Sausenbergicæ, Rœtelanæ, Badevilerenses terræ, vel patrimoniales vel acquisitæ, cum Badensibus jungrentur & in unum corpus coirent. Philippus XXII. annorum tum juvenis in Philippi Sausenbergici aula educabatur; gener ejus, omnes ut credere, futurus.

Christophorus, hac spe plenus, A. 1501. misit ad Philippum legatos Hermannum de Sachsenheim & Johannem de Schauenburg (m) cum Georgio Hofio, ab epistolis secretis, qui

---

27. Sept. data addicimus, cujus mentio apud OLIVAR. UREDIVM de Sigillis Comitum Flandriæ p. 133.

(m) Prior aulicus ministerialis fuit, quem vocant *Land-Hoffmeister*. Posterior dictus est *Haus-Hoffmeister*.



Johannam, ejus filiam, pro filio suo Philippo peterent uxorem. Originis, sanguinis, insignium communio; familiæ pacta vinculum hoc novum suadere, imo & exigere videbantur.

## §. XXI.

At Marchio, Johannæ pater, audita Legatorum oratione <sup>Sed fra-</sup> respondit, Ludovico Galliarum Rege infcio, infcioque Amedeo, Sabaudiae Duce, focero suo, quin & infciis vicinis focis, per quos intellexerat Bernates, filiam in matrimonium se collocare non posse. Addidit tamen elogium agnati juvenis, Philippi Badensis, ejusque virtutes & animi dotes, multis laudibus extulit. (a) Ex responso hoc, quid intenderet Philippus, intellexerunt legati; cum repulsa inexpectata domum redituri. Christophorus post hæc aliam ingressus est viam; in id unice intentus, ut moriente Philippo, Brisgovicas ejus terras, ex mutue successionis pacto, ante undecim annos inito, occuparet.

Johanna Saufenbergica, Badensem ingredi quæ debuerat Domum, Longuevillanam ingressa est; atque Burgundicas & Helveticas patris hereditarias terras sibi retinuit & ad posteros suos Longuevillanos propagavit. (o)

K k 3

(a) Hæc ex Bada-Durlacensis Tabularii volumine, quo Austregale Spirensis Episcopi Judicium in causa Landgraviatus Badensium exponitur.

(o) Vide Tomum I. *Hist. Zaringo-Badensis* p. 418. lqq.

## §. XXII.

In Sau-  
senberg.  
tamen  
Brigso-  
vie ter-  
ris succe-  
dit.

Rœtelenfis autem, Saufenbergica & Badevillensis Dynastiae, virtute pactorum, quæ supra exposui, ad Christophorum transierunt; perpetuo Badenfibz terris vinculo iungendæ. Enimvero terrarum istarum incolæ, intellecto Longuevillani, post mortem fœderi, eas postulantis, consilio, A. 1503. Rœtelenfè Castrum muniverunt præsidio, numeroque decies mille armati in Harda convenerunt australi, (p) unanimi consensu constanter professi, nullum alium se agnituros esse dominum, quam Christophorum Marchionem Badensem.

Lites de-  
super  
cum  
Longue-  
vill.

Johanna, de ablatis sibi Brigoviae Dynastiis apud Helvetios conquesta, in Camera Imperiali litem intendit, quæ inter Longuevillanos & Christophori posteros octoginta per annos continuata est. Basilienses a Longuevillanis per aliquod tempus non fuerant alieni. Res tamen, Prætoris & Senatus Bernensis arbitris d. 28. Aug. A. 1581. duarum Principum foeminarum interventu, septuaginta octo post annos, composita est.

## §. XXIII.

Transa-  
ctio.

Maria Longuevillæ & Totavillæ Dux, Novi Castri Comes, Borboniæ Dux nata, Helionori, Longuevillæ Ducis (q) vidua,

(p) Saufenhard in colle, qui a Slienga vicina dicitur der Sliengenbergr.

(q) Frater hujus Leonori fuit Franciscus Marchio de Rothelin, quod nomen

materque Henrici & Francisci, virtute potestatis, à Galliae Regibus, Carolo IX. ac dein Henrico III. acceptæ, ut & Anna, Caroli II. Marchionis Bada-Durlacensis vidua, junctis trium Marchionum adolescentium tutoribus, in urbe Berna convenerunt. Declaravit Maria, se pro CCXXV. florenorum millium summa, intra tres annos solvenda, omnibus juribus & actionibus liberorum-suorum, coram Judicio Camerali hucusque versantibus, in Roetelæ, Sausenberge & Badevillæ Dynastias, oppidumque Schopfheim, solemniter renunciare. Conditum est Renunciationis Longuevillanæ Instrumentum solenne, (r) eique Maria Borbonia cum Consiliariis Aulæ Comitatus Novi Castri subscripsit. Bernensis Civitatis nomine Chartam Dachselhoferus signavit. Adjecta sunt subscribentium sigilla.

Longuevillanæ gentis fator est Johannes de Aurelia, Duno-  
fii (*Dunois*) & Longuevillæ Comes, Ludovici Aureliani Ducis, Longue-  
qui A. 1468. decessit, filius nothus, magni animi heros. Franci-  
scus I. Johannis filius, pater fuit Francisci II. in cujus favorem  
Ludovicus XII. Galliarum Rex, Longuevillanum Comitatum A. 1505.  
g<sup>o</sup>.

---

gentilitium ad posteros propagavit ad hunc usque diem. Habetur ille pro filio spurio Francisci Longuevillani, ex concubina de Bloffet suscepto. At Bloffetam hanc legitimam Francisci uxorem fuisse docebit ILL. HOZIERIUS Insignium Franciæ iudex, ut ipse ad me scripsit d. 7. Dec. 1762.

(r) Authenticum in Tabulario Bada-Durlacensi servatur.

CHRIST.

in Ducatum erexit. Frater junior Ludovicus, Johannæ Saufenbergicæ maritus, Rœtelani Marchionis usus est titulo, quamdiu frater ejus supererat. Postea & alia hujus Domus linea titulum *Marchionis de Rothelin* accepit. Axioma hoc Longuevillæ Ducem in transactione cum Badensibus sibi reservasse ZECHIUS scribit; (s) at in Charta mentio reservationis non fit.

## §. XXIV.

Christoph.  
Philippo  
fil. terras  
assignat.

Eodem anno, quo Saufenbergensem hereditatem adierat Christophorus, Philippo ille filio suo Marchionatum Badensem, Spanhemii & Ebersteinii Comitatum partes Badenses, cum Dynastia Altensteig attribuit, ita quidem, ut omnia ad heredes transferret. Fecit hoc Heidelbergæ, Electore Philippo Ingenuo, amico suo, præsentē; quum nempe eundem Philippum cum Electoris Palatini filia Elisabetha sponsasset. (t) Immutata hæc tamen sunt A. 1510. Mulnbergæ, (u) ubi Christophorus inter tres filios seculares, Bernhardum, Philippum & Ernestum, ratione successio- nis, denuo disposuit. Sed utraque dispositio testamento, quod A. 1515. Christophorus condidit, abolita est, ut suo loco videbimus.

Impen-

---

(s) EVROP. HEROLD. Tom. I. p. 508.

(t) Die Martis post S. Pauli convers.

(u) Die Veneris S. Michaëlis.

Impensæ multiples, Longuevillanæ litis causâ faciendæ, necessitatem Marchioni nostro imposuerunt, ut A. 1504. oppidum & Castrum Weingarten ejusque præfecturam Philippo Inguenuo, Electori Palatino, pro 12000. florenis Rhenensibus, cum pacto antichretico venderet. (x)

Weingarten  
Palatino  
vendit.

## §. XXV.

Acquisiverat hæc Elector, magnam Electoratus sui partem Bavarico mox bello perditurus; eodem nempe anno proscriptus à Cæsare. Tum vero sanctæ & inviolabilis fidei ac amicitiae specimen Christophorus edidit. Nulla enim ratione ab ipso Imperatore, cui alias addictissimus fuerat, potuit induci, ut arma contra Palatinum proscriptum arriperet, atque adeo recuperaret non modo ea, quæ nuper vendiderat, sed & quæ Fridericus Victoriosus ante hos quadraginta duo annos Carolo patri captivo extorserat. Rarum Principis moderati exemplum; qui occasionem, a fortuna oblatam, maluit contemnere, quam amicum, filii sui socerum, hostibus obrutum, suis terris spoliare. (y) Ipsa reconciliatio

A bello  
Bavarico  
abstinet.

Tom. II.

LI

(x) TOLNERI *Hist. Palat.* Cap. II. p. 54.

(y) TRITHEMIUS in *Chron. Hirsang.* A. 1504. Notum est ejus dictum *Eid und Ehr, gilt bey uns mehr, dann Land und Leut gewinnen.* PAREVS *Hist. Palat.* Lib. VI. Sect. I. pag. 235.

CHRIST.

Philippi Electoris cum Cæsare intercessioni Christophori tribuenda est. (z)

## §. XXVI.

Ebersteinio proscripto terras restituit.

**Bernhardus III.** Ebersteinii Comes, Palatini vassallus & socius, in eodem bello a Cæsare devotus est diris. Bernhardinam Comitatus Ebersteinensis partem Philippo, Christophori filio, Cæsar donavit. Sed & hac liberalitate filium suum frui noluit Christophorus, eumque induxit, ut Ebersteinensis Comitatus ablatis partem Bernhardo A. 1505. restitueret; quæ nonnisi sesquiculo post, gente cum Casimiro A. 1660. extincta, variis denique modis ad Badenses rediit. (a)

Magnum præ se animum ferens.

Moderatio Christophori pro vario hominum ingenio extollitur vel reprehenditur. Palatini scriptores eam multum dilaudant. **TOLNERUS**, (b) postquam Castra, oppida, districtus,

- 
- (z) **PONTUS HEUTERVS** *Rer. Austr.* Lib. VI. Cap. 6. **FVGGER**, *Specul. Austr.* Lib. VI. Cap. 6. pag. 1155. seq. **BROWERS** *Annal. Trevir.* Lib. XX. pag. 322. Cæsarem in castris ad Kusteiniam arcem Christophorus adivit.
- (a) **ILL. PREVSCHEN**. in *Dissert. de Comit. Eberstein.* in *Carlsruher Sammlungen* pag. 422. Imo & partem Sylvæ Gernsperg Badense allodium Bernhardo & posteris in feudum masculinum concessit.
- (b) *Historia Palatina* pag. 104. Nec silentio hic prætereundus est Johannes senior, Palatino Simmerensis, qui nullo modo potuit induci, identidem licet invitatus, ut contra Philippum Ingenuum corripere arma, cum tamen opima quoque spolia ex bello isto reportare potuisset.

quos Bavarus, Wirtenbergicus, Hassus, Bipontinus, Leiningenses, Noribergenses, quin & ipse Maximilianus Philippo Palatino abstulerant, enarrasset, solius Christophori abstinentiam & magnanimitatem multis laudibus effert. Receptius tamen est Machiavelli consilium: ampliandæ potentiæ quoties offertur occasio, occasione utendum.

## §. XXVII.

Florentes tum fuerant Ludovici XII. Galliæ Regis in re- Fœdus cum Maximil. Imp.  
 gno suo & in Italia opes, ubi Mediolanensem occupaverat Ducatum; Helvetiorum fœderatus; Longuevillani, uti vidimus, Ducis fortunæ promotor.

■ Sinistri quid ab austro quum timuisset Christophorus, A. 1505. die Veneris post Lætare contra Gallos, Helvetios aliosque cum Maximiliano Cæsare fœdus inivit, quod speciatim Austriacas & Badenses in Alsatia, Brisgovia & Nigra sylva ditiores respexit. Wolfgangus, Furstenbergæ Comes, Alsatiæ superioris & Ortenaviæ Provinciarum Præfectus; Caspar Baro de Moersperg, Advocatiæ Alsatiæ Vicarius Austriacus, Cæsaris nomine; David de Landeck, Rœtelanus, & Afimus ad Lacum, Hachbergenfis Præfectus, pro Christophoro Marchione fœdus firmanunt sigillis.

CHRIST.

Spanheimia.

Biennio ante Jacobus Joanni, propatruo suo, Electori Trevirensi, in hac dignitate successerat; Christophori filius. Hic A. 1507. cum patre & cum Johanne Palatino Simmerensi, qui maximam Comitatus Spanheimensis partem tenuerant, convenit, ut lites, ob Comitatus jura quædam cum Archiepiscopatu Trevirensi exortæ, componerentur per arbitros. (c)

## §. XXVIII

Westphalici  
Jud. abolitionem  
promoveb.

Gravamina contra vetus illud inquisitorium Westphaliæ tribunal secretum, quod etiam Vemicum dicebatur, a longo jam tempore apud Germanos invaluerunt. Intolerabile visum est Imperii Statibus, cives sibi subditos, inaudita causa, ab eo judicari, damnari occulte, & a Scabinis illius Judicii, infcio ditionis domino, ubicunque deprehenderentur, occidi. (d) Sigismundus & Fridericus IV. Imp. correxerunt abusus. At anno 1470. Westphalici illi judices eo audaciæ progressi sunt, ut ipsum Cæsarem ad tribunal suum citarent. (e) Impotentis horum judicium dominationis Argentinenses pridem pertæsi, duos eorum emissarios A. 1472. damnarunt ad suffocationem in flumine.

(c) HONTHEMIVS *Hist. Dipl. Trevir.* Tom. II. p. 582.

(d) AENEAS SYLVIVS in *Europa* cap. 37.

(e) WENCKER. in *Apparatu Archivor.* p. 383.



Nefandum hoc iudicium Cæsar A. 1512. aboluit. Triennio ante Christophorus, atrocitatem iudicii hujus quoque indignatus, Argentinenſes invitavit, ut menſe Auguſto ad Hagenoenſem Conventum, contra Weſtphalicos iudices conſtitutum, ſuos quoque mitterent legatos, (f) ſœdusque contra illos renovarent. Auſtoritas, qua apud Cæſarem noſter Marchio polluit, iudiciorum horum everſionem non parum promovit.

## §. XXIX.

Eodem tempore Godesaviensis Monasterii, Durlaco vicini Abbas Jacobus, Benedictinæ familiæ, Christophoro Marchioni, Advocato Cœnobii, de terris quibusdam & juribus Romæ litem intenderat. Monachi deferuerunt Abbatem, quod temere litigasset. Prosequendæ liti cum negaretur pecunia, in Germaniam rediens, Abbatialem dignitatem deposuit Abbas. (g)

Lis cum  
Godesav.

Biennio post (1511) firmandæ pacis publicæ causa Marchio noſter ad vicennium ſpeciale ſœdus cum Ulrico invit Stutgardia; (h) ubi magno tum apparatu celebratæ ſunt nuptiæ, qui-

ſœdus  
Wirten-  
berg.

Ll 3

(f) WENCKER. loco alleg. p. 390.

(g) TRITHEMIUS in Chron. Hirſaug. ad hunc annum.

(h) DATT. de pace publ. p. 796.

CHRIST.

bus Sabinam, Alberti IV. Bavariae Ducis filiam, uxorem duxit Ulricus; (i) turbis in Imperio deinceps excitatis notissimus; a Fœdere Suevico suis terris expulsus, quod pacem publicam violasset; quam ut firmaret, cum Christophoro nunc junxerat fœdus.

Comitia  
Trev. &  
Colon.

Anno sequenti habita sunt Treviris atque Agrippinae Coloniae Imperii Comitia, quibus eum cum Ernesto & Philippo filiis interfuisse reperio. (k)

## §. XXX.

Lis cum  
Austria-  
cis de  
Saufen-  
berg ter-  
ris.

Maximilianus Cæsar Marchionem nostrum licet impense amaverit, a Consiliariis tamen inductus est, ut Brisgovica ejus jura imminuere tentaret. Res altius repetenda est.

Reciprocum illud Rætelenſe pactum, a Christophoro & Philippo A. 1490. conditum, Charta sua A. 1499. Cæsar confirmans, non modo Rætelaë Castrum & oppidum Schopfheim feuda oppignerata, sex mille florenis reluibilia, appellat, sed & ipsis Rætelaë, Saufenbergæ & Badevillæ terris larvam Landassiatum inducit; falsa opinione imbutus, Landgraviatum Brisgovie Austria-

(i) TRITHEMIUS in *Chron. Hirſaug.* ad hunc annum.

(k) TRITHEM. ad hunc annum. FVGGER, in *Specul. Austr.* Lib. VI. cap. XV. p. 1288.

ci juris esse, eique in omnes Brigovici Pagi terras suprematum adhærere. Marchio clausulam, eo infcio additam, constanter rejecit atque contra eam identidem protestatus est; nihil tamen in litteris mutatum.

Ensisheimense tribunal, cui Alsatia Austriaca & Brigovia suberant, Christophoro A. 1503. Sausenbergo - Rœtelanam hereditatem adeunte, aliquamdiu quievit. At A. 1514. Dynastiarum illarum Præfeci ad Principem referunt, quod Austriacum Regimen collectas, & militaria servitia a Marchicis exigit, quin etiam postulet, ut a judicio Rœtelano (1) ad Austriacum Regimen libera provocatio fit.

### §. XXXI.

Jacobus Nagelius, Eques, Rœtelanæ Dynastiæ tum fne- Diuturna. rat Præfectus. Causa hac magis magisque ingravescente Legati Helvetici Corporis, Bādæ in Argovia collecti, die Martis ante Simonis & Judæ Christophoro Marchioni, quin & Civitas Basiliensis Nagelio studia sua officiaque obtulerunt. Tentata subinde est compositio litis. Austregalis Judex, Spirensis Episcopus A. 1567.

---

(1) Von dem Kapff zu Rœteln. Kapsengericht, habitum in Castro Rœtelensi sub dio in loco prominente qui *Kapff* vocabatur.

CHRIST.

in prima instantia pro Austriacis sententiam tulit. (m) Lento tamen gradu in Camera Imperii lis continuata est.

Sueci Exemplo Pacis, quod jam A. 1647. die 14. April. Cæsareanis obtulerant, hæc verba inferuere: „Renunciant Archiduces Austriæ pro se & heredibus in perpetuum actionibus „ & processibus super Dynastia Rœteln aliisque ditionibus in „ Camera contra Marchiones institutis. „ (n)

Cum Isaaco Volmaro, Consiliario Cæsareo hac super re quoque egerat Fridericus V. Marchio Osnabrugæ. (o) Sed frustra laboratum.

Seculi decursu opus erat, omnis ut componeretur contentio, quam Maria Theresia denique A. 1743. terminavit, uti supra ostensum. (p)

## §. XXXII.

Marchio  
inter filios  
testamento  
disposit.

Duodecim ante obitum annis, (1515) postquam totidem lustra vitæ cum dimidio expleffet, Christophorus inter filios suos, seculo addictos, Bernhardum, Philippum, atque Ernestum postremam

(m) ADAMI Relatio de Pacificatione Westphalica cap. 28. §. 17. p. 516.

(n) A MEYERN Acta Pacis Westphal. Tom. V. p. 460.

(o) IDEM pag. 704.

(p) Tom. I. *Hist. Zaringo - Badensis* p. 413.

nam divisionem terrarum & Pragmaticam sanctionem Domus constituit, quæ hodieque servatur. Præcipua sanctionis hujus capita proponimus lectori.

1. Dispositiones A. 1503. & 1510. a Christophoro factæ abrogantur.

2. Bernhardus, filiorum senior, dimidiam partem Comitatus Spanheimensis posterioris, una cum Luxemburgicis Dynastiis, Rodemacher, Reichsperg, Hesperingen & Ufeldingen; jus super Puttingen, Ruland, quin & super pignus Trevirense Schœnenberg accepit.

3. Philippi portio Marchionatus Baden cum Altensteig & Beinheim, loca oppignerata Neuenburg & Weingarten, Ebersteini pars dimidia, Dominia Lahr, & Mahlberg cum vicis a Geroldseckia Domo comparatis.

4. Ernesto destinantur Marchionatus Hachbergæ, cum Usenbergæ, Rœtelæ, Badevillæ, Saufenbergæ Dynastiis oppidoque Schopfheim, &c.

5. Officiales & subditi futuris Principibus jurent.

6. Rudolpho filio, qui Clericus, annua centum florenorum pensio decernitur.

7. Pignora si redimuntur, ad fundorum novorum acquisitionem adhibentur pecunia.

8. Singuli tres filii cum terris pecuniam, & quidquid reddituum in cellis, granariis, reperitur, ut & supellectilem retineant. Argentea vasa inter quatuor filios, Burgundica debita inter seculares tres solos dividantur.

9. Singuli sua feuda accipiant, sua onera portent; debita terris inhaerentia solvant.

10. Quæ debita Christophorus, pro Aulæ suæ sustentatione contraxit, eorum dimidiam partem solus Philippus, alteram Bernhardus & Ernestus junctim perfolvant.

11. Otilia, Christophori uxor, mortuo marito, telonium Boppardiae percipiat. Bona ejus illata ad relucendas Spanheimenses, Lahrenses, Mahibergenses terras, & ad Luxemburgenses quasdam acquirendas adhibitæ sunt.

12. Commendatur filiis concordia, & si difficultas oriatur, amica compositio, vel juridicum examen.

13. Singuli tres fratres utantur titulo & insignibus Badæ.

14. Filiae Principes omnes a successione in terris excluduntur, quamdiu masculi supersunt.

15. Dos octo, vel decem millium florenorum illis constituitur.

16. Renuncient in favorem masculorum, duodecimum quum attigerint annum.

17. Terræ si augeantur, summa quoque dotis augeatur.

18. Filii in matrimonialibus pactis addant formulam de exclusionem feminarum.

19. Prohibetur alienatio terrarum.

20. Si oppignerandi necessitas adfit, pignus fratri & agnatis prius offeratur. Exteris si oppigneratio facienda, fiat cum reuisionis jure, Marchionibus Badensibus cunctis servato.

21. Rami extincti filiæ octo vel decem mille floreni solvantur in dotem; vel, si monasticam vitam eligat, debito ei modo prospiciatur.

22. Philippus Marchio ceteris fratribus documenta illa tradat, quæ terras eorum respiciunt; documentorum communium eis dentur exempla.

23. Officiales & subditi ad Pragmaticæ hujus legis observationem adstringantur.

24. Tres filii jurejurando hanc legem confirmant cum jurium suorum, si quæ habeant, renunciatione.

25. Sanctionis testamentariae auctor eam denuo corroborat, firmamque ejus observationem promittit.

Non transeundum silentio est, quod Guilielmus Argentinensis Episcopus Sanctionis hujus fuit præcipuus promotor. Testes Johannes de Schauenburg Gubernator Luxenburgicus. Jacobus Kirser, Doctor juris & Cancellarius. Blicker Landſchad de Steinach, Præfectus Pforzheimensis. Conradus a Venningen, Præfectus Durlacensis. Consules denique & Senatores Oppidorum Baden & Pforzheim.

Testamentaria hæc Sanctio die S. Jacobi A. 1515. condita est Pragæ.

### §. XXXIII.

Regimen  
filiis tra-  
dit.

His ita stabilitis, Christophorus, corpore debilis, solenni Diplomate, die S. Petri ad vincula ejusdem A. 1515. scripto, regimen terrarum, ad formam, quam memoravimus, suis tradidit filiis. Abdicavit se regimine ad quatuor annos, & ad hoc usque tempus consiliariis & officialibus fidem sibi datam remisit. Addita clausula, ne feuda vacantia novo, patris incitu, conferrentur vassallo; neve proprio filii, sed vicario patris nomine gubernarent. Sed paullo post mentis quoque cum accessisset debilitas, Maximilianus Cæsar Literis d. 15. Jan. 1516. Augustæ Vindelicorum datis, tres filios ad anni spatium Curatores & Vicarios patris, in sua quemque portione, constituit.



Eodem anno Equitis Aurei velleris dignitas in solenni Torquatorum conventu, a Carolo Austrio, Belgii Principe, Bruxellis celebrato, translata est a patre Christophoro in filium, qui Caroli aulam sequebatur, (q) Bernhardum haud dubie, Luxemburgica qui feuda acceperat.

Accessit denique alienatio mentis, quæ filios coëgit, ut, accedente auctoritate Cæsarea, patrem veteri Castro Badensi, quod ille nuper deseruerat, A. 1518. includerent. (r)

#### §. XXXIV.

Pax publica WORMATIÆ, ut diximus, in perpetuum stabilita, a rupibus & præcipitiis montium Germaniæ Proceres paulatim invitavit ad plana. Christophorus hanc epocham prævertit. Anno enim 1479. Castrum Badense vetus, ubi conditores & statores gentis quadringentos per annos habitaverant, reliquit, novumque Thermis oppidoque Badæ vicinum ædificavit in loco, ubi Palatium hodiernum conspicitur. Vetus viduæ Matri inhabitandum concessit. (s)

Novum  
Badense  
Castrum  
exstruit.

Mm 3

(q) PETIT *Chronique de Hollande &c.* Tom. I. Lib. VIII. p. 13.

(r) Conventio Philippi atque Ernesti hac super re extat, data Vigilia Visitationis Mariæ.

(s) Die conventionis Pauli. JUNGLEYRS in Christophoro.

CHRIST.

Castrum  
vetus.

Castrum hoc montanum, ubi incunabula Gentis, unde nomen Badensis Domus profluxit, bellorum temporumque injuriis destructum, in ipsis ruderibus spectatori venerabile una cum hodierno, ad Badæ oppidum sito, tabulis æneis impressa exhibemus Lectori.


## §. XXXV.

Investi-  
tura Ca-  
roli V.  
Imp.

Tribus post annis Carolus V. Imp. WORMATIÆ CHRISTOPHORO Marchioni, intervenientibus filiis ejus Philippo & Ernesto, amplissimas dedit litteras feudales d. XXVII. Febr. in quibus terræ exprimuntur sequentes: Marchionatus Badensis, Marchionatus Hachbergenfis, dimidia pars Comitatus Ebersteinii, Dynastia Usenbergæ; dimidia pars Castri & oppidi Malberg. Pars Marchionum in vicis Districtus Riedæ, in Kippenheim, Ichenheim, Kirchzelle, Tundenheim, Altheim; denique vicus Stuzheim Argentinenfis Episcopatus. Aurea item Argenteaque monetæ.

Literæ  
Clemen-  
tis VII.

A. 1524. Clemens VII. Papæ literis a nobili viro Marchione Badensi Christophoro petivit, ut Cardinalem Campegium, Legatum a latere, Noribergam ad Comitum Imperii proficiscentem, benigne excipiat, eique tam in conventu ipso, quam alibi opera sua adesse velit. (t)



Wine sculp. Boyer.







VE' TERIS PARS POSTERIOR.

ad pag. 778.














J. Striethook, Kupferst. Argent.





## §. XXXVI.

A. 1527. d. XXIX. Aprilis Christophorus decessit, Marchiæ & Gentis suæ amplificator & stator; qui Luxemburgici Ducatus Dynastias atque Dominia donatione Maximiliani, uti vidimus, partim etiam emtione acquisivit; qui Lahre & Malbergæ dimidiam partem suæ Domui intulit; Saufenbergæ, Rœtelæ, Badevillæ Dynastias, vi pacti, cum Saufenbergensium Marchione postremo initi, multo labore, magnisque impensis ad Marchionatum Badensem reduxit. (u)

Mors  
Christoph.  
&  
accessio-  
nes ter-  
rarum  
subeo.

Vicorum Ottenheim, Friesenheim, Oberweiler & Heiligenzell partem dimidiam, quin & partem præfecturæ Schwand vicumque Tutschfelden, item duas tertias vici Weiler, cum partibus nonnullis præfecturarum Singen & Mutschelbach; tres item quaterniones vici Niefern dimidiamque vici Eisingen comparavit. Castrum Alsatæ & oppidum Beinheim a Bernhardo, Ebersteinensi Comite, redemit. Octavam Castri Zaringensis partem; vicos Gundelfingen & Reutenbach emtione ad Marchiam transtulit; quam Principum Badensium nullus tot terris adauxit.

---

(u) Vide supra A. 1503.

## §. XXXVII.

Chara-  
cter.

Ceterum Christophorus plerosque sui seculi Principes dignitate oris corporisque præcelluit. Mens ei recta, moderata, iustitiae, æquitatis amans, promissorum tenax, fallere nescia. Imperium clementia & comitate temperavit. In toga & sago erectus semper, &, prouti circumstantiæ id exigere videbantur, vel severus vel blandus. In tractatione rerum cautus & alacer; trium sibi succedentium Cæsarium amore & benevolentia per totos quadraginta annos sine interruptione conspicuus; qui dignitatibus, feudis, honoribus (x) eum omnes ornarunt. Subditos sibi Marchiæ cives bonis institutis & legibus abunde instruxit; suoque illos rexit exemplo. Codicem Juris provincialis (*Erbordnung*) A. 1511. Marchiæ suæ dedit. Ordinem causarum in suis & vassallorum atque Landsassiorum terris observandum, biennio ante præscripserat.

Oeconomicas ejus virtutes si spectes, alieni non appetens fuit, nec sui profusus; sine avaritia parcus; sine profusione liberalis; castus unius conjugis maritus; quindecim liberorum sine macula

---

(x) Aurei velleris torque.

cula felicissimus pater. Aula Christophori virtutum & gratiarum fuit theatrum & schola.

Tantus Princeps decennio sibi fuit superstes; felicior dicendus, si post conditum testamentum obiisset.

Doctus illius ævi Italus, Philippus Beroaldus, Bononiensis, (y) ita de eo scribit: Marchio Badensis Christophorus, „ Augustissimi Imp. Friderici III. ex sorore nepos, - - - animi „ magnitudine virtutisque præstantia ceteris totius Germaniæ „ Principibus haud dubie antecellit; sine quo nihil memorabile „ per hosce annos ab inclytissimo Maximiliano gestum est, cui „ Ducatus bellici primæ partes consensu Germanorum deferun- „ tur, apud quos fortissimi Principis nomen meritissimo conse- „ cutus est „

### §. XXXVIII.

Otilia, Christophori Conjux, ex Comitum Cattimelibonensium Domo fuit, Philippi junioris filia, Philippi senioris, Comitum suæ gentis postremi, neptis; quam Avus A. 1468. desponsaverat Marchioni. Uxor Otilia.

Tabularium Electorale Palatinum me docuit, Fridericum I. cum Philippo seniore A. 1456. Oppenheimii convenisse, ut Philippo Philippo Ingen. ante promissa.

Tom. II.

Nn

---

(y) In Dedicatione Libelli de *Felicitate* ad Jacobum Marchionem, filium Christophori.

CHRIST.

pus, quem deinceps appellaverunt Ingenuum, in Electoratu Palatino futurus successor, octo tum annorum puer, ubi adoleverit, Otiliam, Philippi neptem, duceret uxorem, atque adeo Cattimelibocenses terras cum Palatinis aliquando conjungeret. Otiliæ, pubertatis annos ingressæ, procos inter Christophorus Badensis comparuit. Fridericus Elector, de augendis Palatinæ Domus opibus ante omnes alios sollicitus, A. 1467. Philippi, novendecim tum annos nati, ad contrahendas has nuptias requisivit consensum, atque solennem hac super re Conventum d. IX. Sept. Heidelbergæ instituit; ad quem Wormatiensis & Spirensis Episcopi, Magister Ordinis Teutonici, præcipuique Aulæ Palatinæ proceres vocati. Sed contra omnem Friderici spem Philippus sponsalia recusavit præfracte; non semel testatus, ad ineundum matrimonium ætatis se nondum esse maturæ. Quin & insuper addidit, malle se ex Principum, quam ex Comitum classe aliquando sibi eligere uxorem. Elector indignatus repulsam, de sua Palatinas res promovendi voluntate multa testatus, ad posterorum memoriam, quæ gesta sunt, jussit perscribi. Instrumentum Heidelbergæ confectum die Mercurii post Nativitatis Mariæ. Patrui consilium Philippus si fuisset secutus, dives ille Cattimelibocensis Comitatus ad Palatinam domum haud dubie pervenisset. Fridericus cum Philippo, Otiliæ avo, cum Dominis feudorum res ita ordinaturus fuerat, a successione filiam exclusisset ut ex filio neptis.

Ita cum Christophoro nuptias celebravit Otilia; cui Castrum Stadeck cum hominibus atque bonis; quin & sedecies mille floreni super Castrum Algesheim ab Avo assignati sunt pro dote. (x) Alma hæc genetrix post quinquagenarium fere conjugium A. 1517. die XV. Aug. decessit.

## §. XXXIX.

Sobolem ejus ordine nativitatis recensco.

1. Jacobus natus A. 1471. qui, jure primigenituræ neglecto, ecclesiasticam vitam elegit; quam deinceps speciatim expono.

2. Maria A. 1473. d. 2. Jul. (a) Electa Abbatissa Monasterii Lucidæ Vallis, mortua 6. Id. Jun. 1519.

3. Bernhardus A. 1474. (b)

4. Carolus A. 1476. die 21. Maji. Canonicus Argentinenfis & Custos, atque A. 1506. Electioni Archiepiscopi Argent. Guilielmi de Honstein interfuit. Collegii quoque Metropolitani

Tom. II.

Nr 2

(z) Charta extat in Tabulario Bada-Badenfi.

(a) BROWERS *Annal. Trevir.* Lib. XIX. pag. 297. ubi dies natales liberorum Christophori sollicitè annotavit. JUNGLEVS jam A. 1470. natam fuisse tradit Mariam, quam Jacobo II. Archiepiscopo ætate majorem constituit; sed nimium, quod inter Jacobum hunc & Bernhardum relinquit, intervallum, Broweri sententiam magis probabilem reddit.

(b) Vide Tom. III. ubi de Bernhardo III.

Trevirensis Canonicum eum fuisse scribit BROWERUS. (c)  
Obiit A. 1510. die 7. Octobris. (d)

5. Christophorus A. 1477. pridie B. Mariæ Magdalenzæ.  
Argentinensis & Colonienfis (e) Ecclesiarum Canonicus, obiit  
Durlaci A. 1508. d. 29. Mart.

6. Philippus A. 1478: Marchiæ Badensis possessor, de quo  
speciatim agimus infra.

(c) Lib. XIX. p. 298.

(d) JACOBUS LOCKER, in Friburgensi Lyceo vivens, Horatium Argentinorati impressum A. 1497. ei dedicavit. GRVNINGERVS, illustris Argentinensium Typographus, scriptorem hunc cum iconibus multis, ligno incis, & commentariis amplis, in forma majore, imprimi curavit; splendidum pro illo tempore opus, dignum quod Carolo dicaretur. Hic in Argentinensium summo templo sepultus est cum hac inscriptione, quæ periiit.

Marchio qui fueram de Baden ædis & hujus

Custos, vermiculis sum datus esca levis.

Qui legis hæc discas Parcarum stamina nullis,

Nam mors quæque rapit, parcere stemmatibus.

Si domus aut pietas, inopum si cura bearent

Quenquam, cum superis, Carole, nectar habes.

Vid. SCHADÆI *summum Argentinensium templum* pag. 74. In Cod. MS.

*Monumentorum Argent.* hæc verba reperiō: „A. 1510. obiit Carolus

„ Marchio Baden. Dominica post Francisci Canonicus atque custos ma-

„ joris Ecclesiæ Argent. requiescat in pace. „

(e) BROWER. loc. cit.



7. Otilia d. 6. Jun. A. 1480. Abbatisa Monasterii Cisterciensis Pfortzheimii. (f)

8. Rudolphus IX. A. 1481. d. 16. Junii. Canonicus Ecclesiarum, Moguntinæ, Colonienfis, Argentinenfis & Augustanæ, ut & Canonicus Primicerius in æde S. Stephani Metenfis. (g) A. 1506. interfuit electioni Episcopi Argent. Guilielmi de Honstein. Obiit 9. Kal. Octobr. 1533.

9. Ernestus nat. A. 1481. (h)

10. Wolfgangus nat. A. 1484. d. 10. Maji. A. 1522. vivis excessit. (i)

11. Sibylla A. 1485. d. 26. April. (k) desponsata est Ludovico Comiti Nassoviæ & Saræpontis A. 1490. Dotem filiæ promisit pater 8000. florenor. Rhen. Elector Trevir. Johannes pacta firmavit litteris, datis Palatioli (*Pfaltzel*) Vigilia omnium Sanctorum 1490. (l) Contractus caruit effectu. Nam A. 1503. eadem

Nn 3

(f) *PETRI Suevia Ecclesiast.* p. 667.

(g) *SERARIUS Rer. Mogunt.* Tom. II. pag. 339. Moguntinensem Canonicatum resignatione Jacobi fratris A. 1497. accepit.

(h) *Vid.* Tom. III.

(i) Ita *JUNGLERVS*. Sed *BROWERVS* vix quadrimum vita functum esse scribit Wolfgangum.

(k) *BROWERVS* ponit sextam feriam quæ D. Marci præcessit.

(l) Extant in Tabulario Bada-Badenfi.

CHRIST.

Sibylla desponsata est Philippo Hanoviae Comiti, eique dos 5000. florenorum Rhenensium promissa, & mille floreni pro clenodiis. Literæ hac super re confectæ sunt Badæ. (m) Obiit Sibylla A. 1527.

12. Rosina A. 1487. d. 5. Martii, (n) quam inter & Franciscum Wolfgangum, Zolleranum Comitem, Maximilianus I. Rex Romanorum Brundruti A. 1493. nuptias conciliavit. (o) Mortuo Wolfgango, Rosina Johanni, nobili ab Aven nupsit.

13. Johannes II. Luxemburgi A. 1490. d. 24. Sept.

14. Beatrix A. 1492. Dominica post D. Sebastiani, desponsata fuit A. 1501. Johanni, Comiti Palatino, Johannis, Comitis Palatini Simmerensis, filio. Christophorus promisit in dotem 8. millia florenor. Rhen. Contractus Simmeræ initus, consentiente Jacobo, filio Christophori, Coadjutore Archiepiscopatus Trevirensis (p)

15. Georgius A. 1493. Kal. Julii, quem eodem anno decessisse, sepultumque Trarbaci tradit JUNGLERUS. At vetus Tabula lignea, Christophoro vivente picta, contrarium indicat.

---

(m) Extant ibidem.

(n) BROWERVS ponit diem Lunæ post S. Adriani.

(o) Litteræ datæ an *Erstag nach der heil. drey Kunig Tag*, extant in Tabulario Bada-Badensi. Laudat in his litteris Maximilianus officia, quæ Christophorus, ut Gubernator Luxemburgici Ducatus, ei præstitit.

(p) Extat Instrumentum in Tabulario Bada-Badensi.



Mart. Weis sculp. Argent.

dae vallis. III. Odilia monialis Pforzhemii. IV. Sibylla uxor Philippi  
Comitis a Zollern. VI. Beatrix uxor Iohannis Palatini Simmerensis



## CAPUT II.

## ALBERTUS.



## §. I.

Triennio junior natu frater Christophori fuit Alberti  
bertus, natus die 25. Jan. A. 1455. fidus fratris Achates.

A. 1473. magno illi apud Treviros Conventui inter Fridericum IV. Imp. & Carolum Burgundiæ Ducem, (a) ut & institutis anno insequenti Comitibus Augustanis cum Christophoro interfuit; (b) biennioque post, eodem socio, super fabricam communis monetæ cum Comitibus Wirtenbergæ conventionem inivit.

Tom. II.

Oo

(a) BROWERUS *Annal. Trevir.* Lib. XIX. pag. 322.(b) LEHMANNUS *Chron. Spir.* Lib. VII. Cap. 113. p. 901.

ALBERT.

Extincto Carolo I. patre, Marchionatus regimen Christophoro fratri per sexennium soli permisit. A. 1482. divisit cum eo terris, accepit Hachbergam, quam eidem denique, reservatis sibi annuatim mille florenis, iterum soli reliquit. (c)

Post hæc Albertus noster cognati sui Sigismundi Auftriæ Archiducis, apud Tirolenses regnantis, secutus est aulam; Hohenbergici Comitatus ab eo Rector creatus.

A. 1486. Fridericum IV. Imp. & Maximilianum, Francofurti Romanorum Regem electum, ad Regiam coronationem Aquisgranum comitatus est, ubi a novo Rege ritu solenni receptus est Eques; (d) annoque sequenti Comitibus Norimbergensibus interfuit. (e)

## §. II.

Obitus.

A. 1488. in auxilium Maximiliani Romanorum Regis, quem Flandrenses rebelles captivum tenuerant, una cum Chri-

---

(c) Vide supra in Christophoro.

(d) HERZOG. *Chron. Alsat.* Lib. II. pag. 136. FUGGER. *Spec. Austr.* Lib. V. Cap. 32. p. 954.

(e) FUGGER. loc. alleg. Cap. 37. pag. 975.

stophoro fratre festinans, in oppugnatione oppidi Damm, quam Maximilianus ei commiserat, d. 18. Julii, sclopeti ictu periit. (f)

Corpus ejus Graviæ apud Brabantos depositum, atque deinceps translatum est Badam. (g)

Tredecim annorum juvenis, cum Sufanna, Johannis Comitis Naffovio-Saræpontani, Walramianæ lineæ, desponsatus est filia A. 1469. In dotem promissi sunt sponsæ decem mille

Tom. II.

O o 2

---

(f) IDEM loco alleg. p. 1002. PONTUS HEUTERUS *Rerum Austr.* Lib. III. Cap. XI. errônee Christophorum tum cecidisse scribit.

(g) Monumenti ejus sepulchralis inscriptio hæc est „Anno Domini 1488. X. Cal. Aug. Illustris Princeps Dominus Albertus, Marchio Bad. in expeditione contra Brugenfes liberandi Rom. Regis gratia in oppugnatione oppidi Damm jactu lethiferi teli mortem obiit.„ HERZOG. *Chron. Alfat.* Lib. VII. pag. 36. indicat *Sapidi Seleslad. Consolationem de morte Alberti, Marchionis Badensis, ad Guilielmum Boecklin, præfatum Rubenagensem.* Tractatus hic A. 1544. impressus est Argentorati, ubi Sapidus floruit. GESNER. in *Biblioth.* p. 494.

---

**ALBERT.**

---

floreni Rhenenses. (h) Sponsalia, interveniente Alberti morte, caruerunt successu. Johanni Seniori, Comiti Palatino Simmerensi, Friderici filio, dein nupsit Susanna.

---

(h) Charta extat in Tabulario Bada-Badenfi.



# CAPUT III.

## FRIDERICUS

### EPISCOPUS ULTRAJECTENSIS.



#### §. I.

Fridericus filius Caroli I. Marchionis, (a) Friderici  
frater Christophori, natus d. 8. Jul. institu-  
tio.

A. 1458. a tenera ætate literis imbutus  
est. Altiora tractaturus, invisit Lute-  
tiam, ubi illustri præceptore, Heinlino  
de Lapide, (*von Stein*) Germanicæ originis viro, Doctore Sor-  
bonico, humaniorum literarum restauratore, est usus. Heinlinus

Oo 3

---

(a) P. CORNELISSONIUS BOCKENBERGIUS GOUDANUS, in *His-  
toria Pontificum Ultraject.* num. 56. errat, quando Fridericum Adelberti  
Reguli Badensis filium adpellat.



FRIDER.

cum Guilielmo Ficheto, Priore Sorbonico, politioris quoque literaturæ cultore, bonas artes promovit, eumque in finem Ulricum Gering Constantiensem cum fociis vocavit Lutetiam, ut Typographiam in Sorbonæ Domo institueret, quod ante A. 1470. factum. (b)

## §. II.

Canonicus.

Friderico juveni, Ecclesiæ dicato, in Cathedralibus Germaniæ Templis honores affatim decreti sunt. Colonienfis Ecclesia thesaurarii ei detulit munus. Moguntini, Trevirenses, Ultrajectenses Ecclesiarum suarum constituerunt Canonicum. (c)

Gesta varia.

In patrum sui, Antistitis Trevirensis, aula frequenter versatus, Confluentiæ præfens fuit conventui, in quo Confluentini rebelles A. 1483. interventu Trevirensis Capituli Archiepiscopo Principi suo reconciliati fuerunt; (d) quem etiam quadriennio post ad Comitatus Norimbergenfis comitatus est. (e) Sed & Fridericus

---

(b) CHEVILLIER *Origine de l'Imprimerie de Paris* p. 31.

(c) SERARIUS *Rerum Mogunt.* Tom. II. pag. 339. Canonicatum Moguntinum Fridericus A. 1479. suscepit.

(d) HONTHEMIUS *Hist. Diplom. Trevir.* Tom. II. p. 467. & 479.

(e) FUGGER. *Specul. Austr.* Lib. V. Cap. 34. p. 964.

rico Cæsari carus, copias contra Brugenfes ducentem, cum duobus fratribus fequi non deftitit. (f)

## §. III.

Davides, Philippi Boni, Burgundiæ Ducis, filius natura-  
lis, Ultrajectenfium Epifcopus, A. 1496. deceffit. Fridericus no-  
fter (g) commendatione Cæsaris Maximiliani die XIII. Maji fuc-  
ceffor electus eft Bredæ. (h)

Decimo octavo poft electionem die quingentis equitibus & magna procerum corona ftipatus venit Trajectum. Aderat patruus, Johannes Trevirenfis, cum Chriftophoro Marchione, Luxemburgici Ducatus Gubernatore. Novus Antiftes patrum inter & fratrem medius equo vehebatur Fridericus. Ab Ultrajectinis

(f) PONTUS HEUTERUS *Rerum Auftr.* Lib. III. pag. 91. & FUGGER. loco alleg. Cap. 36. p. 999.

(g) WILHELMUS HEDA in *Hiflor. Epifcop. Ultraject.* pag. 315. Philippum, fratrem Ducis Clivenfis, a quibusdam ei oppofitum fuiffe fcribit. Alii hoc filent.

(h) SUFFRIDUS PETRI in *Appendice ad Chronica Johannis de Beka* p. 165. MAPPII *Annales Juliae & Montium* Tom. II. p. 72. PETRUS MERSAEUS CRATEPOLIUS in *Catalogo Epifcoporum Ultrajectenfium* §. 75. LE PETIT *Chronique de Hollande, d'Utrecht, &c.* Tom. I. Liv. VI. p. 611. Carolum quoque Geldriæ Ducem Friderico noftro dediffe fuffragium fcribit PONTANUS *Hiflor. Gelrica* Lib. XI. p. 608.

FRIDER.

honorifice exceptus, tertioque post mense confirmatus a Papa, more majorum inauguratus est mense Septembri; (*i*) pedo Episcopali dignissimus Princeps, sed & dignus, qui in tranquilliora Belgii incidisset tempora; omni regiminis sui tempore turbis bellicis agitatus; nunc a ferocibus Frisiis; nunc a furente illo Carolo Geldro; nunc a vicinis Dynastis, ad arma induenda proclivibus.

## §. IV.

Turbæ  
Wischia-  
næ.

Initium earum in Transsalaria reperimus. Fridericus in Episcopatu biennium nondum exegerat, quum Henricus, Wischii Dynasta, (*k*) filius Johannis, in Zutphanæ Comitatu, injurias, sibi & majoribus a Transsalaris illatas, vindicaturus, quatuor mille milites, qui sub Alberto, Saxonæ Duce, Frisiæque Gubernatore, nuper stipendia meruerant, rerum suarum incertos, A. 1498. collegit, belloque Daventræ, Campenæ & Zwollæ civitatibus denunciato, (*l*) incendiis, rapinis, exactionibus vastavit provinciam. Fridericus laboranti provincie præstiturus auxilium,

(*i*) WILHELMUS HEDA loco alleg. REVIUS in *Historia Urbis Daventræ*. Lib. II. p. 154.

(*k*) S-LICHTENHORST in *Geldersche Geschiedenissen* Lib. XI. pag. 310. vocat eum Heer van Wisch. Scribitur etiam *Wis*, *Wies*.

(*l*) Dissidationis Wislianae formulam exhibet REVIUS -loc. alleg.

auxilium, cum Carolo, Geldriæ Duce, foedus percussit, cui Neomagus, Zutphania, Arnhemium atque Transsalanæ civitates accesserunt. (m) Collectis sociorum copiis, deventum ad prælium; cui Episcopus ipse cum Carolo interfuit. Wischiani victi, in vicinas regiones dilapsi sunt fuga. Fugientes Episcopus ad Cliviæ portas usque persecutus est. Daventriam redux, captivos affecit supplicio. (n)

## §. V.

Wischianam tempestatem excepit Clivenfis. Johannes Cliven-<sup>ses.</sup> Cliviæ Dux Civitati Ultrajectinæ, cum Davide Episcopo suo bel- lum gerenti, magnam pecuniæ summam mutuo dederat, cujus solutionem Civitas variis ex causis denegavit. Clivenfis solutionem non impetrans, sine prævia clarigatione, Ultrajectinam ditionem aggressus est bello, Rhenamque oppidum occupavit. Inde progressus, Ultrajectum, provinciæ caput, obsidione vallavit; atque exustis pomœriis ejus reversus est Rhenam. Fridericus, militibus Ducis in suas partes pertractis, ipse in Clivensem Ducatum irrupit, pluribusque arcibus occupatis, ferro & flammis cuncta vastavit. Bellum ne serperet latius, Christophori Marchionis & Wilhelmi Juliaci Montiumque Ducis intercessit auctoritas. Hi

Tom. II.

P p

(m) Tabulas hujus foederis exhibet RÆVIUS Lib. II. p. 159.

(n) Idem RÆVIUS pag. 160.

FRIDER.

recepto in se pacis arbitrio, Præfulem inter atque Clivensem conciliarunt inducias. Sylvæ Ducis & paulo post Coloniz actum de pace. Præter Badensem & Juliacensem, sequestres, Ultrajectinus quoque Præful & Johannes Clivensum Dux V. Idus Maji A. 1500. comparuerunt Coloniz; ubi res præcipuæ terminatæ; per arbitros reliqua mox transactione composita. (o)

## §. VI.

Grœningenses.

Wischianas & Clivenfes turbas Grœningenses secutæ sunt. Maximilianus Imperator A. 1498. Albertum, Saxoniz Ducem, ob insignia ejus in Domum Austriacam merita, hereditarium Frisiz Gubernatorem creaverat, malo exemplo. (p) Frisii, libertatis tenaces, novum omne respuerunt imperium. Grœninga inter Frisiz civitates tum extulerat caput; commerciis & sæderibus potens, quæ extrema pati, quam in Saxonis verba maluit jurare. Ab antiquis temporibus illa partem diocesis Ultrajectinæ constituit. Præter sacerdotii jura præfecturam suburbanam Præ-

(o) PONTANUS *Hist. Geldr.* Lib. XI. REVIUS *Hist. Daventr.* Lib. II. pag. 161.

(p) UBBO EMMIUS in *Hist. Rerum Friscar.* Lib. XXXVII. pag. 562. Ad-dita conditio, ut Austriaci provinciam hanc solutis CCCL. millibus aureorum repetendi jus esset. \*

fules aliaque plura per urbem exercuerant, quæ civilibus quandoque turbis anſam præbuerunt. (q)

Fridericus Maximiliani Cæſaris, Saxonem ſoventis, auctoritate permotus, amica conventionē ſibi & Grœningenſibus proſpicere ſtudit. Sed Ezardus Orientalis Friſiæ Comes, A. 1499. adverſus Grœninganos duxit exercitum; Alberti Saxonis imperio ut civitatem aſſereret. Saxonem Antifteſ noster ſubinde convenit; fruſtra tamen ſemper laboratum de pace. Grœninga Alberto denique fuit fatalis. A. 1500. enim obſidens urbem ejuſque ſitum incautius examinans, ſclopēti iſtu ſauciatus, ex vulnere periit; Georgio filio ſucceſſore relicto. Tum vero vehementius a Grœninganiſ continuatum eſt bellum. Interventu Friderici quidem triennales cum Georgio Saxone & Edzardo Comite A. 1501. induciæ ſunt initæ. Quin & apud Philippum Archiducem Gandavi de pace tractatum, ſed irritō conatu. Cæſar enim A. 1505. in gratiam Saxonis Grœningenſes proſcripſit, literiſque Argentina datis Friderico injunxit, ut ſacra juridiſctione contentus, ſuas ſibi res habere Grœningenſes permitteret. (r)

Tom. II.

Pp 2

(q) URHO EMMIUS in *Hiſtoria urbis Groningæ* p. 18. ſqq.

(r) Literæ VI. Kal. Octobr. datæ extant apud PONTUM HEUTERUM *Rerum Aſtræ*. Lib. VI. p. 146.

## §. VII.

Conven-  
tus Hat-  
temensis.

Philippum denique Bruxellis convenit Antistes. Conven-  
tus eodem anno institutus Hattemi; ad quem Cæsaris Castellæ  
Regis ac Grœninganorum legati convenerant. Minacibus verbis  
Grœninganos aggressus est Cæsaris legatus; urgens eos, ut se sua-  
que omnia Saxonis permitterent fidei. Antistes placide graviter-  
que Trajectensis Ecclesiæ in Grœningam jura & antiquas Cæsarum  
donationes allegavit; sperare se addens, Maximilianum non viola-  
turum ea, quæ ab antiquis constituta Cæsaribus; nec illustribus  
familiis sua erepturum, ut Saxones ditet. Quodsi tamen Cæ-  
saris animo firma hæc sententia sedeat, non tam degeneri sangui-  
ne sese ortum adjecit, qui injuriam, Episcopatus suo illatam, æquo  
animo perferat. Cum Grœninganis tamen egit, ut Ommelan-  
diam, agri sui partem, in quam Cæsar & Imperium sibi jus vin-  
dicabant, relinquerent Saxoni; quod Grœningenses recusarunt.  
Fame denique & præliis domiti, ab Antistite Ultrajectinis, a  
Transsylvanis deserti, Embdanum Comitem Edzardum A. 1506.  
certis conditionibus receperunt in urbem.

## §. VIII.

Friderici  
ad Pontif.  
querelæ.

Fridericus a Cæsare rejectus, apud Summum Pontificem  
de injuria sibi facta conquestus est. Pontifex Lovanii tres judices

nominavit, qui re examinata contra Edzardum & Grœninganos pro Præsule tulerunt sententiam. Edzardus & ipse ad Pontificem provocavit. Lis Romæ protracta. Grœningenses ab Edzardo in Caroli Geldriæ Ducis & ab eo denique A. 1536. in Caroli V. Cæsaris ditionem transferunt. (s)

Saxo juribus suis in Frisiam, jam A. 1515. accepta ab Austriacis pecuniæ summa, renuntiaverat. (t)

## §. IX.

Durantibus Grœningæ turbis, bellum Geldricum erupit. Bellum Geldricum I.  
 Philippus Austriacus & Geldriæ Dux Carolus ob Oyæ castrum & alia inter se dissidentes, Fridericum nostrum, tradita ei arcis custodia, arbitrum constituerunt. Utrosque ille non semel mo-

Pp 3

(s) Singula hæc late exponit URBNO EMMIUS in *Histlor. Rerum Frisicar.* Lib. XXXVII. & seqq. & in *Histlor. Urbis Groningæ* pag. 18. seqq. PONTANUS in *Historia Gelrica* Lib. XI. PONTUS HEUTERUS *Rerum Austr.* Lib. V. VI. & VII. REVIUS in *Histlor. Daventr.* Lib. II. WILHELMUS HEDA in *Histlor. Episcopor. Ultrajectens.* pag. 316. seq. HARRÆUS in *Annal. Ducum Brabantiae* Tom. I. p. 498. seqq.

(t) Georgius Saxoniz Dux Frisiam Carolo V. Imp. dimittens, nonnisi centum millia florenorum Rhen. solvendis militum stipendiis accepit. Charta extat in URBONIS EMMII *Histlor. Rerum Frisicar.* Lib. XLVIII. p. 742.



nuerat, custodiæ castri ut perfolverent sumtus. Cornelius Septimontius (*Sevenberg*) (u) Oyam arcem A. 1503. ex improvîso occupavit, eamque Philippo, Belgii Principi, tradidit. Nata hinc belli Episcopum inter Geldrumque occasio. Ille Cuneram, Aldensaliam, Diepenhemium, oppida, a Geldris capta, recuperavit, atque in Zutphaniam & Velaviam irrumpens, arcibus deletis & regione circumquaque vastata, cum ingenti præda Daventriam reversus est. Trajectenses in omni hoc quiescentes bello, illud denique composuerunt. (x)

Solvendis belli sumtibus, precariam Hollandico, Zelandico, Friscoque Clero collectam indixit Episcopus. Recusavit Clerus ad Summum Pontificem provocans. (y)

Alexander VI. aliam impensas solvendi viam initurus, ecclesiasticam noxarum veniam per Belgium omne & Ultrajectinam ditionem jussit annunciari, paulloque post (1503) diem obiit fu-

(u) Cornelium hunc *Sevenbergæ* præfectum vocat HEDA in *Histor. Episcopor. Traject.* pag. 316. At PONTANUS *Historiæ Gelricæ* Lib. XI. pag. 624. & SLICHTENHORST Lib. XI. pag. 317. Graviæ præfectum adpellant.

(x) PONTANUS & HEDA locis alleg. PETIT *Chronique de Hollande* Tom. I. pag. 621. REVIVUS *Histor. Daventr.* Lib. II. p. 164.

(y) SUFFRIDUS PETRI in *Appendice ad Johannem de Beka* p. 165.

premiū. Pecuniā, a quæstoribus collectā, in Diœcesi sua Fridericus; reliquā Maximilianus Cæsar retinuit. (z)

## §. X.

Inter hæc Philippus Austriacus, Belgii Princeps, contra Carolū, Geldriæ Ducem, arma paravit, avitū ei erepturus Ducatū, quem nuper, a Gallis adjutus, recuperaverat, uti supra ostensum. In Ratisbonensibus Comitibus Maximilianus A. 1504. Ducem procripsit, ac Friderico Badensi litteris, d. XIV. Sept. datis, injunxit, ut pertinacem hunc hostem nullo modo juvaret. In Geldrum ergo magno cum exercitu Archidux progressus est Philippus, eique Fridericus noster, Cæsareis obsecuturus mandatis, in castris ad Arnheimium hærenti, peditum equitūque copias non leves adduxit. Geldrus tantis viribus impar, pacem petiit supplex, quam Friderico interveniente impetravit. (a)

Sed Archidux Philippus, mortua Isabella socru, eodem anno solum Castiliæ conscendens, vix in Hispaniam abierat, cum sprete pactione Geldrus rediit ad bellum. Post quadrien-

(z) REVIUS Lib. II. p. 168.

(a) PONTANUS Lib. XI. pag. 625. 629. seqq. REVIUS Lib. II. pag. 165. 169. LE PETIT *Chronique de Hollande* Tom. I. Lib. VI. pag. 646.

nium res denique Cameraci transacta. Transactioni Ultrajectensis Antistes quoque fuit inclusus. (b)

## §. XI.

Bellum  
Geldri-  
cum II.

Perstitit tamen in animo Geldri vindictæ cupido, quod cum Austriacis arma nuper contra eum Præsul conjunxit. Unde pace vix facta, (1508) Cuneram, Transisalanæ castrum, in superioris Ultrajectinæ Dicecesis Frisæque finibus, haud ita pridem ab Episcopo emtione acquisitum, occupavit, litterisque ac ordines Transisalanæ datis, tantisper id se retenturum professus est, donec Oyæ Castrum ipsi restitueretur. Episcopus e vestigio quoque militem apud Campenses conscripsit; Geldrisque ejectis, arcem recuperavit.

Rebus ita in dubio constitutis, contigit, ut bis mille milites, qui Danorum Regi adversus Lubecenses stipendia fecerant, confecto bello, redeuntes, ad Geldriæ adpellerent oras. Hos Carolus Dux adversus Fridericum conduxit atque sacramento adactos, in Transisalanam ditionem immisit, Henrico quodam de Groote ductore; qui non Geldri, sed suo nomine (A. 1509.) bellum denunciavit Episcopo. Geldrus anno sequente cum omnibus copiis sese

---

(b) PONTANUS loco alleg. p. 639.

sele Grotio junxit; atque in Transifalaniem omnem effusus, ingentes circumquaque rapinas egit; Aldensaliam, Diepenhemium, Goram aliaque loca expugnavit. Daventria quoque tentata, scholarium, qui se civibus junxerant, virtute servata est.

A. 1510. Fridericus, receptis Transifalaniae oppidis, vicissim in Velaviam omnem atque Zurphaniam irrupit; caedibus & incendiis omnia complens. Initae tandem circa festum Martini induciae; anni sequentis initio convertendae in pacem. (c)

## §. XII.

Pax antequam componeretur, Ultrajectenses, qui alieno <sup>Turbæ</sup> jam pridem fuerant in Episcopum animo, ad Geldriae Ducem <sup>Ultraject.</sup> deflexi, tutelam Civitatis ei sponte obtulerunt. Conditione hac Dux cupide usus, occupat urbem, praesidiis munit, cudit mone- tam, aliaque Episcopi per urbem jura exercet. Iselsteinium tum quoque ab Ultrajectinis occupatum; cujus Dynasta, Florentius Egmontanus, superiore bello militaverat Friderico. At A. 1512. omnis haec Ultrajectensium cum Episcopo suo controversia sopita est; auctoritate Margarethæ, Maximiliani Cæsaris filiae, qui pru-

Tom. II.

Qq

FRIDER.

dentissimæ Principi, Caroli nepotis sui nomine, totius Belgii curam commisit. (d)

Ita per omne illud tempus, quo Ultrajectensem Episcopatum rexerat Fridericus Badensis, nunquam cessatum ab armis. (e)

## §. XIII.

Episco-  
patu de-  
cedit.

Tot laboribus ergo & ærumnis consumptus, tranquillio-  
rem denique vitam acturus, cogitare cœpit, qua ratione, inter-  
cedente Gallie Rege Francisco I. Ultrajectinam cum Metensi per-  
mutare posset Ecclesiam. Rex nuntium, ab Episcopo missum,  
benigne audivit Lugduni. Fridericus ipse, sub specie visendi fra-  
tris Christophori Marchionis, in Germaniam superiorem se con-  
tulit, opportunus cum Francisco ut communicaret consilia. In

---

(d) HEDA in *Hist. Episcoporum Ultraject.* p. 317. PONTANUS *Hist. Gell.*  
p. 642. REVIUS *Hist. Bavenr.* p. 186. sqq.

(e) REVIUS p. 187. sqq. longam turbarum intestinarum necit historiam, quæ  
ab A. 1512. Præfulem vexarant. HEDA loco alleg. pag. 317. horum mo-  
tum causam suasse dicit, quod Fridericus omnia siue auctoritate col-  
legiorum, ipsisque inconsultis, egerit, externos tantum in consilio & ad-  
ministratione rerum admittens, raro aut nunquam se sacris immiscens.  
Verum originem mali in intestinis potius quærendum esse factionibus,  
quæ jam ante Friderici tempora apud Ultrajectenses viguerunt, egregie  
docuit LAMBERTVS HORTENSIVS *Rerum Ultrajectinar.* Lib. I.

cathedra tum Metensi sedebat Johannes, Renati II. Ducis Lotharingiae & Philippæ, quæ Caroli, Geldriæ Ducis postremi, soror erat, filius; quo ad Ultrajectinum Episcopatum evecto, res Gallicæ in Belgio non leve incrementum accepturæ videbantur; sœderatus Gallorum quod fuerat Geldriæ Dux.

Imperator & Carolus Archidux, perspecto Friderici animo, nunc minis, nunc precibus apud eum egerunt, ut Metensis Ecclesiæ obtinendæ consilium dimitteret, atque Episcopatum Ultrajectinum Principi, Austriacis fido, relinqueret; annua pensio-  
ne contentus. Paruit tantis suaforibus Fridericus atque Philippi Boni, Burgundiæ Ducis, filium, qui Davidis, decessoris Friderici, frater erat, Austriacis gratum, sibi successorem nominavit. (f)  
Res A. 1515. tractata, sed ob dissensum Geldriæ Ducis, Ordinumque Trajectensis Ecclesiæ, nonnisi post biennium perfecta est. (g)

Tom. II.

Qq 2

(f) HEDA loco alleg. p. 318. PONTANUS Lib. XI. p. 683. ROBERTI  
*Gallia Christiana* p. 186.

(g) PONTANUS pag. 676. Idibus Maji A. 1517. Episcopatu decessisse Fridericum refert. Cessionis hujus historiam latissime persequitur REVIUS in  
*Hist. Daventr.* Lib. II. p. 198. LAMBERTUS HORTENSIVS *Re-  
rum Ultrajectinarum* Lib. I. p. 5. breviter rem exponit his verbis: „ Fri-  
dericus Badensis Marchio post hunc (Davidem) Episcopus nihilo fe-

## § XIV.

Obitus.

Fridericus, Episcopatu deposito, pristina quoque Antistiti sede Durostadio, (*h*) ubi Rhenus Licum emittit, relicta, Lieram Brabantiae transtulit sedem, ubi paucos post menses decessit die 24. Septembr. A. 1517. cum per totos XX. annos turbidis Traiectensium rebus praefuisset; necessitate magis, quam indole bellax.

Sepultura.

Liera corpus ejus devectum est Badam majorumque sepulcro in Collegiatae Ecclesiae Choro illatum, (*i*) ubi monumentum aeneum, imaginem ejus exprimens, hodieque comparet.

---

„ licius obscuris factionibus aliquamdiu fatigatus, cum videret se inter sacrum & saxum medium versari, Davidis exemplo territus, simul ut reipublicae quieti consulere, homo placido modestoque ingenio, pacis tranquillitatisque amator, dignitatem in Philippum Davidis fratrem, per id tempus maris praefectum, rejecit. „

(*h*) Batavodurum apud veteres. Hodie *Wyck te Dnerstat*. Medio aeo *Dorrestat*, ubi Carolingorum nummi plures sunt cusi. Traiectenses Episcopi ibi habitare solebant.

(*i*) HEDA pag. 319. GERARDUS NOVIOMAGUS in *Catalogo Traiectensium Episcoporum* num. 56. & P. CORNELISSONIUS BÖCKENBERGIUS GOUDANUS in *Brevi historia Pontificum Ultrajectensium* num. 56. corpus Friderici Badam translatum fuisse scribunt.

## §. XV.

WILHELMUS HEDA, *Canonicus Ultrajectinus*, coræ Mores.  
 taneus testis, mores Friderici nostri his verbis exponit: (k) „ Fri-  
 „ dericus Episcopus paternum genus ex Domo Badensi, mater-  
 „ num vero ex Austria, hoc est, Friderici Imperatoris sorore  
 „ ducens, vir omni virtute præditus, nisi quod sacris se raro  
 „ immiscuit; affabilis, benignus & comis, magnificus in armis  
 „ ac splendida mensa. „

Alio loco (l) hæc addit: „ Fuit haud dubie princeps cor-  
 „ datus, specimen alti sanguinis, unde erat, præ se ferens. Nam  
 „ provocatus, etiam impari fortuna, intrepidus, arma non de-  
 „ trectavit assumere, in rebelles acer, clemens in victos, sua-  
 „ pte natura humanus atque affabilis, aulicos ac famulitium et-  
 „ iam infimum decenti vestitu ac Germanico more abunde opi-  
 „ pareque enutrients &c. Præterea, sicuti mos est omnibus  
 „ Germanis, auri atque æris percupidus, ultra quam convenie-  
 „ bat Principi &c. Legationes atque Praelatos magnifice exci-  
 „ piebat, venerabatur Clerum, & quotiens aliquis ex causa ad

Qq 3

(k) Pag. 315.

(l) Pag. 319.



FRIDER.

„ Dorestatum confluebat, illum excipiebat mensa &c. Amabat  
„ pacem se averfantem. (m) Etiam Ecclesiæ suæ non spernen-  
„ da ornamenta pro sacris mysteriis obeundis contulit &c. „

Hæc de Alberto & Friderico Christophori fratribus. Nunc transeundum ad filios. Ex his Jacobus & Philippus sine posteris obierunt; Bernhardus atque Ernestus genus propagarunt Badense. Duos priores huic Tomo inferimus. Duos posteriores cum lineis suis Bada-Badenfi & Bada-Durlacensi ad nostra usque tempora Tomus III. exhibet.

---

(m) HADRIANUS BARLANDUS in *Catalogo Episcoporum Ultrajectensium*  
num. 56. Fridericum pacis atque otii amantissimum vocat.



## CAPUT IV.

J A C O B U S I I.

ARCHIEPISCOPUS TREVIRENSIS.



## §. I.

rimogenitus Christophori filius Jacobus, die 6. Junii A. 1471. in lucem editus, ob excellens ingenium, Friderici Imp. & Maximiliani Romanorum Regis consilio, Ecclesiae se mancipavit & Musis. Cum Bernhardo & Ernesto, fratribus suis, Bononiae Scholam adivit; illustris eo tempore Philosophi & Oratoris, Philippi Beroaldi, usus doctrina.

Jacobus  
Bononiae  
vacat li-  
teris.

Hic aureum illud *de felicitate* opusculum scripsit instinctu Jacobi, eidemque illud adscripsit; virtutes ejus Domusque splendorem & antiquitatem mire extollens. „Hæc stemmata, inquit, tam clara, tam splendida, non te insolentem reddunt,

A Be-  
roaldo  
laudatur.

JACOB. II.

„ ut multos, sed comem, affabilemque præstant, ut paucos, scientemque Literaturæ istius politioris, cujus nos jam pridem sumus Professores. „ Paulo post addit: „ Voluisti, ut domus tua nova quasi quædam me ductore & doctore Academia efficeretur. „ Jam ante dixerat Beroaldus: „ Tu vero, Clarissime Jacobe, in amplissimis fortunarum bonis positus, imperatorio stemmate præfulgens, inter opes Principales indulgenter enutritus juvenis, imo adolescens adhuc studia litterarum sitienter amplexaris, doctos foves, dasque jugiter operam, ut natalium tuorum splendor eruditione magis magisque illustretur. &c. Degis hic (Bononiæ) nitide & magnificentè, famulatio copioso, comitatu decentissimo, cultu splendidissimo monstrabilis - - - Agis prorsus Principem, maximique Principis filium. „

In fine Opusculi laudes Jacobi his repetit verbis: „ Tres nuper quoque regulos Badenses, lautos, magnificos, probos dedisti, Germania; inter quos Jacobus enitescit lingua, dexteritate, comitate, cultu, mundiciis, nitore, victu clarus, munificus, potens, disertus: splendorque & columen Scholasticorum. At Germania præpotens alumnos ad nos consimiles subinde mitte. „

## §. II.

Aliquantum temporis Bononiæ humaniores litteras quum iter ejus  
 tractasset Jacobus, induxit eum Johannes, propatruus ejus, Elector, <sup>Roma-  
num.</sup>  
 ut commendatione Maximiliani, Romanorum Regis, & Christophori  
 patris munitus, Romam ad Innocentium VIII. Pontificem iter sus-  
 ciperet. Perhumaniter ab eo exceptus est Jacobus. Diserta ora-  
 tione adventus sui causam quum exposuisset Pontifici, atque patro-  
 cinio ejus sese commendasset, (a) raram adolescentis indolem &  
*suavissimum ingenium honestissimosque mores* admiratus Pontifex  
 summo cum favore gratiaque complexus est; *filium* amanter ap-  
 pellans. (b) In Moguntina, Trevirensi & Salisburgenfi pro-  
 vinciiis tria ei reservavit beneficia. (c) Rectoralem Salisburgen-  
 sis diocesis Ecclesiam Serkirchen, quæ tum vacabat, d. VI. Id.  
 Julii ejusdem anni contulit Jacobo. (d) Romæ cum ageret, ve-

Tom. II.

Rr

(a) Orationem hanc exhibet MULLERVS *Rastad. in Diario Itineris Jacobo*  
 apud WIMPFELING. in *Append. ad AENEAE SYLVII Germani-*  
*niam.*

(b) Vide litteras Cardinal. Andegav. ad Christophor. March. in *Diario alle-*  
*gato.* \*

(c) IV. Kal. Febr. A. 1490.

(d) MULLERVS in *Diario* alleg.

JACOB. II.

teris Romæ curiosus, quam sollicitè perscrutatus est, duos Monumentorum libros congeffit, quorum mentionem faciunt BROWERUS (e) atque JUNGLERUS. Jacturam eorum non sine causa dolemus. (f)

Diarium  
itineris.

Itineris sui Comitem habuit Jacobus Johannem de Berwangen, Hachbergenfis Provinciæ præsidem; cui pater Magistrum Adamum Fry, Ecclesiæ Badensis Cantorem, atque Johannem Mullerum de Rastetten, Juris utriusque Doctorem & Decanum Badensem, adjunxerat. MULLERUS Romanum Jacobi iter brevi consignavit Diario, cui Pontificis, Cardinalium, Friderici & Maximiliani Cæsarum atque Christophori Marchionis literas inseruit.

## §. III.

Pontificis de eo  
testimonium.

Relicta denique Roma Jacobus A. 1490. reversus est domum cum literis, quas Pontifex ad Christophorum rescripsit. In illis inter alia Innocentius ait: „ Visus est nostro testimonio & „ commendatione dignissimus. Nam ita se in hac Curia gessit, „ & tam laudabiliter versatus est, ut ab omnibus maxime laudari meruerit, & nos non potuerimus virtutis ac morum ejus

(e) *Annal. Travir.* Lib. XX. pag. 320.

(f) JUNGLERUS eos laudat; at nunquam se vidisse testatur.

„ tuæ magnificentiæ testimonium non perhibere. „ Hortatur denique Marchionem, ut ad ampliora dignitatis præmia consequenda, filium in Italiam quamprimum remittat. (g) Propensior in statum secularem tum videbatur Jacobus. At vacillantem pater in priore firmavit proposito.

Alterum ergo eodem anno iter Romam suscepit Jacobus; postquam Maximilianum, Romanorum Regem, adversus Hungaros copias ducentem, invississet. Ab eo & Friderico IV. Imp. amplissimas ad Innocentium Pontificem literas denuo obtinuit, in quibus apud Pontificem Jacobo se usurum esse legato professus est Cæsar. (h)

Iter Rom.  
lidum.

#### §. IV.

Jacobus ab altero itinere Italico circa A. 1493. in Germaniam redux, ab Archiepiscopo Trevirensi consentiente Alexandro VI. Adjutor assumptus; triennio post, vigesimum quintum ætatis annum vix egressus, Imperialis Cameræ constitutus est Judex.

Fit Coad-  
jutor  
Trev. &  
Judex  
Cam. Imp.

Tom. II.

Rr 2

(g) Extant litteræ apud MVLLE RV M loc. alleg.

(h) Confer vitam Johannis Archiepiscopi, quam supra exposui, ad A. 1491, & Bullam Julii II. Pont. apud HONTHEM. *Hist. Trevir. Diplom.* pag. 569.

JACOB. II.

Cameralis Imperii Judicium A. 1495. die 31. Octobr. Francofurti cum aperuisset Cæsar, Eitelio Friderico, Zolleræ Comiti, præsidium commisit. Zolleranus dignitatem die 9. Dec. A. 1496. resignavit Jacobo. (i)

Fit Ele-  
stor. Tre-  
virensis.

Mortuo patruo Jacobi, Electore Trevirensi, A. 1503. inter Canonicos ortum est schisma; aliis Georgium, Comitem Palatinum, Ecclesiæ Moguntinensis Præpositum, aliis Jacobum nostrum, quem jam antea probaverant, successorem eligentibus. (k) Bellum intestinum imminere videbatur. Sed Maximiliani Cæsaris, summique Pontificis Alexandri VI. auctoritate res fuit composita. Georgius tiam relicto Jacobo, qui in Comitibus Haguenensibus A. 1505. V. Id. April. a Cæsare investituram accepit; cum jam biennio ante Conventui Electorum Francofurtano interfuisset, in quo Unioni Electorali accesserat. (l)

(i) L. B. DE HARPPRECHT *Staats-Archiv des Cammergerichts* Part. II. p. 49. & 214.

(k) *Gesta Trevirorum* Cap. 173. in HONTHÉMI *Prodromo Histor. Trevir.* Parte posteriore pag. 857. TRITHÉMIUS in *Chron. Hirsaug.* ad A. 1503. ROBERTVS in *Gallia Christiana* p. 162. male Jacobum A. 1505. demum patruo successisse refert.

(l) MÜLLER. sub Maximiliano I. Part. II. Cap. 7. & HONTHÉMI. *Histor. Trevir. Diplom.* Tom. II. pag. 564. ubi unionis illius tabulæ extant.

## §. V.

Eodem anno celebrata sunt Coloniae Agrippinae Comitibus, <sup>Gesta</sup> in quibus cum Nuntio Apostolico latine, cum Hispanico, Gallico, Venetoque Legatis sermones, in sua cujusque lingua, instituit, (m) atque Palatino-Bavaricas lites terminare quovis modo allaboravit. In iisdem Comitibus obtinuit Elector, Imperialium Civitatis Trevirensis tributorum pars minuendae portioni suae ut serviret in posterum. (n)

A. 1507. Constantiam ad Comitibus se contulit, quae Maximilianus I. indixerat, ut de Italico itinere & expeditione, quam meditabatur, Romana cum Ordinibus deliberaret. Multae ibi de Camera Imperii constitutae sunt leges, quibus alios inter Principes Jacobus subscripsit. (o)

A. 1508. Moguntiam se contulit ad Conventum, a Caesare indictum, qui locum tamen non habuit, Caesare aliis tum ne-

Rr 3

---

(m) IMHOFF. ex Melanchthone in *Notitia Procerum* Lib. IV. Cap. 8. §. 9.

TRITHEM. in *Chron. Hirsaug.* ad A. 1505.

(n) *Gesta Trevirorum* Cap. 186.

(o) BROWERVS *Annal. Trevir.* Lib. XX. p. 325.



JACOB. II.

gotiis distracto. (p) Jacobus, domum redux, Maximilianum I. Imp. Confluentiæ hospitem paulo post recepit; annoque sequenti in Wormatiensibus Comitibus, ubi de subsidii, Cæsari contra Venetos præstandis, agebatur, (q) dissidia inter Civitatem & Episcopum Wormatiensem composuit.

Obitus. At A. 1511. compositurus ea, quæ inter Coloniensem Magistratum & cives exarserant, decessit Colonia; (r) in S. Florentii Ecclesia Confluentiæ sepultus.

---

(p) TRITHEM. in *Chron. Hirsaug.* ad A. 1508.

(q) Agit de Comitibus his TRITHEMIVS ad A. 1509. Ordines communitum ore Cæsari denegarunt subsidia, causati sumtus, quos in bellum Helveticum & in multiplicata Imperii Comitibus fecerint; quodque Cameracense fœdus & Venetum bellum absque Ordinum consensu Imperator inierit.

(r) D. 17. Apr. Alii Confluentiam ponunt. BROWER. l.c. p. 326. & PETRVS MERSSAËVS CRATEPOLIVS in *Catal. Episc. Trev.* §. 101. naturali morte obiisse scribunt Jacobum. AVCTOR *Gestor. Trev.* Cap. 173. eum mortuum refert, „ cum aliquot diebus apud Coloniam Agrippinam infirmitate laborasset. „ At MELANCHTHON, & qui eum sequitur, IMHOFFIVS in *Notitia Procerum Imperii* Lib. IV. Cap. 8. §. 9. nec non DROLINGERVS in *Lexico Basil.* Art. *Jacobus* a futuro Confluentino interfectum tradunt; eique haud obscure adulterii crimen impingunt. Haud multum abluat AVCTOR *Chron. Hassiaci* Cap. 81. apud SENCKEN-

## §. VI.

**P**roficuum Ecclesiæ suæ Antistitem fuisse Jacobum ex Mores. iis, quæ diximus, satis elucet. Plura dispersa vel oppugnerata bona ad eam reduxit; patrui sui imitatus exemplum. Cum Trevirensi Civitate litem super monetam & alia per Capitulum composuit. (s) Princeps eruditus, qui Pontificibus, Impera-

---

BERG. in *Selectis Juris & Historiarum* Tom. V. pag. 508. seq. iſtibus, a pellione Conſluentino illatis, eum obſiſſe ſcribens; quem conſutat HONTHEMIVS *Hiſtor. Trevir. Diplom.* Tom. II. pag. 584. TRITHEMIVS in *Chron. Hirſaug.* ad A. 1511. Jacobi mortem his verbis exponit.

„ Mortuus eſt Jacobus ex Marchionibus de Baden, Archiepiſcopus  
 „ Trevirorum, anno Pontificatus ſui octavo, in florida ætate, nec-  
 „ dum annorum quinquaginta. Princeps nobilis, doctus & ſatis ad  
 „ regimen eccleſiaſticum idoneus - - - - - cujus obitus quantum  
 „ contriſtaverit Chriſtophorum patrem ejus, Marchionem Badenſem  
 „ noverunt omnes, qui ejus ſunt præſentes contubernio, „

(s) BROWERVS *Anal. Trevir.* Lib. XX. pag. 322. hæc lites exponit. Inſtrumenta tranſactionis exhibet HONTHEIM *Hiſtor. Trevir. Diplom.* Tom. II. p. 575. ſeq.

toribus, Principibus propter facundiam & multiplicem doctrinam in delicio fuit.

Laudes ejus *Gestorum Trevir.* AUCTOR ANONYMUS  
his verbis enarrat: (t) „ Vir erat integer, benignus, libera-  
„ lis, literis sufficienter imbutus, quas a Philippo Beroaldo ac-  
„ cepit eratque præclari ingenii & excelsi animi, cujus susci-  
„ piendam & observandam beneficentiam idem Philippus non  
„ tacuit, - - - Principibus omnibus carus, Imperato-  
„ ri tam sanguinis affinitate, quam applicationibus dotibusque  
„ variis convinctus. Hoc uno idem Imperator Maximilianus se  
„ sapientiolem & expertiolem habere dicebat neminem, cui tu-  
„ tius regni Imperiique negotia crederet, cui singularius & spe-  
„ cialius adhaereret. Jam erat excellentissimus Princeps & Ar-  
„ chiepiscopus venerandus in opere, ut res patrias augmenta-  
„ ret, impignerata redimeret, tum ecce omnium rerum acerbis-  
„ sima mors præter spem & opinionem, inque totius Provincie  
„ dispendium illum invadit. „

In

---

(t) Cap. 173. in *Prodromo HONTHÉMI Parte Poster.* pag. 857. Add. K Y-  
RIANDER in *Annal. de Augusta Trevir.* Part. XV. pag. 211.

In eandem sententiam IRENICUS: (u) „ Alio, in-  
„ quit, me vocat Jacobus Marchio Badensis, quo nihil erudi-  
„ tius, sublimius, innocentius, præstantius, Germania produ-  
„ xit: omnibus virtutis numeris perfectus, in ejusdem (Trevi-  
„ rensis) Ecclesiæ Archiepiscopum abivit: robusto ac virili in-  
„ genio instructus, sive subita, sive meditata proferret, extem-  
„ porali facultate præditus fuit, ut tantum doctrinæ huic Beroal-  
„ dus noster præstiterit, quantum nec alteri, ut etiam elegan-  
„ tissimum de Philosophorum symbolo librum honori ejus divul-  
„ gaverit. Hunc ante diem acerba mors damnavit, quem post-  
„ quam numero viventium subtraxit, cœlestibus adjecit: Nec  
„ quicquam inter vulnere totius Marchionatus ingratus illius  
„ casu interciderere potuisset. Dum enim adhuc inter vivos con-  
„ stitit, omni virtute functus, tantos ingenii fructus, tantam de  
„ se spem dedit, qua feliciter pene tota patria nostra niteba-  
„ tur. XXX. ingressus annum in flore ætatis ab invidia fato-  
„ rum interceptus est. „

Tom. II.


Ss

---

(u) In *Exegesi Germaniæ* pag. 158.

Nummum ejus retulit HONTHEMIUS, (x) quem suo loco inter nummos exhibemus Badenses.

(x) *Hist. Trevir.* Tom. II. pag. 885. *Groschen-Cabinet* Tom. IV. Tab. XIII.  
num. 112.



CAPUT

## CAPUT V.

## P H I L I P P U S I.



## §. I.

ertiogenitus Christophori filius, excellen-  
tis ac floridi ingenii Princeps, Philippus I.

A. 1479. d. 6. Nov. Domui Badensi da-

tus; a teneris annis artibus pacis bellicae innutritus est.

Militiam Gallicam sequebatur juvenis, uti Abavus olim, Expeditione Me-  
ducibus Aureliani addictus. Ludovici Aurelianensis stipendia-  
rium fuisse Marchionem Bernhardum, suo loco ostendi. Ludovi-  
cum XII. Galliae Regem, ejusdem Aureliae Principis nepotem, in  
Italica expeditione Philippus comitatus est miles; Mediolanensem  
Ducatum, patrimonium avitum, cum Rex armis quaesivisset.  
Errat enim sepulchralis epigraphes, in Collegiata Badensi Philippo  
positae, (a) anonymus auctor, qui Mediolani expugnationem

Tom. II.

Ss 2

(a) Inscriptio infra exhibetur.

PHILIP. I.

Carolo VIII. adscribit. Hic Ludovicum Morum, Insubriae Ducem, fovit, eique solum Ducale, quod usurpaverat, firmavit. Ludovicus XII. usurpatorem evertit & A. 1500. captivum in Galliam abduxit. (b)

## §. II.

Expedi-  
tio Tur-  
cica.

Anno sequente Galliae Rex omnes vires suas in Regnum Neapolitanum convertit, decessoris sui in illud regnum jura vindicaturus. Sed & eodem tempore Venetis, gravi cum Bajazethe II. Turcarum Sultano, bello implicitis, auxilia se missurum promisit. Armata tum XX. navium classis, eique praefectus a Rege Philippus Ravensteinius, Gubernator Genuensis; sub quo Badensis noster Philippus, XXII. annorum juvenis, militari cum imperio navim ducebat. (c) Classis haec ex Portu Teloniensi solvens, A. 1501. Genuam adpulit, assumtisque ibi militibus, celeri cursu Neapolim contendit. Ibi Ravensteinius Fridericum Neapoleos Regem, maxima regni parte a Gallis pulsum, adegit, ut Aenaria insula,

---

(b) CORIO *Historia di Milano* Parte settima. GVICCIARDINI *Hist. Ital.* Lib. I. JEAN D'AVTON *Histoire de Louis XII.* Cap. 32. & 38. seqq. Autonus hic ex Augustinianorum ordine nobilis, Ludovici XII. jussu historiam ejus scripsit, quam THEODORVS GODEFREDVS edidit Lutetiae 1620.

(c) JEAN D'AVTON Chap. 45. ita scribit: „ Le Marquis de Bade estoit „ Capitaine de la nef nommée le Marais. „ In Inscriptione sepulchrali parti classis dicitur praefuisse.

(*Ischia*) quo confugerat, relicta, supplex in Galliam ad Ludovicum XII. Regem se conferret. (*d*) Neapoli Ravensteinus ipse Augusto in Archipelagum Græciæ cursum suum direxit atque ad Melum (Milo) insulam cum Venetorum classe, cui Benedictus Pisaurus præerat, sese conjunxit. Inde communi consensu maris Aegæi Asiæque minoris insulam Lesbum Galli Venetique petierunt, metropolin ejus Mitylenen, Turcarum propugnaculum, obsidione cincturi. Quo cum ventum esset, nondum expositis in terram copiis, erumpentes ex urbe Turcæ levibus proeliis Christianos lacefferunt. Badensis tum, juvenili ardore correptus, facta sibi a Ravensteinio potestate, cum exigua nobilium manu Turcæ invadit, multos cædit, reliquos in fugam compellit. (*e*) Urbs graviter obsessa, sæpiusque oppugnata, capi tamen non potuit; dominantem urbi arcem strenue quod defenderant Turcæ. Ravensteinus Gallorum & Pisaurus Venetorum Duces, multis viris fortibus amissis, obsidionem solvere coacti sunt. (*f*) Similem fortunam ante hos XXXVI. annos expertus fuerat Justinianus Ursatus, Dux Venetorum fortissimus, qui ab ejusdem urbis

S s 3

---

(*d*) AVTON Cap. 56.

(*e*) AVTON Cap. 7. pag. 284. Idem Philippus in oppugnatione urbis fortiter dimicans, grave vulnus accepit. AVTON pag. 298.

(*f*) JUSTINIANVS *Histor. Venetæ* Lib. X. pag. 211. PETRVS BEMVS *Histor. Venetæ* Lib. VI. pag. 200. AVTON Cap. 72. LEVNCLOVIT

\* *Annales Turcici* ad A. 1501.



PHILIPP. I.

oppugnatione, magna suorum clade reiectus est. (g) Galli deferentes Pisaurum cum classe discefferunt.

Finito hoc bello in Hispaniam abiit Philippus, Ferdinandum invifurus Catholicum; cujus filiam Johannam, Monarchiæ heredem, Philippus Austriacus duxit in matrimonium; nepos Friderici IV. Imperatoris; cujus sororis nepos fuerat Philippus noster Badensis.

## §. III.

Eber-  
steinen-  
fia.

In Germaniam redux, a Maximiliano I. Imp. amice acceptus est. In bello enim Palatino-Bavarico, Bernhardus, Ebersteinii Comes, Ruperto Palatino adhærens, cum eo quum fuisset proscriptus, Ebersteinensem Bernhardi Comitatus partem gratuita donatione Cæsar tradidit Philippo. Christophorus, Comitæ amicus, filium induxit, ut omnem Ebersteinii Comitatum redderet Bernhardo, ut supra ostensum. Quin & Marchicam partem silvæ Gernsperg eidem Bernhardo in feudum masculinum contulit. Bernhardus Comitatum, hucusque divisum, in unum corpus indivisum collegit, eumque Marchioni communi consilio & iure possidendum regendumque concessit, pacemque per omnia castra, vicos & oppida Ebersteinensis Comitatus perpetuam, inivit; va-

---

(g) ANTON. SABELLICVS *Histor. Rerum Venetar.* Parte altera Lib. VIII. pag. 726. JUSTINIANVS Lib. VIII. pag. 158.

fallum, Confiliarium & Ministerialem Marchionatus se dixit. (*h*)

A. 1506. Wilhelmus de Hohenstein, Argentinensis Episcopus, solenni majorum ceremonia cathedram suam occupaturus, quum urbem intrasset, comes & amicus Episcopi Philippus interfuit pompæ. (*i*)

In divisione paterna omnem ille Marchionatum Badensem, Hereditas paterna  
 et & Marchicam partem Comitatus Eberstein, Dynastiarumque Gerolzeck, Malberg & Lahr accepit; patre ejus portionem augente, quod præ fratribus vi ingenii, atque prudentia singulari polleret.

#### §. IV.

A. 1521. d. 4. Junii Carolus V. Imp. Moguntiaæ agens, Imperii  
 Hieronymum Brunnerum, Advocatum Keisersbergensem, ad negotia tractat.  
 Philippum Marchionem Badensem, (*k*) cum literis misit, ut eum de suscepto contra Regem Galliaë bello certiorum faceret,

---

(*h*) Der Marggravschafft Baden Mann, Rath und Diener. In Christophoro Marchione Ebersteinia hæc quoque attigi, ad quæ redeundum Lectori.

(*i*) Chron. Msspt. Anonymi Argent. Add. HERZOGII Chron. Alsat. Lib. IV. pag. 119.

(*k*) Cæsar eum vocat „Den Hochgebornen Philippen Marggraven zu Baden  
 „ u. Grafen zu Spanheim, unsern lieben Oheim, Fursten, Rath und  
 „ Statthalter unsers Lands Lutzemburg. „

ejusdemque Regis consilia manifestaret, qui Alsatiam, Sundgovian, Brisgoviam & Nigram silvam, Ulrici Wirtenbergici, Ducatu suo exulantis, ut & Comitis Wilhelmi de Fürstenberg auxilio invadere decreverat; terris suis ut restitueret Ducem. Rogatur Philippus, ut Comitibus provincialibus, Enfishemii propediem habendis, interfit; de securitate communi servanda cum ceteris deliberet, fœdus mutue defensionis, a patre ejus Christophoro ratione Hachbergicæ & Rœtelanæ ditionum cum Austriacis provinciis olim initum, renovet, atque ad terras Badenses, Episcopum Argent. & Ducatum Wirtenberg. illud extendat; fœderis hujus præsidium bellicæ summam potestatem suscipiat. Comparuit Enfishemii Philippus cum Wilhelmo Præfule Argentinensi, eoque fratrem quoque suum Ernestum invitavit. Aderant ibidem pro Cæsare Rudolfus, Sulzensis Comes, Georgius de Firmian, Marechallus, & Hieronymus Brunnerus. At omne hoc Alsatobrisgovicum bellum suffocatum in partu.

Extinctum Regimentum Imperii Carolus V. Procerum impulsu A. 1521. cum restaurare cogeretur, in patris viventis locum Philippus huic Senatui adscriptus est. (1) Imo in Comitibus A. 1523. Cæsarei Præsidis functus est munere. (m) Anno sequente Cæsaris & Ferdinandi in Imperii Regimento vices peregit;

---

(1) RECESSVS IMP. Tom. II. pag. 205.

(m) REC. IMP. A. 1523.

git; (n) quod & in Comitibus, A. 1526. Eslingæ Turcici belli causa habitis, factum esse, ex Recessu Imperii, in quo ut Præfles primo loco nominatur, comperimus.

## §. V.

Politica hæc inter negotia rabidus ille rusticorum furor <sup>Bello Rustica-  
no invol-  
vitur.</sup> erupit; cujus contagium mox Sueviam, Alsatiam, Franconiam, Thuringiam, aliaque loca infecit. In tractu Spirigoviæ, qui vulgo *Brurhein*, (o) cujus caput Bruchsalia, vicus est *Malsch*, ubi rusticorum turba classicum cecinit circa Martias Kalendas A. 1525. Durlacenses, Philippo Marchioni subiecti, seditionis participes, Principis Præfecto carceri incluso, bis mille quingentos tumultuantium rusticorum in suum oppidum receperunt. In vico Barghausen multi quoque rebelles reperti sunt. Domos eorum exussit Philippus. Rustici, facti ferociore, Godesaviæ, Albæ Dominorum, Albæ Dominarum aliaque cis & trans Rhenum Monasteria occuparunt, diripuerunt. Periere tum Docu-

Tom. II

Tt

(n) MULLER. in *Staats-Cabinet* Part. I. Cap. 4. §. 30. seqq. Anno hoc cum Friderico Palatino ad Senatum Argentinensem in religionis causa literas scripsit. SLEIDAN. Lib. IV. p. 100.

(o) *Brurhein*, *Brusal*, communem habent nominis originem. Sal a copia fælis, quo locus ille abundaverat olim. *Rain* collem molliter declivem notat, qualis amœnus ille collis est, qui Bruchsaliam ambit.

menta & Chartæ Cœnobiorum, quod & permultis in Alsatia superiore ac inferiore Monasteriis evenit. Tot malis commotus Marchio noster ingressus est clementiæ viam. Rebelles, a Principe in gratiam recepti, ad obsequium redierunt. Quibus conditionibus id factum sit, nec Crinitus, (p) nec Leodius, (q) nec Gnodalius, (r) bellorum rusticanorum scriptores, nec alii illius temporis exponunt. Id tamen certum, quod Marchia tranquilla, belli hujus flamma in Spirigovia, Palatinatu & Alsatia adhuc duraverit.

## §. VI.

Res Sue-  
viæ ordi-  
nat.

A 1531. & 1532. Philippus noster cum Philippo, Comite Palatino Rheni, insigni illo belli heroe, cui pro defensione nuper contra Turcas Vindobonæ præmio Wirtembergici Ducatus, Ulrico erepti, regimen concesserat Cæsar, varia Sueviæ Ordinum Comitia celebravit, in quibus sua potissimum auctoritate publi-

---

(p) PETRVS CRINITVS (*Harer*) Electori Palatino a secretis in *Historia Rusticorum tumultuum* Alberto Cardinali & Electori Moguntino, qui A. 1545. decessit, dedicata Cap. 24. apud FREHERVM *Scriptor. Rer. Germ.* Tom. III. p. 147.

(q) HVB. THOMAS LEODIVS *Historia seditionis rusticane* pag. 290. apud FREHERVM loc. alleg.

(r) PETRVS GNODALIVS *de Rusticis tumult.* Lib. II. pag. 145. apud SCHARD. *Scriptor.* Tom. II.

cum Sueviæ statum Marchio ordinavit; Dux Suevici Circuli cum Philippo Palatino creatus. (s)

Obiit Philippus A. 1533. (t) XVII. Sept. cum vixisset <sup>Obitus Phil. I.</sup> annos L. IV. menses X. dies VIII. Badæ sepultus; ab Ernesto, fratris virtutum æmulo, sepulchrali monumento in Ecclesia Collegiata ornatus. (u)

Tom. II.

Tt 2

(s) *Schwabische Creyß-Abchied* de dato *Esslingen* 18 Apr. 1531. & *Weil* 9. Jul. 1532.

(t) CHYTRÆVS in *Chronico Saxonie* Lib. III. pag. 129. Philippum A. 1539. mortuum asserit; sexennii errore.

(u) Epitaphium hoc est:

FID. DEI S.

ILLUSTRI PR. PHILIPPO MARCHIONI BADENSI  
HABITU CORPORIS ET DIGNITATE FORMÆ  
SINGULARI EQUESTREM MILICIAM PRIMUM  
SUB CAROLO VIII. R. FR. AD MEDIOLANUM  
EXPUGNATUM OBEUNTI MARI PARTIS CLASSIS  
AD MITYLENEN OPPUGNATAM PRAEFECTO  
HISPANIIS GALLIISQUE PERAGRATIS IMPERII  
AUGUSTI SUB CAROLO QN. CAESARE PER  
GERMANIAM VICARIO TERRA MARIQUE  
MAGNARUM RERUM USUM EXPERTO DOMI  
PRUDENTIA ET MODERATIONE AD CIVES  
BENE DE PATRIA MERITO PR. ERNESTUS

## §. VII.

Chara-  
cter ejus.

Ceterum Philippus noster Literarum & Literatorum, speciatim Francisci Irenici, Etlingæ in terris Badensibus nati, fuit fautor insignis. Vitam ejus duobus libris conscripsit IRENICUS, temporum qui perierunt injuria. Alio in loco (x) eum ita alloquitur: „Hæc ob tuam voluntatem ingressus sum, Philippe, Princeps maxime, & quæ ad nominis tui gloriam attinere vidimus. Reliqua, quæ de te concepimus, duobus libris absolvimus, qui postquam satis maturuerint, auspicio fidere æque in vulgus abibunt. „ Scripsit hæc IRENICUS A. 1518. Hagenoæ, ubi prima Germaniæ Exegeſis tum prædixit editio.

Idem IRENICUS Hieronymum Aleandrum & Philippum Beroaldum Philippi nostri Marchionis laudes celebrasse memorat (y) his verbis: „Philippus felici sydere tredecimus, Marchio Badensibus obvenit, ab Hieronymo Aleandro ac Philippo Beroaldo tot laudibus profecutus, qui & nostro ævo ad miniftrandæ reipublicæ natus, Marchionatum pace atque bel-

---

FRATRI GERMANO EX TESTAMENTO POSUIT  
VIXIT ANNOS LIV. MENSES X. DIES X.  
OBIIT ANNO CHRISTI MDXXXIII. MENS.  
SEPTEMBRI DIE XVII.

(x) *Exegeſtos Germaniæ* Lib. III. Cap. 104. pag. 160.

(y) Lib. III. Cap. 100. pag. 158.

„ lo inclitus, iusto fasce, regimine subditos auspiciatissimo con-  
 „ fervat atque ampliat. „

Favit ille religioni Lutheranae per aliquot annos; at <sup>Favet</sup>  
 A. 1532. pastores Evangelicos ejecit, Caroli V. Imp. in Sueviam <sup>Luthera-</sup>  
 adventu, ut videtur, perterritus. Protestantium sacra tamen <sup>nia.</sup>  
 aperte professus est nunquam. Cancellarius ejus Vetus in Wor-  
 matiensibus Comitiis 1521. docta oratione studuit persuadere Lu-  
 thero, ut ab instituto desisteret. Jo. Ungererus, concionator Phi-  
 lippi permittente eo, matrimonium inivit. A. 1529. & 30. Dur-  
 lacii impressa est Germanica versio partis Bibliorum Lutheri. (z)

## §. VIII.

Philippi conjux fuit Elisabetha, Philippi Electoris Palatini <sup>Uxor &</sup>  
 filia; Wilhelmi Hassiae Landgravii vidua; cum qua A. 1503. nu- <sup>Liberi.</sup>  
 ptias celebravit. Elector filiae suae dedit in dotem Spanheimensis  
 Conitatus partem, quam Fridericus Palatinus Badensi eripuerat  
 Carolo. Oblit Elisabetha A. 1522. d. 24. Junii. Cum ea Philip-  
 pus VI. genuit liberos.

1. Jacobea A. 1507. die 25. Junii nata; quae Wilhelmo Ba-  
 variae Duci nupsit A. 1522. † 1580. 15. Nov.

2. Philippus natus 1508. † 1509. 16. Febr.

Tt 3

---

(z) In Bibliotheca Bada-Durlacensi, quae Basileae servatur, Bibliorum hujus  
 typi extat exemplum, forma, quam quartam appellant.



3. Philippus Jacobus statim post baptismum mortuus 1511.

4. Maria Eva nata 1513. 10. Jan. post baptismum quoque defuncta.

5. Johannes Adamus natus & denatus 1516.

6. Maximilianus Cæsar natus & denatus 1519.

• Pacta de  
successio-  
ne Phil.

Jacobeæ ex liberis his sola patri quum fuisset superstes, terræ ad Philippi fratres, Bernhardum atque Ernestum, pervenerunt. Idem cum Wilhelmo Bavarie Duce, affine suo, super hereditatem fratris transactionem inierunt die Veneris post Judica A. 1534. Bernhardus quum decessisset A. 1537. tutores filiorum ejus, Wilhelmus Bavarie Dux & Johannes Simmerensis, cum Ernesto Bada-Durlacensi, circa Philippi successionem ejusque debita, nova pacta inierunt; (a) quæ tamen a pupillis, majorem ætatem adeptis, Philiberto & Christophoro, & præsertim ab hujus filio, Eduardo Fortunato, fuerunt neglecta.

Philippus Marchio, masculis qui successoribus caruit, claudit Tomum secundum. Fratres propagatores Gentis exhibet tertius.

(a) Conf. *Grundlicher wahrhafter Bericht Ernst Friederich* pag. 10.

FINIS TOMI II.

Aol 1475411







